



唐 張守節 正義席 裴 駰 集解漢 司馬遷 撰

中華書局

第

四三至卷六〇(世家)

卷

册

史記卷四十三

趙世家第十三

|惡來,事對,爲周所殺,其後爲|秦。 |惡來弟日|季騰,其後爲趙。 趙氏之先,與秦共祖。至中衍,八二爲帝大戊御。其後世蜚廉有子二人,而命其一子曰

[二]正義]中音仲。

巡狩,見西王母,「『〕樂之忘歸。而徐偃王反,「『〕繆王日馳千里馬,攻徐偃王,「к〕 大破之。 周繆王。造父取驥之乘匹,〔三〕與桃林〔三〕盗驪、驊騮、緑耳,獻之繆王。 繆王使造父御,西 季勝生孟增。 孟增幸於周成王,是爲宅皋狼。「一」皋狼生衡父,衡父生造父。造父幸於

[一] [樂解] 徐廣曰:「或云皋狼地名,在西河。」 [索隱] 按:如此說,是名孟增號宅皋狼。 而徐廣云「或曰皋狼 地名, 在西河」。 按地理志,皋狼是西河郡之縣名,蓋孟增幸於周成王,成王居之於皋狼,故云皋狼。

乃賜造父以趙城、「も〕由此爲趙氏。

[索隱] 言造父取八駿,品其色,齊其力,使馴調也。 並四日乘,並兩日匹。 正義一乘,食證反。 並四日乘、兩日

世家第十三

趙

匹。取八駿品其力,使均馴。

[] [正義] 括地志云:「桃林在陝州桃林縣,西至潼關,皆爲桃林塞地。 山海經云夸父之山,北有林焉,名日桃林,廣

[P] [索隱] 穆天子傳日「穆王與西王母觴於瑶池之上,作歌」,是樂而忘歸也。 譙周不信此事,而云「余常聞之,代俗 問三百里,中多馬,造父於此得驊騮、

聚耳之乘獻周穆王也。」

以東西陰陽所出入,宗其神,謂之王父母。或曰地名,在西域,有何見乎」。

[三][正義]括地志云:「大徐城在泗州徐城縣北三十里,古之徐國也。博物志云『徐君官人娠,生卵,以爲不祥,弃於 君。後鵠倉臨死生角而九尾,實黄龍也。鵠倉或名后倉也」。」 水濱。孤獨母有犬名鵠倉,衡所弃卵以歸,覆煖之,遂成小兒,生偃王。故宫人聞之,更收養之。及長,襲爲徐

「六」索隱] 譙周曰:「徐偃王與楚文王同時、去周穆王遠矣。且王者行有周衛, 豈聞亂而獨長驅日行千里乎。」並言 此事非實也

[七][正義] 晉州趙城縣即造父邑也。

自造父已下六世至奄父,曰公仲,周宣王時伐戎, 爲御。及千畝戰、二一奄父脱宣王。

奄父生叔帶。叔帶之時,周幽王無道,去周如晉,事晉文侯,始建趙氏于晉國。 [一][正義] 括地志云:「千畝原在晉州岳陽縣北九十里也。」

自叔帶以下,趙宗益興,五世而(生)[至]趙夙。

曰「霍太山爲祟」。使趙夙召霍君於齊, 趙夙,晉獻公之十六年伐霍、魏、耿,而趙夙爲將伐霍。 復之, 以奉霍太山之祀, 霍公求犇齊。〇〇晉大旱,卜之, 晉復穰。 晉獻公賜趙夙

耿。[三]

[二][集解]徐廣曰:「求,一作『來』。」

[三] 索隱] 杜預曰:「耿、今河東皮氏縣耿鄉是。」

夙 生共孟,當魯閔公之元年也。共孟生趙衰,字子餘。[一]

[索隱] 系本云公明生共孟及趙夙,夙生成季衰,衰生宜孟盾。 左傳云衰,趙夙弟。 而此系家云共孟生衰,譙周亦

以此爲誤耳。

亡奔翟,趙衰從。翟伐廧咎如,得二女,翟以其少女妻重耳, 耳在晉時,趙衰妻亦生趙同、趙括、趙嬰齊。 爲晉文公,趙衰爲原大夫,居原,任國政。〔一〕文公所以反國及霸,多趙衰計策。語在晉事 趙衰卜事晉獻公及諸公子,莫吉, 、卜事公子重耳,吉, 趙衰從重耳出亡,凡十九年, 長女妻趙衰而生盾。 即事重耳。 重耳以驪姫之亂 得反國。 初, 重耳 重

一][索隱]系本云:「成季徙原。」宋忠云:「今鴈門原平縣也。」 南三十五里。」崞音郭。按:朱忠説非也。括地志云:成原城在懷州濟原縣西北二里。 [正義] 括地志云:「原平故城,漢原平縣也,在代州 左傳云襄王以原

趙世

家第

十三

賜晉文公,原不服,文公伐原以示信,原降,以趙衰爲原大夫,卽此也。 原本周畿内邑也。」

六年,而趙衰卒,謚爲成季。 趙衰既反晉,晉之妻固要迎罹妻,而以其子盾爲適嗣, 晉妻三子皆下事之。晉襄公之

君。」趙盾患之,恐其宗與大夫襲誅之,迺遂立太子,是爲靈公,發兵距所迎襄公弟於秦 時在秦,使使迎之。太子母(二)日夜啼泣,頓首謂趙盾曰:「先君何罪,釋其適子而更求 靈公既立,趙盾益專國政。 趙盾代成季任國政二年而晉襄公卒,太子夷皋年少。盾爲國多難,欲立襄公弟確。

[一]索隱 穆嬴也。

境,而趙穿弑靈公而立襄公弟黑臀,是爲成公。 盾見之。 不出境,反不討賊」,故太史書曰「趙盾弑其君」。 靈公立十四年,益驕。 靈公由此懼,欲殺盾。 趙盾驟諫,靈公弗聽。及食熊蹯,胹不熟,殺宰人,持其尸出,趙 盾素仁愛人,嘗所食桑下餓人反扞救盾,盾以得亡。未出 趙盾復反,任國政。君子譏盾「爲正卿, 晉景公二時而趙盾卒,謚爲宜孟,子朔

[一] 索隱 成公之子,名據。

嗣。

免身,生男。屠岸賈聞之,索於宫中。夫人置兒絝中,祝曰:「趙宗滅乎, 死。]程嬰曰:「朔之婦有遺腹,若幸而男,吾奉之,卽女也,吾徐死耳。」居無何,而朔婦 誅其後,是非先君之意而今妄誅。妄誅謂之亂。臣有大事而君不聞,是無君也。」屠岸賈 何以懲辠?請誅之。」韓厥曰:「靈公遇賊,趙盾在外,吾先君以爲無罪,故不誅。今諸君將 作難,乃治靈公之賊以致趙盾,徧告諸將曰:「盾雖不知,猶爲賊首。以臣弑君,子孫在朝, 然亦君之咎。至孫,趙將世益衰。」屠岸賈者,始有寵於靈公,及至於景公而賈爲司寇,將 而笑,拊手且歌。盾卜之,兆絶而後好。趙史援占之,曰:「此夢甚惡,非君之身,乃君之子, 無聲。」及索,兒竟無聲。已脱,程嬰謂公孫杵臼曰:「今一索不得,後必且復索之, 賈不請而擅與諸將攻趙氏於下宫,殺趙朔、趙同、趙括、趙嬰齊,皆滅其族。 不聽。韓厥告趙朔趣亡。朔不肯,曰:「子必不絶趙祀,朔死不恨。」韓厥許諾,稱疾不出。 [一] (集解) 徐廣曰:「按年表,救鄭及誅滅,皆景公三年。」 趙朔妻成公姊,有遺腹,走公宫匿。趙朔客曰公孫杵臼,杵臼謂朔友人程嬰曰:「胡不 趙朔,晉景公之三年,朔爲晉將下軍救鄭,與楚莊王戰河上。 晉景公之三年,大夫屠岸賈欲誅趙氏。〔一〕初,趙盾在時,夢見叔帶持要而哭,甚悲;已 世 家 第 + 朔娶晉成公姊爲夫人。 若號,即不滅,若

奈何?

趙

皆喜,許之,發師隨程嬰攻公孫杵臼。杵臼謬曰:「小人哉程嬰!昔下宫之難不能死,與我 罪?請活之,獨殺杵臼可也。」諸將不許,遂殺杵臼與孤兒。諸將以爲趙氏孤兒良已死,皆 謀匿趙氏孤兒,今又賣我。縱不能立,而忍賣之乎」抱兒呼曰:「天乎天乎!趙氏孤兒何 中。程嬰出,謬謂諸將軍曰:「嬰不肖,不能立趙孤。誰能與我千金,吾告趙氏孤處。」諸將 厚,子彊爲其難者,吾爲其易者,請先死。」乃二人謀取他人嬰兒負之,衣以文葆,仁〕匿山 公孫杵臼曰:「立孤與死孰難。」程嬰曰:「死易,立孤難耳。」公孫杵臼曰:「趙氏先君遇子

之,矯以君命,并命羣臣。非然,孰敢作難!微君之疾,羣臣固且請立趙後。今君有命,羣 因韓厥之衆以脅諸將而見趙孤。趙孤名曰武。諸將不得已,乃曰:「昔下宫之難,屠岸賈爲 乎。」韓厥具以實告。於是景公乃與韓厥謀立趙孤兒,召而匿之宫中。諸將人問疾,景公 喜。然趙氏真孤乃反在,程嬰卒與俱匿山中。 未嘗絶祀。今吾君獨滅趙宗,國人哀之,故見龜策。唯君圖之。」景公問:「趙尚有後子孫 及周天子,皆有明德。下及幽厲無道,而叔帶去周適晉,事先君文侯,至于成公,世有立功, 「大業之後在晉絕祀者,其趙氏乎。夫自中衔者皆嬴姓也。中衍人面鳥噣,降佐殷帝大戊, [一] [樂解] 徐廣日:「小兒被日葆。」 居十五年,晉景公疾,卜之,大業之後不遂者爲祟。景公問韓厥,厥知趙孤在,乃曰:

臣之願也。」於是召趙武、程嬰徧拜諸將, 遂反與程嬰、趙武攻屠岸賈, 滅其族。 復與趙武

田邑如故。〔〕〕

(一) (樂解) 徐廣曰:「推次、晉復與趙武田邑、是景公之十七年也。而乃是春秋成公八年經書『晉殺其大夫趙同、趙 括』,左傳於此説立趙武事者,注云『終説之耳,非此年也』。」

秋祠之,世世勿絶。〔一〕 我思立趙氏之後。今趙武既立,爲成人,復故位,我將下報趙宣孟與公孫杵臼。」 成事,故先我死;今我不報, 頓首固請, 及趙武冠,爲成人,程嬰乃辭諸大夫,謂趙武曰:「昔下宫之難,皆能死。 日:「武願苦筋骨以報子至死,而子忍去我死乎」」程嬰曰:「不可。 是以我事爲不成。」遂自殺。 趙武服齊衰三年,爲之祭邑, 我非不能死力 彼以我爲能 趙武帝泣

一〕 (樂解) 新序曰:「程嬰、公孫杵臼可謂信友厚士矣。 嬰之自殺下報,亦過矣。」 正義]今河東趙氏祠先人,猶别

舒一座祭二士矣。

趙氏復位十一年,而晉厲公殺其大夫三郤。 樂書畏及,乃遂弑其君厲公,更立襄公曾

孫周、二是爲悼公。晉由此大夫稍彊。 一)集解 徐廣日:「年表云襄公孫也。」 索隱 晉系家襄公少子,名周

趙 世

家 第 + Ξ

趙武續趙宗二十七年,晉平公立。平公十二年,而趙武爲正卿。十三年,吴延陵季子

一七八六

使於晉,曰:「晉國之政卒歸於趙武子、韓宣子、魏獻子之後矣。」趙武死,諡爲文子。

後卒歸田氏。」叔向亦曰:「晉國之政將歸六卿。六卿侈矣,而吾君不能恤也。」 文子生景叔。「一」景叔之時,齊景公使晏嬰於晉、「三」晏嬰與晉叔向語。 嬰目:「齊之政

[一] [索隱] 孫本云:「景叔名成。」

[三] 集解]徐廣曰:「平公之十九年。」

趙景叔卒,生趙鞅,是爲簡子。

趙簡子在位,晉頃公之九年,簡子將合諸侯戍于周。其明年,人周敬王于周,辟弟子朝

之故也。

晉頃公之十二年,六卿以法誅公族祁氏、羊舌氏,分其邑爲十縣,六卿各令其族爲之大

个。晉公室由此益弱。

後十三年,魯賊臣陽虎來奔,趙簡子受賂,厚遇之。

趙簡子疾,五日不知人,大夫皆懼。醫扁鵲視之,出,董安于問。〇二扁鵲曰:「血脈治

也,而何怪!在昔秦繆公嘗如此,七日而寤。寤之日,告公孫支與子輿「〕曰:『我之帝所

甚樂。吾所以久者,適有學也。帝告我:「晉國將大亂,五世不安,其後將霸,未老而死; **|襄公敗||秦師於||殽而歸縱淫,此子之所聞。今主君之疾與之同,不出三日疾必閒,閒必有言** 霸者之子且令而國男女無别。」』公孫支書而藏之,秦讖於是出矣。獻公之亂,文公之霸,而

〔三〕[索隱] 二子,秦大夫公孫支、子桑也。〔二〕[樂解] 韋昭曰:「安于,簡子家臣。」

壯也,以賜之。』帝告我:『晉國且世衰,七世而亡,<</td>三嬴姓將大敗周人於范魁之西、三面 之,中羆,羆死。 亦不能有也。今余思虞舜之勳,適余將以其胄女孟姚配而七世之孫。』」「『」董安于受言而 書藏之。 三代之樂,其聲動人心。 居二日半,簡子寤。 以扁鵲言告簡子,簡子賜扁鵲田四萬畝。 帝甚喜,賜我二笥,皆有副。吾見兒在帝側,帝屬我一濯犬,曰:『及而子之 有一熊欲來援我,帝命我射之,中熊,熊死。又有一羆來, 語大夫曰:「我之帝所甚樂,與百神游於劉天,廣樂九奏萬舞,不類 我又射

一][正義]謂晉定公、出公、哀公、幽公、烈公、孝公、静公爲七世。静公二年,爲三晉所滅。 據此及年表,簡子疾在定

公十一年。

二] 索隱] 范魁,地名,不知所在,蓋趙地。 [正義] 嬴,趙姓也。周人謂衞也。晉亡之後,趙成侯三年伐衞,取都鄙

七十三是也。賈逵云「小阜曰魁」也。

[三] [索隱] 卽娃嬴,吴廣之女。姚,姓;孟,字也。七代孫,武靈王也。

從者以聞。簡子召之,曰:「譆,吾有所見子晰也。」「一」當道者曰:「屏左右,願有謁。」簡子 者曰:「帝令主君射熊與羆,皆死。」簡子曰:「是,且何也。」當道者曰:「晉國且有大難, 屏人。當道者曰:「主君之疾,臣在帝側。」

簡子曰:「然,有之。子之見我,我何爲。」當道 也。濯犬者,代之先也。主君之子且必有代。及主君之後嗣,且有革政而胡服,任司并二國 帝屬我一翟犬,曰『及而子之長以賜之』。夫兒何謂以賜濯犬。」當道者曰:「兒,主君之子 也。」「順」當道者曰:「主君之子將克二國於濯,皆子姓也。」「图」簡子曰:「吾見兒在帝側, 主君首之。帝令主君滅二卿,夫熊與羆皆其祖也。」〔三〕簡子曰:「帝賜我二笥皆有副,何 於濯。」「キ〕簡子問其姓而延之以官。當道者曰:「臣野人,致帝命耳。」遂不見。簡子書藏之 他 日,簡子出,有人當道,辟之不去,從者怒,將刃之。 當道者曰:「吾欲有謁於主君。」

[一] [索隱] 簡子見當道者,乃寤曰:「 囍,是吾前夢所見,知其名曰子晰者。」

三正義一范氏、中行氏之祖也。

[三][正義]副謂皆子姓也。

[四] 正義 謂代及智氏也。

[三][正義] 今時服也,廢除裘裳也。

[六][正義] 武靈王略中山地至寧葭,西略胡地至樓煩、榆中是也。

先得者賞。」諸子馳之常山上,求,無所得。毋卹還,曰:「已得符矣。」簡子曰:「奏之。」毋 卹曰:「從常山上臨代,代可取也。」〔□〕簡子於是知<u>毋</u>卹果賢,乃廢太子伯魯,而以毋卹爲太 必貴。」自是之後,簡子盡召諸子與語,毋卹最賢。簡子乃告諸子曰:「吾藏寶符於常山上, 起曰:「此真將軍矣!」簡子曰:「此其母賤,翟婢也,奚道貴哉。」」子卿曰:「天所授,雖賤 氏其滅乎。]子卿曰:「吾嘗見一子於路,殆君之子也。」簡子召子毋卹。毋卹至,則子卿 異日,姑布子卿气〕見簡子,簡子徧召諸子相之。子卿曰:「無爲將軍者。」簡子曰:「趙

[一] 集解] 司馬彪曰:「姑布,姓;子卿,字。」

[三] [正義] 地道記云:「恆山在上曲陽縣西北百四十里。北行四百五十里得恆山岌,號飛狐口,北則代郡也。」

百家,吾將置之晉陽。」「二一件許諾,歸而其父兄不聽,「三一倍言。」趙鞅捕牛,囚之晉陽。乃告 後二年,晉定公之十四年,范、中行作亂。明年春,簡子謂邯鄲大夫午日:「歸我衞士五

趙世

家第

十三

氏寧。 范、中行氏,不克。 范、中行氏反伐公,公擊之,范、中行敗走。 丁未,二子曰三 奔朝歌。 趙鞅患之。 |魏以趙氏爲請。[18]十二月辛未,趙鞅入絳,盟于公宫。 其明年,知伯文子謂趙鞅曰:「范、中 行雖信爲亂,安于發之,是安于與謀也。晉國有法,始亂者死。夫二子已伏罪而安于獨在。」 **亂口己 而獨逐鞅,用刑不均,請皆逐之。」十一月, 荀櫟、韓不佞、口忌** 行氏「八」伐趙鞅,鞅奔晉陽,晉人圍之。范吉射、荀寅仇人魏襄等謀逐荀寅,以梁嬰父代 邯鄲人曰:「我私有誅午也,諸君欲誰立。」「』「遂殺午。 趙稷、涉賓以邯鄲反。 [l]晉君使籍 之,云。〕逐吉射,以范皋繹代之。[10]荀爍[1]]言於晉侯曰:「君命大臣,始亂者死。今三臣始 秦「『」圍邯鄲。荀寅、范吉射「《〕與午善,〔『」不肯助秦而謀作亂,董安于知之。 安于曰:「臣死,趙氏定,晉國寧,吾死晚矣。」遂自殺。 趙氏以告知伯, 魏哆江西奉公命以伐 十月、范、中 然後趙

集解 服虔曰:「往年趙鞅圍衞,衞人恐懼,故貢五百家,鞅置之邯鄲,又欲更徙於晉陽。」 服虔曰:「午之諸父兄及邯鄲中長老。」

杜預日:「午,趙鞅同族,别封邯鄲,故使邯鄲人更立午宗親也。」

【四】【集解】服虔曰:「稷,午子。」

五] 集解] 左傳日籍秦此時爲上軍司馬。 索隱」據系本,晉大夫籍游之孫,籍談之子。

太][索陽]范氏,晉大夫隰叔之子,士萬之後。萬生成伯缺,缺生武子會,會生文叔燮,燮生宣叔匄,匄生獻子鞅,鞅

[4][樂解] 左傳曰:「午,荀寅之甥。 荀寅,范吉射之姻。」

八丁家屬一系本云:「晉大夫逝遨生桓伯林父,林父生宜伯庚宿,庚宿生獻伯偃,偃生穆伯吴,吴生寅。 偃將中軍,晉改中軍曰中行,因氏焉。元與智伯同祖逝遨,故智氏亦稱荀。」 [正義]按:會食邑於范,因爲范 本姓荀,自荀

氏。又中行寅本姓荀,自荀偃將中軍爲中行,因號中行氏。元與智氏同承襲逝遨,姓荀氏。

「九」(集解)賈逵日:「梁嬰父,晉大夫也。」

[10] 集解] 服虔日:「范氏之側室子。」

[二] (集解) 服虔曰:「荀櫟,智文子。」 索隱一系本云:「逝遨生莊子首,首生武子罄,罄生莊子朔,朔生悼子盈,盈生

文子櫟,櫟生宜子申,申生智伯瑶。」

[一三] | 集解| 賈逵日:「范、中行、趙也。」

二三 索陽 韓簡子。

索隱 魏簡子。 系本名取。

二色 索隱范吉射、荀寅也。

(六) (樂解) 服虔曰:「以其罪輕於荷、范也。」 [正義] 按:趙鞅被范、中行伐,乃奔晉陽,以其罪輕,故韓、魏爲請晉君

而得人絳。

孔子聞趙簡子不請晉君而執邯鄲午,保晉陽,故書春秋日「趙鞅以晉陽畔」。 趙 世 家 第 + Ξ

趙簡子有臣曰周舍,好直諫。 周舍死,簡子每聽朝,常不悦,大夫請辠。簡子曰:「大夫

無罪。吾聞千羊之皮不如一狐之腋。諸大夫朝,徒聞唯唯,不聞周舍之鄂鄂,是以憂也。」「」

簡子由此能附趙邑而懷晉人。

[一] [集解] 韓詩外傳曰:「周舍立於門下三日三夜,簡子使問之曰:『子欲見寡人何事。』對曰:『願爲鄂鄂之臣,墨筆

操牘,從君之過,而日有所記,月有所成,歲有所效也。』」

晉定公十八年,趙簡子圍范、中行于朝歌,中行文子「己奔邯鄲。明年,衞靈公卒。 簡

(一) 索隱 荀寅也。

子與陽虎送衞太子蒯聵于衞,衞不內,居戚。「三」

[三][正義]括地志云:「故戚城在相州澶水縣東三十里。杜預云『戚,衞邑,在頓丘[衞]縣西有戚城』是也。」

晉定公二十一年,簡子拔邯鄲,中行文子奔柏人。簡子又圍柏人,中行文子、范昭

子[]遂奔齊。趙竟有邯鄲、柏人。范、中行餘邑人于晉。趙名晉卿,實專晉權,奉邑侔於

諸侯。

[] 索隱| 范吉射也。

晉定公三十年,定公與吳王夫差争長於黃池,趙簡子從晉定公,卒長吳。 定公三十七

年卒,而簡子除三年之喪,期而已。是歲,越王句踐滅吴。

毋卹羣臣請死之。毋卹曰:「君所以置毋卹,爲能忍詢。」然亦愠知伯。 晉出公十一年,知伯伐鄭。趙簡子疾,使太子毋卹將而圍鄭。 知伯醉,以酒灌擊毋卹。 知伯歸,因謂簡子,

使廢毋卹,簡子不聽。毋卹由此怨知伯。

晉出公十七年,簡子卒,二太子毋卹代立,是爲襄子。

[一] 集解] 張華曰:「趙簡子冢在臨水界,二冢併,上氣成樓閣。」

趙襄子元年,越圍吳。「二襄子降喪食,使楚隆問吴王。「三」

[一][正義] 年表及(趙)[越]世家、(云) 左傳越滅吴在簡子三十五年,已在襄子元年前十五年矣,何得更有越圍吴之 事。從此以下至「問吴王」是三十年事,文(說)[脱]誤在此耳。

[三] [正義] 左傳云哀公二十年,簡子死,襄子嗣立,以越圍吴故,降父之祭饌,而使楚隆慰問王,爲哀公十三年,簡子 三年之喪,服朞而已。按:簡子死及使吴年月皆誤,與左傳文不同。 在黄池之役,與吴王質言曰「好惡同之」,故減祭饌及問吴王也。而趙世家及六國年表云此年晉定公卒,簡子除

以食代王及從者,行斟,陰令宰人各「己」以料擊殺代王及從官,遂興兵平代地。其姊聞之, 襄子姊前爲代王夫人。簡子既葬,未除服,北登夏屋,〔一〕請代王。使廚人操銅枓〔三〕

趙

世家第十三

泣而呼天,摩笄自殺。代人憐之,所死地名之爲摩笄之山。〔□〕遂以代封伯魯子周爲代成君。

伯魯者,襄子兄,故太子。太子蚤死,故封其子。

[一] [樂解] 徐廣曰:「山在廣武。」 [正義] 括地志云:「夏屋山一名賈屋山,今名賈母山,在代州鴈門縣東北三十五

[二][正義]音斗。其形方,有柄,取斟水器。說文云勺也。

里。夏屋與句注山相接,蓋北方之險,亦天下之阻路,所以分别内外也。」

□〕【樂解】徐廣日:「一作『雑』。」

四][正義] 笄,今簪也。括地志云:「摩笄山一名磨笄山,亦名爲[鳴雞]山,在蔚州飛狐縣東北百五十里。魏土地記 云『代郡東南二十五里有馬頭山。趙襄子 既殺代王,使人迎其婦。代王夫人曰:「以弟慢夫,非仁也;以夫怨

弟,非義也。」磨笄自刺而死。使者遂亦自殺』。」

襄子立四年,知伯與趙、韓、魏盡分其范、中行故地。晉出公怒,告齊、魯,欲以伐四卿。

四卿恐,遂共攻出公。出公奔齊,道死。知伯乃立昭公曾孫驕,是爲晉懿公。〔〕知伯益驕。 趙襄

請地韓、魏,韓、魏與之。 請地趙,趙不與,以其圍鄭之辱。知伯怒,遂率韓、魏攻趙。

子懼,乃奔保晉陽。

[1][索隱]或作「哀公」。其大父名確,卽昭公少子,號戴子也。

莫通。曰:「爲我以是遺趙毋卹。」原過既至,以告襄子。 襄子齊三日,親自剖竹,有朱書曰 原過從,後,至於王澤,仁己見三人,自帶以上可見,自帶以下不可見。與原過竹二節,

馮,左袵界乘,「『一奄有河宗,「『三至于体溷諸路,「『」南伐晉别,「、、」北滅黑姑。」「ヤ] 將賜女林胡之地。至于後世,且有伉王,赤黑,龍面而鳥噣,鬢麋髭頓,大膺大胸, 「趙毋卹,余霍泰山〔三〕山陽侯天使也。三月丙戌,余將使女反滅知氏。 女亦立我百邑,余 脩下而

[一][正義] 括地志云:[王澤在絳州正平縣南七里也。]

拜,受三神之令。

[二][樂解]徐廣曰:「在河東永安縣。」

(三)[集解]徐廣曰:「脩,或作『隨』。 界,一作『介』。」

[五][正義]音陌。自河宗、休溷諸貉,乃戎狄之地也。

[四][正義]穆天子傳云:「河宗之子孫(則)[娜]栢絮。」按:蓋在龍門河之上流,嵐、勝二州之地也。

[公][正義]越南伐晉之别邑,謂韓、魏之邑也。

[1]正義]亦戎國。

趙北有代,南并知氏,彊於韓、魏。遂祠三神於百邑,使原過主霍泰山祠祀。「即」 陽之難,唯洪無功。」襄子曰:「方晉陽急,羣臣皆懈,惟洪不敢失人臣禮,是以先之。」於是 與合謀,以三月丙戌,三國反滅知氏,共分其地。於是襄子行賞,高共爲上。張孟同曰:「晉 皆有外心,禮益慢,唯高共气以不敢失禮。襄子懼,乃夜使相張孟同气以私於韓、魏。 |國攻晉陽,歲餘,引汾水灌其城,城不浸者三版。[一]城中懸釜而炊,易子而食。 韓、魏

趙世家第十三

- [一][正義] 何休云:「八尺日版。」
- 〔三〕集解 徐廣曰:「一作『赫』。」
- [三] 索隱]按:戰國策作「張孟談」。談者,史遷之父名,遷例改爲「同」。
- [图][正義] 括地志云:「三神祠今名原過祠,今在霍山側也。」

成君。成君先死,乃取代成君子院立爲太子。〔〕襄子立三十三年卒,院立,是爲獻侯。 其後娶空同氏,自己生五子。襄子爲伯魯之不立也,不肯立子,且必欲傳位與伯魯子代

[一] [正義] 括地志云:「崆峒山在肅州福禄縣東南六十里,古西戎地。又原州平高縣西百里亦有崆峒山,即黄帝問廣 成子道處。」俱是西戎地、未知孰是。

[三] [索隱] 代成君名周,伯魯之子。 系本云代成君子起即襄子之子,不云伯魯,非也。

獻侯少卽位,治中牟。〔二〕

[一] 樂解] 地理志曰河南中牟縣,趙獻侯自耿徙此。瓚曰:「中牟在春秋之時是鄭之疆内也,及三卿分晉,則在魏之 邦土也。趙界自漳水以北,不及此。春秋傳曰『衞侯如晉過中牟』,按中牟非衞適晉之次也。汲郡古文曰『齊師 伐趙東鄙、圍中年」,此中牟不在趙之東也。按中牟當漯水之北。」 正義」按:五應在魏州元城縣東十二里,鄴即相州蕩陰縣西五十八里,有牟山,蓋中牟邑在此山側也。 索隱此趙中年在河北,非鄭之中年。

襄子弟桓子二〕逐獻侯,自立於代,一年卒。國人曰桓子立非襄子意,乃共殺其子而

復迎立獻侯。

[一] 索隱] 系本云襄子子桓子,與此不同。

十年,中山武公初立。「二十三年,城平邑。「二十五年,獻侯卒,子烈侯籍立。

[一] <u>樂解] 徐廣曰:「西周桓公之子。桓公者,孝王弟而定王子。」 [索隱] 按:中山,古鮮虞國,姬姓也。</u> 山武公居顧,桓公徙靈壽,爲趙武靈王所滅,不言誰之子孫。徐廣云西周桓公之子,亦無所據,蓋未能得其實耳。 系本云中

〔三〕[集解] 地理志日代郡有平邑縣。

烈侯元年,魏文侯伐中山,使太子擊守之。六年,魏、韓、趙皆相立爲諸侯,追尊獻子爲

獻侯。

道,烈侯逌然。〔』〕明日, 荀欣侍以選練舉賢,任官使能。 明日, 徐越侍以節財儉用, 及朝,烈侯復問:「歌者田何如。」公仲曰:「方使擇其善者。」牛畜侍烈侯以仁義,約以王 年,亦有進士乎。」公仲曰:「未也。」番吾君曰:「牛畜、荀欣、徐越皆可。」公仲乃進三人。 否。」烈侯曰:「然。夫鄭歌者爚、石二人、「こ 吾賜之田,人萬畝。」公仲曰:「諾。」不與。居 稱疾不朝。番吾君与自代來,謂公仲曰:「君實好善,而未知所持。今公仲相趙,於今四 一月,烈侯從代來,問歌者田。公仲曰:「求,未有可者。」有頃,烈侯復問。公仲終不與,乃 烈侯好音,謂相國公仲連曰:「寡人有愛,可以貴之乎。」公仲曰:「富之可,貴之則

趙世

功德。 所與無不充,君説。 烈侯使使謂相國曰:「歌者之田且止。」官牛畜爲師,荀欣爲中

尉,徐越爲内史,「四」賜相國衣二襲。「用」

[一][索隱] 槍,七羊反。槍與石二人名。

[二] 集解]徐廣曰:「番音盤。常山有番吾縣。」 [正義] 括地志云:「番吾故城在恆州房山縣東二十里。」番蒲古今

音異耳。

| [正義] 埴音由,古字與「攸」同。 言牛畜以仁義約以王道,故止歌者田。 攸攸,氣行貌,寬緩也,

四][正義] 漢書百官公卿表云:「(少府)内史,周官,秦因之,掌治京師。」

[三] 集解] 單複具爲一襲。

九年,烈侯卒,弟武公立。〔一〕武公十三年卒,趙復立烈侯太子章,是爲敬侯。 是歲,魏

文侯卒。

[一] [索隱] 譙周云:「系本及説趙語者並無其事,蓋别有所據。」

敬侯元年,武公子朝作亂,不克,出奔魏。趙始都邯鄲。

二年,敗齊于靈丘。〔一〕三年,救魏于廩丘,大敗齊人。四年,魏敗我兔臺。 築剛平「三」

以侵衞。五年,齊、魏爲衞攻趙,取我剛平。六年,借兵於楚伐魏,取陳蒲。〔貳〕八年,拔魏黃 城。「『九年,伐齊。 齊伐燕,趙救燕。 十年,與中山戰于房子。「五

[一] 集解 地理志日代郡有靈丘縣。

[三][正義] 兔臺、剛平並在河北。

[三][正義] 今趙州平棘縣,古棘蒲邑。

四] 樂解] 杜預日:「陳留外黃縣東有黄城。」 [正義] 括地志云:「故黄城在魏州冠氏縣南十里,因黄溝爲名。」按:

陳留外黄城非隨所别也。

〔五〕[正義] 趙州房子縣是。

一年,魏、韓、趙共滅晉,分其地。伐中山,又戰於中人。〔一〕十二年,敬侯卒,子成侯

種立。

[一] 樂解 徐廣日:「中山唐縣有中人亭。」 [正義] 括地志云:「中山故城一名中人亭,在定州唐縣東北四十一里,春

秋時鮮虞國之中人邑也。」

十年,攻衞,取甄。十一年,秦攻魏,趙救之石阿。[10]十二年,秦攻魏少梁,[1] 趙救之。十 我懷。攻鄭,敗之,以與韓,韓與我長子。[馬]六年,中山築長城。伐魏,敗豫澤,「太」圍魏惠 衞,取鄉邑七十三。

魏敗我藺。[三四年,與秦戰高安,[三敗之。 五年,伐齊于鄭。[B]

魏敗 王。七年,侵齊,至長城。[+]與韓攻周。八年,與韓分周以爲兩。[<]九年,與齊戰阿下。[+] 三年,秦獻公使庶長國伐魏少梁,虜其太子、座。魏敗我澮,取皮牢。〔三成侯與韓昭侯遇上 成侯元年,公子勝與成侯争立,爲亂。二年六月,雨雪。三年,太戊午[一] 爲相。伐

黨。十四年,與韓攻秦。十五年,助魏攻齊。

一」(集解)徐廣日、「戊,一作『成』。」

[三][正義] 地理志云屬西河郡也。

[三] 正義 蓋在河東。

[四]正義] 濮州鄄城縣是也。

〔五〕[樂解] 地理志日上黨有長子縣。

濁水源出蒲州解縣東北平地。」爾時魏都安邑,韓、趙伐

魏,豈河南至長杜也?解縣濁水近於魏都,當是也。

[4][正義]齊長城西頭在濟州平陰縣。太山記云:「太山西北有長城,緣河經太山千餘里,瑯邪入海。」括地志云:「所

周。其子武公爲秦所滅。 郭緣生述征記云鞏縣本周鞏伯邑。」

周紀無此。」

[正義] 括地志云:「史記周顯二年,西周惠公封少子子班於鞏,

爲東

八」集解除廣日:「顯王二年。

侵處在密州南三十里。」

[t] (集解) 徐廣日:「戰,一作『會』也。」 正義一阿,東阿也,今濟州東阿縣也。

[10][正義]蓋在石、隰等州界也。

[二][正義]少梁故城在同州韓城縣南二十二里,古少梁國也。

[三] [樂解] 徐廣日:「魏年表日取趙皮牢。」 [正義] 括地志云:「澮水縣在絳州翼城縣東南二十五里。」按:皮牢當在

澮之側。

十六年,與韓、魏分晉,封晉君以端氏。〔〕〕

[一] 集解]徐廣曰:「在平陽。」 [正義] 端氏,澤州縣也。

魏獻榮椽,因以爲檀臺。〔四二十一年,魏圍我邯鄲。二十二年,魏惠王拔我邯鄲,齊亦敗魏 於桂陵。「馬」二十四年,魏歸我邯鄲,與魏盟漳水上。秦攻我藺。二十五年,成侯卒。公子 十七年,成侯與魏惠王遇葛孼。「己十九年,與齊、宋會平陸,「己與燕會阿。「見二十年,

〔一〕[集解]徐廣曰:「在馬丘。年表日十八年趙孟如齊。」|繰與太子肅侯「阝〕争立,,繰敗,亡奔韓。

[三][正義] 兗州縣也。平陸城(與) 卽古厥國。

三][正義]括地志云:「故葛城一名依城,又名西阿城,在瀛州高陽縣西北五十里。以徐、(兗) [寇]二水並過其西,又 徂經其北。曲曰阿,以齊有東阿,故曰西阿城。 地理志云瀛州屬河閒,趙分也。」按:燕會趙卽此地。

四]集解]徐廣日:「襄國縣有檀臺。」 榱也。 良材,可爲椽,斲飾有光榮,所以魏獻之,故趙因用之以爲檀臺。 屋梠之兩頭起者爲榮也。」括地志云:「檀臺在洺州臨洺縣北二里。」 [索隱] 劉氏云「樂椽蓋地名、其中有一高處,可以爲臺」,非也。按:樂椽是 [正義] 鄭玄云:「柴,屋翼也。」説文云:「椽,

〔五〕[正義] 括地志云:「故桂城在曹州乘氏縣東北二十一里,故老云此卽桂陵也。」

「水」|家隱||系本云名語。

肅侯元年,奪晉君端氏,徙處屯留。〔一〕二年,與魏惠王遇於陰晉。〔三〕三年,公子范襲邯

趙世家第十三

孝公使商君伐魏,虜其將公子卬。 鄲,不勝而死。 四年,朝天子。六年,攻齊,拔高唐。七年,公子刻攻魏首垣。〔〕十一年,秦 趙伐魏。十二年,秦孝公卒,商君死。十五年,起壽陵。〔四〕

魏惠王卒。

〔一〕[正義] 括地志云:「屯留故城在潞州長子縣東北三十里,本漢屯留縣城也。」

[二][正義]地理志云華陰縣,魏之陰晉,秦惠文王更名寧秦,高帝更名華陰。今屬華州。

(三)正義 蓋在河北也。

正義徐廣云:「在常山。」

十六年,肅侯游大陵,自己出於應門,自己大戊午扣馬自己曰:「耕事方急,一日不作,百日

不食。」肅侯下車謝。

【一】[集解]徐廣曰:「太原有大陵縣,亦曰陸。」 [正義] 括地志云:「大陵城在并州文水縣北十三里,漢大陵縣城。」

【二】[正義] 并州盂縣西有白鹿泓,源出白鹿山南渚,蓋鹿門在北山水之側也。

[1] 集解] 吕忱曰:「扣、牽馬。」

十七年,圍魏黃,不克。日〕築長城。日日

(一) 集解 地理志日山陽有黄縣。 [正義] 黄城在魏州,前拔之,卻爲魏,今趙圍之矣。

[二][正義] 劉伯莊云「蓋從雲中以北至代」。按:趙長城從蔚州北西至嵐州北,盡趙界。 又疑此長城在(潭)〔漳〕

冰之北,趙南界。

十八年,齊、魏伐我,我決河水灌之,兵去。二十二年,張儀相秦。趙疵與秦戰,敗,秦

殺疵河西,取我藺、離石。二十三年,韓舉「」與齊、魏戰,死于桑丘。〔三〕

[一]集解除廣日:「韓將。」

〔三〕 集解 地理志云泰山有桑丘縣。 |燕桑丘,三晉皆來救之,不得在泰山(有)〔之〕桑丘縣,此說甚誤也。 [正義] 括地志云:「桑丘城在易州遂城縣界。」或云在泰山,非也。此時齊伐

二十四年,肅侯卒。 秦、楚、燕、齊、魏出鋭師各萬人來會葬。 子武靈王立。〔1〕

[二]索隱]名雍。

靈王少,未能聽政,博聞師三人,左右司過三人。 及聽政,先問先王貴臣肥義,加其秩;國 武靈王元年,〇〇陽文君趙豹相。 梁襄王與太子嗣,韓宣王與太子倉來朝信官。「三武

三老年八十,月致其禮。

[一][樂解]徐廣曰:「年表云魏敗我趙護。」

〔三〕正義 在洛州臨洺縣也。

三年,城鄗。 四年,與韓會于區鼠。二五年,娶韓女爲夫人。

[一][正義] 蓋在河北。

趙世家第十三

八年,韓擊秦,不勝而去。 五國相王,趙獨否,曰:「無其實,敢處其名乎」」令國人謂

己曰「君」。

樂池送之。「四十三年,秦拔我藺,虜將軍趙莊。「甲〕楚、魏王來,過邯鄲。十四年,趙何攻魏。 陽。〔三齊破燕。 燕相子之爲君,君反爲臣。十一年,王召公子職於韓,立以爲燕王,〔三使 九年,與韓、魏共擊秦,秦敗我,斬首八萬級。齊敗我觀澤。〔一〕十年,秦取我中都及西

[一][正義]括地志云:「觀澤故城在魏州頓丘縣東十八里也。」

[三] 樂解] 徐廣曰:「年表云『秦取中都、西陽、安邑。十一年,秦敗我將軍英』。太原有中都縣,西河有中陽縣。」

[1] 集解]徐廣曰:「紀年亦云爾。」

四〕(集解)按燕世家,子之死後,燕人共立太子平,是爲燕昭王,無趙送公子職爲燕王之事,當是趙聞燕亂,遥立職爲 且紀年之書,其説又同,則裴駰之解得其旨矣。 燕王,雖使樂池送之,竟不能就。 [索隱] 燕系家無其事、蓋是疏也。今此云「使樂池送之」,必是憑舊史爲說

五〕正義]本一作「芘」,音疋婢反。

苕之榮。[1]命乎命乎,曾無我嬴![5]異日,王飲酒樂,數言所夢,想見其狀。吴廣聞之, 因夫人而内其女娃嬴。〔三〕孟姚也。〔四〕孟姚甚有寵於王,是爲惠后。 十六年,秦惠王卒。王遊大陵。他日,王夢見處女鼓琴而歌詩曰:「美人熒熒兮,顏若

[一] 集解 綦毋邃曰:「陵苕之草其華紫。」 [正義] 若音條。 〔三詩疏云:「 苕,饒也。 幽州謂之翹饒。 蔓似登豆而細,

葉似蒺藜而青,其華細緑色,可生食,味如小豆藿也。」又本草經云:「陵苕生下溼水中,七八月生,華紫,草可以

染帛,煮沐頭,髮即黑也。」

(三](樂解]綦毋邃曰:「言有命禄,生遇其時,人莫知己貴盛盈滿也。」 其美好,曾無我好嬴也。 重言「名乎」者,以談説衆也。 [正義] 按:命,名也。嬴,姓嬴也。言世衆名

〔三〕 [樂解] 方言曰:「娃,美也。 吴有館娃之宫。」

[四] [集解] 徐廣曰:「古史考云内其女曰娃。」 [索隱] 孟姚,吴廣女也。廣,舜之後,故上文云「余思虞舜之勳,故命 其胄女孟姚以配而七代之孫」是已。然舜後封虞,在河東大陽山西上虞城是,亦曰吴城。虞吴音相近,故舜後亦

十七年,王出九門,仁己爲野臺,仁己以望齊、中山之境。

姓吴,非獨太伯、虞仲之裔。

[一] [集解] 徐廣日:「在常山。」 [正義] 本戰國時趙邑。戰國策云:「本有宫室而居,趙武靈王改爲九門。」

[三] [集解] 徐廣曰:「野,一作『望』。」 [正議] 括地志云:「野臺一名義臺,在定州新樂縣西南六十三里。」

十八年,秦武王與孟説舉龍文赤鼎,絶臏二一而死。趙王使代相趙固迎公子稷於燕,送

歸,立爲秦王,是爲昭王。

[一] (集解) 徐廣日:「一作『絶瞑』。 音亡丁反。」

十九年春正月,大朝信宫。 召肥義與議天下,五日而畢。 王北略中山之地,至於房

趙世家第十三

藩之地,屬阻漳、滏之險,立長城,又取藺、郭狼,敗林人[三]於荏,而功未遂。今中山在我 子, [一] 遂之代, 北至無窮, 西至河, 登黄華之上。 [三] 召樓緩謀曰: 「我先王因世之變, 以長南 腹心,北有燕,「『」東有胡,「『」西有林胡、樓煩、秦、韓之邊,「《」而無彊兵之救,是亡社稷,奈

(一) 正義 趙州縣也。

何?夫有高世之名,必有遺俗之累。吾欲胡服。」樓緩曰:「善。」羣臣皆不欲。

〔三〕[正義] 黄華蓋西河側之山名也。

[三]正義]即林胡也。

[四][正義] 地理志云趙分晉,北有信都、中山,又得涿郡之高陽、鄭州鄉;東有清河、河閒,又得渤海郡東平舒等七

縣。在河以北,故言「北有燕」。

六][正義] 林胡、樓煩卽嵐、勝之北也。 嵐、勝以南石州、離石、藺等,七國時趙邊邑也。秦隔河也。 晉、洛、潞、澤等

[五]正義]趙東有瀛州之東北。營州之境即東胡、烏丸之地。服虔云:「東胡、烏丸之先、後爲鮮卑也。」

州皆七國時韓地、爲並趙西境也。

者,負遺俗之累,「用」有獨智之慮者,任驚民之怨。「よ」今吾將問服騎射以教百姓,而世必議 見也。〔三〕爲敵弱,〔三〕用力少而功多,可以毋盡百姓之勞,而序往古之勳。〔四〕夫有高世之功 通有補民益主之業,自己此兩者臣之分也。今吾欲繼襄主之跡,開於問、濯之鄉,而卒世不 於是肥義侍,王曰:「簡、襄主之烈,計胡、濯之利。爲人臣者,寵有孝弟長幼順明之節,

志也,務以論德而約功也。愚者闇成事,智者覩未形,則王何疑焉。」王曰:「吾不疑胡服 也,吾恐天下笑我也。狂夫之樂,智者哀焉,愚者所笑,賢者察焉。 矣。夫論至德者不和於俗,成大功者不謀於衆。昔者舜舞有苗,禹袒裸國,非以養欲而樂 寡人,柰何』肥義曰:「臣聞疑事無功,疑行無名。王既定負遺俗之慮,殆無顧天下之議 世有順我者,胡服之功

未可知也。 雖驅世以笑我,胡地中山吾必有之。」於是遂胡服矣。

[一] <u>[正義]</u> 寵,貴寵也。 通,達理也。 凡爲人臣,有孝弟長幼順明之節制者,得貴寵也; 有補民益主之功業者,爲達

(三)[正義]卒,子律反,盡也。言盡世閒不見補民益主之忠臣也。

[三][正義] 我爲胡服,敵人必困弱也。

四][正義]厚,重也。往古謂趙簡子、襄子也。

[五] [正義] 負,留也。 言古周公、孔子留衣冠禮義之俗,今變爲胡服,是負留風俗之譴累也。

[Y] [正義] 言世有獨計智之思慮者,必任隱逸敖慢之民怨望也。

今胡服之意,非以養欲而樂志也,事有所止而功有所出,三三事成功立,然後善也。今寡人 議之也。制國有常,利民爲本,從政有經,令行爲上。明德先論於賤,而行政先信於貴。 之公行也。子不反親,臣不逆君,兄弟之通義也。「二今寡人作教易服而叔不服,吾恐天下 使王緤告公子成曰:「寡人胡服,將以朝也,亦欲叔服之。家聽於親而國聽於君,古今

趙

聰明徇智之所居也,「四」萬物財用之所聚也,賢聖之所教也,仁義之所施也,詩書禮樂之所 也。臣不佞,寢疾,未能趨走以滋進也。王命之,臣敢對,因竭其愚忠。曰:臣聞中國者,蓋 固聞叔之疾也,我將自往請之。」 古之教,易古之道,逆人之心,而怫學者,離中國,故臣願王圖之也。」使者以報。王曰:「吾 用也,異敏技能之所試也,遠方之所觀赴也,蠻夷之所義行也。今王舍此而襲遠方之服,變 恐叔之逆從政之經,以輔叔之議。且寡人聞之,事利國者行無邪,因貴戚者名不累,故願慕 公叔之義,以成胡服之功。使鰈謁之叔,〔貳〕請服焉。」公子成再拜稽首曰:「臣固聞王之胡服

[一][集解]徐廣曰:「兄弟,一作『元夷』。 元,始也;夷,平也。」

〔三〕<u>[正義]</u>鄭玄云:「止,至也。爲人君止於仁,爲人臣止於敬,爲人子止於孝,爲人父止於慈,與國人交止於信。」

按:出猶成也。

[三] 索隱 爲句。

[四] 集解]徐廣曰:「五帝本紀云幼而徇齊。」

也。〔三〕黑齒雕題,〔三卻冠秫絀,〔四大吳之國也。故禮服莫同,其便一也。鄉異而用變,事 鄉而順宜, 王遂往之公子成家,因自請之,曰:「夫服者,所以便用也,禮者,所以便事也。聖人觀 因事而制禮,所以利其民而厚其國也。 夫翦髮文身,錯臂左衽,行回越之民

秦、韓之邊。且昔者簡主不塞晉陽以及上黨,而襄主并成取代以攘諸胡,此愚智所明也。 備。故寡人無舟楫之用,夾水居之民,將何以守河、薄洛之水,變服騎射,以備燕、三胡、〔5〕 言者俗也,吾所言者所以制俗也。吾國東有河、薄洛之水、「馬」與齊、中山同之、「氐」無舟楫 之志,臣敢不聽命乎」,再拜稽首。乃賜胡服。明日,服而朝。於是始出胡服令也。 也。先王醜之,而怨未能報也。今騎射之備,近可以便上黨之形,而遠可以報中山之怨。 先時中山負齊之彊兵,侵暴吾地,係累[4]吾民,引水圍鄗,微社稷之神靈,則鄗幾於不守 之用。自常山以至代、上黨、「も」東有燕、東胡之境,而西有樓煩、秦、韓之邊,今無騎射之 異,中國同禮而教離,況於山谷之便乎。故去就之變,智者不能一;遠近之服,賢聖不能 拜稽首曰:「臣愚,不達於王之義,敢道世俗之聞,臣之辠也。今王將繼簡、瀼之意以順先王 同。窮鄉多異,曲學多辯。不知而不疑,異於己而不非者,公焉而衆求盡善也。今叔之所 異而禮易。是以聖人果可以利其國,不一其用,果可以便其事,不同其禮。儒者一師而俗 而叔順中國之俗以逆簡、襄之意,惡變服之名以忘鄗事之醜,非寡人之所望也。」公子成再

[一] [索隱] 錯臂亦文身,謂以丹青錯畫其臂。 孔衍作「右臂左衽」,謂右袒其臂也。

[三] 索隱] 劉氏云:「今珠崖、儋耳謂之甌人,是有甌越。」 駱越,秦時日西甌,文身斷髮避龍」。則西甌駱又在番吾之西。南越及甌駱皆芈姓也。世本云「越,芈姓也,與楚 正義」按:屬南越、故言甌越也。與地志云「交阯,周時爲

同祖」是也。

四」【集解】徐廣日:「戰國策作『秫縫』,絀亦縫鉄之别名也。 秫者,綦鍼也。 古字多假借,故作『秫絀』耳。 此蓋言其

女功鍼縷之驫拙也。又一本作『鮭冠黎緤』也。」

[m] 樂解] 徐廣曰:「安平經縣西有漳水,津名薄洛津。」 [正義] 按:安平縣屬定州也。

[六][正義]爾時齊與中山相親,中山、趙共薄洛水,故言「與齊、中山同之」,須有舟楫之備。

[4] 集解]徐廣曰:「一云『自常山以下、代、上黨以東』。」

[八][索隱]林胡,樓煩,東胡,是三胡也。

[元][正義]上音計,下力追反。

趙文、趙造、周紹、「己趙俊皆諫止王毋胡服,如故法便。王曰:「先王不同俗,何古之

也。 古。 制法,因事制禮。 法。帝王不相襲,何禮之循。處戲、神農教而不誅,黃帝、堯、舜誅而不怒。及至三王,隨時 故齊民與俗流,賢者與變俱。 人利身謂之服,便事謂之禮。 且服奇者志淫,則是鄒、 聖人之興也不相襲而王,夏、殷之衰也不易禮而滅。然則反古未可非,而循禮未足多 法度制令各順其宜, 衣服器械各便其用。 故禮也不必一道, 而便國不必 故諺曰『以書御者不盡馬之情,以古制今者不達事之變』。循 夫進退之節,衣服之制者,所以齊常民也,非所以論賢者也。 魯無奇行也,て三路辟者民易,則是吳、越無秀士也。「三」且聖

法之功,不足以高世,法古之學,不足以制今。子不及也。」遂胡服招騎射。

[一] 集解]徐廣日:「戰國策作『紹』。 裕音紹。」

〔二〕[索隱] 按:鄒、魯好長纓,是奇服,非其志皆淫僻也,而有孔門顔、冄之屬,豈是無奇行哉!

三] [索隱] 言方俗僻處山谷,而人皆改易不通大化,則是吴、越無秀士,何得有延州來及大夫種之屬哉!

療,仇液之韓,

汪賁之楚,富丁之魏,趙爵之齊。

代相趙固主胡,致其兵。 二十年,王略中山地,至寧葭、「二西略胡地,至榆中。「三林胡王獻馬。歸,使樓緩之

[一] | 索隱] 一作「蔓葭」,縣名,在中山。

〔三〕[正義] 勝州北河北岸也。

廊、石邑、C k J封龍、C t J東垣。 中山獻四邑和,王許之,罷兵。 二十三年,攻中山。二十五年, 趙希并將胡、代。趙與之陘、〔一〕合軍曲陽、〔三〕攻取丹丘、〔三〕華陽、〔四〕鴟之塞。〔四〕王軍取 二十一年,攻中山。趙紹爲右軍,許鈞爲左軍,公子章爲中軍,王并將之。牛翦將車騎,

惠后卒。〔<〕使周韶胡服傅王子何。二十六年,復攻中山,攘地北至燕、代,西至雲中、九原。

[一] 樂解 徐廣日:「一作『陸』,又作『陘』。或宜言『趙與之陘』。脛者山絶之名。常山有井陘,中山有苦陘,上黨有閼 側,共出定州上曲陽縣,合軍攻取丹丘、華陽、鴟上之關。 與。」 [正義] 與音與。 脛音荆。脛,脛山也,在并州陘縣東南十八里。然趙希并將代、趙之兵,與諸軍向井陘之

趙世家第十三

(三) 樂解 徐廣日:「上曲陽在常山,下曲陽在鉅鹿。」 正義 括地志云:「上曲陽故城在定州曲陽縣西五里。」按:

[三][正義]蓋邢州丹丘縣也。

合軍曲陽,即上曲陽也,以在常山郡也。

[四] 集解 徐廣日:「華,一作『爽』。」 日紫臺,五日太一宮。」按:北岳恆山在定州恆陽縣北百四十里。 [正義] 括地志云:「北岳有五别名,一日蘭臺府,二日列女宫,三日華陽臺,四

五][集解]徐廣曰:「鴟,一作『鴻』。」 [正義]上昌之反,下先代反。徐廣曰「鴟,一作『鴻』」,鴻上故關今名汝城,在 定州唐縣東北六十里,本晉鴻上關城也。又有鴻上水,源出唐縣北葛洪山,接北岳恆山,與鴻上塞皆在定州。 然

一本作「鳴」字,誤也。

[六] 集解] 徐廣日:「在常山。」 [正義] 括地志云:「石邑故城在恆州鹿泉縣南三十五里,六國時舊邑。」

[4][正義]括地志云:「封龍山一名飛龍山,在恆州鹿泉縣南四十五里。邑因山爲名。」

[八] [索隱] 按:謂武靈王之前后,太子章之母,惠文王之嫡母也。惠后卒後,吴娃始當正室,至孝成二年稱「惠文后 卒」是也。而下文又云「孟姚卒後,何寵衰,欲并立」,亦誤也。

悉爲臣,肥義爲相國,并傅王。是爲惠文王。惠文王,惠后吴娃子也。武靈王自號爲主父。 二十七年五月戊申,大朝於東宫,傳國,立王子何以爲王。王廟見禮畢,出臨朝。

主父欲令子主治國,而身胡服將士大夫西北略胡地,而欲從雲中、九原直南襲秦,於是

詐自爲使者入秦。 秦昭王不知,已而怪其狀甚偉,非人臣之度,使人逐之,而主父馳已脱關 矣。審問之,乃主父也。秦人大驚。主父所以入秦者,欲自略地形,因觀秦王之爲人也。

惠文王「二二年,主父行新地,遂出代,西遇樓煩王於西河而致其兵。

[一] 集解]徐廣曰:「元年,以公子勝爲相,封平原。」

置酒酺五日, 三年,滅中山,遷其王於膚施。〔一〕起靈壽,〔一〕北地方從,代道大通。 還歸,行賞,大赦, 封長子章爲代安陽君。〔1〕〕章素侈,心不服其弟所立。 主父又使田不禮相章

[一] 集解]徐廣曰:「在上郡。」 [正義] 今延州膚施縣也。

也。

[二][樂解]徐廣曰:「在常山。」

[別][正義] 括地志云:「東安陽故城在朔州定襄縣界。地志云東安陽縣屬代郡。」

公子成?毋爲怨府,毋爲禍梯。」肥義曰:「不可。昔者主父以王屬義也,曰:『毋變而度, 必先患。仁者愛萬物而智者備禍於未形,不仁不智,何以爲國。子奚不稱疾毋出,傳政於 害,同類相推,俱入禍門。以吾觀之,必不久矣。子任重而勢大,亂之所始,禍之所集也,子 而驕。二人相得,必有謀陰賊起,一出身徼幸。夫小人有欲,輕慮淺謀,徒見其利而不顧其 李兑謂肥義曰:「公子章彊壯而志驕,黨衆而欲大,殆有私乎。田不禮之爲人也,忍殺

行明。 大焉。 愧』。〔三〕吾言已在前矣,吾欲全吾言,安得全吾身!且夫貞臣也難至而節見,忠臣也累至而 毋異而慮,堅守一心,以殁而世。』義再拜受命而籍之。「一」今畏不禮之難而忘吾籍, 吾見子已今年耳。」涕泣而出。 子則有賜而忠我矣,雖然,吾有語在前者也,終不敢失。」李兑曰:「諾,子勉之矣! 進受嚴命,退而不全,負孰甚焉。變負之臣,不容於刑。諺曰『死者復生,生者不 李兑數見公子成,以備田不禮之事。

[一] [索隱] 籍,録也。謂當時卽記録,書之於籍。

二][正義]肥義報李兑云:必盡[力]傅何爲王,不可懼章及田不禮而生異心。使死者復更變生,并見在生者(並見)傅 王無變,令我不愧之,若荀息也。

食。 而外爲暴。 不子不臣。 人。」信期曰:「善哉,吾得聞此也」 盗賊出入不可不備。 異日肥義謂信期自己曰:「公子與田不禮甚可憂也。其於義也聲善而實惡,此爲人也 矯令爲慢,以擅一旦之命,不難爲也,禍且逮國。 今吾憂之, 夜而忘寐, 飢而忘 吾聞之也,姦臣在朝,國之殘也,讒臣在中,主之蠹也。此人貪而欲大,內得主 自今以來,若有召王者必見吾面,我將先以身當之,無故而王乃

[一] 索隱] 即下文高信也。

正義上音申也。

子章傫然也,反北面爲臣,詘於其弟,心憐之,於是乃欲分趙而王章於代,計未決而輟。 四年,朝羣臣,安陽君亦來朝。主父令王聽朝,而自從旁觀窺羣臣宗室之禮。見其長

爵戲而食之,「『」三月餘而餓死沙丘宫。「『」主父定死,乃發喪赴諸侯。 屬夷矣。」乃遂圍主父。令宫中人「後出者夷」,宫中人悉出。主父欲出不得,又不得食,探 父開之,行己成、兑因圍主父宫。 公子章死,公子成、李兑謀曰:「以章故圍主父,即解兵,吾 禮,滅其黨賊而定王室。公子成爲相,號安平君,李兑爲司寇。公子章之敗,往走主父,主 人,殺之。高信卽與王戰。公子成與李兑自國至,乃起四邑之兵入距難,殺公子章及田不 主父及王游沙丘,異宫,〔一〕公子章卽以其徒與田不禮作亂,詐以主父令召王。肥義先

[一][正義] 在邢州平鄉縣東北二十里(矣)也。

[二] 索隱] 開謂開門而納之。俗本亦作「聞」字者、非也。譙周及孔衍皆作「閉之」、閉謂藏之也。 反叛之罪,容其人宫藏也。 正義謂不實其

(三] 集解 綦毋邃曰:「鷇,爵子也。」 [索隱] 按:曹大家云「觳,雀子也。 生受哺者謂之觳」。

[四] (集解) 應劭曰:「武靈王葬代郡靈丘縣。」 [正義] 括地志云:「趙武靈王墓在蔚州靈丘縣東三十里。」應 説是也。

是時王少,成、兑專政,畏誅,故圍主父。主父初以長子章爲太子,後得吴娃,愛之,爲

不出者數歲,生子何,乃廢太子章而立何爲王。吳娃死,愛弛,憐故太子,欲兩王之,猶豫未

决,故亂起,以至父子俱死,爲天下笑,豈不痛乎![]]

[一] (集解) 徐廣日:「或無此十四字。」

趙、秦、韓、魏、燕攻齊、「尽〕取靈丘。〔十〕與秦會中陽。〔八〕十五年,燕昭王來見。 陽。「图〕十二年,趙梁將攻齊。十三年,韓徐爲將,攻齊。公主死。「馬〕十四年, 韓,至魯關下。「『〕及十年,秦自置爲西帝。十一年,董叔與魏氏伐宋,得河陽於魏。 秦共擊齊,齊王敗走,燕獨深入,取臨菑。 (主父死惠文王立立) 五年,與燕鄭、易。〔二〕八年,城南行唐。〔三〕九年,趙梁將,與齊合軍攻 趙與韓、魏、 相國樂毅將 秦取梗

[一][集解]徐廣日:「皆屬涿郡。鄭音莫。」

[二] 集解]徐廣日:「在常山。」 正義一行,寒庚反。括地志云:「行唐縣屬冀州。」爲南行唐築城。

[三][正義]劉伯莊云:「蓋在南陽魯陽關。」按:汝州魯山縣,古穀陽縣。

四][集解] 杜預日:「太原晉陽縣南梗陽城也。」 [索隱] 地理志云太原榆次有梗陽鄉。與杜預所據小别也。 括地志云:「梗陽故城在并州清源縣南百二十步,分晉陽縣置,本漢榆次縣地,春秋晉大夫祁氏邑也。」

[五] 索隱] 蓋吴娃女,惠文王之姊。

· <] [索隱] 按年表及韓魏等系家,五國攻齊在明年,然此下文十五年重擊齊,是此文爲得,蓋此年同伐齊耳。

[7][正義]蔚(丘)[州]縣也。

[八][正義] 括地志云:「中陽故縣在汾州隰城縣南十里,漢中陽縣也。」

十六年,秦復與趙數擊齊,齊人患之。蘇厲爲齊遺趙王書曰:

神也。甘露降,時雨至,年穀豐孰,民不疾疫,衆人善之,然而賢主圖之。 臣聞古之賢君,其德行非布於海內也,教順非治於民人也,祭祀時享非數常於鬼

徵兵於韓,秦誠愛趙乎?其實憎齊乎?物之甚者,賢主察之。秦非愛趙而憎齊也,欲 王與六國分其利也。亡韓,秦獨擅之。收二周,西取祭器,秦獨私之。賦田計功,王之 計爲必出於此。夫物固有勢異而患同者,楚久伐而中山亡,今齊久伐而韓必亡。 質以爲信。恐天下亟反也,故徵兵於韓以威之。聲以德與國,自己實而伐空韓,臣以綦 亡韓而吞二周,故以齊燄天下。恐事之不合,故出兵以劫魏、趙。恐天下畏己也,故出 獲利孰與秦多? 今足下之賢行功力,非數加於|秦也,怨毒積怒,非素深於|齊也。|秦趙與國,以彊 破齊,

[一] 索隱] 與國,趙也。 秦趙今爲與國,秦徵兵於韓,帥之共趙伐齊,以威聲和趙,是以德與國也。

地, 去沙丘、鉅鹿斂三百里、气豆韓之上黨去邯鄲百里、燕、秦謀王之河山、閒三百里而 説士之計曰: 「韓亡三川、()魏亡晉國、()市朝未變而禍已及矣。」 燕盡齊之北

趙世家第十三

一八一八

不東下,「八」昆山之玉不出,此三寶者亦非王有已。王久伐齊,從彊秦攻韓,其禍必至 西、「八一句注之南、「り」非王有己。 通矣。秦之上郡「鬥」近挺關,至於榆中者千五百里,秦以三郡攻王之上黨,「鬥羊腸之 踰句注,斬常山而守之,三百里而通於燕,代馬胡犬

[一][正義]河南之地,兩川之閒。

於此。

願王孰慮之。

[三][正義]河北之地,安邑、河内。

[三][正義]沙丘,邢州也。 鉅鹿,冀州也。 齊北界,貝州也。 斂,減也。 言破齊滅韓之後,燕之南界,秦之東界,相去

減三百里,趙國在中閒也。

[四] 正義 鄭、延等州也。

之南趙無地。然秦始皇置上黨郡,此言之者,太史公卻引前書也。 州及澤州之半,半屬趙、魏。 [正義] 秦上黨郡今澤、潞、儀、沁等四州之地,兼相州之半,韓總有之。至七國時,趙得儀、沁二州之地,韓猶有潞 沁州在羊腸坡之西,儀、并、代三州在句注山之南。 他皆做此。 秦以三郡攻趙之澤、潞,則句注

(六)[正義]太行山坂道名,南屬懷州,北屬澤州

[中][正義] 句注山在代州西北也。

[八][正義] 言秦踰句注山,斬常山而守之,西北代馬胡犬不東人趙,沙州崑山之玉亦不出至趙矣。 郭璞云:「胡地野

犬似狐而小。」

服、「馬」反高平、根柔於魏、「よ」反堅分、「も」先偷於趙。「こ」齊之事王,宜爲上佼、「よ」而今 乃抵辠,[10]臣恐天下後事王者之不敢自必也。願王孰計之也。 日矣。五國三分王之地、「司齊倍五國之約而殉王之患」「四西兵以禁彊秦,秦廢帝請 且齊之所以伐者,以事王也、「一」天下屬行、「一」以謀王也。」燕秦之約成而兵出有

[一] [正義] 以趙王爲事也,而秦必伐之也。

〔二〕[正義] 上音燭,下胡郎反。言奏欲令齊稱帝,與約五國共滅趙,三分趙地。

[三][正義] 謂秦、齊、韓、魏、燕三分趙之地也。

[四][正義]齊王以身從趙王之患也。

[五][正義] 言秦齊相約,欲更重稱帝,故言「廢帝」也。

[K] (樂解) 徐廣曰:「紀年云魏哀王四年改陽日河雍,向日高平。根柔,一作『槐柔』,一作『平柔』。」 也。括地志云:「高平故城在懷州河陽縣西四十里。紀年云魏哀王改向日高平也。」根柔未詳。兩邑,魏地也。 正義返,還

[P][樂解]徐廣曰:「一作『王公』。 巠音胡鼎反。」 [正義] 巠音那。 分字誤,當作「山」字耳。 括地志云:「句注山 名西陘山,在代州鴈門縣西北四十里。」

[八] 集解 徐廣日:「爾雅日西俞,鴈門是。」 山、西隃二山之地並在代州鴈門縣,皆趙地也。 [正義] 俞音戍。郭注云:「西隃即鴈門山也。」按:西先聲相近,蓋陘

「九」索隱 佼猶行也。

[10] [正義] 謂共秦伐齊也。

趙

一人二〇

今王毋與天下攻齊,天下必以王爲義。齊抱社稷而厚事王,天下必盡重王義。 王

以天下善秦,秦暴,王以天下禁之,是一世之名寵制於王也。

於是趙乃輟,謝秦不擊齊。

王與燕王遇。廉頗將,攻齊昔陽,八一取之。八三

[一][正義]括地志云:「昔陽故城一名陽城,在并州樂平縣東。春秋釋地名云『昔陽,肥國所都也。樂平城沿縣東「有]

昔陽城。肥國,白狄別種也。樂平縣城,漢沾縣城也』。」

(二] 樂解 杜預日:「樂平沾縣有昔陽城。」

拔我石城。「三」王再之衞東陽,決河水,「三」伐魏氏。大潦,漳水出。魏冄來相趙。十九年, 十七年,樂毅將趙師攻魏伯陽。〔一〕而秦怨趙不與己擊齊,伐趙,拔我兩城。十八年,秦

|秦(敗)[取]我二城。趙與魏伯陽。趙奢將,攻齊麥丘,取之。

[一][正義] 括地志云:「伯陽故城一名邯會城,在相州鄴縣西五十五里,七國時魏邑,漢邯會城。」 [二][樂解] 地理志云右北平有石城縣。 [正義] 括地志云:「石城在相州林慮縣西南九十里。」疑相州石城是。

[三][正義]括地志云:「東陽故城在貝州歷亭縣界。」按:東陽先屬衞,今屬趙。河歷貝州南,東北流,過河南岸即魏

地也。故言王再之衞東陽伐魏氏也。

二十年,廉頗將,攻齊。王與秦昭王遇西河外。〔一〕

- [1] (樂解) 徐廣日:「年表云與秦會澠池。」
- 二十一年,趙徙漳水武平西。〔一〕二十二年,大疫。置公子丹爲太子。
- [一][正義]括地志云:「武平亭今名渭城,在瀛州文安縣北七十二里。」按:二十七年又徙漳水武平南。
- 二十三年,樓昌將,攻റ幾、八八一不能取。十二月,廉頗將,攻幾,取之。二十四年,廉頗

將,攻魏房子, 「三」拔之, 因城而還。又攻安陽, 取之。二十五年, 燕周 「三」將, 攻昌城、「E」 高唐,取之。 與魏共擊秦。秦將白起破我華陽,「馬」得一將軍。二十六年,取東胡歐代地。「< *]

[一][正義]音祈。傳云伐齊幾,幾拔之。又戰國策云秦敗閼與,及攻魏幾。按:幾邑或屬齊,或屬魏,當在相潞之閒也

(三) 集解 徐廣曰:「屬常山。」

「三」(集解)余黄ヨ:「屬等耶。(三) 【索隱】趙人,爲趙將。

四〕集解除廣日:屬齊郡。」 [正義] 括地志云:「故昌城在淄州淄川縣東北四十里也。」

五][止義]括地志云:「故華陽城在鄭州管城縣南四十里。司馬彪云華陽亭在今洛州密縣。」是時魏、韓、趙聚兵於

華陽,西攻秦。

「八」正義 今營州也。 [索隱] 東胡叛趙,驅略代地人衆以叛,故取之也。

二十七年,徙漳水武平南。 封趙豹爲平陽君。〔〕河水出,大潦。

(一) (集解) 戰國策日趙豹,平陽君,惠文王母弟。

世家第

十 三 一十八年,藺相如伐齊,至平邑。〔一〕罷城北九門大城。〔三〕燕將成安君公孫操弑其

王。「一二十九年,秦、韓相攻,而圍閼與。「己趙使趙奢將,擊秦,大破秦軍閼與下,賜號爲馬

服君。〔三〕

[一][正義] 括地志云:「平邑故城在魏州昌樂縣東北四十里也。」

〔三〕[正義] 恆州九門縣城。

[]] [集解]徐廣曰:「年表云是燕武成王元年。」 [索隱]按:樂資云其王即惠王。

[四][正義]上於連反,下音預。抵地志云:「閼與,聚落,今名烏蘇城,在潞州銅鞮縣西北二十里。又儀州和順縣城,

亦云韓閼與邑。二所未詳。又有閼與山在洺州武安縣西五十里,蓋是也。」

一声] [正義] 因馬服山爲號也,虞喜志林云「馬,兵之首也。號曰馬服者,言能服馬也」。括地志云:「馬服山,邯鄲縣西北

三十三年,惠文王卒,太子丹立,是爲孝成王。

謝曰:「老臣病足,曾不能疾走,不得見久矣。竊自恕,而恐太后體之有所苦也,故願望見太 君爲質者,老婦必唾其面。」左師觸龍言願見太后,太后盛氣而胥之。人、「『〕徐趨而坐,自 后。」太后曰:「老婦恃輦而行耳。」「四〕曰:「食得毋衰乎。」曰:「恃粥耳。」曰:「老臣閒者 曰:「必以長安君 [] 〕爲質,兵乃出。」太后不肯,大臣彊諫。太后明謂左右曰:「復言長安 孝成王元年、己秦伐我,拔三城。趙王新立,太后用事,秦急攻之。趙氏求救於齊,齊 一〕集解除廣日:「平原君相也。」

於是爲長安君約車百乘,質於齊,齊兵乃出。

孔衍云:「惠文后之少子也。趙亦有長安,今其地闕。」 正義」長安君者,以長安善,故名也。

趙

[三] 樂解] 胥猶須也。穀梁傳曰:「胥其出也。」

四] [索隱] 按: 東晳云「趙惠文王子何者,吴廣之甥,娃嬴之子也」。如系家計之,則武靈王十六年夢吴娃而納之,至 二十七年王薨,及惠文王三十二年卒,孝成王元年遣長安君質於齊,若娃年二十人王宫,至此亦年六十左側,亦

可稱老。而東廣微言太后纔三十有奇者,誤也。

子義聞之,口口口一人主之子,骨肉之親也,猶不能持無功之尊,無勞之奉,而守金玉之

重也,而況於予乎。」

(二) 索隱 子義,趙之賢人。

齊安平君「山田單將趙師而攻燕中陽」「山拔之。又攻韓注人」「山拔之。二年,惠文后

卒。田單爲相。

[一][正義]括地志云:「安平城在青州臨淄縣東十九里,古紀之酅邑也。」

[三] (集解) 徐廣曰:「一作『人』。」 [正義] 燕無中陽。括地志云:「中山故城一名中人亭,在定州唐縣東北四十一里,

爾時屬燕國也。」

[1][正義]邑名也。括地志云「注城在汝州梁縣西十五里」,蓋是其地也。

敢占之,曰:「夢衣偏裻之衣者,殘也。乘飛龍上天不至而墜者,有氣而無實也。 四年,王夢衣偏裻之衣,八二乘飛龍上天,不至而墜,見金玉之積如山。 明日,王召筮史 見金玉之

積如山者,憂也。」

[一] [正義] 杜預云:「偏,左右異色。 裻在中,左右異,故曰偏。」按:裻,衣背縫也。

者、『一裂上國之地、「『」其政行,不可與爲難,必勿受也。」王曰:「今發百萬之軍而攻,踰年 能得之於彊大乎?豈可謂非無故之利哉!且夫秦以牛田之〔〕水通糧〔三〕蠶食,上乘倍戰 歷歲未得一城也。今以城市邑十七幣吾國,「鬥此大利也。」 不人於秦者,欲嫁其禍於趙也。秦服其勞而趙受其利,雖彊大不能得之於小弱,小弱顧 故乎。」對曰:「夫秦蠶食韓氏地,中絶不令相通,固自以爲坐而受上黨之地也。韓氏所以 欲爲凑。有城市邑十七,願再拜入之趙,財王所以賜吏民。」王大喜,召平陽君豹告之曰: 「馮亭人城市邑十七,受之何如。」對曰:「聖人甚禍無故之利。」 王曰:「人懷吾德,何謂無 後三日,韓氏上黨守馮亭使者至,曰:「韓不能守上黨,人之於秦。 其吏民皆安爲趙,不

[一] 集解]徐廣曰:「一無此字。」[正義] 秦蠶食韓氏,國中斷不通。夫牛耕田種穀,至秋則收之,成熟之義也。言 秦伐韓上黨,勝有日矣,若牛田之必冀收穫矣。

[三] [正義] 秦從渭水漕糧東入河、洛,軍擊韓上黨也。

[三][正義]乘,承證反。蠶食桑葉,漸進必盡也。司馬法云:「百畝爲夫,夫三爲屋,屋三爲井,井十爲通,通十爲成。 成出革車一乘,七十二人也。」上乘,天下第一也。倍戰,力攻也。韓國四戰之地,軍士慣習,倍於餘國

29 ①[正義]上國、秦地也。言韓上黨之地以列爲秦國之地、其政已行、趙不可與秦作難、必莫受馮亭十七邑也。

[五][正義] 馮亭將十七邑人趙,若幣帛之見遺,此大利也。

固,不義一矣;人之〉素,不聽主令,不義二矣;賣主地而食之,不義三矣。」趙遂發兵取上 吏民能相安,皆賜之六金。」馮亭垂涕不見使者,曰:「吾不處三不義也:爲主守地,不能死 敝國君使勝致命,以萬户都三封太守,仁二千户都三封縣令,皆世世爲侯,吏民皆益爵三级, 城市邑十七,此大利,不可失也。」王曰:「善。」乃令趙勝受地,告馮亭曰:「敝國使者臣勝, 趙豹出,王召平原君與趙禹而告之。對曰:「發百萬之軍而攻,踰歲未得一城,今坐受

黨。「三廉頗將軍軍長平。「1」

[一][正義]爾時未合言太守,至漢景帝始加太守,此言「太」,衍字也。

[三] [樂解] 漢書馮奉世傳曰:「趙封亭爲華陵君、與趙將括距奏、戰死於長平、宗族由是分散、或在趙。在趙者、爲官 也。」上黨記云:「馮亭冢在壺關城西五里。」 師將,官師將子爲代相。及秦滅六國,而馮亭之後馮無擇、馮去疾、馮劫皆爲秦將相焉。 漢興,馮唐卽代相之子

[] 正義 括地志云:「長平故城在澤州高平縣西二十一里,即白起敗括於長平處。」

七年八月,廉頗免而趙括代將。秦人圍趙括,趙括以軍降,卒四十餘萬皆阬之。王悔

不聽趙豹之計,故有長平之禍焉。

王還,不聽秦,秦圍邯鄲。〔一〕武垣令〔三〕傅豹、王容、蘇射率燕衆反燕地。〔三〕趙以靈

丘四封楚相春申君。

- [一][樂解]徐廣曰:「在九年。」
- [三](集解)徐廣曰:「河閒有武垣縣,本屬涿郡。」 [正義] 括地志云:「武垣故城今瀛州城是也。」
- [三][正義]武垣此時屬趙,與燕接境,故云率燕衆反燕地也。
- 「四」[正義] 括地志云:「靈丘,蔚州理縣也。」

八年,平原君如楚請救。還,楚來救,及魏公子無忌亦來救,「二秦圍邯鄲乃解。

[二][正義]魏公子傳云「趙王以鄗爲公子湯沐邑」。年表云「九年公子無忌救邯鄲」。圍在九年,其文錯誤。 十年,燕攻昌壯,气己五月拔之。趙將樂乘、慶舍攻秦信梁軍,破之。气己太子死。气己而

其地。十二年,邯鄲廥燒。「八十四年,平原君趙勝死。「九 **秦攻西周,拔之。**徒父棋[〖〕出。[〖〕十一年,城元氏,[к〕縣上原。武陽君鄭安平死,[к]收

[一][集解]徐廣曰:「一作『社』。」 [正義] 壯字誤,當作「城」。 括地志云:「昌城故城在冀州信都縣西北五里。」此時

屬趙,故攻之也。

[三]集解]徐廣曰:「年表云新中軍也。」 [索隱]信梁,秦將也。 年王齕從唐拔寧新中,寧新中更名安陽」,今相州理縣也。年表云「韓、魏、楚救趙新中軍,秦兵罷」是也 正義。信梁蓋王齕號也。秦本紀云「昭襄王五十

「『」「集解」徐廣曰:「是年周赧王卒,或者『太子』云『天子』子。」 索隱趙之太子也,史失名。

四〕「索隱」趙大夫,名祺。

趙世家第

十三

〔吾〕[正義] 趙見秦拔西周,故令徒父祺將兵出境也。

[八] 樂解] 地理志常山有元氏縣。 [正義] 元氏, 趙州縣也。

[4][集解]徐廣曰:「故秦將降趙也。」

[八] 集解 一徐廣曰:「廥,廄之名,音膾也。」 [索隱] 廥,積蒭藥之處,爲火所繞也。

[九][索隱]按年表在十五年也。

閒。〔三〕 卒起二軍,車二千乘,栗腹將而攻鄗,卿秦將而攻代。〔三〕廉頗爲趙將,破殺栗腹,虜卿秦、樂 還歸,報燕王曰:「趙氏壯者皆死長平,其孤未壯,可伐也。」王召昌國君樂閒而問之。對曰: 「不可。」王曰::「吾卽以五而伐一,可乎。」對曰::「不可。」 燕王大怒。羣臣皆以爲可。 「趙,四戰之國也,其民習兵,伐之不可。」王曰:「吾以衆伐寡,二而伐一,可乎?」對曰: 十五年,以尉文封相國廉頗爲信平君。〔〕燕王令丞相栗腹約驩,以五百金爲趙王酒, 燕

[一] 索隱] 尉文蓋地名。 蓋蔚州地也。 信平,廉頗號也,言篤信而平和也。 或日,尉,官;文,名。 謂以尉文所食之地以封廉頗也。古文質略,文省耳。 正義尉文

(三) | 索隱| 二人皆燕將姓名

[三][正義]三人皆燕將(姓)也

十六年,廉頗圍燕。以樂乘爲武襄君。〔〕十七年,假相大將武襄君攻燕,圍其國。

易土での以龍的である別門ではは臨樂でも〕與燕,燕以葛、武陽ででご平舒でも〕與趙。 八年,延陵鈞与了率師從相國信平君助魏攻燕。秦拔我榆次三十七城。至了十九年, 趙與燕

[一][正義]襄,舉也,上也。言樂乘功最高也。

[三][與解]徐廣日:「代郡有延陵縣。」

[四][索隱]音亦。謂與燕换易 [三][樂解]徐廣曰:「在太原。]

[四][索隱]音亦。謂與燕换易縣也。

Œ. [正義]括地志云:「北新城故城在易州遂城縣西南二十里。按:遂城縣西南二十五里有龍山,邢子勵趙記云『龍

| 宋] [集解] 徐廣曰:「在北新城。」 [正義] 括地志云:「易州永樂縣有徐水,出廣昌嶺,三源奇發,同瀉一澗,流至北平 山有四麓,各有一穴,大如車輪,春風出東,秋風出西,夏風出南,冬風出北,不相奪倫』。按蓋謂龍兑也。」

縣東南,歷石門中,俗謂之龍門,水經其閒,奔激南出,觸石成井。」蓋汾字誤也,遂城及永樂、〔固〕安、新城縣地

也。

[4] 集解] 徐廣曰:「方城有臨鄉。」

万城有臨鄉。」 [正義] 括地志云:「臨鄉故城在幽州固安南十七里也。」

[八] 集解 徐廣曰:「葛城在高陽。」 [正義] 括地志云:「故葛城又名西河城,在瀛州高陽縣西北五十里。」

二十年,秦王政初立。秦拔我晉陽。

九〕集解

|徐廣日:「平舒在代郡。」

正義

] 括地志云:「平舒故城在蔚州靈丘縣北九十三里也。」

一十一年,孝成王卒。 廉頗將,攻繁陽、自己取之。使樂乘代之,廉頗攻樂乘,樂乘走,

趙世家第十三

記 卷四 十三

廉頗亡人魏。子偃立,是爲悼襄王

(一) (集解) 徐廣日:「在頓丘。」 [正義] 括地志云:「繁陽故城在相州内黄縣東北二十七里。應劭云『繁水之北,故曰

繁陽也』。」

悼襄王元年,大備二〕魏。 欲通平邑、中牟之道,不成。「三」

[一] 集解 徐廣日:「一作『脩』。」 [正義] 謂行大備之禮也。

[三][正義] 平邑在魏州昌樂縣東北三十里。相州湯陰縣西五十八里有牟山。按:(中)牟山之側,時二邑皆屬魏,欲

渡黄河作道相通,遂不成也。

言行信於王,王必厚割趙而贖平都。」文信侯曰:「善。」因遣之。「思〕城韓皋。 而内之凑也。今君留之,是絕趙而郎中之計中也。君不如遺春平君而留平都。「見春平君者 侯曰:「春平君者,趙王甚愛之而郎中妬之,故相與謀曰『春平君人秦,秦必留之』,故相與謀 二年,|李牧將,攻燕,拔武遂、方城。[一]秦召春平君,因而留之。||泄鈞[三]爲之謂|文信

[一] 集解] 徐廣曰:「武遂屬安平。」 [正義] 括地志云:「易州遂城,戰國時武遂城也。 方城故在幽州固安縣南十七

[三] 正義 人姓名也。

里。」時二邑屬燕,趙使李枚拔之也。

[三][正義](與地理志)[括地志]云"[平都縣在今新興郡,與陽周縣相近也。]

[四][樂解]徐廣日·「年表云太子從質秦歸。」 正義 按:太子即春平君也。

拔,移攻齊,取饒安。〔三〕五年,傅抵〔三〕將,居平邑;慶舍將東陽〔四〕河外師,守河梁。〔五〕六 三年,龐煖將,攻燕,禽其將劇辛。 四年,龐煖將趙、楚、魏、燕之鋭師,攻秦蕞、「」不

年,封長安君以饒。「太」魏與趙鄴。

【二】集解 徐廣曰:「在新豐。」

[二] 集解]徐廣曰:「在渤海。又云饒屬北海,安屬平原。」 [正義] 饒安,滄州縣也,七國時屬齊,戰國時屬趙。

[三][正義]上音付,下音邸。 趙將姓名。

[四][正義]屬貝州,在河北岸也。

(五) 正義 河外,河南岸魏州地也。 河梁,橋也。

[六][正義]即饒陽也。瀛州饒陽縣東二十里饒陽故城,漢縣也,明長安君是號也。

九年,趙攻燕,取貍、陽城。八二兵未罷,秦攻鄴,拔之。八三悼襄王卒,子幽繆王遷立。

【一][正義]按:燕無貍陽,疑「貍」字誤,當作「漁陽」,故城在檀州密雲縣南十八里,燕漁陽郡城也。按趙東界至瀛

州,則檀州在北,趙攻燕取漁陽城也。

【三】(集解)徐廣日:「今饒陽在河閒。又年表日拔閼與、鄴九城。」

幽繆王遷元年,八二城柏人。二年,秦攻武城,八三扈輒率師救之,軍敗,死焉。

趙世家第十三

[一] 樂解] 徐廣曰:「又云『湣王』。世本云孝成王丹生悼襄王偃,偃生今王遷。年表及史考趙遷皆無諡。」 徐廣云王遷無謚,今惟此獨稱幽繆王者,蓋秦滅趙之後,人臣竊追謚之,太史公或别有所見而記之也。

[二] (樂解) 徐廣曰:「年表云秦拔我平陽。」

三年,秦攻赤麗、宜安、自己李牧率師與戰肥下,自己卻之。封牧爲武安君。 四年, 秦攻

番吾、「三李牧與之戰,卻之。

[一][正義] 括地志云:「宜安故城在恆州稟城縣西南二十里也。」

[二][正義] 括地志云:肥纍故城在恆州稟城縣西七里,春秋時肥子國,白狄别種也。」

[]][正義]上音婆,又音盤,又作「蒲」。 括地志云:「蒲吾城在恆州房山縣東二十里也。」

步。「一一一六年,大饑,民譌言曰:「趙爲號,秦爲笑。以爲不信,視地之生毛。」 五年,代地大動,自樂徐以西,[]北至平陰,[]臺屋牆垣太半壞,地坼東西百三十

[一][集解]徐廣曰:「徐,一作『除』。」

[三][正義] 樂徐在晉州,平陰在汾也。

[三][正義] 其坼溝見在,亦在晉、汾二州之界也。

七年,秦人攻趙,趙大將李牧、將軍司馬尚將,擊之。李牧誅,司馬尚免,趙忽及齊將顔

聚代之。趙忽軍破,顔聚亡去。以王遷降。「」

[一] (樂解) 淮南子云:「趙王遷流於房陵,思故鄉,作爲山水之謳,聞之者莫不流涕。」 正義。括地志云:「趙王遷墓

在房州房陵縣西九里也。」

八年十月,邯鄲爲秦。

遷。 遷素無行,信讒,故誅其良將字牧,用郭開。」豈不繆哉!孱既虜遷,趙之亡大夫共立 太史公曰:吾聞馮王孫曰:「趙王遷,其母倡也,「」壁於悼襄王。 悼襄王廢適子嘉而立

嘉爲王,王代六歲,秦進兵破嘉,遂滅趙以爲郡。

[一] 樂解 徐廣日:「列女傳曰邯鄲之倡。」

【索隱述贊】趙氏之系,與秦同祖。 周穆平徐,乃封造父。帶始事晉,夙初有土。岸賈矯誅,韓厥立武。

寶符臨代,卒居伯魯。 簡夢濯犬,靈歌處女。 胡服雖強,建立非所。 頗、牧不用,汪遷囚虜。

史記卷四十四

魏世家第十四

姓。 其後絕封,爲庶人,或在中國,或在夷狄。其苗裔曰畢萬,事晉獻公。 魏之先,畢公高之後也。畢公高與周同姓。「一」武王之伐紂,而高封於畢,「三」於是爲畢

[一][索隱] 左傳富辰說文王之子十六國有畢、原、豐、郇,言畢公是文王之子。 此云與周同姓,似不用左氏之說。 融亦云畢、毛,文王庶子。

馬

[三] (樂解] 杜預曰:「舉在長安縣西北。」 正義」括地志云:「畢原在雍州萬年縣西南二十八里。」

之災比。 萬、「一」爲大夫。 卜偃曰:「三」「畢萬之後必大矣。萬,滿數也;魏,大名也。以是始賞, 之矣。天子曰兆民,諸侯曰萬民。今命之大,以從滿數,其必有衆。」初,墨萬卜事晉,遇屯 獻公之十六年,趙夙爲御,畢萬爲右,以伐霍、耿、魏,滅之。以耿封趙夙,以魏封畢 |辛廖占之,日:「吉。 屯固比人,吉孰大焉,其必蕃昌。」 天開

[一][正義] 魏城在陝州芮城縣北五里。鄭玄詩譜云:「魏,姬姓之國,武王伐紂而封焉。」 魏 世 家 第 十四

「二」「索隱」晉掌卜大夫郭偃也。

武子。「一魏武子以魏諸子事晉公子重耳。晉獻公之二十一年,武子從重耳出亡。十九年 反,重耳立爲晉文公,而令魏武子襲魏氏之後封,列爲大夫,治於魏。生悼子。 畢萬封十一年,晉獻公卒,四子争更立,晉亂。而畢萬之世彌大,從其國名爲魏氏。生

(一) 索陽 左傳武子名犨。系本云「畢萬生芒季,芒季生武仲州」。州與犨擊相近,字異耳,代亦不同。

魏悼子徙治霍。二」生魏絳。三〕

[一] [索隱] 系本云「武仲生莊子絳」,無悼子。又系本居篇曰「魏武子居魏,悼子徙霍」。宋忠曰「霍,今河東彘縣也」。 隋改日霍邑,本春秋時霍伯國也。 則是有悼子,系本卿大夫代自脱耳。然魏,今河北魏縣是也。 [正義] 晉州霍邑縣,漢彘縣也,後漢改日永安,

[三][索隱] 諡昭子。系本云「莊子」、文錯也。居篇又曰「昭子徙安邑」、亦與此文同也」

賜之樂、三讓、然後受之。徙治安邑。〔三〕魏絳卒、謚爲昭子。〔三〕生魏嬴。嬴生魏獻子。〔日〕 成、濯親附。 悼公之十一年,曰:「自吾用魏絳,八年之中,九合諸侯,戎、濯和,子之力也。」 「合諸侯以爲榮,今辱吾弟」將誅魏絳。或説悼公,悼公止。卒任魏絳政,使和戎、濯, 魏絳事晉悼公。悼公三年,會諸侯。悼公弟楊干亂行,魏絳僇辱楊干。〔〕悼公怒曰:

[一][索隱] 左傳日僇楊干之僕。

[三][正義]安邑在絳州夏縣安邑故城是。

〔三〕【樂解】徐廣日:「世本日莊子。」

[四][索隱] 系本云「獻子名茶。茶,莊子之子」。無魏嬴。

獻子事晉昭公。昭公卒而六卿彊,公室卑。

取其邑爲十縣,六卿各令其子爲之大夫。 晉頃公之十二年,韓宣子老,魏獻子爲國政。 獻子與趙簡子、江一中行文子、江一范獻子、二一並爲 晉宗室祁氏、羊舌氏相惡,六卿誅之,盡

晉卿。

[一] 索隱 趙鞅。

〔三〕[索隱] 荀寅。

三] 索隱] 范吉射。

其後十四歲而孔子相魯。 後四歲,趙簡子以晉陽之亂也,而與韓、魏共攻范、 中行氏。

魏獻子生魏侈。日一魏侈與趙鞅共攻范、中行氏。

是也。則修是襄子,中閒少簡子一代。 [索隱] 侈,他本亦作「哆」,蓋「哆」字誤,而代數錯也。按系本「獻子生簡子取,取生襄子多」,而左傳云「魏曼多」

魏侈之孫曰魏桓子,自己與韓康子、自己趙襄子自己共伐滅知伯,自己分其地。

[一] [索隱] 系本云:[襄子生桓子駒。]

〔三〕索隱 名虔。

魏世家第十四

[三] 索隱 名無恤

[四] | 察隱] 智伯,智瑶也,本姓荀,亦曰荀瑶。

[正義] 知音智。括地志云:「故智城在蒲州虞鄉縣西北四十里。古

今地名云解縣有智城,蓋謂此也。」

桓子之孫日文侯都。「一魏文侯元年,秦靈公之元年也。 與韓武子、「三趙桓子、周威王

同時。

[一] (集解) 徐廣曰:「世本日斯也。」 [索隱] 系本云「桓子生文侯斯」,其傳云「孺子旗是魏駒之子」,與此系代亦不

[二] | 索隱 | 系本「武子名啓章,康子子」。

六年,城<u>少</u>梁。十三年,使<u>子</u>擊圍繁、龐,出其民。十六年,伐秦,築臨晉<u>元</u>里。

下謁。田子方不爲禮。子擊因問曰:「富貴者驕人乎。且貧賤者驕 人乎。」子方曰:「亦貧 十七年,伐中山,使子擊守之,趙倉唐傅之。子擊逢文侯之師田子方於朝歌, 引車避,

去之楚、越,若脱曬然,柰何其同之哉」」子擊不懌而去。西攻秦,至鄭而還,築雒陰、合 賤者驕人耳。夫諸侯而驕人則失其國,大夫而驕人則失其家。 貧賤者,行不合,言不用,則

陽。二二

[1][正義] 雒,漆沮水也,城在水南。 郃陽,郃水之北。 括地志云:「郃陽故城在同州河西縣南三里。 維陰在同州西

- 二十二年,魏、趙、韓列爲諸侯。
- 二十四年,秦伐我,至陽狐。
- [一][正義] 括地志云:「陽狐郭在魏州元城縣東北三十里也。」
- 二十五年,子擊生子罃。二二
- [一] 索隱 乙耕反。擊,武侯也。 罄,惠王也。

文侯受子夏經藝,客段干木,過其間,未嘗不軾也。「一」秦嘗欲伐魏,或曰:「魏君賢人是

禮,國人稱仁,上下和合,未可圖也。」文侯由此得譽於諸侯。

[一][正義]過,光卧反。文侯軾干木閭也。皇甫謐高士傳云:「木,晉人也,守道不仕。魏文侯欲見,造其門,干木踰

牆避之。文侯以客禮待之,出過其閭而軾。其僕曰:『君何軾?』曰:『段干木賢者也,不趣勢利,懷君子之道,隱

之則不肯,禄之則不受。今汝欲官則相至,欲禄則上卿至,既受吾賞,又責吾禮,無乃難乎?』」 吕氏春秋云:「魏文侯見段干木,立倦而不敢息。及見翟璜,踞於堂而與之言。 翟璜不悦。文侯曰:『段干木,官 處窮巷,聲馳千里,吾安得勿軾!干木先乎德,寡人先乎勢;干木富乎義,寡人富乎財。勢不若德貴,財不若義 高。』又請爲相,不肯。後卑己固請見,與語,文侯立倦不敢息。」淮南子云:「段干木,晉之大駔,而爲文侯師。」

任西門豹守鄴,而河内「二稱治。

[一] 索隱] 按:大河在鄴東,故名鄴爲河内。 [正義] 古帝王之都多在河東、河北,故呼河北爲河内,河南爲河外。

魏世家第十四

又云河從龍門南至華陰,東至衞州,折東北人海,曲繞冀州,故言河内云也

守,臣之所進也。君内以鄴爲憂,臣進西門豹。 克曰:「魏成子爲相矣。」翟璜忿然作色曰:「以耳目之所 覩 記,臣何負於魏成子。西河之 相定矣。」李克趨而出,過翟璜之家。翟璜曰:「今者聞君召先生而卜相,果誰爲之。」」李 窮視其所不爲,貧視其所不取,五者足以定之矣,何待|克哉!]文侯曰::「先生就舍,寡人之 文侯曰:「先生臨事勿讓。」李克曰:「君不察故也。居視其所親,富視其所與,達視其所舉, 璜、[1]二子何如。]李克對曰:「臣聞之,卑不謀尊,疏不謀戚。 臣在闕門之外,不敢當命。」 於子之君者,豈將比周以求大官哉。君問而置相『非成則璜,二子何如』。克對曰:『君不 守之,臣進先生。君之子無傅,臣進屈侯鮒。臣何以負於魏成子,李克曰:「且子之言克 所進五人者,君皆臣之。子惡得與魏成子比也。」翟璜逡巡再拜曰:「璜,鄙人也,失對,願 千鍾,什九在外,什一在内,是以東得卜子夏、田子方、段干木。此三人者,君皆師之。子之 定之矣,何待克哉!』是以知魏成子之爲相也。 察故也。居視其所親,富視其所與,達視其所舉,窮視其所不爲,貧視其所不取,五者足以 魏文侯謂李克曰:「先生嘗教寡人曰『家貧則思良妻,國亂則思良相』。今所置非成則 君謀欲伐中山,臣進樂羊。中山以拔,無使 且子安得與魏成子比乎。魏成子以食禄

二十六年,號山崩,壅河。「二

[一] [集解] 徐廣日在陝。翺案:地理志日弘農陝縣故號國。北號在大陽,東號在榮陽。 在陝州陝縣西二里,臨黃河。今臨河有岡阜,似是穨山之餘也。」 正義 括地志云:「號山

三十二年,伐鄭。 城酸棗。敗秦于注。「二三十五年,齊伐取我襄陵。「三三十六年,

侵我陰晉。八三

[一] (集解) 司馬彪曰:「河南梁縣有注城也。」 [正義] 括她志云:「注城在汝州梁縣西十五里。注,或作『鑄』也。」

[三][集解]徐廣曰:「今在南平陽縣也。」

〔三〕[集解]徐廣曰:「今之華陰。」 [索隱]按:年表作「齊侵陰晉」。 秦本紀云「惠王六年,魏納陰晉, 更名曰 寧秦」。

徐氏云「今之華陰也」。

三十八年,伐秦,敗我武下,得其將識。「己是歲,文侯卒,「己子擊立,是爲武侯。

[一] 索陽 識,將名也。武下,魏地。 [正義] 括地志云:「故武城一名武平城、在華州鄭縣東十三里。」

〔三〕 [索隱] 三十八年卒。 紀年云五十年卒。

魏武侯元年,趙敬侯初立,行己公子朔爲亂,不勝,奔魏,與魏襲邯鄲,魏敗而去。

[二] 索隱] 按:紀年魏武侯之元年當趙烈侯之十四年,不同也。又系本敬侯名章。

魏世家第十四

二年,城安邑、王垣。二

[一] 集解]徐廣曰:「垣縣有王屋山也。」 [索隱]按:紀年十四年城洛陽及安邑、王垣。徐廣云「垣縣有王屋山,故 日王垣」。 [正義] 括地志云:「故城漢垣縣,本魏王垣也,在絳州垣縣西北二十里也。」

七年,伐齊,至桑丘。仁己九年,罹敗我于澮。仁己使吴起伐齊,至靈丘。仁己齊威王初

立。

[一][正義]年表云「齊伐燕,取桑丘」,故魏救燕伐齊,至桑丘也。 括地志云:「桑丘故城俗名敬城,在易州遂城縣界

[三] 索隱 古外反。于澮,於澮水之側。 出此山也。」 [正義] 括地志云:「澮高山又云澮山、在絳州翼城縣東北二十五里,澮水

[1]][正義]靈丘,蔚州縣也。時屬齊,故三晉伐之也。

[四][索隱]按紀年,齊幽公之十八年而威王立。

十一年,與韓、趙三分晉地,滅其後。

十三年,秦獻公縣櫟陽。十五年,敗趙北藺。〔一〕

[一][正義] 在石州、趙之西北。屬趙、故云趙北藺也。

十六年,伐楚,取魯陽。二二武侯卒,公三子魯立,是爲惠王。

[一][正義] 今汝州魯山縣也。

者,二家謀不和也。若從一家之謀,則魏必分矣。故曰「君終無適子,其國可破也」。「む」 宋、衞,則我終無魏之患矣。」趙不聽。 韓不説,以其少卒夜去。 惠王之所以身不死,國不分 |韓曰:「不可。殺魏君,人必曰暴,割地而退,人必曰貪。不如兩分之。 魏分爲兩,不彊於 伐魏,戰于濁澤,〔八〕魏氏大敗,魏君圍。趙謂韓曰:「除魏君,立公中緩,割地而退,我且利。」 黨,固半國也。因而除之,「尽」破魏必矣,不可失也。」懿侯説,乃與趙成侯「も」合軍并兵以 謂韓懿侯「『〕曰:「魏罃與公中緩争爲太子」「『〕君亦聞之乎。今魏罃得王錯」「『〕挟上 惠王元年,初,武侯卒也,子罃與公中緩「一」争爲太子。公孫頎「一〕自宋入趙,自趙入

[二] 正義] 中音仲。

[三] |索隱] 音祈。

[三] 索隱] 哀侯之子。

四] [索隱] 按:紀年[武侯元年封公子緩。趙侯種、韓懿侯伐我,取蔡,而惠王伐趙,圍濁陽。 七年,公子緩如邯鄲以

作難」,是説此事矣。

【五〕(集解)徐廣曰:「汲冢紀年惠王二年、魏大夫王錯出奔韓也。」

【 K] [集解] 徐廣曰:「除,一作『倍』。」 [正義] 按:除,除魏罃及王鍇也。

魏世家第十四

[中] 索屬 系本云:「成侯名種。」

[八]集解]徐廣曰:「長社有濁澤。」

[九][索隱]此蓋古人之言及俗説,故云「故曰」。

爲秦所敗。〔『〕六年,伐取宋儀臺。〔四〕九年,伐敗韓于澮。與秦戰少梁,虜我將公孫座,〔五〕 二年,魏敗韓于馬陵,敗趙于懷。 三年,齊敗我觀。[二]五年,與韓會宅陽。[三]城武堵。

取龐。 秦獻公卒,子孝公立。

[一][樂解]徐廣曰:「齊世家云獻觀以和齊。年表曰伐魏取觀。今之衞縣也。」 圍惠王,惠王請獻觀以和解。」 [正義] 觀音館。魏州觀城縣,古之觀國。 國語注:「觀國,夏啓子太康第五弟之 |索陽||田完系家云:「敗魏於濁津而

所封也,夏衰,滅之矣。」

[三][正義] 括地志云:「宅陽故城一名北宅,在鄭州榮陽縣東南十七里也。」

[三] 集解]徐廣曰:「秦年表日敗韓、魏洛陰。」

[四][集解]徐廣日:「一作『義臺』。」 [索隱]按:年表作「義臺」,然義臺見莊子,司馬彪亦曰臺名, 郭象云義臺,靈

[五] 集解]徐廣曰:「年表云虜我太子也。」

十年,伐取趙皮牢。 彗星見。十二年,星畫墜,有聲。

十四年,與趙會鄗。 十五年,魯、衞、宋、鄭君來朝。〔一〕十六年,與秦孝公會(社)〔杜〕平。

侵宋黄池,宋復取之。

[一][索隱]按"紀年魯恭侯、宋桓侯、衞成侯、鄭釐侯來朝,皆在十四年,是也。 鄭釐侯者,韓昭侯也。 韓哀侯滅鄭而

徙都之,改號日鄭。

十七年,與秦戰元里,秦取我少梁。 圍趙邯鄲。 十八年,拔邯鄲。 趙請救于齊,齊使田

尼、孫臏救趙、敗魏桂陵。

十九年,諸侯圍我襄陵。築長城,塞固陽。〔一〕

[一][正義]塞,先代反。括地志云:「棝陽縣,漢舊縣也,在銀州銀城縣界。」按:魏築長城,自鄭濱洛,北達銀州,至

勝州固陽縣爲塞也。固陽有連山,東至黄河,西南至夏、會等州。 棝音固矣。

二十年,歸趙邯鄲,與盟漳水上。〔1〕二十一年,與溱會彤。 趙成侯卒。〔三〕二十八年,齊

威王卒。中山君相魏。〔三〕

[一][正義] 邯鄲,洺州縣也。漳,水名。漳水源出洺州武安縣三門山也。

[二][樂解]徐廣曰:「年表云二十七年,丹封名會。 丹,魏大臣也。」

『] [索隱] 按:魏文侯滅中山,其弟守之,後尋復國,至是始令相魏。 其中山後又爲趙所滅。

三十年,魏伐趙,江趙告急齊。齊宣王用孫子計,救趙擊魏。 魏遂大興師,使龐涓將,

而令太子申爲上將軍。 過外黄,外黄徐子气〕謂太子曰:「臣有百戰百勝之術。」太子曰:

魏世家第十四

齊虜魏太子申,殺將軍涓,軍遂大破。 恐不得矣。」太子因欲還,其御曰:「將出而還,與北同。」太子果與齊人戰,敗於馬陵。〔馬」 之言而還矣。」客曰:「太子雖欲還,不得矣。彼勸太子戰攻,欲啜汁者衆。〔四〕太子雖欲還, 益爲王。 「可得聞乎?」客曰:「固願效之。」曰:「太子自將攻齊,大勝并莒?」〕則富不過有魏,貴不 若戰不勝齊,則萬世無魏矣。此臣之百戰百勝之術也。」太子曰::「諾,請必從公

[一][正義]孫臏傳云「魏與趙攻韓,韓告急齊」,此文誤耳。魏伐趙,趙請救齊,齊使孫臏救趙,敗魏桂陵,乃在十八年

[三] 集解] 劉向别録曰:「徐子,外黄人也。」外黄時屬宋。 界,本屬外黄,即太子申見徐子之地也。」 正義」括地志云:「故圉城有南北二城,在汴州雍丘縣

〔引〕[正義] 莒,密州縣也,在齊東南。 言從西破齊,并至莒地,則齊土盡矣。

四二正義一啜,穿悦反。汁,之人反。冀功勳者衆也。

五] [樂解] 徐廣曰:「在元城。」 [索隱] 徐廣曰:「在元城。」按:紀年二十八年,與齊田肦戰于馬陵;上二年,魏敗 趙,以擊魏,大破之馬陵」。按:南梁在汝州。又此傳云「太子爲上將軍,過外黄」。又孫臏傳云「魏與趙攻韓,韓 云「宜王二年,魏伐趙,趙與韓親,共擊魏,趙不利,戰於南梁。 陵,澗谷深峻,可以置伏。」按:龐涓敗卽此也。 韓馬陵;十八年,趙又敗魏桂陵。 桂陵與馬陵異處。 徐説馬陵在魏州元城縣東南一里,龐涓敗非此地也。 [正義] 虞喜志林云:「馬陵在濮州鄄城縣東北六十里,有 韓氏請於齊,齊使田忌、田嬰將,孫子爲師,救韓、 田完世家

告急齊,齊使田忌將而往,直走大梁。魏將龐涓聞之,去韓而歸齊,軍已過而西矣」。按:孫子滅竈退軍,三日行 至馬陵,遂殺龐涓,虜魏太子申,大破魏軍,當如虞喜之說,從汴州外黄退至濮州東北六十里是也。然趙、韓共擊

三十一年,秦、趙、齊共伐我、仁〕秦將商君詐我將軍公子卬而襲奪其軍,破之。秦用商 魏,戰困於南梁,韓急,請救於齊,齊師走大梁,敗魏馬陵,豈合更渡河北,至魏州元城哉?徐説定非也。

唐,東地至河,而齊、趙數破我,安邑近秦,於是徙治大梁。
「以公子赫爲太子。

[三] 索隱]按:紀年「二十九年五月,齊田胎伐我東鄙。九月,秦衛鞅伐我西鄙。 我師敗續」是也。然言二十九年,不同。 十月,邯鄲伐我北鄙。 王攻衞鞅,

[三] [集解] 徐廣曰:「今浚儀。」駰案:汲冢紀年曰「梁惠成王九年四月甲寅,徙都大梁」也。 九年,蓋誤也。 [正義] 陳留風俗傳云「魏之都也、畢萬十葉徙大梁」。 按:今汴州浚儀也。 索隱紀年以爲惠王

三十三年,秦孝公卒,商君亡秦歸魏,魏怒,不人。三十五年,與齊宣王會平阿南。〔〕〕

[一] 集解 地理志沛郡有平阿縣也。

夫欲利,大夫欲利則庶人欲利,上下争利,國則危矣。 爲人君,仁義而已矣,何以利爲! 里、[一] 辱幸至獘邑之廷,將何以利吾國。] 孟軻曰:「君不可以言利若是。 夫君欲利則大 不佞,兵三折於外,太子虜,上將死,國以空虚,以羞先君宗廟社稷,寡人甚醜之。 曳不遠千 惠王數被於軍旅,卑禮厚幣以招賢者。鄒衍、淳于髡、孟軻皆至梁。梁惠王曰:「寡人

[一] 集解] 劉熙日:「叟,長老之稱,依晧首之言。」

魏

世家第

三十六年,復與齊王會甄。是歲,惠王卒,八二子襄王立。〔三〕

「一」「索隱」按紀年,惠成王三十六年改元稱一年,未卒也。

八二 | 索隱 | 系本襄王名嗣。

襄王元年,與諸侯會徐州,自己相王也。追尊父惠王爲王。自己

(二) 樂解 徐廣曰:「今薛縣。」

(三) (集解) 徐廣日:「二年,伐趙。」

五年,秦敗我龍賈軍四萬五千于雕陰,「二圍我焦、曲沃。「二〕予秦河西之地。「二」

(一) (集解)徐廣曰:「在上郡。」 [正義] 括地志云:「彫陰故縣在鄜州洛交縣北三十里,彫陰故城是也。」

[二][正義] 括地志云:「故焦城在陜縣東北百步古號城中東北隅,周同姓也。 今有曲沃店也。」 曲沃有城,在陜縣西南三十二里。

[]] [正義] 自華州北至同州,並魏河北之地,盡入秦也。

六年,與秦會應。[1]秦取我汾陰、皮氏、焦。[1]魏伐楚,敗之陘山。[1]七年, 魏盡人上

郡于秦。「四」秦降我滿陽。「馬」八年,秦歸我焦、曲沃。

[一] (樂解] 徐廣曰:「潁川父城有應鄉也。」 [正義] 應,乙陵反。 括地志云:「故應城,故應鄉也,在汝州魯山縣東三

[三][正義]括地志云:"汾陰故城在蒲州汾陰縣北九里。皮氏故城在絳州龍門縣西一百八十步也。」

- [二] 樂解 徐廣曰:「在密縣。」 [正義] 括地志云:「陘山在鄭州新鄭縣西南三十里。」
- 图][正義]括她志云:「上郡故城在綏州上縣東南五十里,秦魏之上郡地也。」按:丹、鄜、延、綏等州,北至固陽,並 上郡地。魏築長城界秦,自華州鄭縣已北,濱洛至慶州洛源縣白於山,即東北至勝州固陽縣,東至河西上郡之

地,盡入於秦。

[五][正義]在隰州、隰川縣蒲邑故城是也。

十二年,楚敗我襄陵。諸侯執政與秦相張儀會醫桑。「二十三年,張儀相魏。 魏有女子

「二」[樂解]除廣田:「在梁與彰城之閒。」化爲丈夫。 |秦取我|曲沃、平周。〔三〕

[一] 集解 徐廣曰:「在梁與彭城之閒。」 [三][正義] 絳州桐鄉縣,晉曲沃邑。 <u>十三州志云:「古平周縣在汾州介休縣西五十里也。</u>」

十六年,襄王卒,子哀王立。こ己張儀復歸秦。

一][樂解] 荀勗曰:「和嶠云『紀年起自黄帝,終於魏之今王』。今王者,魏惠成王子。案 太史公書惠成王但言惠王, 孔衔敍魏語亦有哀王。蓋紀年之作失哀王之代,故分襄王之年爲惠王後元,卽以襄王之年包哀王之代耳 年,又稱後元一十七年卒。今此文分惠王之歷以爲二王之年,又有哀王,凡二十三年,紀事甚明,蓋無足疑。而 三十六年,改元稱一年,改元後十七年卒。。太史公書爲誤分惠、成之世,以爲二王之年數也。世本惠王生襄王而 惠王子曰襄王,襄王子曰哀王。 惠王三十六年卒,襄王立十六年卒,并惠、襄爲五十二年。 今案古文,惠成王立 無哀王,然則今王者魏襄王也。」 [索隱] 按:系本襄王生昭王,無哀王,蓋脱一代耳。而紀年説惠成王三十六

魏世家第十四

一八五〇

|哀王元年,五國共攻秦,二二不勝而去。

[一][正義] 韓、魏、楚、趙、燕也。

二年,齊敗我觀津。[1]五年,秦使樗里子[1]伐取我曲沃,走犀首[1]]

[二]正義]括地志云:「觀津城在冀州棗陽縣東南二十五里。」本趙邑、今屬魏也。

「ニ」「長代皇帝」」「長の口」に合うした。これをうましている。

〔三〕 [索隱] 秦昭王弟疾居樗里,因號焉。

29 _/ 三] 索隱 犀首,官名,即公孫衍。 [集解] 徐廣日:「潁陰有岸亭。」

正義抵

,她志云:「岸門在許州長社縣西北十八里,今名西武亭。」

[五]索隱]魏公子也。

「六」[樂解]徐廣日:「年表云擊齊,虜贅子於濮也。」

腸,拔閼與、ここ約斬趙,趙分而爲二,所以不亡者,魏爲從主也。 乎。」衞君曰:「先生果能,孤請世世以衞事先生。」如耳見成陵君曰:「昔者魏伐趙,斷羊 與其以秦醳衞,不如以魏醳衞、四、衞之德魏必終無窮。」 八年,伐衞,拔列城二。[二]衞君患之。如耳[三]見衞君曰:「請罷魏兵,免成陵君可 成陵君曰:「諾。」如耳見魏 今衞已迫亡, 將西請事於

心以爲攻衞醳衞不以王爲主,故寶器雖出必不人於王也。臣竊料之,先言醳衞者必受衞者 也。」如耳出,成陵君人,以其言見魏王。魏王聽其説,罷其兵,免成陵君,終身不見。 |王曰:「臣有謁於衞。衞故周室之别也,其稱小國,多寶器。今國迫於難而寶器不出者,其

[一][索隱]紀年云:「八年,罹章伐衞。」

〔三〕[正義] 魏大夫姓名也。

『][集解]徐廣曰:「在上黨。」 城在潞州及儀州。 若斷羊腸,拔閼與,北連恆州,則趙國東西斷而爲二也。 [正義] 閼,於連反。與音預。羊腸阪道在太行山上,南口懷州,北口潞州。 関與故

[四]正義] 韓音釋。

昭魚曰:「柰何?」對曰:「君其爲梁王,代請説君。」昭魚曰:「柰何?」對曰:「代也從楚來, 「然相者欲誰而君便之。」四魚曰:「吾欲太子之自相也。」〔8〕代曰:「請爲君北,必相之。」 公。〔三〕楚相昭魚〔三〕謂蘇代曰:「田需死,吾恐張儀、犀首、薜公有一人相魏者也。」代曰: 汪,長主也,必不便也。』王曰:『然則寡人孰相?』代曰:『莫若太子之自相。太子之自相, 不相張儀。張儀相,必右秦而左魏。犀首相,必右韓而左魏。薛公相,必右齊而左魏。 昭魚甚憂,曰:『田需死,吾恐張儀、犀首、薛公有一人相魏者也。』代曰:『梁王,長主也,必 九年,與秦王會臨晉。張儀、魏章「一」皆歸于魏。魏相田需死,楚害張儀、犀首、薛

世

家第

十四四

之國輔之,魏必安矣。故曰莫若太子之自相也。』」遂北見梁王,以此告之。太子果相魏。 是三人者皆以太子爲非常相也,皆將務以其國事魏,欲得丞相璽也。以魏之彊,而三萬乘

[一] [索隱] 章爲魏將,後又相秦。

(三) 索隱 田文也。

|| 索隱|| 昭奚恤也。

四〕[索隱] 太子卽襄王也。

解。 十四年,秦來歸武王后。十六年,秦拔我蒲反、陽晉、封陵。〔二〕十七年, 十年,張儀死。十一年,與秦武王會應。十二年,太子朝於溱。 秦來伐我皮氏,未拔而 與秦會臨晉。

康予我蒲反。十八年,與秦伐楚。

「二二十一年,與齊、韓共敗秦軍函谷。

「二」

[一][索隱]紀年作「晉陽、封谷」。 縣西三十五里。」表云「魏哀王十六年秦拔我杜陽、晉陽」,卽此城也。封陵亦在蒲州。 [正義] 陽晉當作「晉陽」也,史文誤。括地志云:「晉陽故城今名晉城,在蒲州虞鄉 按陽晉故城在曹州,解在

〔三〕 集解〕徐廣曰:「二十年,與齊王會于韓。」蘇秦傳也。

三] 集解]徐廣曰:「河、渭絶一日。」

一十三年,秦復予我河外及封陵爲和。 哀王卒,(二)子昭王立。(三)

[一] 索隱] 按: 汲冢紀年終於哀王二十年,昭王三年喪畢,始稱元年耳。

闕二十四萬。六年,予秦河東地方四百里。 昭王元年,秦拔我襄城。 二年,與秦戰,我不利。 三年,佐韓攻秦,秦將白起敗我軍伊 芒卯以詐重。<a>C 己七年,秦拔我城大小六十一。

八年,秦昭王爲西帝,齊湣王爲東帝,月餘,皆復稱王歸帝。九年,秦拔我新垣、曲陽之

城。[三]

[一] [索隱] 謂卯以智詐見重於魏。

[二][正義](年表及) 括地志云:「曲陽故城在懷州濟源縣西十里。」新垣近曲陽,未詳端的所之處也。

十年,齊滅宋,宋王死我温。 十二年,與屪、趙、韓、燕共伐齊,敗之濟西,湣王出亡。 燕

獨人臨菑。與秦王會西周。

[一] 正義] 即王城也,今河南郡城也。

十三年,秦拔我安城。「一〕兵到大梁,去。「三〕十八年,秦拔郢,楚王徙陳。

[一][正義] 括她志云:「安城故城,豫州汝陵縣東南七十一里。」

(三] (集解) 徐廣日:「十四年大水。」

十九年,昭王卒,子安釐王立。

世 家第 十四四

[二] 索閱 系本安僖王名圉。

使欲璽者制地,魏氏地不盡則不知已。且夫以地事凑,譬猶抱薪救火,薪不盡,火不滅。」 予秦南陽门以和。蘇代謂魏王曰:「欲璽者段干子也,欲地者秦也。今王使欲地者制璽, | 秦拔我四城,斬首四萬。 四年,秦破我及韓、趙,殺十五萬人, 走我將| 芒卯。 魏將| 段| 干子請 食,不便則止矣。今王曰『事始已行,不可更』,是何王之用智不如用梟也?」「三」 王曰:「是則然也。雖然,事始已行,不可更矣。」對曰:「王獨不見夫博之所以貴梟者,便則 安釐王元年,秦拔我兩城。二年,又拔我二城,軍大梁下,韓來救,予秦温以和。三年,

〔一〕 集解 徐廣曰:「在脩武。」

[三][正義]博頭有刻爲梟鳥形者,擲得梟者合食其子,若不便則爲餘行也。

九年、秦拔我懷。十年、秦太子外質於魏死。十一年、秦拔我郪丘。〔一〕

[一] 樂解 徐廣曰:「郪丘,一作『廩丘』,又作『邢丘』。郪丘今爲宋公縣。」 [索隱] 郪,七絲反,又音妻。 七私反,又音妻。,地理志云汝南郡新郪縣。應劭曰:「秦伐魏,取郪丘,漢興爲新郪,章帝封殷後,更名宋也。」 正義數,

齊與孟嘗、芒卯孰賢。」對曰:「不如。」王曰:「以孟嘗、芒卯之賢,率彊韓、魏以攻秦,猶無 秦昭王謂左右曰:「今時韓、魏與始孰彊。」對曰:「不如始彊。」王曰:「今時如耳、魏

行,又率韓、魏之兵以圍趙襄子於晉陽,決晉水以灌晉陽之城、八三不湛者三版。知伯行水, 柰寡人何也。今以無能之如耳、魏齊而率弱韓、魏以伐秦, 其無柰寡人何亦明矣。」 左右皆 灌安邑、「『」絳水可以灌平陽。「『」魏桓子肘韓康子,韓康子履魏桓子,肘足接於車上,而知 魏桓子御,韓康子爲參乘。知伯曰:『吾始不知水之可以亡人之國也,乃今知之。』汾水可以 曰::「甚然。」中旗馮琴(二)而對曰::「王之料天下過矣。當晉六卿之時,知氏最彊,滅范、中 氏地分,身死國亡,爲天下笑。 今秦兵雖彊,不能過知氏, 韓、魏雖弱, 尚賢其在晉陽之下 也。此方其用肘足之時也,願王之勿易也!」「旨〕於是秦王恐。

[一][索隱]按:"戰國策作「推琴」者,春秋後語作「伏琴」,而韓子作「推瑟」,說苑作「伏瑟」,文各不同

[三][正義] 括地志云:「晉水源出并州晉陽縣西懸壅山。 山海經云懸壅之山,晉水出焉,東南流注汾水。昔趙襄子保 晉陽,智氏防山以水灌之,不没者三版。其瀆乘高西注入晉陽城,以周溉灌,東南出城注於汾陽也。」

[三][正義]安邑在絳州夏縣,本魏都。汾水東北歷安邑西南入河也。

四〕[正義] 平陽,晉州,本韓都也。抵地志云:「絳水一名白水,今名弗泉,源出絳山。飛泉奮湧,揚波北注,縣流積壑 一十許丈,望之極爲奇觀矣。」按:引此灌平陽城也。

〔五〕[索隱] 易音以豉反。

齊、楚相約而攻魏,魏使人求救於秦,冠蓋相望也,而秦救不至。魏人有唐雎□己者,

年九十餘矣,謂魏王曰:「老臣請西説秦王,令兵先臣出。」魏王再拜,遂約車而遣之。唐雎 之國也,然所以西面而事秦,稱東藩,受冠帶,祠春秋者,以秦之彊足以爲與也。〔三〕今齊、楚 已。」唐雕對曰:「大王已知魏之急而救不發者,臣竊以爲用策之臣無任矣。 夫魏,一萬乘 到,人見秦王。秦王曰:「丈人芒然乃遠至此,甚苦矣!夫魏之來求救數矣,寡人知魏之急

焉?必待其急而救之,是失一東藩之魏而彊二敵之齊、楚,則王何利焉。」於是秦昭王遠 之兵已合於魏郊矣,而秦救不發,亦將賴其未急也。使之大急,彼且割地而約從,王尚何救

(二) 索隱 七餘反。

爲發兵救魏。魏氏復定。

[二] ||索隱] 與謂許與爲親而結和也。

陵君言於王而出之。 地,則王將柰何。故不若與先定割地,然後殺座。」魏王曰:「善。」 座因上書信陵君曰: 「座,故魏之免相也,趙以地殺|座而|魏|王聽之,有如彊|秦亦將襲|趙之欲,則君且柰何。]|信 |趙使人謂魏王曰:「爲我殺||范座,吾請獻七十里之地。」魏王曰:「諾。」 使吏捕之,圍而 座因上屋騎危,(1)謂使者曰:「與其以死座市,不如以生座市。 有如座死,趙不予王

(一) (集解) 危、棟上也。 [索隱] 上音奇。危,棟上也。禮云「中屋履危」。蓋昇屋以避兵。

魏王以秦救之故,欲親秦而伐韓,以求故地。 无忌謂魏王曰:

|侯舅也,功莫大焉,而竟逐之;兩弟無罪,而再奪之國。 此於親戚若此, 國乎?今王與癳共伐韓而益近癳患,臣甚惑之。而王不識則不明,羣臣莫以聞則不忠。 兄弟,若禽獸耳,此天下之所識也,非有所施厚積德也。 今韓氏以一女子奉一弱主,内有大亂,外交彊康魏之兵,王以爲不亡乎。韓亡,康 秦與戎翟同俗,有虎狼之心,貪戾好利無信,不識禮義德行。 故太后母也, 苟有利焉,不顧親戚 而況於仇讎之 而以憂死; 穰

有鄭地,與大梁鄴、二三王以爲安乎。王欲得故地,今負彊溱之親,王以爲利乎。

[一] [索隱] 戰國策「鄴」作「鄰」字爲得。

若道河外,倍大梁,「《」右(蔡左) [上蔡]、召陵,「七〕與楚兵決於陳郊,秦又不敢。 道涉谷,气己行三千里(三)而攻冥阸之塞,气则所行甚遠,所攻甚難,气,一秦又不爲也。 河内,倍鄴、朝歌,絶漳滏水,與趙兵決於邯鄲之郊,是知伯之禍也, 秦又不敢。 必不伐楚與趙矣,又不攻衞與齊矣。「宀」 是何也?夫越山踰河,絕韓上黨而攻彊趙,是復閼與之事,[□秦必不爲也。 |秦非無事之國也,|韓亡之後必將更事,更事必就易與利,就易與利必不伐|楚與趙 故曰溱 伐楚, 岩道

- 「一」「索隱」復音扶富反。謂前年秦韓相攻閼與,而趙奢破秦軍。
- [三] 索隱] 道猶行也。涉谷是往楚之險路。從秦向楚有兩道,涉谷是西道,河内是東道。
- []] [正義] 劉伯莊云:「秦兵向楚有兩道,涉谷是西道,河外是東道。從褒斜人梁州,即東南至申州攻石城山,險阸之

1

[四] [樂解] 孫檢曰:「楚之險塞也。」徐廣曰:「或以爲今江夏鄳縣。」 山縣東南二十一里。魏攻冥阸卽此,山上有故石城。注水經云『或言在酃』,指此山也。 正義。冥音盲。括地志云:「石城山在申州鍾 吕氏春秋云『九塞』,此

[五][索隱] 攻,亦作「致」。戰國策見作「致軍」,言致軍糧難也。

[六][正義]從河外出函谷關,歷同州南至鄭州,東向陳州,則背大梁也。

[P] [集解] 徐廣曰:「一無『左』字。」 [正義] 上蔡縣在豫州北七十里,邵陵故城亦在豫州郾城縣東四十五里,並在陳 州西。從汴州南行向陳州之西郊,則上蔡、邵陵正南面,向東皆身之右,定無「左」字也。

[八][正義] 衞、齊皆在韓、趙、魏之東,故秦不伐也。

以臨河内,河内共、汲「馬」必危,有鄭地,「よ」得垣雍,「よ」決熒澤水灌大梁,大梁必亡。 使[10]者之惡之,隨安陵氏而亡之,[三繞舞陽之北,以東臨許, 王之使者出過而惡安陵氏於秦、「八」秦之欲誅之久矣。秦葉陽、昆陽與舞陽鄰、「九〕聽 夫韓亡之後,兵出之日,非魏無攻已。 秦固有懷、 茅、C :〕邢丘,C :〕城C **〕地津C **] 南國必危、江三國無害

[一] 集解 徐廣曰:「在脩武軹縣,有茅亭。」 八傳云周與鄭人蘇忿生十二邑,其一曰攢茅。 [正義] 茅,卯包反。懷州武陟縣西十一里故懷城,本周邑,後屬晉。左 括地志云「在懷州獲嘉縣東北二十五里」也。 獲嘉,古脩武也。

[三][樂解]徐廣曰:「在平皋。」 [正義] 括地志云:「平皋故城在懷州武德縣東南二十里,本邢丘邑也,以其在河之皋

地也。」

〔三〕 [索隱] 按:戰國策云邢丘、安城,此少「安」字耳。

[四] | 索隱 | 在河北。 垝音九毁反。 [正義] 垝音詭。字誤,當作「延」。括地志云:「延津故俗字名臨津,故城在衞州

清淇縣西南二十六里。杜預云『汲郡城南有延津』是也。」

五] 集解 徐廣曰:汲縣屬河内。」 [索隱] 汲,亦作「波」。 波及汲皆縣名,俱屬河内。

[六][集解]徐廣曰:「成皋、榮陽亦屬鄭。」

[4] (集解) 徐廣曰:「垣雍城在卷縣,卷縣屬魏也。卷縣又有長城,經陽武到密者也。」 正義雍,於用反。

括地志

云:「故城在鄭州原武縣西北七里。」釋例:「地名卷縣,理或垣城也。」言韓亡之後,秦有鄭地,得垣雍城,

決溝歷雍灌大梁是也。

[八][樂解]徐廣日:「召陵有安陵鄉,征羌有安陵亭也。」 [正義] 括地志云:「陽陵縣西北十五里。 李奇云六國時**爲** 安陵也。」言魏王使者出向秦云,共伐韓以成過失,而更惡安陵氏於秦,今伐之,重非也

[九][正義] 括地志云:「葉陽今許州葉縣也。昆陽故城在許州葉縣北二十五里。 舞陽故城在葉縣東十里。」 此時葉

陽、昆陽屬秦,舞陽屬魏也。

[10] 索隱] 上平聲,下去聲。

二二 正義 隨猶聽也。 無忌說言使者惡安陵氏,亦聽秦亡安陵氏。 然繞舞陽之北以東臨許,許必危矣。 秦有許地,

魏國可無害。

[三] [正義] 南國,今許州許昌縣南西四十里許昌故城是也。 國,武王伐紂所封。 地理志云潁川許縣古許國,姜姓,四岳之後,文叔所封,二十四君,爲楚所滅。」三卿背晉,其 此時屬韓,在魏之南,故言南國。 括地志云:「周時爲許

地屬韓。

地,無河山而闌之,無周韓而閒之,去大梁百里,禍必由此矣。 十,[10]名都數百。[11]秦乃在河西晉,去梁千里,而禍若是矣。又況於使秦無韓,有鄭 東至陶衞之郊、「宀」北至平監。「宀」所亡於秦者,山南山北、「宀」河外河内、「宀」大縣數 中、「」邊城盡拔,文臺墮、「四」垂都焚、「四」林木伐,麋鹿盡,而國繼以圍。又長驅梁北, 梁千里,「一〕有河山以闌之,有周韓以閒之。從林鄉軍「一〕以至于今,秦七攻魏,五人囿 夫憎韓不愛安陵氏可也,夫不患秦之不愛南國非也。異日者,秦在河西晉,國去

[一] [集解] 徐廣曰:「魏國之界千里。又云河南梁縣有注城。」 正義河西,同州也。晉國都絳州,魏都安邑,皆在河

東,去大梁有千里也。

[二] 集解 徐廣曰:「林鄉在宛縣。」 [正義] 括地志云:「宛陵故城在鄭州新鄭縣東北三十八里,本鄭舊縣也。」按劉徐二說,是其地也 [察隱] 劉氏云「林,地名,蓋春秋時鄭地之棐林,在大梁之西北」。 徐廣云在宛

[1] 集解 徐廣曰:「一作『城』也。」 索隱面即頭田。 **圃田,鄭藪,屬魏。** 徐廣云一作「城」。 而戰國策作「國中」。

[正義] 括地志云:「圃田澤在鄭州管城縣東三里。 周禮云豫州藪曰圃田也。」

[四][索隱]文臺,臺名。列士傳曰「隱陵君施酒文臺」也。 [正義] 墮,許規反。 括地志云:「文臺在曹州冤句縣西北

[樂解]徐廣日:「一云『魏山都焚』。 句陽有垂亭。」 [索隱] 垂,地名。有廟日都。 並魏邑名。

六十五里也。」

[六][正義] 陶,曹州定陶也。衞即宋州楚丘縣,衞文公都之,秦兵歷取其郊也。

[七] [集解] 徐廣日:「平縣屬河南。平,或作『乎』字。史記齊闕止作『監』字。 闞在東平須昌縣。」

[八][正義]山,華山也。 華山之東南,七國時鄧州屬韓,汝州屬魏。 華山之北,侗、樺、殿、綏並巍地也。

[九][正義] 河外謂華州以東至號、陝,河内謂蒲州以東至懷、衛也。

[10][樂解]徐廣曰:「一作『百』。」

集解 徐廣曰:「一作『十』。

共伐韓,而又與彊秦鄰之禍也。 挾韓之質[雪]以存韓,而求故地,韓必效之。[於] 此士民不勢而故地得,其功多於與豪 亡天下之國而臣海内,必不休矣。 是故臣願以從事王,〔8〕王速受楚趙之約,(趙)〔而〕 識亡不聽,<a>こ。
一過投質於趙,請爲天下鴈行頓刃,楚、趙必集兵,皆識秦之欲無窮也, 異日者,從之不成也,自己變、魏疑而韓不可得也。今韓受兵三年,秦橈之以講,自己 非盡

[一] 索隱 從音足松反。

「三」「索隱」機音尼孝反。謂韓被秦之兵、機擾已經三年、云欲講説與韓和。

[三][索陽] 識猶知也。故戰國策云「韓知亡猶不聽」也。

[四][索屬]從音足松反。從事,言合從事王也。戰國策亦然。

(至〕[索屬] 言韓以質子人趙、則趙挾韓質而親韓也。

[六] | 索隱 | 效猶致也,謂致故地於趙也。 地,韓必效之,勝於與秦伐韓又與秦鄰之禍殃也。 [正義]無忌令魏王速受楚、趙之從。趙、楚挾持韓之質以存韓,而魏以求

安陵必危,楚、趙大破,衞、齊甚畏,天下西鄉而馳秦人朝而爲臣不久矣。 不敢反魏,是韓則魏之縣也。 人賦之,是魏重質韓以其上黨也。今有其賦,足以富國。韓必德魏愛魏重魏畏魏,韓必 夫存韓安魏而利天下,此亦王之天時已。通韓上黨於共、甯、
「〕使道安成、
「」出 魏得韓以爲縣衞,大梁、河外必安矣。 今不存韓,二周、

[一] 樂解] 徐廣曰:「朝歌有甯鄉。」 |紂,勒兵於甯,故曰脩武」。 今魏開通共甯之道,使韓上黨得直路而行也。 正義一共,衛州共城縣。甯,懷州脩武縣, 本殷之甯邑。韓詩外傳云「武王伐

(二][正義] 括地志云:「故安城在鄭州原武縣東南二十里。」時屬魏也。

一十年,秦圍邯鄲,信陵君無忌矯奪將軍晉鄙兵以救趙,二〕趙得全。 無忌因留趙。

十六年,秦昭王卒。

[1][正義]括地志云:「魏德故城一名晉鄙城,在衞縣西北五十里,即公子無忌矯奪晉鄙兵,故名魏德城也。」

魏王又怒,擊秦,秦必傷』。今王囚增,是喜之計中也。故不若貴增而合魏,以疑之於齊、 太子增。或爲增謂秦王〔〕曰:「公孫喜〔〕固謂魏相曰『請以魏疾擊秦,秦王怒,必囚增。 三十年,無忌歸魏,率五國兵攻秦,敗之河外,走蒙驁。魏太子增質於秦,秦怒,欲囚魏

韓。」 秦乃止增。

[一] 索陽] 按:戰國策作「蘇秦爲公子增謂秦王」。

[二][索隱]戰國策作「公孫衍」。

三十一年,秦王政初立。

三十四年,安釐王卒,太子增立,是爲景湣王。二二信陵君無忌卒。

[一] 索屬 系本云:安釐王生景湣王午。」

拔我汲。五年,秦拔我垣、蒲陽、衍。「二十五年,景湣王卒,子王假立。 景湣王元年,秦拔我二十城,以爲秦東郡。二年,秦拔我朝歌。 衛徙野王。[1]三年,秦

[一][集解]徐廣曰:「衞從濮陽徙野王。」

魏世家第十四

一八六四

[三][集解]徐廣曰:「十二年獻城秦。」 在隰州隰川縣南四十五里。」在蒲水之北,故曰蒲陽。衙,地名,在鄭州。 [正義] 括地志云:「故垣地本魏王垣也,在絳州垣縣西北二十里。 蒲邑 故城

王假元年,燕太子丹使荆軻刺秦王,秦王覺之。

[一][集解]徐廣曰:「二年,新鄭反。」

三年,秦灌大梁,虜王假,口」遂滅魏以爲郡縣。

[一][集解]列女傳曰:「秦殺假。」

降, 遂滅魏。」説者皆曰魏以不用信陵居故,國削弱至於亡,余以爲不然。天方令秦平海 太史公曰:吾適故大梁之墟,墟中人曰:「秦之破梁,引河溝而灌大梁,三月城壞,王請

内,其業未成,魏雖得阿衡之佐,曷益乎?〔〕〕

【索隱述贊】畢公之苗,因國爲姓。大名始賞,盈數自正。胤裔繁昌,系載忠正。楊干就戮,智氏奔命。 虎狼乎」?

[一] [索隱] 按: 譙周曰「以予所聞,所謂天之亡者,有賢而不用也,如用之,何有亡哉? 使|紂用三仁,周不能王,況|奏

文始建侯、武實彊盛。大梁東徙、長安北偵。卯既無功,卬亦外聘。王假削弱、虜於秦政。

史記卷四十五

韓世家第十五

韓之先與周同姓,7. 1. 2姓姬氏。 其後苗裔事晉,得封於韓原、三三日韓武子。武子後三

世[三]有韓厥,從封姓爲韓氏。

[一][索隱]按:左氏傳云「邗、晉、應、韓,武之穆」,是武王之子,故詩稱「韓侯出祖」,是有韓而先滅。 今據此文,云 叔已下,嘉吾子之賜」,亦言桓叔是韓之祖也。今以韓侯之後别有桓叔,非關曲沃之桓叔,如此則與太史公之意 及左傳舊說,皆謂韓萬是曲沃桓叔之子,卽是晉之支庶。又國語叔向謂韓宣子能修武子之德,起再拜謝曰「自桓 ,其後裔事晉,封于韓原,曰韓武子」,則武子本是韓侯之後,晉又封之於韓原,卽今之馮翊韓城是也。然按系本

亦有違。

[二][正義] 括地志云:「韓原在同州韓城縣西南八里。又韓城在縣南十八里,故古韓國也。 於韓原故城也。」 古今地名云韓武子食菜

[『] [索隱] 系本云:「萬生賕伯,賕伯生定伯簡,簡生輿,輿生獻子厥。」

韓厥,晉景公之三年,晉司寇屠岸賈將作亂,誅靈公之賊趙盾。 趙盾已死矣,欲誅其子

韓世家第十五

韓厥止賈,賈不聽。 厥告趙朔令亡。朔曰:「子必能不絶趙祀,死不恨矣。」韓厥許

之。及賈誅趙氏,厥稱疾不出。程嬰、公孫杵臼之藏趙孤趙武也,厥知之。

卿,而韓厥在一卿之位,號爲獻子。 景公十一年,厥與郤克將兵八百乘伐齊,敗齊頃公于鞍、「己獲逢丑父。於是晉作六

[一][正義] 音安。括地志云:「故鞍城今俗名馬鞍城,在濟州平陰縣十里。」

晉景公十七年,病,卜,大業之不遂者爲祟。韓厥稱趙成季之功,今後無祀,以感景公。

景公問曰:「尚有世乎。」厥於是言趙武,而復與故趙氏田邑,續趙氏祀。

晉悼公之(十)[七]年,韓獻子老。獻子卒,子宣子代。宣子徙居州。[1]

[1] [索隱] 宜子名起。州,今在河内是也。 [正義] 括地志云:「懷州武德縣本周司寇蘇忿生之州邑也。」

子與趙、魏共分祁氏、羊舌氏十縣。晉定公十五年,宣子與趙簡子侵伐范、中行氏。宣子 晉平公十四年,吳季札使晉,曰:「晉國之政卒歸於韓、魏、趙矣。」晉頃公十二年,韓宣

卒,子貞子代立。貞子徙居平陽。[一]

[一][索隱] 系本作「平子」,名須,宜子子也。又云「景子居平陽」。平陽在山西。宋忠曰「今河東平陽縣」。 正義

平陽,晉州城是。

貞子卒,子簡子代。[二簡子卒,子莊子代。莊子卒,子康子[三代。 康子與趙襄子、魏

桓子共敗知伯,分其地,地益大,大於諸侯。

一][樂解]徐廣曰:「史記多無簡子、莊子,而云貞子生康子。班氏亦同。」 云貞子生康子。班氏亦同。」按:系本有簡子,名不信;莊子,名庚。趙系家亦有簡子,名不佞。 [索隱]徐廣云:「史記多無簡子、莊子,而

[三] 索隱 名虎。

康子卒,子武子「二代。武子二年,伐鄭,殺其君幽公。十六年,武子卒,子景侯立。「二

[一] 索隱 名啓章。

[三] 索隱] 紀年及系本皆作「景子」,名處。

景侯虔元年,伐鄭,取雍丘。二年,鄭敗我負黍。

六年,與趙、魏俱得列爲諸侯。

九年,鄭圍我陽翟。景侯卒,子列侯取立。「己

[一]索隱系本作「武侯」。

列侯三年,聶政殺韓相俠累。〔一〕九年,秦伐我宜陽,取六邑。十三年,列侯卒,子文侯

立。气三是歲魏文侯卒。

[一] 集解 徐廣曰:「六年救魯也。」 [索隱] 戰國策作「殺韓傀」,高誘曰「韓傀,俠侯累也」。

[二] [索隱] 按"紀年無)文侯,系本無列侯。

世家第十

Ŧī.

文侯二年,伐鄭,取陽城。伐宋,到彭城,執宋君。 七年,伐齊,至桑丘。 鄭反晉。 九

年,伐齊,至靈丘。〇一十年,文侯卒,子哀侯立。

[1][正義] 靈丘、蔚州縣也,此時屬燕也。

哀侯元年,與趙、魏分晉國。 二年,滅鄭,因徙都鄭。[1]

[一] 索隱]按:紀年魏武侯二十一年,韓滅鄭,哀侯人于鄭。二十二年,晉桓公邑哀侯于鄭。 是韓既徙都,因改號日

六年,韓嚴弑其君哀侯,而子懿侯立。[1]

鄭,故戰國策謂韓惠王日鄭惠王,猶魏徙大梁稱梁王然也。

[一] 索屬] 按:年表懿侯作「莊侯」。又紀年云「晉桓公邑哀侯于鄭,韓山堅賊其君哀侯而立韓若山」。 若山卽 懿侯

也,則韓嚴爲韓山堅也。而戰國策又有韓仲子,名遂,又恐是韓嚴也。

|懿侯二年,魏敗我馬陵。[1]五年,與魏惠王會宅陽。[1]九年,魏敗我澮。[1]十二年,懿

侯卒,子昭侯立。

[一][正義] 在魏州元城縣東南一里。

[三] 正義 在鄭州也。

(三) 樂解 徐廣日:「大雨三月也。」 [正義] 澮,古外反,在陵州澮水之上也。

昭侯元年,秦敗我西山。二年,宋取我黄池。〔〕魏取朱。六年,伐東周,〔〕取陵觀、邢

- [一] 集解 徐廣日 一在平丘。」
- 〔三〕正義 河南鞏縣。

八年,申不害相韓,脩術行道,國内以治,諸侯不來侵伐。

十年,韓姬弑其君悼公。〔一〕十一年,昭侯如秦。二十二年,申不害死。二十四年,秦來

拔我宜陽。

[一][索隱]紀年「姬」亦作「玘」,並音羊之反。 姬是韓大夫,而王邵亦云不知悼公何君也。

時卹民之急,而顧益奢,此謂『時絀舉贏』。」〔三〕二十六年,高門成,昭侯卒,〔三〕果不出此門。 非時日也,人固有利不利時。 二十五年,旱,作高門。屈宜曰[二]曰:「昭侯不出此門。何也?不時。吾所謂時者, 昭侯嘗利矣,不作高門。往年秦拔宜陽,今年旱,昭侯不以此

子宣惠王立。

[一][集解]許慎曰:「屈宜白,楚大夫,在魏也。」

[二] 集解]徐廣日:「時衰耗而作奢侈。」

三] | 索隱] 按:紀年「鄭昭侯武薨,次威侯立。威侯七年,與邯鄲圍襄陵。 誰之謚。則韓微小,國史失代系,故此文及系本不同,蓋亦不可復考。 王朝梁,不見威侯之卒。下敗韓舉在威侯八年,而此系家即以爲宣惠王之年。又上有殺悼公,悼公又不知是 五月,梁惠王會威侯于巫沙。十月,鄭宣

宣惠王五年,張儀相秦。八年,魏敗我將韓舉。〔一〕十一年,君號爲王。與趙會區鼠。

韓世家第十五

十四年,秦伐敗我鄢。〔三〕

一〕[索隱] 韓舉則是韓將不疑,而紀年云韓舉,趙將,蓋舉先爲趙將,後入韓。又紀年云其敗當韓威王八年,是不同

也

[三] 集解]徐廣日:[潁川鄢陵縣。音於乾反。] [正義] 今許州鄢陵縣西北十五里有鄢陵故城是也。

幣。謂韓王曰:「不穀國雖小,已悉發之矣。願大國遂肆志於秦,不穀將以楚殉韓。」「も〕韓 也、「引心不爲鴈行以來、「八」是秦韓不和也,兵雖至,楚不大病也。爲能聽我絕和於秦,秦 韓,命戰車滿道路,發信臣,多其車,重其幣, 使信王之救己也。 縱韓不能聽我, 韓必德王 伐煙,此凑所禱祀而求也。今已得之矣,楚國必伐矣。王聽臣爲之警四境之内,起師言教 之大恐,召陳軫告之。陳軫曰:「秦之欲伐楚久矣,今又得韓之名都一而具甲,秦韓并兵而 伐煙,此以一易二之計也。」「图〕韓王曰:「善。」乃警公仲之行,「图〕將西購於秦。「《》楚王聞 「與國非可恃也。今秦之欲伐楚久矣,王不如因張儀爲和於秦,賂以一名都,具甲,與之南 |王聞之大説,乃止公仲之行。[10]公仲曰:「不可。夫以實伐我者|秦也,以虚名救我者|楚也。 患也。」||楚王曰:「善。」乃警四境之内,與師言救韓。命戰車滿道路,發信臣,多其車,重其 必大怒,以厚怨韓。韓之南交楚,必輕秦,輕秦,其應秦必不敬:是因秦、韓之兵而免楚國之 十六年,秦敗我脩魚,〔1〕虜得韓將鰒、申差於濁澤。〔1〕韓氏急,公仲〔1〕謂韓王曰:

秦也。 伐秦也。 障,大戰,

煙救不至韓。

十九年,

大破我岸門。

○□太子倉質於

素以和。 王恃楚之虚名,而輕絶彊秦之敵,王必爲天下大笑。且楚韓非兄弟之國也,又非素約而謀 夫輕欺彊

秦而信

楚之謀臣,恐王必悔之。」韓王不聽,遂絶於

秦。 已有伐形,因發兵言救韓,此必陳軫之謀也。且王已使人報於秦矣,今不行,是欺 秦因大怒,益甲伐

[一] 索隱] 地名。

[三]集解]徐廣曰:「一云鯁、申差。長社有濁澤。」 [索隱] 鰒、申差、二將。 鰒音痩、亦作「鯁」。 差。 又云「濁澤在長社」,不曉錯誤之甚。括地志云「觀澤在魏州頓丘縣東十八里」。 者蓋誤,當作「觀澤」。年表云「泰惠文王更元八年,與韓戰,斬首八萬。韓宣惠王十六年,秦敗我脩魚,得將軍申 魏哀王二年,齊敗我觀澤。趙武靈王九年,與韓、魏擊秦。齊湣王七年,敗魏、趙觀澤」,濁澤定誤矣。 正義 按:濁澤

「三」「索隱」韓相國,名侈。

四][索隱]一,謂名都也。二,謂使不伐韓而又與之伐楚也。

[五] 索隱] 警,戒也。戰國策作「衞」。

[六][索隱]戰國策作「講」。講亦謀議,與購求意通。

[4] [索隱] 言韓王信楚之教,雖不能聽待楚教至,折入於秦,猶德於楚也。

[<] [索 隱] 言韓以楚必救己,己雖隨秦來戰,猶德於王,故不爲鴈行而來,言不同心旅進也。

九] 索隱] 殉,從死也。言以死助韓。

韓世家第十五

[10] 索隱 止不令西之秦。

[二] 集解 徐廣日:「潁陰有岸亭。」 [正義] 括地志云:「岸門在許州長社縣西北十八里,今名西武亭矣。」

二十一年、「二與秦共攻楚、「三敗楚將屈丐、斬首八萬於丹陽。「三是歲,宣惠王卒,太

子倉立,是爲襄王。〔四〕

[一] 集解] 徐廣日:「周王赧之三年也。」

[二] 集解] 徐廣曰:「圍景座也。」

三] 索隱 故楚都,在今均州。 [正義] 左傳〔釋〕例云:「楚居丹陽,今枝江縣故城是也。」

[四] (集解) 徐廣曰:「一云周赧王六年,韓襄哀王三年,張儀死。 赧王九年,襄哀王六年,秦昭王立。」

六萬。秦武王卒。六年,秦復與我武遂。 九年,秦復取我武遂。 十年,太子嬰朝秦而歸。 「己 襄王四年,與秦武王會臨晉。其秋,秦使甘茂攻我宜陽。 五年,秦拔我宜陽、二」斬首

十一年,秦伐我,取穰。〔三〕與秦伐楚,敗楚將唐眛。

[一][正義]括地志云:「故韓城一名宜陽城,在洛州福昌縣東十四里,韓宜陽城也。」

三]集解]徐廣曰:「與秦會臨晉,因至咸陽而還。」

. ||] [正義] 穰,人羊反,鄧州縣也。郭仲産南雍州記云:「楚之别邑。 秦初侵楚,封公子悝爲穰侯。後屬韓,秦昭王取

之也。」

之旁,「三韓必起兵以救之,公必將矣。公因以韓楚之兵奉蟣蝨而内之,其聽公必矣, <u>嚴亡在楚,楚王欲内之甚。今楚兵十餘萬在方城之外,[1]公何不令楚王築萬室之都雍氏</u> 十二年,太子嬰死。 公子咎、公子蟣蝨争爲太子。 時蟣蝨質於楚。 蘇代謂韓谷曰:「蟣

楚韓封公也。」韓咎從其計。

索隱方城,楚之北境。 之外,北境之北也。 |正義||括地志云:「方域山在許州葉縣西南十八里。 左傳云楚大

〔三〕[樂解]徐廣曰:「在陽翟。」 [正義] 括地志云:「故雍氏城在洛州陽罹縣二十五里。故老云黄帝臣雍父作杵臼也。」 夫屈完對齊侯日『楚國方城以爲城』,杜注云『方城山在南陽葉縣南』。」

對 之,「八公不能救也。 易與公相支也。「宀」公戰而勝楚,遂與公乘楚,施三川而歸。〔宀」公戰不勝楚,楚塞三川守 璽、[二]實類 歸。』今其狀陽言與韓, 折而人於楚,韓固其與國也,是秦孤也。 爲果乎。」對曰:「秦王必祖張儀之故智。〔四〕 日:「秦王之言日 楚圍雍氏了三韓求救於秦。 有約也。」公仲恐, 『請道南鄭、藍田、こ三出兵於楚以待公』,殆不合矣。」〔『三公仲日:「子以 竊爲公患之。 其實陰善楚。 曰:「然則柰何。」曰:「公必先韓而後秦, 秦未爲發,使公孫昧人韓。公仲曰:「子以秦爲且救韓乎。」 司馬庚「京」三反於野,甘茂與昭魚「10」遇於商於,其言收 公待秦而到,必輕與楚戰。 不如出兵以到之,「三」魏楚大戰, 楚威王攻梁也, 張儀謂秦王曰:『與楚攻魏,魏 楚陰得秦之不用也, 先身而後張儀。江三 秦取西河之外以 必

公不如亟以國合於齊楚,齊楚必委國於公。 公之所惡者張儀也、三三其實猶不無秦也。」於

是楚解雍氏圍。口图

[一] 樂解 徐廣曰:「秦本紀惠王後元十三年,周赧王三年,楚懷王十七年,齊湣王十二年,皆云『楚圍雍氏』。紀年於 同。然則此卷所云『襄王十二年,韓咎從其計』以上,是楚後圍雍氏,赧王之十五年事也。又説『楚圍雍氏』以下, 此亦説『楚景翠圍雍氏。 是楚前圍瘫氏,赧王之三年事。」 韓宣王卒,秦助韓共敗楚屈丐』。又云『齊、宋圍煮棗』。皆與史記年表及田完世家符

(三)[正義]南鄭、梁州縣。 韓使而東救雍氏。 如此遲緩,近不合於楚矣。 藍田,雍州縣。秦王言或出雍州西南至鄭,或出雍州東南歷藍田出曉關,俱繞楚北境以待

[三]索隱] 殆不合於南鄭。

四〕集解除廣日:「祖者,宗之習之謂也。故智,猶前時謀計也。」

[五][索隱]到,欺也,猶俗云「張到」。 然戰國策作「勁」,勁,強也。

[六][索隱] 言楚陰知秦,不爲公用,亦必易爲公相支拒也。

[4][正義] 施猶設也。三川,周天子都也。 之迹,加威諸侯,乃歸咸陽是也 言韓戰勝楚,則秦與韓駕御於楚,卽於天子之都,張設救韓之功,行霸王

[八][正義] 楚乃塞南河四關守之,韓不能救三川。

[元] 集解]徐廣曰:「一作『唐』。」

[10] 集解] 徐廣曰:「楚相國。」 [索隱] 戰國策謂之昭啟。

[11] [索隱] 劉氏云「詐言昭魚來秦、欲得秦官之印璽」。 收卽取之義也。

[正義] 先以身存韓之計,而後知張儀爲秦到魏之計,不如急以國合於齊楚。

[三]正義]惡,鳥故反。 公孫昧言公仲所惡者張儀到魏之計,雖以國合於齊楚,其實猶不輕欺無秦也。

[四] [集解] 徐廣日:「甘茂傳云『楚懷王以兵圍韓雍氏,韓使公仲告急於秦,秦昭王新立,不肯救。 甘茂爲韓言之,乃 之下,是楚前圍雍氏,赧王三年事」,徐説非也。徐見下文云「先身而後張儀」及「公之所惡者張儀也」,言張儀尚 下師於徵以救韓也』。又云『周赧王十五年,韓襄王十二年,秦擊楚,斬首二萬,敗楚襄城,殺景缺』。周本紀赧王 存,楚又兩度圍雍氏,故生此前後之見,甚誤也。 已死十年矣。」 八年之後云『楚圍雍氏』,此當韓襄王十二年,魏哀王十九年。 [正義] 自此已上十二年,並是楚後圍雍氏,赧王之十五年一段事也。前注徐廣云「『楚圍雍氏』 然是公孫昧卻述張儀時事,說韓相公仲耳。 紀年於此亦説『楚人雍氏,楚人敗』。 然爾時張儀

韓。 於楚。「這」楚王聽人質子於韓、「思〕則公叔伯嬰知秦楚之不以蟣蝨爲事,必以韓合於秦楚。 於是蟣蝨竟不得歸韓。[+]韓立咎爲太子。齊、魏王來。[5] |秦楚挾韓以窘魏,魏氏不敢合於齊,是齊孤也。 公又爲|秦求質子於楚,〔五〕 楚不聽,怨結於 韓挾齊魏以圍楚, 蘇代又謂秦太后弟芈戎气己曰:「公叔伯嬰恐秦楚之内蟣蝨也?「己 公何不爲韓求質子 楚必重公。「私」公挾案楚之重以積德於韓,公叔伯嬰必以國待公。」

徐廣日:「號新城君。」 索隱 半,姓;戎,名。 秦宣太后弟,號新城君。

按戰國策,公叔伯嬰與蟣蝨及公子咎並是襄王子。 然伯嬰卽太子嬰,嬰前死,故咎與蟣蝨又争立。

戰國策說,伯嬰未立之先亦與蟣蝨争立,故事重而文倒也。

[三][索隱]令韓求楚,更以别人爲質,以替蟣蝨也。 正義爲,于僞反。後同。

四」索隱質子,蟣蝨也。 [正義] 質子,蟣蝨。 蘇代令半戎爲韓求蟣蝨人於韓,楚不聽。 公叔伯嬰知秦楚不以蟣

蝨爲事,必以韓合於秦楚。 「楚王聽人質子於韓」當云「楚王不聽人質子於韓」,承前脱「不」字耳。 次下云 「知秦

楚不以蟣蝨爲事」,重明脱「不」字。

[五][索隱]令芈戎教秦,於楚索韓所送質子,令人之於秦也。

[六][正義]言韓合齊魏以圍楚,楚必尊重芈戎以求秦教矣。

[七][正義] 自此已前蘇代數計皆不成,故韓竟立咎爲太子也。

[八][正義] 蘇代爲韓立計,故得齊、魏王來。

十四年,與齊、魏王共擊秦,至函谷而軍焉。十六年,秦與我河外及武遂。襄王卒,太

子咎立,是爲釐王。

齊。齊敗,湣王出亡。十四年,與秦會兩周閒。二十一年,使暴蔵「『〕救魏, 六年,與秦武遂地二百里。〔三〕十年,秦敗我師于夏山。 十二年, 與秦昭王會西周而佐秦攻 釐王三年,使公孫喜率周、魏攻秦。 秦敗我二十四萬,虜喜伊闕。 五年,秦拔我宛。八二 爲秦所敗, 感

走開封。

- [一][正義] 宛,於元反。宛,鄧州縣也,時屬韓也。
- [三][正義]此武遂及上武遂皆宜陽近地。
- 〔三〕[正義] 音捐。韓將姓名。

日而至,敗趙、魏於華陽之下。是歲,釐王卒,子桓惠王立。 曰:「彼韓急則將變而佗從,以未急,故復來耳。」穰侯曰:「公無見王,請今發兵救韓。」八 **穰侯怒曰:「是可以爲公之主使乎?夫冠蓋相望,告敝邑甚急,公來言未急,何也。」陳筮** 公雖病,爲一宿之行。」陳筮見穰侯。穰侯曰:「事急乎?故使公來。」 陳筮曰:「未急也。」 二十三年,趙、魏攻我華陽。〔二韓告急於秦,秦不救。 韓相國謂陳筮〔三〕曰:「事急,願

[一][正義]司馬彪云:「華陽,山名,在密縣。」鄭州管城縣南四十里。

[二][樂解]徐廣日:「一作『筌』。」 [索隱]徐廣云一作「筌」。 戰國策作「田茶」。

城,負黍。〔四〕二十二年,秦昭王卒。二十四年,秦拔我城皋、滎陽。二十六年,秦悉拔我上 以上黨郡降趙。十四年,秦拔趙上黨,「『〕殺馬服子卒四十餘萬於長平。十七年,秦拔我陽 桓惠王元年,伐燕。九年,秦拔我脛,城汾旁。二十年,秦擊我於太行,三司我上黨郡守

韓世家第十五

灙。二十九年,秦拔我十三城。

(一) 正義 秦拔陘城於汾水之旁。 脛故城在絳州曲沃縣西北二十里汾水之旁也。

〔三〕[正義] 太行山在懷州河内縣北二十五里也。

[三][正義] 韓上黨也。從太行山西北澤、潞等州是也。

[樂解]徐廣曰:「負黍在陽城。」 [正義] 古今地名云:「負黍在洛州陽城西三十七里也。」

三十四年,桓惠王卒,子王安立。

王安五年,秦攻韓,韓急,使韓非使秦,秦留非,因殺之。

九年,秦虜王安,盡入其地,爲潁川郡。韓遂亡。〔〕〕

[一][正義] 亡在秦始皇帝十七年。

太史公曰:韓厥之感晉景公,紹趙孤之子武,以成程嬰、公孫杵臼之義, 此天下之陰德

也。 韓氏之功,於晉未覩其大者也。然與趙、魏終爲諸侯十餘世,宜乎哉!

既徙平陽,又侵負黍。景趙俱侯,惠(文)〔又〕僭主。秦敗脩魚,魏會區鼠。韓非雖使,不禁狼虎。 【索隱述贊】韓氏之先,實宗周武。事微國小,春秋無語。後裔事晉,韓原是處。趙孤克立,智伯可取。

史記卷四十六

田敬仲完世家第十六

觀國之光,利用賓于王。此其代陳有國乎?不在此而在異國乎?非此其身也,在其子孫。 陳完者,陳厲公他「一」之子也。完生,周太史過陳,陳厲公使卜完,卦得觀之否:「是爲

若在異國,必姜姓。姜姓,四嶽之後。「己物莫能兩大,陳衰,此其昌乎。」「『己

[一] [索隱] 他音徒何反。此系家以他爲厲公,而左傳厲公名躍,陳系家又有利公躍,利即厲也,是厲公名躍。蓋他是 厲公之兄,立未踰年,無謚。今此云「厲公他」,非也。他一名五父,故經云「蔡人殺陳他」,傳又云「蔡人殺五父」

是也。

[三][正義] 杜預云:「姜姓之先,爲堯四嶽也。」

[1] [正義] 陳湣公、周敬王四十一年爲楚惠王所滅。齊簡公,周敬王三十九年被田常所殺。

及桓公病,蔡人爲他殺桓公鮑及太子免而立他,爲厲公。厲公既立,娶蔡女。蔡女淫於蔡 厲公者,陳文公少子也,其母蔡女。文公卒,厲公兄鮑立,是爲桓公。桓公與他異母。

田敬

仲完

<u>₩</u>:

家第十六

罪之也。 自立,是爲莊公。故陳完不得立,爲陳大夫。厲公之殺,以淫出國,故春秋曰「蔡人殺陳他」, 人,數歸,厲公亦數如蔡。桓公之少子林怨厲公殺其父與兄,乃令蔡人誘厲公而殺之。林

于美。 矣。 桓公使爲工正。〔一〕齊懿仲欲妻完,卜之,占曰:「是謂鳳皇于蜚,和鳴鏘鏘。 有嬀之後,將育 及己,完故奔齊。齊桓公欲使爲卿,辭曰:「羈旅之臣幸得免負擔,君之惠也,不敢當高位。」 莊公卒,立弟杵臼,是爲宣公。宣公二二十一年,殺其太子禦寇。禦寇與完相愛,恐禍 五世其昌,並于正卿。八世之後,莫之與京。」卒妻完。院之奔齊,齊桓公立十四年

(二)[正義] 工巧之長,若將作大匠。

完卒,謚爲敬仲。仲生釋孟夷。[一]敬仲之如齊,以陳字爲田氏。[一]

□□[索隱] 系本作「夷孟思」。蓋屛是名,孟夷字也、

爲田氏。應劭云「始食菜於田」,則田是地名,未詳其處。 [正義] 案: 敬仲既奔齊,不欲稱本國故號,故改陳字爲 [索隱] 據如此云,敬仲奔齊,以陳田二字聲相近,遂以

田釋孟夷生湣孟莊、门田湣孟莊生文子須無。 田文子事齊莊公。

【一〕[集解] 徐廣曰:「一作『芷』。」 [索隱] 系本作「閩孟克」。 芷,昌改反。

晉之大夫樂是「一作亂於晉,來奔齊,齊莊公厚客之。晏嬰與田文子諫,莊公弗聽。

【一][索隱] 音盈。史記多作「逞」字。

文子卒,生桓子無字。田桓子無字有力,事齊莊公,甚有寵。

田氏。 之,其(栗)〔稟〕予民以大斗,行陰德於民,而景公弗禁。由此田氏得齊衆心,宗族益彊,民思 無字卒, 晏子數諫景公,景公弗聽。已而使於晉,與叔向私語曰:「齊國之政其卒歸於田氏 生武子開與釐子乞。了一田釐子乞事齊景公爲大夫,其收賦稅於民以小斗受

(一)[正義] 釐音僖。

矣。

乃説景公曰:「范、中行數有德於齊,齊不可不救。」齊使田乞救之而輸之粟。 晏嬰卒後,范、中行氏反晉。晉攻之急,范、中行請粟於齊。 田乞欲爲亂,樹黨於諸侯,

陽生素與乞歡。 以子茶爲太子。景公卒,兩相高、國立茶,是爲晏孺子。而田乞不說,欲立景公他子陽生。 景公太子死,後有寵姬日芮子、二生子茶。「三景公病,命其相國惠子」三與高昭子「四 晏孺子之立也,陽生奔魯。田乞僞事高昭子、國惠子者,每朝代參乘,言

田敬

之,與國惠子救公。公師敗。田乞之衆追國惠子,惠子奔莒,遂返殺高昭子。 子可畏也,及未發先之。」諸大夫從之。田乞、鮑牧與大夫以兵入公室,攻高昭子。 曰:「始諸大夫不欲立孺子。]孺子既立,君相之,大夫皆自危,謀作亂。」又給大夫曰:「高昭 晏(孺子) [圉] 昭子聞

一] 集解]徐廣曰:一作『粥子』。」

奔魯。

[三] 索隱] 音舒。又如字。

「三」「索隱」名夏。

「四」索隱 名張。

景公之子,何爲不可」遂立陽生於田乞之家,是爲悼公。乃使人遷晏孺子於駘,气己而殺 命乎。」諸大夫欲悔,陽生乃頓首曰:「可則立之,不可則已。」鮑枚恐禍及己,乃復曰:「皆 大夫皆伏謁。將盟立之,田乞誣曰:「吾與鮑枚謀共立陽生也。」鮑收怒曰:「大夫忘景公之 孺子茶。 而來會飲。」會飲田氏。田乞盛陽生橐中,气」置坐中央。發橐,出陽生,曰:「此乃齊君矣。」 田乞使人之魯,迎陽生。陽生至齊,匿田乞家。請諸大夫曰:「常之母有魚菽之祭,幸 悼公既立,田乞爲相,專齊政。

「一」[索隠] 橐音託。橐中謂皮橐之中。

四年,田乞卒,子常代立,是爲田成子。

斗出貸,以小斗收。齊人歌之曰:「嫗乎采芭,歸乎田成子」」「三」齊大夫朝,御鞅「三諫簡公 曰:「田、監不可並也,君其擇焉。」君弗聽。 左右相,相簡公。田常心害監止,監止幸於簡公,權弗能去。於是田常復脩釐子之政,以大 鮑牧與齊悼公有郄,弑悼公。齊人共立其子王,是爲簡公。田常成子與監止「〕俱爲

[集解] 監,一作「闞」。 「索隱] 上音如字,又音苦濫反。監,姓也。名止。

[三] |索隱] 言嫗之采芭菜皆歸入於田成子,以刺齊國之政將歸陳

[三] [索隱] 御,官也;鞅,名也。亦田氏之族。

將誅田氏,田氏弗先,禍及矣。」子我舍公宫,田常兄弟四人乘如公宫,欲殺子我。子我閉 欲盡滅田氏適,以豹代田氏宗。」 豹曰:「臣於田氏疏矣。」 不聽。 已而豹謂田氏曰:「子我 簡公與婦人飲檀臺、「三」將欲擊田常。太史子餘曰:「田常非敢爲亂,將除害。」簡公乃 田常出, 子我者,監止之宗人也,行以常與田氏有卻。田氏疏族田豹事子我有寵。子我曰:「吾 聞簡公怒,恐誅,將出亡。田子行曰:「需,事之賊也。」「虱」田常於是擊子我。

田

子我率其徒攻田氏,不勝,出亡。 田氏之徒追殺子我及監止。

[一] | 索隱| 案::齊系家云「子我夕」,賈逵云「卽監止也」。 尋其文意,當是監止。今云「宗人」,蓋太史誤也。

[二][正義]在青州臨淄縣東北一里。

[三] [索隱] 需音須。需者,疑也。疑必致難,故云事之賊也。

簡公出奔, 田氏之徒追執簡公于徐州。[二簡公曰:「蚤從御鞅之言,不及此難。」田氏

之徒恐簡公復立而誅己,遂殺簡公。簡公立四年而殺。 於是田常立簡公弟驚,是爲平公。

平公卽位,田常爲相。

[一][索隱] 徐音舒。徐州,齊邑,薛縣是也,非九州之徐。 正義一齊之西北界上地名,在勃海郡東平縣也。

田常既殺簡公,懼諸侯共誅己,乃盡歸魯、衞侵地,西約晉、韓、魏、趙氏,南通吳、越之

使,脩功行賞,親於百姓,以故齊復定。

年, 齊國之政皆歸田常。 田常言於齊平公曰:「德施人之所欲,君其行之,刑罰人之所惡,臣請行之。」行之五 田常於是盡誅鮑、晏、監止及公族之彊者,而割齊自安平以東「一」

至琅邪,自爲封邑。〔三〕封邑大於平公之所食。

集解 是。 徐廣日:「安平在北海。」 正義」括地志云:「安平城在青州臨淄縣東十九里,古紀國之酅邑。」青州即北海郡也。 [索隱] 案:司馬彪郡國志「北海東安平, 六國時日安平」, 則徐廣云在北海

[三][正義] 琅邪,沂州也。從安平已東,萊、登、沂、密等州皆自爲田常封邑也

田常乃選齊國中女子長七尺以上爲後宫,後宫以百數,而使賓客舍人出入後宫者不

及田常卒,有七十餘男。〔一〕

[一][索隱] 案::鮑昱云「陳成子有數十婦,生男百餘人」,與此亦異。然譙允南案春秋,陳恆爲人,雖志大負殺君之 名,至於行事亦脩整,故能自保,固非苟爲禽獸之行。夫成事在德,雖有姦子七十,祇以長亂,事豈然哉?言其

田常卒,子襄子盤「二代立,相齊。常謚爲成子。

一〕集解除爵曰:「盤,一作『塈』。」 [索隱]徐廣云一作「塈」。音許既反。系本作「班」。

田襄子既相齊宣公,三晉殺知伯、己分其地。襄子使其兄弟宗人盡爲齊都邑大夫,與

三晉通使,且以有齊國。

[一] [樂解] 徐廣曰:「宣公之三年時也。」

襄子卒,子莊子白「己立。田莊子相齊宣公。 宣公四十三年,伐晉,毀黄城,圍陽狐。〔三〕

明年,伐魯、萬及安陵。「司明年,取魯之一城。

[二] 索隱 系本名伯。

田

仲完世家第十六

[三][正義] 括地志云:「故黄城在魏州冠氏縣南十里。陽狐郭在魏州元城縣東北三十二里也。」

[]] [正義] 括地志云:「故魯城在許昌縣南四十里,本魯朝宿邑。 長葛故城在許州長葛縣北十三里,鄭之葛邑也。鄢

陵故城在許州鄢陵縣西北十五里。李奇云六國時爲安陵也。」

莊子卒,子太公和立。「己田太公相齊宣公。」宣公四十八年,取魯之處。「三明年,宣公

與鄭人會西城。伐衞,取毌丘。〔三〕宣公五十一年卒,田會自廩丘反。〔四〕

[一] 索隱]案:紀年「齊宣公十五年,田莊子卒。明年,立田悼子。悼子卒,乃次立田和」。是莊子後有悼子。蓋立 家,自成子至王建之滅,唯祇十代;若如紀年,則悼子及侯剡即有十二代,乃與莊子、鬼谷説同,明紀年亦非妄。 年無幾,所以作系本及記史者不得錄也。而莊周及鬼谷子亦云「田成子殺齊君,十二代而有齊國」。今據系本、系

[三][正義]音城。括地志云:「故郕城在兗州泗水縣西北五十里。説文云『郕,魯孟氏邑』是也。」

[三] [索隱] 毌音貫,古國名,衞之邑。今作「毌」者,字殘缺耳。 在曹州濟陰縣南五十六里也。」 [正義] 括地志云:「故貫城卽古貫國,今名蒙澤城,

图] [索隱] 紀年「宣公五十一年,公孫會以廩丘叛於趙。十二月,宣公薨」。於周正爲明年二月。

宣公卒,子康公貸立。「二貸立十四年,淫於酒、婦人,不聽政。」太公乃遷康公於海上,食

一城,以奉其先祀。明年,魯敗齊平陸。〔三〕

[一] 樂解] 徐廣曰:「十一年,伐魯,取最。」 [索隱] 貸音土代反。最音祖外反。

[三] 樂解] 徐廣日東平平陸。 [正義] 兗州縣也。

田和爲諸侯。周天子許之。康公之十九年,田和立爲齊侯,列於周室,紀元年。 三年,太公與魏文侯會濁澤,仁心求爲諸侯。魏文侯乃使使言周天子及諸侯,請立齊相

[一] 集解 徐廣曰:「康公之十六年。」 又云「明年會平陸」,「又三年會濁澤」,則是十八年,表及此注並誤也。 [索隱]徐廣云「康公十六年」,蓋依年表爲說,而不省此上文「貸立十四年」,

與秦、魏戰。楚、趙聞之,果起兵而救之。齊因起兵襲燕國,取桑丘。〔《〕 必救之,是天以燕子齊也。」桓公曰:「善。」乃陰告韓使者而遣之。韓自以爲得齊之救,因 齊桓公召大臣而謀「『〕曰:「蚤救之孰與晚救之。」翳忌曰:「不若勿救。」段于朋「『〕曰: 「不救,則韓且折而入於魏,不若救之。」田臣思「禹〕曰:「過矣君之謀也! 溱、魏攻韓,楚、趙 齊侯太公和立二年,和卒、「一〕子桓公午立。「三」桓公午五年,秦、魏攻韓,韓求救於齊。

[一][樂解]徐廣曰:「伐魯,破之。」

[三] [索閱] 紀年「齊康公五年,田侯午生。二十二年,田侯剡立。後十年,齊田午弑其君及孺子喜而爲公」。 春秋後 傳亦云「田午弑田侯及其孺子喜而兼齊,是爲桓侯」。與此系家不同也。

[三] [索隱] 謂騶忌、段干朋。如戰國策威王二十六年邯鄲之役有此謀臣耳。又南梁之難在宜王二年,有騶子、田忌 孫臏之謀。戰國策又有張田。其辭前後交互,是記史者所取各異,故不同耳。

[四][索隱]段干,姓;朋,名也。戰國策作「段干綸」。

[五][索隱] 戰國策作「田期思」,紀年謂之徐州子期,蓋即田忌也。

[六][正義]括地志云:「桑丘故城俗名敬城,在易州遂城縣。」爾時齊伐燕桑丘,魏、趙來救之。魏、趙世家並云「伐齊

田敬仲完世家第十六

至桑丘」,皆是易州。

六年,救衞。桓公卒,[二子威王因齊立。是歲,故齊康公卒,絕無後,奉邑皆人田氏。

[一] [索隱] 案紀年,梁惠王十二年當齊桓公十八年,後威王始見,則桓公十九年而卒,與此不同

人陽關。[三]晉伐我,至博陵。[三]七年,衞伐我,取薛陵。 九年,趙伐我,取甄。[四] 齊威王元年,三晉因齊喪來伐我靈丘。〔一〕三年,三晉滅晉後而分其地。六年,魯伐我,

[1][正義]靈丘,河東蔚州縣。案:靈丘此時屬齊,三晉因喪伐之。韓、魏、趙世家云「伐齊至靈丘」,皆是蔚州。

[三] 集解 徐廣日:「在鉅平。」 [正義] 括地志云:「魯陽關故城在兗州博城縣南二十九里,西臨汶水也。」

[三]正義]在濟州西界也。

[四]正義]音絹。即濮州甄城縣也。

墨大夫而語之曰:「自子之居卽墨也,、「〕毀言日至。然吾使人視卽墨,田野闢,民人給,官 衛、敗魏於濁澤而圍惠王。
惠王請獻觀以和解、趙人歸我長城。於是齊國震懼,人人不敢 是子以幣厚吾左右以求譽也。」是日,烹阿大夫,及左右嘗譽者皆并烹之。遂起兵西擊趙、 譽言日聞。然使使視阿,田野不闢,民貧苦。昔日趙攻甄,子弗能救。衞取廢陵,子弗知。 無留事,東方以寧。是子不事吾左右以求譽也。」,封之萬家。召阿大夫語曰:「自子之守阿, 威王初卽位以來,不治,委政卿大夫,九年之閒,諸侯並伐,國人不治。於是威王召卽

飾非,務盡其誠。 齊國大治。 諸侯聞之,莫敢致兵於齊二十餘年。

[1][正義] 萊州膠水縣南六十里即墨故城是也。

音調而天下治。夫治國家而弭人民者,無若乎五音者。」王曰:「善。」 温者,君也;小弦廉折以清者,相也;攫之深而舍之愉者,政令也;鈞諧以鳴,大小相益, 以鳴,大小相益,回邪而不相害者,四時也:吾是以知其善也。」王曰:「善語音。」翳忌子 以春温者,君也;小弦廉折以清者,相也;「〕攫「三之深,醳「三之愉者」「□〕政令也;鈞諧 琴!」王勃然不説,去琴按劍曰:「夫子見容未察,何以知其善也。」翳忌子曰:「夫大弦濁 回邪而不相害者,四時也。夫復而不亂者,所以治昌也,連而徑者,所以存亡也:故曰琴 有如夫子者也。若夫治國家而弭人民,又何爲乎絲桐之閒。」 騶忌子曰:「夫大弦濁以春 曰:「何獨語音,夫治國家而弭人民皆在其中。」王又勃然不説曰:「若夫語五音之紀,信未 翳忌子以鼓琴見威王,威王説而舍之右室。 須臾,王鼓琴,翳忌子推户入曰:「善哉鼓

[一][集解]琴操曰:「大弦者,君也,寬和而温。小弦者,臣也,清廉而不亂。」 後語「温」字作「春」,春氣温,義亦相通也。」蔡邕曰:「凡弦以緩急爲清濁。 琴,緊其弦則清,縵其弦則濁。」 [索隱] 大弦濁以温者君也。案:春秋

[三] 集解]徐廣曰:「以爪持弦也。攫音己足反。」

三][集解]徐廣曰:「一作『舒』。」

田敬

仲完世家第十六

[四] [索隱] 醳音釋,與下文舍字並同。 愉音舒也。

以下邳,號曰成侯。 面其僕曰:「是人者,吾語之微言五,其應我若響之應聲,是人必封不久矣。」「も」居朞年,封 不能成其五音。」關忌子曰:「謹受令,請謹脩法律而督姦吏。」淳于髡説畢,趨出,至門,而 受令,請謹擇君子,毋雜小人其閒。」淳于髡曰:「大車不較、「к」不能載其常任,琴瑟不較, 「謹受令,請謹自附於萬民。」淳于髡曰:「狐裘雖敝,不可補以黄狗之皮。」騶忌子曰:「謹 謹事左右。」淳于髡曰:「弓膠昔幹,〔□〕所以爲合也,然而不能傅合疏罅。」〔□〕騶忌子曰: 前。」「三淳于髡曰:「豨膏棘軸,所以爲滑也,然而不能運方穿。」「三」騶忌子曰:「謹受令,請 曰:「謹受教。」淳于髡曰:「得全全昌,〔一〕失全全亡。」 騶忌子曰:「謹受令,請 謹 毋 離 騶忌子見三月而受相印。淳于髡見之曰:「善説哉!髡有愚志,願陳諸前。」 騶忌子

[宋隱]案:得全,謂人臣事君之禮全具無失,故云得全也。全昌者,謂若無失則身名獲昌,故云全昌也

[二] ||索隱] 謂佩服此言,常無離心目之前。

〔三〕[索隱] 狶膏,豬脂也。 棘軸,以棘木爲車軸,至滑而堅也。 然而穿孔若方,則不能運轉,言逆理反經也。 故下忌 日「請謹事左右」,言每事須順從。

「四」(樂解)徐廣日:「一作『乾』。」 [索隠]音孤捍反。昔,久舊也。幹,弓幹也。徐廣又曰一作「乾」。 浅江記作「卅

幹」,則梤昔音相近。言作弓之法,以膠被昔幹而納諸繁中,則是以勢令合耳。

【五】索隱 傅音附。 豈待拘以禮制法式哉。故下云「請自附於萬人」是也。 罅音五嫁反。以言膠幹可以勢暫合,而久亦不能常傅合於疏罅隙缝。 以言人臣自宜彌縫得所,

六][索隱]較者,校量也。言有常制,若大車不較,則車不能載常任,琴不能成五音也。

P][集解]新序曰:「齊稷下先生喜議政事。 |兇等辭詘而去,||騶忌之禮倨,淳于髡之禮卑。故所以尚干將、莫邪者,貴其立斷也。所以尚騏驥者,爲其立至也。 必且歷日曠久,則系氂能挈石,駑馬亦能致遠。是以聰明捷敏,人之美材也。」 辭,騶忌必不能及,乃相與俱往見騶忌。淳于髡之徒禮倨,騶忌之禮卑。淳于髡等稱辭,騶忌知之如應響,淳于 **騶忌既爲齊相,稷下先生淳于髡之屬七十二人皆輕騶忌,以爲設以微**

趙人不敢東漁於河。 枚,柰何以萬乘之國而無寶乎。」威王曰:「寡人之所以爲寶與王異。吾臣有檀子者,「己 乎?」 威王曰:「無有。」〔一〕梁王曰:「若寡人國小也,尚有徑寸之珠照車前後各十二乘者十 王慙,不懌而去。 七千餘家。 使守南城,則楚人不敢爲寇東取,泗上十二諸侯〔〕皆來朝。吾臣有朌子者,使守高唐,則 |威王二十三年,與趙王會||平陸。二十四年,與魏王會田於郊。|魏王問曰:「王亦有寶 吾臣有種首者, 吾吏有黔夫者,使守徐州,則燕人祭北門,趙人祭西門,< B〕徙而從者 使備盗賊, 則道不拾遺。將以照千里,豈特十二乘哉」

田

[一] [索隱] 案: 韓嬰詩外傳以爲齊宣王,其説異也。

[二] [索隱] 檀子,齊臣。 檀,姓;子,美稱,大夫皆稱子。 **胎子**,田胎也。 黔夫及種首皆臣名。 事悉具戰國策也

[三] 索隱 邾、莒、宋、魯之比。

[四][集解] 賈逵曰:「齊之北門西門也。言燕、趙之人畏見侵伐,故祭以求福。」

以獘魏,邯鄲拔而乘魏之獘。」威王從其計。 氏并邯鄲,其於齊何利哉。且夫救趙而軍其郊, 忌子曰:「不如勿救。」段干朋曰:「不救則不義,且不利。」 威王曰:「何也。」 對曰:「夫魏 二十六年,魏惠王圍邯鄲,趙求救於齊。齊威王召大臣而謀曰:「救趙孰與勿救。] 驧 是趙不伐而魏全也。故不如南攻襄陵〇一

[二][正義] 襄陵故城在兗州鄒縣也。

攻襄陵。 有功,則公之謀中也,戰不勝,非前死則後北,而命在公矣。」於是成侯言威王,使田忌南 其後成侯騶忌與田忌不善, 公孫閱[二]謂成侯忌曰:「公何不謀伐魏,田忌必將。 十月,邯鄲拔,齊因起兵擊魏,大敗之桂陵。〔三〕於是齊最彊於諸侯,自稱爲王,以

[一] 索隱 戰國策作「公孫閔」。

[三] 索隱] 在威王二十六年。 [正義] 在曹州乘氏縣東北二十一里。

三十三年,殺其大夫牟辛。

[一] [集解] 徐廣曰:「一作『夫人』。」 「索隱] 牟辛,大夫姓字也。徐廣曰一作「夫人」。案:年表亦作「夫人」。王劭案 紀年云「齊桓公十一年殺其君母。宣王八年殺王后」。然則夫人之字,或如紀年之說。

辭於王之所。 田忌聞之,因率其徒襲攻臨淄,求成侯,不勝而犇。[1] 三戰而三勝,聲威天下。欲爲大事,亦吉乎不吉乎』?」卜者出,因令人捕爲之卜者,驗其 三十五年,公孫閱又謂成侯忌曰:「公何不令人操十金卜於市,曰『我田忌之人也。吾

(一] [索隱] 案:戰國策田忌前敗魏於馬陵,因被構,不得入齊,非是居齊歷十年乃出奔也。是時齊都臨淄,且孟嘗列 傳云「田忌襲齊之邊邑」,其言爲得,即與系家不同也。

三十六年,威王卒,子宣王辟彊立。

宣王元年,秦用商鞅。周致伯於秦孝公。

教,則韓且折而人於魏,不如蚤救之。」「三」孫子「三」曰:「夫韓、魏之兵未獘而救之,是吾代韓 請救於齊。宣王召大臣而謀曰:「蚤救孰與晚救。」쀓忌子曰:「不如勿救。」田忌曰:「弗 二年,魏伐趙。趙與韓親,共擊魏。趙不利,戰於南梁。〔一〕宣王召田忌復故位。

田

趙以擊魏,大敗之馬陵,「馬」殺其將龐涓,虜魏太子申。其後三晉之王皆因田嬰朝齊王於博 之親而晚承魏之獘,則可重利而得尊名也。」宣王曰:「善。」 乃陰告韓之使者而遣之。 韓 望、「生」盟而去。「も」 因恃齊,五戰不勝,而東委國於齊。齊因起兵,使田忌、田嬰將,「四」孫子爲(帥)〔師〕,救韓、 受魏之兵,顧反聽命於韓也。且魏有破國之志,韓見亡,必東面而愬於齊矣。吾因深結韓

步。晉太康地記云『戰國時謂南梁者,別之於大梁、少梁也』。古蠻子邑也。」 [正義] 括地志云:「故梁在汝州西南二百

[三] [索隱] 案:紀年威王十四年,田胎伐梁,戰馬陵。戰國策南梁之難,有張田對曰「蚤救之」。 此時鄒忌死已四年,又齊威時未稱王,故戰國策謂之田侯。今此以田侯爲宜王,又横稱鄒忌,皆謬矣」。 此云鄉忌者,王劭云

[三]索隱]孫臏也。

[四]集解]徐廣曰:「嬰,一作『肦』。」

五] 索隱 在宜王二年。

[六][正義] 括地志云:「博望故城在鄧州向城縣東南四十五里。」

[中][集解]徐廣曰:「表曰三年,與趙會博望伐魏。」

相王也。十年,楚圍我徐州。十一年,與魏伐趙,趙決河水灌齊、魏,兵罷。十八年,秦惠王 七年,與魏王會平阿南。〔一〕明年,復會甄。魏惠王卒。〔三〕明年,與魏襄王會徐州,諸侯

[一] 正義 沛郡平阿縣也。

[三] [索隱] 明年,梁惠王卒。案紀年,梁惠王乃是齊湣王爲東帝,秦昭王爲西帝時。此時梁惠王改元稱一年,未卒 也。而系家以其後卽爲魏襄王之年,又以此文當齊宣王時,實所不能詳考。

徒七十六人,皆賜列第,爲上大夫,不治而議論。是以齊稷下學士復盛,且數百千人。「《」 宣王喜文學游説之士,自如翳衍、淳于髡、「己田駢、「己接予、「己慎到、「己環淵「五之

[一][正義] 贅聲,齊之稷下先生也。

[三][正義]白眠反。藝文志云田駢,齊人,遊稷下,號天口駢,作田子二十五篇也。

[三][正義]齊人。藝文志云接予二篇,在道家流。

[四][正義]趙人,戰國時處士。藥文志作慎子四十二篇也。

[五][正義] 楚人。孟子傳云環淵著書上下篇也。

[六][集解]劉向別録曰:「齊有稷門,城門也。談説之士期會於稷下也。」 [索隱] 劉向别録曰「齊有稷門、齊城門也。

談説之士期會於其下」。齊地記曰「齊城西門側,系水左右有講室,趾往往存焉」。蓋因側系水出,故曰稷門,古

側稷音相近耳。又虞喜日「齊有稷山,立館其下以待游士」,亦異説也。 春秋傳曰「莒子如濟,盟于稷門」。

十九年,宣王卒,子湣王地气之立。

一 | 索隱| 系本名遂。

田敬仲完世家第十六

湣王元年,秦使張儀與諸侯執政會于齧桑。三年,封田嬰於薜。四年,迎婦于秦。 七

年,與宋攻魏,敗之觀澤。

之東兵之辭且謂綦何?曰『秦兵不用而得三川,伐楚韓以窘魏,魏氏不敢東,是孤齊也』。 地,使秦制和,謂秦王曰『請與韓地,而王以施三川,[10]韓氏之兵不用而得地於楚』。 韓馮 兵,乘屈丐之獘,南割於楚,名存亡國,實伐三川「八」而歸,此王業也」。公令楚王「九」與韓氏 **儀救魏之辭,必不謂秦王曰『儀以爲魏』,必曰『儀且以秦韓之兵東距齊宋,儀將摶三國之** 韓之兵東卻齊宋,馮因摶[太]三國之兵,乘屈丐之獘,[4]南割於楚,故地必盡得之矣』。 脹 韓之兵毋東,旬餘,則魏氏轉韓從秦,秦逐張儀,〔禹〕交臂而事齊楚,此公之事成也。」田軫 ·康將拔,[『]齊兵又進,子來救寡人則可矣;不救寡人,寡人弗能拔。』[®]此特轉辭也。秦、 完,使楚利公,成爲福,不成亦爲福。今者臣立於門,客有言曰魏王謂韓馮八三張儀曰:『煑 張儀之東兵之辭且謂何。曰『秦韓欲地而兵有案,聲威發於魏,魏氏之欲不失齊楚者有資 曰:「柰何使無東。」對曰:「韓馮之救魏之辭,必不謂韓王曰『馮以爲魏』,必曰 『馮將以秦 十二年,攻魏。楚圍雍氏,[1]秦敗屈丐。蘇代謂田軫曰:「臣願有謁於公,其爲事甚 魏氏轉秦韓争事齊楚,楚王欲而無與地,行己公令秦韓之兵不用而得地,有一大德

也。行三秦韓之王劫於韓馮、張儀而東兵以徇服魏,公常執左券行司以責於秦韓,此其善於公

而惡張子多資矣。」「四

[一] 集解 徐廣曰:「在陽翟,屬韓。」

[三][樂解]徐廣日:「韓之公仲侈也。」

[三][集解]徐廣曰:「在濟陰宛朐。」

〔四〕[索隱]能猶勝也。言不勝其拔,故聽齊拔之耳。

[五] 索隱] 逐,隨也。

(六) 集解 徐廣曰:「音專。 專猶并合制領之謂也。」 索隱」搏音團,團謂握領也。

徐作「專」,亦通。

[七][正義] 屈丐,楚將,爲秦所敗,今更欲乘之。

[八]索屬|韓也。

[九] | 索隱 | 公謂陳軫。

[10] [正義] 施,張設也。言秦王於天子都張設迫脅也。

(二] [集解] 徐廣曰:「楚王欲得魏來事己,而不欲與韓地也。」

[三] [正義] 蘇代謂陳軫,今秦韓之兵不戰伐而得地,陳軫於秦韓豈不有大恩德。

[一三] [索隱] 券,要也。左,不正也。言我以右執其左而責之。

[13] [正義] 左券下,右券上也。蘇代説陳軫以上券令秦韓不用兵得地,而以券資秦韓卻韓馮、張儀以徇服魏,故秦韓

善陳軫而惡張儀多取矣。

田敬仲

完世家

第十六

中山。八二 攻屪,至函谷軍焉。二十八年,秦與韓河外以和,兵罷。二十九年,趙殺其主父。齊佐趙滅 二十五年,歸涇陽君于秦。」孟嘗君薛文入秦,卽相秦。)文亡去。二十六年,云三齊與韓魏共 十三年,秦惠王卒。二十三年,與秦擊敗楚於重丘。〔一〕二十四年,秦使涇陽君質於齊。

[一][樂解]徐廣曰:「表日與秦擊楚,使公子將,大有功。」

〔三〕[集解]徐廣曰:「盂嘗君爲相。」

(三)[集解]徐廣曰:「三十年,田甲劫王,相薛文走。」

獨尊崇而輕齊,釋帝則天下愛齊而憎秦,伐趙不如伐桀宋之利,故願王明釋帝以收天下,倍 帝立約伐趙,孰與伐傑宋之利。」「三」王曰:「伐傑宋利。」對曰:「夫約鈞,然與秦爲帝而天下 乎。] 王曰:「尊溱。」曰:「釋帝,天下愛齊乎?愛溱乎。」王曰:「愛齊而憎溱。」曰:「兩 之,天下惡之,王因勿稱,以收天下,此大資也。且天下立兩帝,王以天下爲尊齊乎?尊秦 王受之而勿備稱也。 秦稱之,天下安之,王乃稱之,無後也。 且讓争帝名,無傷也。 秦稱 「嘻,善,子來!」秦使魏丹致帝,子以爲何如。」對曰:「王之問臣也卒,而患之所從來微,願 三十六年,王爲東帝,秦昭王爲西帝。 蘇代自燕來,入齊,見於章華東門。〔二齊王曰:

尊,燕楚所以形服,天下莫敢不聽,此湯武之舉也。敬秦以爲名,而後使天下憎之,此所謂 以卑爲尊者也。願王孰慮之。」於是齊去帝復爲王,秦亦去帝位。 有)淮北,|楚之東國危,[[禹]有陶、平陸,梁門不開。[[8]釋帝而貸之以伐|桀宋之事,國重而名 約賓秦, 無争重,而王以其閒舉宋。夫有宋,衞之陽地危,公司有濟西,趙之阿東國危,公司

[一][樂解] 左思齊都賦注曰:「齊小城北門也。」而此言東門,不知爲是一門非邪? 正義」括地志云:「齊城章華之

東有閶門、武鹿門也。」

[二] 樂解] 宋世家云:「宋王偃,諸侯皆曰桀宋也。」

[三] 集解] 陽地,濮陽之地。 [正義] 案:衞此時河南獨有濮陽也。

[四][正義] 阿,東阿也。爾時屬趙,故云東國危。

[五][正義] 淮北、徐、泗也。東國謂下相、僮、取慮也。

[´ ´ `] [正義] 陶,定陶,今曹州也。 平陸,兗州縣也,縣在大梁東界。

恐,恐必西事凑,是王不煩一兵,不傷一士,無事而割安邑也、气己此韓聶之所禱於王也。」 秦王曰:「吾患齊之難知。一從一衡,其説何也。」對曰:「天下國令齊可知乎。齊以攻宋, 所愛,何也。」蘇代爲齊謂秦王曰:「韓聶之攻宋,所以爲王也。齊彊,輔之以宋,楚魏必 三十八年,伐宋。 秦昭王怒曰:「吾愛宋與愛新城、陽晉同。〔〕」韓聶與吾友也,而攻吾

之交,伏式結軼「四〕西馳者,未有一人言善齊者也,伏式結軼東馳者,未有一 其知事秦以萬乘之國自輔, 不西事秦則宋治不安。〔三〕中國白頭游敖之士皆積智欲離齊秦 人言善秦者也。

楚, 何則?皆不欲齊秦之合也。 請以此決事。」秦王曰:「諾。」於是齊遂伐宋,宋王出亡,死於温。「馬」齊南割楚之准北, 何晉楚之智而齊秦之愚也!晉楚合必議齊秦, 齊秦合必圖晉

西侵三晉,欲以并周室,爲天子。 泗上諸侯鄒魯之君皆稱臣,諸侯恐懼。

正義 括地志云:「新城故城在宋州宋城縣界。 陽晉故城在曹州乘氏縣西北三十七里。」

[二] [正義] 年表云秦昭王二十一年,魏納安邑及河内。

三][索隱] 戰國策作「宋地不安」。

四][索隱] 軼音姪。軼者,車轍也,言車轍往還如結也。戰國策作「結靷」。

[三] 正義] 懷州有温城。

三十九年,秦來伐,拔我列城九。

臨淄,盡取齊之寶藏器。 湣王出亡,之衞。 衞君辟宫舍之,稱臣而共具。 湣王不遜,衞人侵 潛王去,走鄒、魯,有驕色,鄒、魯君弗内,遂走莒。楚使淖齒、三將兵救齊, 淖齒遂殺湣王而與燕共分齊之侵地鹵器。〔三〕 四十年,燕、溱、楚、三晉合謀,各出鋭師以伐,敗我濟西。〔一〕王解而卻。 燕將樂毅遂入 因相齊潛

[一] 樂解] 徐廣曰:「案其餘諸傳無楚伐齊事。年表云楚取淮北。」

[三]索隱] 淖音女教反。

〔三〕正義] 鹵掠齊寶器也。

之。法章懼其誅己也,久之,乃敢自言「我湣王子也」。於是莒人共立法章,是爲襄王。 人,憐而常竊衣食之,而與私通焉。 淖齒既以去莒, 莒中人及齊亡臣相聚求湣王子, 潛王之遇殺,其子法章變名姓爲莒太史敫气〕家庸。太史敫女奇法章狀貌, 以爲非恆 欲立

[一][樂解]徐廣曰:「音躍,一音皎。」

襄王既立,立太史氏女爲王后,是爲君王后,生子建。太史敫曰:「女不取媒因自嫁,非

吾種也,汙吾世。」終身不覩居王后。 居王后賢,不以不覩故失人子之禮。

襄王在莒五年,田單以卽墨攻破燕軍,迎襄王於莒,入臨菑。齊故地盡復屬齊。 齊封

田單爲安平君。「こ

[二]正義]安平城在青州臨淄縣東十九里,古紀之酅邑也。

十四年,秦擊我剛壽。十九年,襄王卒,子建立。

餘萬,遂圍邯鄲。 亡國,威卻彊秦之兵,不務爲此而務愛粟,爲國計者過矣。」齊王弗聽。秦破趙於長平四十 患及齊楚。且救趙之務,宜若奉漏甕沃焦釜也。夫救趙,高義也,卻秦兵,顯名也。 義教 齊楚之計過也。且趙之於齊楚,扞蔽也,气三猶齒之有脣也,脣亡則齒寒。今日亡趙,明日 食,請粟於齊,齊不聽。周子自己目:「不如聽之以退秦兵,不聽則秦兵不卻,是秦之計中而 |王建立六年,秦攻趙,齊楚救之。 |秦計曰:「齊楚救趙,親則退兵,不親遂攻之。」趙無

[二] [正義] 此時秦伐趙上黨欲克,無意伐齊、楚,故言趙之於齊、楚爲扞蔽也。 [一] [索隱] 蓋齊之謀臣,史失名也。 戰國策以「周子」爲「蘇秦」,而「楚」字皆作「燕」,然此時蘇秦死已久矣。

代王嘉,滅燕王喜。 明年,秦破燕,燕王亡走遼東。明年,秦滅魏,秦兵次於歷下。四十二年,秦滅楚。明年,虜 咸陽。三十五年,秦滅韓。三十七年,秦滅趙。三十八年,燕使荆軻刺秦王,秦王覺,殺軻。 十六年,秦滅周。君王后卒。二十三年,秦置東郡。二十八年,王入朝秦,秦王政置酒

齊爲郡。天下壹并於秦,秦王政立號爲皇帝。始,君王后賢,事秦謹,與諸侯信,齊亦東邊 海上,秦日夜攻三晉、燕、楚,五國各自救於秦,以故王建立四十餘年不受兵。君王后死,后 四十四年,秦兵擊齊。齊王聽相后勝計,不戰,以兵降秦。秦虜王建,遷之洪。〔〕遂滅

備,不助五國攻秦,秦以故得滅五國。 五國已亡,秦兵卒入臨淄,民莫敢格者。 王建遂降, 住建洪者客耶?」「三」疾建用客之不詳也。「ヨ」 遷於共。 勝相齊,多受秦閒金,多使賓客入秦,秦又多予金,客皆爲反閒,勸王去從朝秦,不脩攻戰之 故齊人怨王建不蚤與諸侯合從攻秦,聽姦臣賓客以亡其國,歌之曰:「松耶柏耶?

[二] 樂解] 地理志河内有共縣。 [正義] 今衞州共城縣也。

〔三〕[集解] 徐廣曰:「戰國策云秦處建於共松柏閒也。」 [索隱] 耶音邪。 謂是建客邪,客說建住言遂乃失策,今建遷

供。 供, 今在河内也。

〔三〕 [索隱] 謂不詳審用客,不知其善否也。

專齊國之政,非必事勢之漸然也,蓋若遵厭兆祥云。 史之卦田敬仲完,占至十世之後,及完奔齊,懿仲卜之亦云。田乞及常所以比犯二君, 太史公曰:蓋孔子晚而喜易。易之爲術,幽明遠矣,非通人達才孰能注意焉!故周太

[一] | 索隱| 比如字,又頻律反。 二君卽悼公、簡公也。 僖子廢晏孺子,鮑收以乞故殺悼公,而成子又殺簡公,故云田

氏比犯二君也。

【索隱述贊】田完避難,奔于大姜,始辭羈旅,終然鳳皇。物莫兩盛,代五其昌。二君比犯,三晉争強。

一九〇四

史記卷四十七

孔子世家第十七

伯之位,而稱世家者,太史公以孔子布衣傳十餘世,學者宗之,自天子王侯,中國言六藝者宗於夫子,可謂至聖, 索隱」孔子非有諸侯之位,而亦稱系家者,以是聖人爲教化之主,又代有賢哲,故稱系家焉。 正義孔子無侯

孔子生魯昌平鄉陬邑。「二其先宋人也,日孔防叔。「三防叔生伯夏,伯夏生叔梁紇。「引

故爲世家。

好頂?[K]故因名曰正云。字仲尼,姓孔氏。 | **紇與颜氏女野合而生孔子,「□」禱於尼丘得孔子。** 魯襄公二十二年而孔子生。「五」生而首上

一] 集解] 徐廣曰:「陬音騶。 兗州鄒城,闕里即此也。 括地志云:「兗州曲阜縣魯城西南三里有闕里,中有孔子宅,宅中有廟。 伍緝之從征記 子生昌平鄉,蓋鄉取山爲名。故闕里在泗水縣南五十里。與地志云鄒城西界闕里有尼丘山。」按:今尼丘山在 鄒邑昌平鄉之闕里也。 云闕里背邾面泗,即此也。」按:夫子生在鄒,長徙曲阜,仍號闕里。 [正義] 括地志云:「故郷城在兗州泗水縣東南六十里。 昌平山在泗水縣南六十里。孔 孔安國日『陳、孔子父叔梁紇所治邑』。」 [索隱] 陬是邑名,昌平,鄉號。 孔子居魯之

孔 子 世 家 第 十 七

- 【二】[索隱] 家語:「孔子、宋微子之後。宋襄公生弗父何、以讓弟厲公。弗父何生宋父周、周生世子勝、勝生正考父、 故孔氏爲魯人也。」 考父生孔父嘉,五世親盡,别爲公族,姓孔氏。孔父生子木金父,金父生睪夷。睪夷生防叔,畏華氏之逼而奔魯,
- [三][正義] 括地志云:「叔梁紇廟亦名尼丘山祠,在兗州泗水縣五十里尼丘山東趾。 地理志云魯縣有尼丘山,有叔梁 紇廟。 」
- [四] [索隱] 家語云「梁紇娶魯之施氏,生九女。其妾生孟皮,孟皮病足,乃求婚於顔氏徵在,從父命爲婚」。其文甚 也」、又「先進於禮樂、野人也」、皆言野者是不合禮耳。 明。今此云「野合」者,蓋謂梁紇老而徵在少,非當壯室初笄之禮,故云野合,謂不合禮儀。故論語云「野哉由 六十四陽道絕。女七月生齒,七歲毀齒,二七十四陰道通,七七四十九陰道絕。婚姻過此者,皆爲野合。 故家語 云「梁紇娶魯施氏女,生九女,乃求婚於顔氏,顔氏有三女,小女徵在」。 據此,婚過六十四矣。 [正義] 男八月生齒,八歲毀齒,二八十六陽道通,八八
- [五][索隱]公羊傳「襄公二十一年十有一月庚子,孔子生」。今以爲二十二年,蓋以周正十一月屬明年,故誤也。後 序孔子卒,云七十二歲,每少一歲也。
- [六][索隱] 圩音鳥。頂音鼎。圩頂言頂上窳也,故孔子頂如反宇。反宇者,若屋宇之反,中低而四傍高也 括地志云:「女陵山在曲阜縣南二十八里。干寶三日紀云『徵在生孔子空桑之地,今名空竇,在魯南山之空竇中。 無水,當祭時洒掃以告,輒有清泉自石門出,足以周用,祭訖泉枯。 今俗名女陵山』。」 正義

孔子爲兒嬉戲,常陳俎豆、[8] 設禮容。孔子母死,乃殯五父之衢、[4] 蓋其慎也。[4] 郰 丘生而叔梁紇死,<1〕葬於防山。<1〕防山在魯東,由是孔子疑其父墓處,母諱之也。<1.1〕

人「也」較父之母誨孔子父墓,然後往合葬於防焉。

- [一]索屬家語云生三歲而梁紇死。
- [三][正義] 括地志云:「防山在兗州曲阜縣東二十五里。禮記云孔子母合葬於防也。」
- 〔三〕 [索隱] 謂孔子少孤,不的知父墳處,非謂不知其塋地。 徵在笄年適於梁紇,無幾而老死,是少寡,蓋以爲嫌,不從

送葬,故不知墳處,遂不告耳,非諱之也。

- 〔四〕[正義] 俎豆以木爲之,受四升,高尺二寸。 大夫以上赤雲氣,諸侯加象飾足,天子玉飾也。
- [m][正義] 括地志云:「五父衢在兗州曲阜縣西南二里,魯城内衢道也。」
- [´ `] (集解) 徐廣曰:「魯縣有闕里,孔子所居也。又有五父之衢也。」 [案隱] 謂孔子不知父墓,乃且殯其母於五父之
- [七][正義]上音鄒。

衢,是其謹慎也。

[正義] 慎謂以紼引棺就殯所也。

孔子要經,行一一季氏饗士,孔子與往。行一一陽虎絀曰:「季氏饗士,非敢饗子也。」孔子由

是退。

- [一] [索隱] 家語「孔子之母喪,既練而見」,不非之也。今此謂孔子實要絰與饗,爲陽虎所絀,亦近誣矣。一作「要 經」。要經猶帶經也,故劉氏云嗜學之意是也。
- [三][正義] 與音預。季氏爲饌飲魯文學之士,孔子與迎而往,陽虎以孔子少,故折之也。

孔子年十七,魯大夫孟釐子病且死,[1] 誠其嗣懿子曰:「孔丘, 聖人之後,云三 滅於

孔子世家第十七

其達者歟。吾卽没,若必師之。」及釐子卒,懿子與魯人南宫敬叔「三往學禮焉。是歲,季 是,以餬余口。』[10]其恭如是。吾聞聖人之後,雖不當世,必有達者。[11]今孔丘年少好禮, 銘云:[k]『一命而僂,再命而傴,三命而俯,[t]循牆而走,[c]亦莫敢余侮。[s]鳣於是,粥於 宋。「『」其祖弗父何始有宋而嗣讓厲公。「『〕及正考父佐戴、武、宣公、「『〕三命兹益恭,故鼎 武子卒,平子代立。

[一] 索隱] 昭公七年左傳云「孟僖子病不能相禮,乃講學之,及其將死,召大夫」云云。按:謂病者,不能禮爲病,非 疾困之謂也。至二十四年僖子卒,賈逵云「仲尼時年三十五矣」。是此文誤也。

〔三〕 集解 服虔曰:「聖人謂商湯。」

[三] 集解] 杜預曰:「孔子六世祖孔父嘉爲宋華督所殺,其子奔魯也。」

[图] [樂解] 杜預曰:「弗父何,孔父嘉之高祖,宋愍公之長子,厲公之兄也。 何嫡嗣,當立,以讓厲公也。」

(五)(集解)服虔曰:「正考父、弗父何之曾孫。」

[六][樂解]杜預日:「三命,上卿也。|考父廟之鼎。]

[ヤ] (集解) 服虔日:「僂,傴,俯,皆恭敬之貌也。」

[<] 集解 杜預日:「言不敢安行。」

[九] [集解] 杜預曰:「其恭如是,人亦不敢侮慢。」

[10] (集解) 杜預日:「於是鼎中爲饘粥。饘粥,餬屬。言至儉也。」

[二] (樂解) 王肅曰:「謂者弗父河、殷湯之後,而不繼世爲宋君也。」 杜預曰:「聖人之後,有明德而不當大位,謂正考

区

[三] [索隱] 左傳及系本,敬叔與懿子皆孟僖子之子,不應更言「魯人」,亦太史公之疏耳。

人」而異之。 魯復善待,由是反魯。 而去魯,斥乎齊,逐乎宋、衞,困於陳察之閒,於是反魯。 孔子貧且賤。及長,嘗爲季氏史,「一料量平,嘗爲司職吏而畜蕃息。 孔子長九尺有六寸,人皆謂之「長 由是爲司空。已

[一][索隱]有本作「委吏」。按:趙岐曰「委吏,主委積倉庫之吏」。

其身者,發人之惡者也。 爲人子者毋以有己,〔四〕爲人臣者毋以有己。』」〔冊〕孔子自周反于 禮,蓋見老子云。辭去,而老子送之曰:「吾聞富貴者送人以財,「三仁人者送人以言。吾不 魯,弟子稍益進焉。 能富貴,竊仁人之號,「見」送子以言,曰:『聰明深察而近於死者,好議人者也。博辯廣大危 魯南宫敬叔言魯君曰:「請與孔子適周。」「」」魯君與之一乘車,兩馬,一竪子俱,適周問

[一] [索隱] 莊子云「孔子年五十一,南見老聃」。 蓋系家亦依此爲説而不究其旨,遂俱誤也。何者。 孔子適周, 禮之時卽在十七耶。且孔子見老耼,云「甚矣道之難行也」,此非十七之人語也,乃既仕之後言耳。

孔

[三]索圖莊周「財」作「軒」。

[三][集解]王肅曰:「謙言竊仁者之名。」

[四][樂解] <u>王</u>肅曰:「身父母之有。」 [索隱] 家語作「無以有己爲人子者」。

[吾] [索隱] 家語作「無以惡己爲人臣者」。王肅云:「言聽則仕,不用則去,保身全行,臣之節也。」

小弱,附於楚則晉怒,附於晉則楚來伐,不備於齊,齊師侵魯。 是時也,晉平公淫,六卿擅權,東伐諸侯,楚靈王兵彊,陵轢中國,齊大而近於魯。

公國小處辟,其霸何也?」對曰:「秦,國雖小,其志大,處雖辟,行中正。身舉五羖,〔一〕爵 之大夫,起纍紲之中,气三與語三日,授之以政。以此取之,雖王可也,其霸小矣。」景公說。 魯昭公之二十年,而孔子蓋年三十矣。齊景公與晏嬰來適魯,景公問孔子曰:「昔秦穆

[一]正義]百里奚也。

[三][索隱]家語無此一句。孟子以爲「不然」之言也。

與孟氏、叔孫氏三家共攻昭公,昭公師敗,奔於齊,齊處昭公乾侯。〔三〕其後頃之,魯亂。 子適齊,爲高昭子家臣,欲以通乎景公。與齊太師語樂,聞韶音,學之,三月不知肉味,〔三〕 孔子年三十五,而季平子與郈昭伯以鬭雞故〔〕得罪魯昭公,昭公率師擊平子,平子

[一][正義] 邱音后。括地志云:「鬭雞臺二所,相去十五步,在兗州曲阜縣東南三里魯城中。 左傳昭二十五年,季氏

與郈昭伯鬪雞,季氏芥雞翼,郈氏爲金距之處。」

[三] 正義 相州成安縣東南三十里斥丘故城,本春秋時乾侯之邑。

『] [集解] 周氏曰:「孔子在齊,聞習韶樂之盛美,故忘於肉味也。」 「子在齊聞韶,三月不知肉味」,無「學之」文。今此合論語齊、魯兩文而爲此言,恐失事實。 [索隱] 按論語,子語魯太師樂,非齊太師也。又

順,不可以爲下,崇喪遂哀,破産厚葬,不可以爲俗,游説乞貸,不可以爲國。自大賢之 節財。」景公説,將欲以尼谿田封孔子。[]] 晏嬰進曰: 「夫儒者滑稽而不可軌法,倨傲自 不臣,父不父,子不子,雖有粟,吾豈得而食諸!「〔三〕他日又復問政於孔子,孔子曰:「政在 子聞之。景公曰:「吾老矣,弗能用也。」孔子遂行,反乎魯。 年不能究其禮。君欲用之以移齊俗,非所以先細民也。」後,景公敬見孔子,不問其禮。 日,景公止孔子曰:「奉子以季氏,〔五〕吾不能。」以季孟之閒待之。〔《〕齊大夫欲害孔子, 息,周室既衰,禮樂缺有閒。「图〕今孔子盛容飾,繁登降之禮,趨詳之節,累世不能殫其學,當 景公問政孔子,孔子曰:「君君,臣臣,父父,子子。」〔一〕景公曰:「善哉!信如君不君,臣 孔

[一] 集解] 孔安國曰:「當此之時,陳恆制齊,君不君,臣不臣,故以此對也。」

孔

[三] 樂解 孔安國曰:「言將危也。 陳氏果滅齊。」

三][索隱]此説出晏子及墨子,其文微異。

[四] [索隱] 息者,生也。 言上古大賢生則有禮樂,至周室微而始缺有閒也。

[´ ´ `] (集解) 孔安國曰:「魯三卿,季氏爲上卿,最貴;孟氏爲下卿,不用事。 言待之以二者之閒也。」

「五」[索屬] 劉氏奉音扶用反,非也。今奉音如字,謂奉待孔子如魯季氏之職,故下文云「以季孟之閒待之」也。

桓子穿井得土缶,中若羊、气〕問仲尼云「得狗」。〔三〕仲尼曰:「以丘所聞,羊也。」丘聞之,木 石之怪夔、罔閬,〔『〕水之怪龍、罔象,〔四〕土之怪墳羊。」〔『〕 孔子年四十二,魯昭公卒於乾侯,定公立。定公立五年,夏,季平子卒,桓子嗣立。季

[一] [集解] 韋昭曰:「羊,生羊也,故謂之怪也。」 [索隱] 家語云「桓子穿井於費,得物如土缶,其中有羊焉」是也。

〔三〕 [集解] 韋昭曰:「獲羊而言狗者,以孔子博物,測之。」

〔三〕[集解] 韋昭曰:「木石謂山也。或云夔,一足,越人謂之山繅也。或言獨足魍魎,山精,好學人聲而迷惑人也。」 索隱變音逵。 閬音兩。 家語作「魍魎」。鏁音騒。然山繅獨一足是山神名,故謂之夔。夔,一足獸,狀如人也。

□□[樂解]章昭曰:「龍,神獸也,非常見,故曰怪。或云『罔象食人,一名沐腫」。」 索隱 沐腫音木踵

[五][樂解] 唐固曰:「墳羊,雌雄未成者也。」

吴伐越, 墮會稽, [1]得骨節專車。[1]吴使使問仲尼:「骨何者最大。」仲尼曰:「禹致羣

長翟,今謂之大人。」「礻」客曰:「人長幾何。」仲尼曰:「僬僥氏 [10] 三尺,短之至也。長者 仲尼曰:「山川之神足以綱紀天下,其守爲神,〔四〕社稷爲公侯,〔六〕皆屬於王者。」客曰:「防 神於會稽山、「『」防風氏後至,禹殺而戮之,「『」其節專車,此爲大矣。」吴客曰:「誰爲神。」 不過十之,數之極也。」「二於是吳客曰:「善哉聖人」」 風何守。]仲尼曰:「汪罔氏之君守封、禺之山、〔+〕爲釐姓。〔<〕在虞、厦、商爲汪罔,於周爲

[一][集解]王肅曰:「墮,毁也。」 [索隱] 隳會稽。會稽,山名,越之所都。隳,毁也。吴伐越在魯哀元年。

三」集解。韋昭曰:「骨一節,其長專車。專,擅也。」 三集解 章昭曰:「墓神謂主山川之君爲墓神之主,故謂之神也。」

[四] 集解 章昭日:「防風氏達命後至,故禹殺之。陳尸爲戮。」

〔五〕【樂解】王肅曰:「守山川之祀者爲神,謂諸侯也。」 韋昭曰:「足以綱紀天下,謂名山大川能興雲致雨以利天下

[´ヘ`] [集解] | 王肅曰:「但守社稷無山川之祀者,直爲公侯而已。」

[+] [集解] 韋昭曰:「封,封山;禺,禺山:在吴郡永安縣。」 駰案:晉太康元年改永安爲武康縣,今屬吴興郡。

「八」索隱 **鳌音僖。家語云姓漆,蓋誤。系本無漆姓**

[九][樂解] 王肅曰:「周之初及當孔子之時,其名異也。」

章昭日:「僬僥,西南蠻之别名也。」 [正義] 按:括地志「在大秦國(北)〔南〕也」。

孔 子 世 家第 十七

[二][集解]王肅曰:「十之,謂三丈也,數極於此也。」

至自遠方,莫不受業焉。 陪臣執國政,是以魯自大夫以下皆僭離於正道。故孔子不仕,退而脩詩書禮樂,弟子彌衆, 虎執懷。桓子怒,陽虎因囚桓子,與盟而醳之。〔三〕陽虎由此益輕季氏。 桓子嬖臣曰仲梁懷,與陽虎有隙。陽虎欲逐懷,公山不狃〔〕止之。其秋,懷益驕,陽 季氏亦僭於公室,

[一] 集解 孔安國日:「不狃爲季氏宰。」 索隱 狃音女久反。 鄒氏云一作「蹂」。 論語作「弗擾」。

素所善者,遂執季桓子。 定公八年,公山不狃不得意於季氏,因陽虎爲亂,欲廢三桓之適,〔一〕更立其庶孼陽虎 桓子詐之,得脱。 定公九年, 陽虎不勝,奔于齊。是時孔子年五

(一) 正義 適音嫡。

者豈徒哉? 文武起豐鎬 公山不狃以費畔季氏,使人召孔子。 而王, 如用我,其爲東周乎」「三」然亦卒不行。 今費雖小,儻庶幾乎!〔一〕 孔子循道彌久,温温無所試,莫能己用,曰:「蓋周 欲往。 子路不説, 止孔子。 孔子曰:「夫召我

[一][索隱] 檢家語及孔氏之書,並無此言,故桓譚亦以爲誣也。

[三] 集解] 何晏曰:「興周道於東方,故曰東周也。」

其後定公以孔子爲中都宰,一年,四方皆則之。〔〕由中都宰爲司空,由司空爲大司寇。

[一] 索隱] 家語作「西方」。 王肅云:「魯國近東,故西方諸侯皆取法則焉。」

備,有武事者必有文備。古者諸侯出疆,必具官以從。請具左右司馬。」定公曰:「諾。」具 請命有司!」有司卻之,不去,則左右視晏子與景公。景公心怍,麾而去之。有頃,齊有司 齊有司趨而進曰:「請奏四方之樂。」景公曰:「諾。」於是旍旄羽被矛戟劍撥鼓噪而至。「閩」 告魯爲好會,會於夾谷。〔三〕魯定公且以乘車好往。孔子攝相事,曰:「臣聞有文事者必有武 公懼而動,知義不若,歸而大恐,告其羣臣曰:「魯以君子之道輔其君,而子獨以夷狄之道教 不盡一等,曰:「匹夫而營惑 [k] 諸侯者罪當誅!請命有司!」有司加法焉,手足異處。景 趨而進曰:「請奏宫中之樂。」景公曰:「諾。」優倡侏儒爲戲而前。孔子趨而進,歷階而登, 孔子趨而進,歷階 [馬] 而登,不盡一等,舉袂而言曰: 「吾兩君爲好會,夷狄之樂何爲於此! 左右司馬。會齊侯夾谷,爲壇位,土階三等,以會遇之禮相見,「引揖讓而登。獻酬之禮畢, 定公十年春,及齊平。〔一〕夏,齊大夫黎鉏言於景公曰:「魯用孔丘,其勢危齊。」乃使使

孔

寡人, 使得罪於魯君,爲之柰何。」有司進對曰:「君子有過則謝以質,小人有過則謝以文。

君若悼之,則謝以質。」於是齊侯乃歸所侵魯之鄆、汶陽、龜陰之田以謝過。[+]

[一] 索隱 及,與也。平,成也。謂與齊和好,故云平。

〔三〕[樂解]徐廣曰:「司馬彪云今在祝其縣也。」

〔三〕 (樂解) 王肅曰:「會遇之禮,禮之簡略也。」

四」索隱 家語作「萊人以兵鼓噪劫定公」。被音弗,謂舞者所執,故周禮樂有被舞。 撥音伐,謂大楯也。

[五] [索隱] 謂歷階級也。故王肅云「歷階,登階不聚足」。

[六][索隱] 謂經營而惑亂也。家語作「熒侮」。

索隱」左傳「鄆、讙及龜陰之田」,則三田皆在汶陽也。 服虔曰:「三田,汶陽田也。 龜,山名。陰之田,得其田不得其山也。」杜預曰:「太山博縣北有龜山。」 [正義] 鄆,今鄆州鄆城縣,在兗州襲丘縣東北五十四

里。故謝城在襲丘縣東七十里。齊歸侵魯龜陰之田以謝魯,魯築城於此,以旌孔子之功,因名謝城。

將墮三都。「一」於是叔孫氏先墮郈。「一」季氏將墮費,公山不狃、叔孫輒率費人襲魯。公與三 定公十三年夏,孔子言於定公曰:「臣無藏甲,大夫毋百雉之城。」「己使仲由爲季氏宰,

伐之、「於」費人北。國人追之,敗諸姑蔑。「中」二子奔齊,遂墮費。將墮成,「八」公斂處父「丸」 謂孟孫曰:「墮成,齊人必至于北門。 子人于季氏之宫,「图」登武子之臺。費人攻之,弗克,人及公側。「哥」孔子命申句須、樂順下 且成,孟氏之保鄣,無成是無孟氏也。我將弗墮。」十

二月,公圍成,弗克。

[一][集解]王肅曰:「高丈長丈日堵,三堵日雉。」

(三)[集解]服虔曰:「三都,三家之邑也。」

[三] (樂解) 杜預日:「東平無鹽縣東南郈鄉亭。」

[四] (集解) 服虔曰:「三子,季孫、孟孫、叔孫也。」 [正義] 括她志云:「郈亭在鄆州宿城縣東三十二里。」

[五] 集解] 服虔曰:「人有人及公之臺側。」

「《」集解 服虔曰:「申句須、樂頎,魯大夫。」

七」集解 杜預日:「魯國下縣南有姑蔑城。」 [正義] 括地志云:「姑蔑故城在兗州泗水縣東四十五里。」按:泗水

[正義] 括地志云:「故郕城在兗州泗水縣西北五十里。」

[八] 樂解] 杜預曰:「泰山鉅平縣東南有成城也。」

縣本漢卞縣地。

九〕(集解)服虔曰:「成宰也。」

定公十四年,孔子年五十六,由大司寇行攝相事,有喜色。門人曰:「聞君子禍至不懼,

卯。與聞國政三月,粥羔豚者弗飾賈,男女行者别於塗,塗不拾遺,四方之客至乎邑者 福至不喜。」孔子曰:「有是言也。不曰『樂其以貴下人』乎。」於是誅魯大夫亂政者少正

不求有司。自己皆予之以歸。自己

【集解】王肅曰:「有司常供其職,客求而有在也。」

孔 子 世家 第 十七七

[三] 索隱 家語作「皆如歸」。

歲] [k] 師已反,桓子曰:「孔子亦何言。」師已以實告。桓子喟然歎曰:「夫子罪我以羣 衣而舞康樂、「二」文馬三十駟,遺魯君。陳女樂文馬於魯城南高門外。季桓子微服往觀再 婢故也夫! 可夫?」歌曰:「彼婦之口,可以出走,彼婦之謁,可以死敗。[罒〕蓋優哉游哉,維以卒 又不致膰俎於大夫。孔子遂行,宿乎屯。〔四〕而師己送,曰:「夫子則非罪。」孔子曰:「吾歌 曰:「魯今且郊,如致膰乎大夫,〔』〕則吾猶可以止。」 桓子卒受齊女樂,三日不聽政,郊, 三,將受,乃語魯君爲周道游,〔三〕往觀終日,怠於政事。 子路曰:「夫子可以行矣。」 孔子 曰:「請先嘗沮之,沮之而不可則致地,庸遲乎!」 於是選齊國中女子好者八十人,皆衣文 齊人聞而懼,曰:「孔子爲政必霸,霸則吾地近焉,我之爲先并矣。盍致地焉。」黎鉏

[一][索隱]家語作「容璣」。王肅云:「舞曲名也。」

[三][索隱]謂請魯君爲周偏道路游行,因出觀齊之女樂。

[三][樂解] 王肅曰:「膰,祭肉。」

[集解] 屯在魯之南也。 [索隱] 地名。

[五] [集解] 王肅曰:「言婦人之口請謁,足以憂使人死敗,故可以出走也。」

[六][集解] 王肅曰:「言仕不遇也,故且優游以終歲。」

孔子遂適衞,主於子路妻兄颜濁鄒家。〔一〕衞靈公問孔子:「居魯得禄幾何?」對曰:

「奉粟六萬。」衞人亦致粟六萬。〔三〕居頃之,或譖孔子於衞靈公。靈公使公孫余假一出一

人。「一一孔子恐獲罪焉,居十月,去衞。

[一] [索隱] 孟子曰「孔子於衛主顔讎由、彌子之妻與子路之妻、兄弟也」。今此云濁郷是子路之妻兄、所説不同、

〔三〕 [索隱] 若六萬石似太多,當是六萬斗,亦與漢之秩禄不同。 **|正義| 六萬小斗,計當今二千石也。 周之斗升斤**

兩皆用小也。

[三][索隱]謂以兵仗出人,以脅夫子也。

爲魯之陽虎。陽虎嘗暴匡人,匡人於是遂止孔子。〔三孔子狀類陽虎,拘焉五日。颜淵後,〔四〕 將適陳,過匡,〔己颜刻爲僕,以其策指之曰:「昔吾人此,由彼缺也。」〔三〕匡人聞之,以

斯文也,匡人其如予何!「「こ」孔子使從者爲甯武子臣於僑,然後得去。「こ 曰:「文王既没,文不在兹乎。「k」天之將喪斯文也,後死者不得與于斯文也。「p」天之未喪 子曰:「吾以汝爲死矣。」颜淵曰:「子在,回何敢死!」「禹」匡人拘孔子益急,弟子懼。 孔子

[一][正義]故匡城在滑州匡城縣西南十里。

「三」索隱 謂昔所被攻缺破之處也。 [正義] 琴操云:「孔子到匡郭外,顏淵舉策指匡穿垣日:『往與陽貨正從此人。』

孔

一九二

匡人聞其言,告君曰:『往者陽貨今復來。』乃率衆圍孔子數日,乃和琴而歌,音曲甚哀,有暴風擊軍士僵仆,於是

匡人有知孔子聖人,自解也。」

[三] [索隱] 匡,宋邑也。家語云匡人簡子以甲士圍夫子。

[四][集解]孔安國曰:「言與孔子相失,故在後也。」

[五] 樂解] 包氏曰:「言夫子在,己無所致死也。」

集解 孔安國曰:「兹,此也。言文王雖已没,其文見在此。 此,自謂其身也。」

「も」集解 孔安國曰:「文王既没,故孔子自謂後死也。言天將喪此文者,本不當使我知之;今使我知之,未欲喪之

낸

[八][集解 馬融曰:「如予何猶言『柰我何』也。 天未喪此文,則我當傳之, 匡人欲柰我何! 言不能違天以害己。」

[索隱]家語「子路彈劍而歌,孔子和之,曲三終,匡人解圍而去」。今此取論語「文王既没」之文,及從者臣甯武子 然後得去。蓋夫子再戹匡人,或設辭以解圍,或彈劍而釋難。今此合論語、家語之文以爲一事,故彼此文交互

耳

夫人在絺帷中。 之君子不辱欲與寡君爲兄弟者,必見寡小君。寡小君願見。」孔子辭謝,不得已而見之。 爲弗見,見之禮答焉。」「『」子路不説。 去卽過藩。〔一〕月餘,反乎衞,主蘧伯玉家。靈公夫人有南子者,使人謂孔子曰:「四方 孔子人門,北面稽首。夫人自帷中再拜,環珮玉聲璆然。〔三〕孔子曰:「吾鄉 孔子矢之曰:「予所不者,天厭之! 天厭之!」〔8〕居

衞月餘,靈公與夫人同車,宦者確渠參乘,出,使孔子爲次乘,招摇市過之。〔五〕孔子曰:「吾

未見好德如好色者也。」「よ」於是醜之,去衞,過曹。是歲,魯定公卒。

[一] [樂解] 徐廣曰:「長垣縣有匡城、蒲鄉。」 [正義] 括地志云:「故蒲城在滑州匡城縣北十五里。 匡城本漢長垣縣。」

[三]正義 璆音虬。

〔三〕[索隱] 上「見」如字。下「見」音賢徧反「去聲。言我不爲相見之禮現而答之。

[四] [集解] 欒肇曰:「見南子者,時不獲已,猶文王之拘羑里也。天厭之者,言我之否屈乃天命所厭也。」蔡謨曰:「矢,

陳也。夫子爲子路陳天命也。」

[五] <u>集開</u>徐廣曰:「招摇,翺翔也。」 [索隱] 家語作「遊過市」。

[六][樂解]何晏曰:「疾時薄於德,厚於色,故發此言也。」|李充曰:「使好德如好色,則弃邪而反正矣。」

孔子去曹適宋,「一〕與弟子習禮大樹下。宋司馬桓魋欲殺孔子,拔其樹。孔子去。弟

子曰:「可以速矣。」孔子曰:「天生德於予,桓魋其如予何」」〔三〕

[一] [樂解] 徐廣曰:「年表定公十三年,孔子至衞;十四年,至陳;哀公三年,孔子過宋。」

[三][樂解]包氏曰:「天生德者,謂授以聖性,德合天地,吉無不利,故曰其如予何。」

堯、「三其項類皋陶,其肩類子産,然自要以下不及馬三寸,纍纍若喪家之狗。」「

『三子貢以實 孔子適鄭,與弟子相失,孔子獨立郭東門。鄭人或謂子貢曰:「三」「東門有人,其類似

子世家第十七

孔

告孔子。孔子欣然笑曰:「形狀、末也。 而謂似喪家之狗,然哉!然哉!

[一] 索屬]家語姑布子卿謂子貢曰。

[三]索隱]家語云「河目而隆顯,其類似堯」。

[三][樂解]王肅曰:「喪家之狗。主人哀荒,不見飲食,故纍然而不得意。孔子生於亂世,道不得行,故纍然不得志之

貌也。韓詩外傳曰『喪家之狗,既斂而槨,有席而祭,顧望無人』也。」

孔子遂至陳,主於司城貞子家。歲餘,吳王夫差伐陳,取三邑而去。趙鞅伐朝歌。

圍蔡,蔡遷于吳。吳敗越王句踐會稽。

「隼來遠矣,此肅慎之矢也。〔三〕昔武王克商,通道九夷百蠻、〔三〕使各以其方賄來貢,〔三〕使 有隼集于陳廷而死,楛矢貫之,石砮,矢長尺有咫。「□陳湣公使使問仲尼。「□仲尼曰:

虞胡公而封諸陳。分同姓以珍玉,展親;〔十〕分異姓以遠方職,使無忘服。〔八〕故分陳以肅 無忘職業。於是肅慎貢楛矢石砮,長尺有咫。先王欲昭其令德,以肅慎矢分大姬,〔к〕配

慎矢。」試求之故府,果得之。「ぇ」

[一][樂解]章昭曰:「隼,鷙鳥,今之鶚也。 楛,木名。 砮,鏃也,以石爲之。 八寸曰咫。 楛矢貫之,墜而死。」

隼音笋。 <u>毛詩義疏:「鷂,齊人謂之擊征,或謂之題肩,或曰省鴈,春化爲布穀。</u>此屬數種皆爲隼。」

陳,十三年亦在陳,則此湣公爲是。

三][正義] 肅慎國記云:「肅慎,其地在夫餘國東北,(河)[可]六十日行。其弓四尺,强勁弩射四百步,今之靺鞨國方

有此矢。」

[四] 集解] 王肅曰:「九夷,東方夷有九種也。 百蠻,夷狄之百種。」

[H][樂解] 王肅曰:「各以其方面所有之財賄而來貢。」

[六] (集解] 韋昭曰:「大姬,武王元女也。」

[P] [樂解] 韋昭日:「展,重也。 玉謂若夏后氏之璜。」

[八][樂解] 王肅曰:「使無忘服從於王也。」

[九][樂解] 韋昭曰:「故府,舊府也。」

孔子居陳三歲,會晉楚争彊,更伐陳,及吳侵陳,陳常被寇。 孔子曰:「歸與歸與!吾黨

之小子狂簡,進取不忘其初。」於是孔子去陳。

長賢,有勇力,謂曰:「吾昔從夫子遇難於匡,今又遇難於此,命也已。吾與夫子再罹難, 過瀟,會公叔氏以瀟畔,蒲人止孔子。弟子有公良孺者,以私車五乘從孔子。 其爲人 寧

子 遂 適 衛。 鬭而死。」鬭甚疾。 蒲人懼,〔一〕謂孔子曰:「苟毋適衞,吾出子。」 與之盟,出孔子東門。 子貢曰:「盟可負邪?」孔子曰:「要盟也,神不聽。」 孔

[一][索隱] 家語云「我寧鬭死,挺劍而合衆,將與之戰,蕭人懼」是也。

衞靈公聞孔子來,喜, 郊迎。 問曰:「蒲可伐乎?」 對曰:「可。」 靈公曰:「吾大夫以爲

志,「三婦人有保西河之志。「三吾所伐者不過四五人。」「四」靈公曰:「善。」然不伐蒲。 不可。今庸,衞之所以待晉楚也,〔一〕以衞伐之,無乃不可乎。」孔子曰:「其男子有死之

[一][正義] 衛在濮州,蒲在滑州,在衛西也。 韓魏及楚從西向東伐,先在蒲,後及衞。

[二] [樂解] 王肅曰:「公叔氏欲以蒲適他國,而男子欲死之,不樂適他。」

[集解] 王肅曰:「婦人恐懼,欲保西河,無戰意也。」 [索隱] 此西河在衞地,非魏之西河也。

[四][集解] 王肅曰:「本與公叔同畔者。」

靈公老,怠於政,不用孔子。 孔子喟然歎曰:「苟有用我者,春月而已,三年有成。」〔1〕

孔子行。

[一] 樂解] 孔安國曰:「言誠有用我於政事者,朞年而可以行其政教,必三年乃有成也。」

路曰:「由聞諸夫子,『其身親爲不善者,君子不人也』。〔三〕今佛肸親以中牟畔,子欲往,如之 何?」孔子曰:「有是言也。不曰堅乎,磨而不磷,不曰白乎,湟而不淄。〔』〕我豈匏瓜也 佛肸爲中牟宰。行〕趙簡子攻范、中行,伐中牟。佛肸畔,使人召孔子。孔子欲往。子

[一] 集解 孔安國曰:「晉大夫趙簡子之邑宰。」 索隱此河北之中牟,蓋在漢陽西。 哉,焉能繋而不食?」[四]

〔三〕[樂解] 孔安國曰:「不人其國。」

『〕<u>集解</u>]孔安國曰:「磷,薄也。 湟,可以染阜者也。言至堅者磨之而不薄,至白者染之於湼中而不黑,君子雖在濁 亂,不能汙也。」

四]集解]何晏曰:「言匏瓜得繫一處者,不食故也。吾自食物當東西南北,不得如不食之物繫滯一處。」

孔子擊磬。有荷蕢而過門者,曰:「有心哉,擊磬乎!〔〕 硜硜乎,莫己知也夫而已

矣!」「こ」

〔一〕 樂解 何晏曰:「蒉,草器也。 有心謂契契然也。」

[三] (樂解) 何晏曰:「此硜硜,信己而已,言亦無益也。」

未得其數也。」有閒,曰:「已習其數,可以益矣。」孔子曰:「丘未得其志也。」有閒,曰:「已 高望而遠志焉。曰:「丘得其爲人,黯然而黑,〔三〕幾然而長,〔三〕眼如望羊,〔四〕如王四國,非 文王其誰能爲此也!」師襄子辟席再拜,曰:「師蓋云文王操也。」 習其志,可以益矣。」孔子曰:「丘未得其爲人也。」 有閒,(日)有所穆然深思焉,有所怡然 孔子學鼓琴師襄子、「二十日不進。師襄子曰:「可以益矣。」孔子曰:「丘已習其曲矣,

「一」[索隱] 家語師襄子曰「吾雖以擊磬爲官,然能於琴」。蓋師襄子魯人,論語謂之「擊磬襄」是也。

[三] (集解) 王肅曰:「黯、黑貌。」

徐廣日:「詩云『頎而長兮』。」 [索隱]「幾」與注「頎」,並音祈,家語無此四字。

四][集解]王肅曰:「望羊,望羊視也。」 |索隱||王肅云:「望羊,望羊視也。」

則鳳皇不翔。何則?君子諱傷其類也。夫鳥獸之於不義也尚知辟之,而況乎丘哉!」乃 還息乎陬鄉,作爲陬操〔『〕以哀之。而反乎衞,人主蘧伯玉家。 殺之乃從政。」丘聞之也,刳胎殺天則麒麟不至郊,竭澤涸漁則蛟龍不合陰陽,〔三〕覆巢毁卵 「竇鳴犢、舜華,晉國之賢大夫也。趙簡子未得志之時,須此兩人而後從政,及其已得志, 曰:「美哉水,洋洋乎! 丘之不濟此,命也夫!」子貢趨而進曰:「敢問何謂也?」孔子曰: 孔子既不得用於衞,將西見趙簡子。至於河而聞實鳴犢、舜華「」之死也,臨河而歎

[一] [樂解] 徐廣曰:「或作『鳴鐸蜜蝉』,又作『蜜蝉鳴犢、舜華也』。」 [索隱] 家語云「聞趙簡子殺蜜犨鳴犢及舜華」,國 語云「鳴鐸籔蝉」,則實犨字鳴犢,聲轉字異,或作「鳴鐸」。慶華當作「舜華」,諸説皆同、

[二] [索隱] 有角曰蛟龍。龍能與雲致雨,調和陰陽之氣。

[三] 樂解] 王肅曰:「陝操、琴曲名也。」 索隱此陬鄉非魯之陬邑。 家語云作「槃操」也。

孔子語,見蜚鴈,仰視之,色不在孔子。 孔子遂行,气,三復如陳。 他日,靈公問兵陳。「己孔子曰:「俎豆之事則嘗聞之,軍旅之事未之學也。」「己明日,與

[一] [樂解] 孔安國曰:「軍陳行列之法。」

[三]無解]鄭玄曰:「萬二千人爲軍,五百人爲旅。 軍旅末事,本未立不可教以末也。」

[三] 索隱 此魯哀二年也。

人衰絰,僞自衞迎者,哭而人,遂居焉。冬,蔡遷于州來。 夏,衞靈公卒,立孫輒,是爲衞出公。六月,趙鞅内太子蒯聵于戚。 是歲魯哀公三年, 陽虎使太子絻,八 而孔子年六十

矣。齊助衞圍戚,以衞太子蒯聵在故也。

夏,魯桓釐廟燔,南宫敬叔救火。 孔子在陳,聞之,曰:「災必於桓釐廟乎?」「己己而

果然

[一] [集解] 服虔曰:「桓釐當毁,而魯事非禮之廟,故孔子聞有火災,知其加桓僖也。」

然成章,吾不知所以裁之。」「三子贛知孔子思歸,送日求,因誠曰「卽用,以孔子爲招」云。 侯笑。」康子曰:「則誰召而可?」曰:「必召曰求。」於是使使召曰求。 葬,欲召仲尼。公之魚曰:「昔吾先君用之不終,終爲諸侯笑。今又用之,不能終,是再爲諸 「魯人召求,非小用之,將大用之也。」是日,孔子曰:「歸乎歸乎!〔一〕 顧謂其嗣康子曰:「我卽死,若必相魯;相魯,必召仲尼。」後數日,桓子卒,康子代立。已 秋,季桓子病,輦而見魯城,喟然歎曰:「昔此國幾興矣,以吾獲罪於孔子,故不興也。」 吾黨之小子狂簡, **日求將行**, 孔子曰:

此系家再有「歸與」之辭者,前辭出孟子,此辭見論語,蓋止是一稱「歸與」,二書各記之,今前後再引,亦失

孔

一九二八

之也。

[三] [集解] 孔安國曰:「簡,大也。孔子在陳思歸欲去,曰:『吾黨之小子狂者進取於大道,妄穿鑿以成章,不知所以裁 制,當歸以裁耳。」」

後將往,大夫懼復遷,公孫翩射殺昭公。「」楚侵蔡。秋,齊景公卒。「三」

[一] 集解]徐廣曰:「哀公四年也。」

[二][樂解]徐廣曰:「哀公五年也。」

路,子路不對。「一〕孔子聞之,曰:「由,爾何不對曰『其爲人也,學道不倦,誨人不厭,發憤忘 食,樂以忘憂,不知老之將至』云爾。」 明年,孔子自蔡如葉。葉公問政,孔子曰:「政在來遠附邇。」他日,葉公問孔子於子

[一] [集解] 孔安國曰:「葉公名諸梁,楚大夫,食菜於葉,僭稱公。 不對,未知所以對也。」

者爲誰?」子路曰:「爲孔丘。」曰:「是魯孔丘與?」曰:「然。」曰:「是知津矣。」〔三〕 桀溺 謂子路曰:「子爲誰?」曰:「爲仲由。」曰:「子,孔丘之徒與?」曰:「然。」 桀溺曰:「悠悠 去葉,反于蔡。 長沮、桀溺耦而耕,孔子以爲隱者,使子路問津焉。〔〕長沮曰:「彼執輿

者天下皆是也,而誰以易之。〔三〕且與其從辟人之士, 豈若從辟世之士哉! 」〔四〕 耰而不 輟。[馬]子路以告孔子,孔子憮然[太]曰:「鳥獸不可與同羣。[サ]天下有道,丘不與易也。」[<]

(一) (集解) 鄭玄曰:「耜廣五寸,二耜爲耦。津,濟渡處也。」 一十五里。聖賢冢墓記云黄城山卽長沮、桀溺所耕處。下有東流,則子路問津處也。」 [正義] 括地志云:「黄城山俗名菜山,在許州葉縣西南

[三][樂解] 馬融曰:「言數周流,自知津處。」

[J] [集解] 孔安國曰:「悠悠者,周流之貌也。言當今天下治亂同,空舍此適彼,故曰『誰以易之』。」

[四] [集解] 何晏曰:「士有辟人之法,有辟世之法。 長沮、桀溺謂孔子爲士,從辟人之法者也,己之爲士,則從辟世之

治也」

[五] (樂解] 鄭玄曰:「耰,覆種也。 輟,止也。 覆種不止,不以津告也。」

[六][樂解]何晏曰:「爲其不達己意而非己。」

[中] 集解] 孔安國曰:「隱於山林是同羣。」

八] (集解) 何晏曰:「凡天下有道者,丘皆不與易也,己大而人小故也。」

爲夫子!」「三道其杖而芸。「三子路以告,孔子曰:「隱者也。」復往,則亡。「爲」 他日,子路行,遇荷蓧丈人,气口曰:「子見夫子乎?」丈人曰:「四體不勤,五穀不分,孰

[一] (集解) 包氏曰:「丈人,老者。 蓧,草器名也。」

[二] (集解) 包氏曰:「丈人曰不勤勞四體,分植五穀,誰爲夫子而索也。」

〔三〕[集解] 孔安國曰:「植,倚也。除草曰芸。」

[四] 集解] 孔安國曰:「子路反至其家,丈人出行不在。」

歌不衰。子路愠見曰:「君子亦有窮乎?」孔子曰:「君子固窮,小人窮斯濫矣。」〔॥〕 危矣。」於是乃相與發徒役圍孔子於野。 閒,諸大夫所設行皆非仲尼之意。今楚,大國也,來聘孔子。 孔子將往拜禮,陳察大夫謀曰:「孔子賢者,所刺譏皆中諸侯之疾。今者久留陳察之 孔子遷于廢三歲,吳伐陳。 |楚救陳、「「軍于城父。 聞孔子在陳蔡之閒, 楚使人聘孔 不得行,絶糧。從者病,莫能興。自己孔子講誦弦 孔子用於楚,則陳蔡用事大夫

[一] 集解 徐廣曰:「哀公四年也。」

[三] 集解 孔安國曰:「興,起也。」

〔三〕 集解 何晏曰:"濫,溢也。 君子固亦有窮時,但不如小人窮則濫溢爲非。」

子貢色作。孔子曰:「賜,爾以予爲多學而識之者與?」曰:「然。〔一〕非與?」〔三〕孔子

曰:「非也。予一以貫之。」「loo

[一] (集解) 孔安國曰:「然謂多學而識之。」

[三] 集解 孔安國曰:「問今不然耶。」

[三][樂解]何晏曰:「善有元,事有會,天下殊塗而同歸,百慮而一致。 知其元則衆善舉也,故不待學,以一知之。」

也。」「『〕孔子曰:「有是乎!由,譬使仁者而必信,安有伯夷、叔齊?「『〕使知者而必行,安有 吾何爲於此?」子路曰:「意者吾未仁邪?人之不我信也。C=〕 意者吾未知邪?人之不我行 孔子知弟子有愠心,乃召子路而問曰:「詩云『匪兕匪虎,率彼曠野』。〔一〕吾道非邪?

〔一〕[樂解] 王肅曰:「率,循也。言非兕虎而循曠野也。」

王子比干?」「吾」

〔三〕[樂解] 王肅曰:「言人不信吾,豈以未仁故乎?」

[『][樂解]王肅曰:「言人不使通行而困窮者,豈以吾未智乎?」

四二正義」言仁者必使四方信之,安有伯夷、叔齊餓死乎?

「五」「正義」言智者必使處事通行,安有王子比干剖心哉?

能爲容。今爾不脩爾道而求爲容。賜,而志不遠矣!」 能稼而不能爲穡、〔〕良工能巧而不能爲順。〔〕君子能脩其道,綱而紀之,統而理之,而不 此。」子貢曰:「夫子之道至大也,故天下莫能容夫子。夫子蓋少貶焉。」孔子曰:「賜,良農 子路出,子貢入見。 孔子曰:「賜,詩云『匪兕匪虎,率彼曠野』。 吾道非邪? 吾何爲於

[一] (集) 解] 王肅曰:「種之爲稼,斂之爲穡。言良農能善種之,未必能斂穫之。」

[二] (集解) 王肅曰:「言良工能巧而已,不能每順人之意。」

此? 不容然後見君子! 見君子!夫道之不脩也,是吾醜也。夫道既已大脩而不用,是有國者之醜也。 」顔回曰:「夫子之道至大,故天下莫能容。雖然,夫子推而行之,不容何病,不容然後 |子貢出,顔回人見。|孔子曰:「回,詩云『匪兕匪虎,率彼曠野』。 吾道非邪?吾何爲於 」孔子欣然而笑曰:「有是哉顔氏之子!使爾多財,吾爲爾宰。」〔一〕 不容何病,

於是使子貢至楚。楚昭王興師迎孔子,然後得免。

[二] (集解] 王肅曰:「宰,主財者也。爲汝主財,言志之同也。」

武王在鰝,百里之君卒王天下。今孔丘得據土壤,賢弟子爲佐,非楚之福也。」昭王乃止。 今孔丘述三五之法,明周召之業,王若用之,則楚安得世世堂堂方數千里乎。夫文王在豐, 其秋,楚昭王卒于城父。 無 目 有。 無有。 昭王將以書社地七百里门封孔子。 王之官尹有 王之輔相 如 有如 宰予者乎? 日無有。 顔回 者乎? 楚令尹子西曰:「王之使使諸侯有如子貢者乎? 無 有。 且楚之祖封於周,號爲子男五十里。 王之將率有 如子路者乎?

集解 里書社之人封孔子也,故下目求云「雖累千社而夫子不利」是也。 服虔曰:「書,籍也。」 [索隱] 古者二十五家爲里,里則各立社,則書社者,書其社之人名於籍。蓋以七百

追也!「『〕已而已而,今之從政者殆而!」「『〕孔子下,欲與之言。「よ〕趨而去,弗得與之言。 楚狂接輿歌而過孔子,[1]曰:「鳳兮鳳兮,何德之衰![1]往者不可諫兮,[1]來者猶可

[一][樂解]孔安國曰:「接輿,楚人也。 佯狂而來歌,欲以感切孔子也。」

[二] [集解] 孔安國曰:「比孔子於鳳鳥,待聖君乃見。非孔子周行求合,故曰『衰』也。」

[三] [集解] 孔安國曰:「已往所行,不可復諫止也。」

[四] 集解] 孔安國曰:「自今已來,可追自止,避亂隱居。」

〔≒〕[集解] 孔安國曰:「言『已而』者,言世亂已甚,不可復治也。 再言之者,傷之深也。」

[八]集解|包氏曰:「下,下車也。」

於是孔子自楚反乎衞。是歲也,孔子年六十三,而魯哀公六年也。

其明年,吴與魯會繒,徵百牢。〔一〕太宰嚭召季康子。康子使子貢往,然後得已。

[一] [索隱] 此哀七年時也。百牢,牢具一百也。周禮上公九牢,侯伯七牢,子男五牢。今吴徵百牢,夷不識禮故也。 子貢對以周禮,而後吴亡是徵也。 [正義] 括地志云:「故鄫城在沂州承縣。 地理志云繒縣屬東海郡也。」

子弟子多仕於衞,衞君欲得孔子爲政。子路曰:「衞君待子而爲政,子將奚先?」〔三孔子 曰:「必也正名乎!」「順〕子路曰:「有是哉,子之迂也!何其正也?」「图〕孔子曰:「野哉由 孔子曰:「魯衞之政,兄弟也。」〔1〕是時,衞君輒父不得立,在外,諸侯數以爲讓。 而孔

孔子世家

第十

七

一九三四

也!〔至〕 中,「私」刑罰不中則民無所錯手足矣。 夫名不正則言不順,言不順則事不成,事不成則禮樂不興, 夫君子爲之必可名,言之必可行。[+]君子於其言,無 禮樂不興則刑罰不

所苟而已矣。」

[集解] 包氏曰:「周公、康叔既爲兄弟,康叔睦於周公,其國之政亦如兄弟也。」

[二][集解] 包氏曰:「問往將何所先行。」

(三] (集解) 馬融曰:「正百事之名也。」

[B] [樂解] 包氏曰:「迂猶遠也。言孔子之言遠於事也。」

[五][集解]孔安國曰:「野,不達也。」

孔安國曰:「禮以安上,樂以移風。二者不行,則有淫刑濫罰也。」

集解 ||王肅曰:「所名之事,必可得明言;所言之事,必可得遵行者。」

尼。 乎? |子逐公華、公賓、公林,以幣迎孔子,孔子歸魯。 百姓,質諸鬼神而無憾。 仲尼辭不知,退而命載而行,曰:「鳥能擇木, **」對曰:「欲召之,則毋以小人固之,則可矣。」而衞孔文子〔三)將攻太叔,〔三]問策於仲** 求之至於此道,雖累千社, 木豈能擇鳥乎!」「巴」文子固止。 夫子不利也。」康子曰:「我欲召之,可 會季康

[一] (樂解) 徐廣曰:「此哀公十一年也,去吳會續已四年矣。年表哀公十年,孔子自陳至衞也。」 年,是也。按:左傳及此文,孔子是時在衞歸魯,不見有在陳之文,在陳當哀公之初,蓋年表誤爾。 索隱 徐説去會四 正義 括

地志云:「郎亭在徐州滕縣西五十三里。」

[三] <u>集</u>解 服虔曰:「文子,衞卿也。」

(三) 集解 左傳日太叔名疾。

[四] [集解] 服虔曰:「鳥喻己,木以喻所之之國。」

孔子之去魯凡十四歲而反乎魯。

[一] [索隱] 前文孔子以定公十四年去魯,計至此十三年。 魯系家云定公十二年孔子去魯,則首尾計十五年矣。

息盗,孔子曰:「苟子之不欲,雖賞之不竊。」〔三〕然魯終不能用孔子,孔子亦不求仕

魯哀公問政,對曰:「政在選臣。」季康子問政,曰:「舉直錯諸枉,〔二〕則枉者直。」康子

[集解] 包氏曰:「錯、置也。舉正直之人用之,廢置邪枉之人。」 [索陽] 論語「季康子問政,子曰『政者,正也』」。又 「哀公問曰『何爲則人服』?子曰『舉直錯諸枉則人服』」。今此初論康子問政,未合以孔子答哀公使人服,蓋太

史公撮略論語爲文而失事實。

]孔安國曰:「欲,情慾也。 言民化於上,不從其所令,從其所好也。」

孔子之時,周室微而禮樂廢,詩書缺。 追迹三代之禮,序書傳,上紀唐虞之際,下至秦

繆,編次其事。曰:「夏禮吾能言之,祀不足徵也。殷禮吾能言之,宋不足徵也。〔一〕足,則吾 能徵之矣。」觀殷夏所損益,曰:「後雖百世可知也,〔三〕以一文一質。 周監二代,郁郁乎文

哉。吾從周。」〔』〕故書傳、禮記自孔氏。

[一] <u>樂解] 包氏曰:「徵,成也。</u> | 起宋二國,夏殷之後也。 夏殷之禮吾能説之,相宋之君不足以成也。」

[二] [集解] 何晏曰:「物類相召,勢數相生,其變有常,故可預知者也。」

[『] [樂解]孔安國曰:「監,視也。 言周文章備於二代,當從之也。」

孔子語魯大師:「樂其可知也。始作翕如、「」縱之純如、「「」皦如、「」」繹如也,以

成。」「图」「吾自衞反魯、然後樂正、雅頌各得其所。」「明」 [一] [樂解] 何晏曰:「太師,樂官名也。 五音始奏,翕如盛也。」

[二] [集解] 何晏曰:「言五音既發放從盡,其聲純和諧也。」

[三] 集解] 何晏曰:「言其音節明。」

[四] [集解] 何晏曰:「縱之以純如,皦如,繹如,言樂始於禽如而成於三者也。」

[五] 樂解] 鄭玄曰:「反魯,魯哀公十一年冬。 是時道衰樂廢,孔子來還,乃正之,故雅頌各得其所。」

始、「『清廟爲頌始」。「『三百五篇孔子皆弦歌之,以求合韶武雅頌之音。禮樂自此可得而 盛,至幽厲之缺,始於衽席,故曰「關雖之亂以爲風始,〔三〕鹿鳴爲小雅始,〔三〕文王爲大雅

古者詩三千餘篇,及至孔子,去其重、门取可施於禮義,上采契后稷,中述殷周之

述,以備王道,成六藝。

- [一][正義]去,丘吕反。重,逐龍反。
- 〔三〕[正義] 亂,理也。詩小序云:「關雎,后妃之德也,風之始也,所以風天下而正夫婦也。」毛萇云:「關關,和聲。 雎 下。夫婦有別則父子親,父子親則君臣敬,君臣敬則朝廷正,朝廷正則王化成也。」按:王雎,金口鶚也 鳩,王雎也,鳥摯而有別。后妃悦樂君子之德,無不和諧,又不淫色,慎固幽深,若雎鳩之有别,然後可以風化天
- []] [正義] 小序云:「鹿鳴,宴羣臣嘉賓也。既飲食之,又實幣帛筐篚以將其厚意,然後忠臣**嘉賓得盡**其心矣。」毛**丧** 云:「鹿得苹,呦呦鳴而相呼,懇誠發乎中,以與嘉樂賓客,當有懇誠相招呼以成禮也。」
- [四] [正義] 小序云:「文王,文王受命作周。」鄭玄云:「文王初爲西伯,有功於民,其德著見於天,故天命之以爲王,使
- [五][正義]小序云:「清廟,祀文王也。周公既成雒邑,朝諸侯,率以祀文王焉。」毛萇云:「清廟者,祭有清明之德者 之宫也。謂祭文王,天德清明,文王象焉,故祭之而歌此詩也。」

孔子晚而喜易,序气之象、气之繁、气息象、气息说卦、气息文言。气态讀易,幸編三绝。

- 「假我數年,若是,我於易則彬彬矣。」
- [一] [正義] 序,易序卦也。 关子作计翼,謂上彖、下彖、上象、下象、上繫、下繫、文言、序卦、說卦、雜卦也。易正義曰: 「文王既繇六十四卦分爲上下篇,先後之次,其理不易。孔子就上下二經,各序其相次之義。」
- [三][正義] 吐亂反。上級,卦下辭;下黎,爻卦下辭。易正義曰:「夫子所作,統論一卦之義,或說其卦德,或說其卦義,

孔子

世家第十七

或説其卦名。莊氏云『彖,斷也,言斷定一卦之義』也。」

[]] [正義] 如字,又音系。 易正義云:「繋辭者,聖人繋屬此辭於爻卦之下。分爲上下篇者,以簡編重大,是以分之。」

又言「繁辭者,取綱系之義」也。

[E] [正義] 上象, 卦辭; 下象, 爻辭。 易正義云: 「萬物之體自然, 各有形象, 聖人設卦以寫萬物之象, 今夫子釋此卦

[五][正義] 易正義云:「説卦者,陳説八卦德業變化法象所爲也。」之象也。」

[六][正義] 易正義云:「夫子贊明易道,申説義理,釋乾坤二卦經文之言,故稱文言。」又:「雜卦者,六十四卦以爲義, 於序卦之外,别言聖人之興,因時而作,隨其事宜,不必相因襲,當有損益。」又云:「雜揉衆卦,錯綜其義,或以

同相類,或以異相明。」按:史不出雜卦,故附之。

孔子以詩書禮樂教,弟子蓋三千焉,身通六藝者七十有二人。如顔濁鄒之徒,〔〕頗受

業者甚衆。

[一][正義] 濁音卓。鄒音聚。顏濁鄒,非七十(七)[二]人數也。

戰,疾。[к]子罕言利與命與仁。[ч]不憤不啓,舉一隅不以三隅反,則弗復也。[<] 孔子以四教:文,行,忠,信。(二)绝四:毋意,(三)毋必,(三)毋固、(三)毋我。(三)所慎:

[1] (樂解] 何晏曰:「四者有形質,可舉以教。」

[三] 集解] 何晏曰:「以道爲度,故不任意也。」

[『] [集解] 何晏曰:「用之則行,舍之則藏,故無專必。」

[四] [集解] 何晏曰:「無可無不可,故無固行也。」

[五] (集) 阿晏曰:「述古而不自作,處羣萃而不自異,唯道是從,故不有其身。」

[六][樂解] 何晏曰:「此三者人所不能慎,而夫子慎也。」

[八] [樂解] 鄭玄曰:「孔子與人言,必待其人心憤憤,口悱悱,乃後啓發爲説之,如此則識思之深也。説則舉一端以語

[+] [集解] 何晏曰:「罕者,希也。利者,義之和也。命者,天之命也。仁者,行之盛也。寡能及之,故希言之。」

之,其人不思其類,則不重教也。」

夫言,閒閒如也,「图」與下大夫言,侃侃如也。「E」 其於鄉黨,恂恂〔〕似不能言者。 其於宗廟朝廷,辯辯「三言,唯謹爾。「三朝, 與上大

[三] 索屬論語作「便便」。

[一][樂解]王肅曰:「恂恂,温恭貌也。」

[索隱] 有本作「逡逡」、音七旬反。

三] 集解 鄭玄曰:「唯辯而謹敬也。」

[四] 集解] 孔安國曰:「中正之貌也。」

〔五〕 集解 孔安國日:「和樂貌。」

人公門,鞠躬如也;趨進,翼如也。[二]君召使儐,[三]色勃如也。[三] 君命召, 不俟駕行

[一] 樂解 孔安國日:「言端好也。」

[三][樂解]鄭玄曰:「有賓客,使迎之也。」

[三][集解]孔安國曰:「必變色。」

[四][樂解]鄭玄曰:「急趨君命也,行出而車駕隨之。」

魚餒,肉敗,割不正,不食。口〕席不正,不坐。 食於有喪者之側,未嘗飽也。

[一] [集解] 孔安國曰:「魚敗日餒也。」

是日哭,則不歌。見齊衰、瞽者,雖童子必變。〔一〕

[二]集解|包氏日:「瞽,盲。」

「三人行,必得我師。」「こ」「德之不脩,學之不講,聞義不能徙,不善不能改,是吾憂

也。」「三」使人歌,善,則使復之,然後和之。「刑」

[三][樂解]孔安國曰:「夫子常以此四者爲憂也。」

[一] [集解] 何晏曰:「言我三人行,本無賢愚,擇善而從之,不善而改之,無常師。」

[]] (樂解] 何晏曰:「樂其善,故使重歌而自和也。」

子不語:怪,力,亂,神。[]]

〔一〕[樂解] 王肅曰:「怪,怪異也。 力謂若界盪舟,鳥獲舉千鈞之屬也。 亂謂臣弑君,子弑父也。神謂鬼神之事。 或

無益於教化,或所不忍言也。」李充曰:「力不由理,斯怪力也。神不由正,斯亂神也。怪力,亂神,有與於邪,

無益於教,故不言也。」

御矣。」「ハ」牢曰:「子云『不試,故藝』。」「カ 文,約我以禮,欲罷不能。既竭我才,如有所立,卓爾。雖欲從之,蔑由也已。」「K」達卷黨人 (童子) 曰:「大哉孔子,博學而無所成名。」 〔+〕子聞之曰:「我何執?執御乎?執射乎?我執 然數曰:「仰之彌高,鑽之彌堅。〔三〕瞻之在前,忽焉在後。〔四〕夫子循循然善誘人,〔五〕博我以 子貢曰:「夫子之文章,可得聞也。「己夫子言天道與性命,弗可得聞也已。」「三」顏淵喟

[一] 樂解] 何晏曰:「章'明。文'彩。形質著見,可以耳目循也。」

[三][樂解]何晏曰:「性者,人之所受以生也。天道者,元亨日新之道。深微,故不可得而聞之。」

[三][樂解] 何晏曰:「言不可窮盡。」

四二集解一何晏曰:「言忽恍不可爲形象。」

[\ \] () [] () () [] () [] () [] () [] () [] () [] () [] () [] (

[K] [集] | 孔安國曰:「言夫子既以文章開博我,又以禮節節約我,使我欲罷不能。 已竭吾才矣,其有所立,則卓然 不可及。言己雖蒙夫子之善誘,猶不能及夫子所立也。」

[中] (樂解) 鄭玄曰:「達巷者,黨名。五百家爲黨。此黨之人美孔子博學道藝,不成一名而已。」

[<] [集解] 鄭玄曰:「聞人美之,承以謙也。 吾執御者,欲明六藝之卑。」

子世家第十七

孔

·二人樂解 鄭玄曰:「牢者,弟子子牢也。試,用也。言孔子自云我不見用故多伎藝也。」

子曰:「不怨天,不尤人、「八丁學而上達、「九知我者其天乎!」「10] 及西狩見麟,曰:「吾道窮矣!」「尽」喟然歎曰:「莫知我夫!」子貢曰:「何爲莫知子?」「も」 也。」取之。「『〕曰:「河不出圖,維不出書,吾已矣夫!」「『〕顔淵死,孔子曰:「天喪予!」「順〕 魯哀公十四年春,狩大野。〔一〕叔孫氏車子鉏商獲獸,〔三〕以爲不祥。仲尼視之,曰:「麟

[一] 樂解] 服虔曰:「大野,藪名,魯田圃之常處,蓋今鉅野是也。」 [正義] 括地志云:「獲麟堆在鄆州鉅野縣東十二 里。春秋哀十四年經云『西狩獲麟』、國都城記云『鉅野故城東十里澤中有土臺,廣輪四五十步,俗云獲麟堆,去 魯城可三百餘里』。」

[三] 樂解] 服虔曰:「車子,微者也;與商,名也。」 [索隱] 春秋傳及家語並云「車子與商」,而服虔以「子」爲姓,非 也。今以車子爲主車車士,微者之人也。人微故略其姓,則「子」非姓也。

[三] (集解) 服虔曰:「麟非時所常見,故怪之,以爲不祥也。仲尼名之曰『麟』,然後魯人乃取之也。明麟爲仲尼至

[四] 樂解 孔安國曰:「聖人受命,則河出圖,今無此瑞。吾已矣夫者,〔傷〕不得見〔也〕。 河圖,八卦是也。」

(五) 集解 何休日:「予,我也。天生顔淵爲夫子輔佐,死者是天將亡夫子之證者也。」

[六][樂解] 何休曰:「麟者,太平之獸,聖人之類也。 時得而死,此天亦告夫子將殁之證,故云爾。」

[P] [集解] 何晏曰:「子貢怪夫子言何爲莫知己,故問之。」

馬融目:「孔子不用於世,而不怨天不知己,亦不尤人。」

「丸」 (集解) 孔安國日:「下學人事,上達天命。」

[10] [集解] 何晏曰:「聖人與天地合其德,故曰唯天知己。」

夷逸隱居放言,「己行中清,廢中權」。「則」「我則異於是,無可無不可。」「即」 「不降其志,不辱其身,伯夷、叔齊乎!」「二謂「柳下惠、少連降志辱身矣」。 謂「虞仲、

〔一〕 (集解) 鄭玄曰:「言其直己之心,不人庸君之朝。」

[二] [樂解] 包氏曰:「放,置也。 置不復言世務也。」

[三] 集解 |馬融曰:「清,純絜也。 遭世亂,自廢弃以免患,合於權也。」

[四] [集解] 馬融曰:「亦不必進,亦不必退,唯義所在。」

秋諱之曰「天王狩於河陽」:推此類以繩當世。貶損之義,後有王者舉而開之。春秋之義行, 約其文辭而指博。故吳楚之君自稱王,而春秋貶之曰「子」,踐土之會實召周天子, 因史記作春秋,上至隱公,下訖哀公十四年,十二公。據魯,親周,仁己故殷,運之三代。仁己 子曰:「弗乎弗乎,君子病没世而名不稱焉。吾道不行矣,吾何以自見於後世哉。」乃 而涯春

一] [索隱] 言夫子修春秋,以魯爲主,故云據魯。 孔 子 世 家 第 + 七 親周,蓋孔子之時周雖微,而親周王者,以見天下之有宗主也。 則天下亂臣賊子懼焉。

〔三〕[正義] 殷,中也。又中運夏、殷、周之事也。

徒不能贊一辭。弟子受春秋,孔子曰:「後世知丘者以春秋,而罪丘者亦以春秋。」〔1〕 孔子在位聽訟,文辭有可與人共者,弗獨有也。至於爲春秋,筆則筆,削則削,子夏之

[二] [樂解] 劉熙曰:「知者,行堯舜之道者也。罪者,在王公之位,見貶絕者。」

也?」孔子因歎,歌曰:「太山壞乎!〔一〕梁柱摧乎!哲人奏乎」〔三〕因以涕下。 奠兩柱之閒,予始殷人也。」後七日卒。「四」 曰:「天下無道久矣,莫能宗予。〔三〕夏人殯於東階,周人於西階,殷人兩柱閒。 明歲,子路死於衞。孔子病,子貢請見。孔子方負杖逍遥於門,曰:「賜, 汝來何其晚 昨暮予夢坐 謂子貢

[一][樂解]鄭玄曰:「太山,衆山所仰。]

(三) 樂解 王肅曰:「蒌,頓也。」

[三][樂解] 王肅曰:「傷道之不行也。」

侯,周武帝改封鄒國公;隋文帝仍舊封鄒國公,煬帝改爲紹聖侯;皇唐給復二千户,封孔子裔孫孔德倫爲 褒 帝封孔霸孫||莽二千户爲褒成侯;後漢封十七代孫||志爲褒成侯;魏封二十二代孫羨爲崇聖侯;晉封二十三代 孫震爲奉聖亭侯;後魏封二十七代孫爲崇聖大夫,孝文帝又封三十一代孫珍爲崇聖侯,高齊改封珍爲恭聖 |鄭玄曰:「明聖人知命也。」 正義 括地志云:「漢封夫子十二代孫忠爲褒成侯;生光,爲丞相,封侯;平

聖侯也。」

孔子年七十三,以魯哀公十六年四月己丑卒。「」

一][索隱] 若孔子以魯襄二十一年生,至哀十六年爲七十三; 若襄二十二年生,則孔子年七十二。經傳生年不定,

致使孔子壽數不明。

哉!尼父,毋自律!「『〕子貢曰:「君其不没於魯乎!夫子之言曰:『禮失則昏,名失則愆。 失志爲昏,失所爲愆。』「即」生不能用,死而誄之,非禮也。稱『余一人』,非名也。」「則〕 哀公誄之曰:「旻天不弔,不憗遺一老,「二俾屏余一人以在位,煢煢余在疚。「三嗚呼哀

[一][樂解] 王肅曰:「弔,善也。 愁,且也。一老謂孔子也。」

[二] 集解] 王肅曰:「疚,病也。」

[四][索隱]失禮爲昏,失所爲懲。 左傳及家語皆云「失志爲昏,失禮爲馋」,與此不同也。

[五] 樂解] 服虔曰:「天子自謂一人」,非諸侯所當名也。」

或復留。唯子贛廬於冢上、「『〕凡六年,然後去。弟子及魯人往從冢而家者百有餘室,因命 孔子葬魯城北泗上、二分子皆服三年。三年心喪畢,相訣而去、二別哭,各復盡哀,

曰孔里。魯世世相傳以歲時奉祠孔子冢,而諸儒亦講禮鄉飲大射於孔子冢。 故所居堂、弟子内,後世因廟,藏孔子衣冠琴車書、「己至于漢二百餘年不絶。 高皇帝 孔子冢大一

一九四五

孔

過魯,以太牢祠焉。諸侯卿相至,常先謁然後從政。

[一] [樂解] 皇覽曰:「孔子冢去城一里。冢塋百畝,冢南北廣十步,東西十三步,高一丈二尺。冢前以瓴甓爲祠壇,方 其方樹來種之』。 其樹柞、枌、雒離、安貴、五味、毚檀之樹。 孔子塋中不生荆棘及刺人草。」 [索隱]雒離,各離 六尺,與地平。本無祠堂。冢塋中樹以百數,皆異種,魯人世世無能名其樹者。 民傳言『孔子弟子異國人,各持 二音,又音落藜。藜是草名也。安貴,香名,出西域。五味,藥草也。毚音讒。毚檀,檀樹之别種

[二] 索隱] 訣音決。訣者,别也。

〔三〕[索隱] 按:家語無「上」字。且禮云「適墓不登隴」,豈合廬於冢上乎?蓋「上」者,亦是邊側之義。

[四] [索隱] 謂孔子所居之堂,其弟子之中,孔子没後,後代因廟,藏夫子平生衣冠琴書於壽堂中。

孔子生鯉,字伯魚。仁己伯魚年五十,先孔子死。仁己

君之賜,因以名其子也。 伯魚之生,魯昭公使人遺之鯉魚。 夫子榮

[三] (集解] 皇覽曰:「伯魚家在孔子家東,與孔子並,大小相望也。」

伯魚生伋,字子思,年六十二。嘗困於宋。子思作中庸。[二]

〔一〕 (樂解) 皇覽日:「子思家在孔子家南,大小相望。」

子思生白,字子上,年四十七。子上生球,字子家,年四十五。子家生箕,字子京,年四

十六。子京生穿,字子高,年五十一。子高生子慎,年五十七,嘗爲魏相。

子慎生鮒,年五十七,爲陳王涉博士,死於陳下。

鮒弟子襄,年五十七。 嘗爲孝惠皇帝博士,遷爲長沙太守。長九尺六寸。

忠生武,武生延年及安國。安國爲今皇帝博士,至臨淮太守,蚤

卒。安國生印,印生驩。

子襄生忠,年五十七。

侯,中國言六藝者折中於夫子,三司謂至聖矣! 下君王至于賢人衆矣,當時則榮,没則已焉。孔子布衣,傳十餘世,學者宗之。自天子王 見其爲人。適魯,觀仲尼廟堂車服禮器,諸生以時習禮其家,余祗迴留之不能去云。「一〕天 |太史公曰:詩有之:「高山仰止,景行行止。」雖不能至,然心鄉往之。 余讀孔氏書, 想

[一] 索隱] 祗,敬也。言祗敬遲回不能去之。有本亦作「低回」,義亦通。

[三] 索隱] 離騷云「明五帝以折中」。王師叔云「折中,正也」。宋均云「折,斷也。中,當也」。按:言欲折斷其物而 用之,與度相中當,故以言其折中也。

七十升堂,四方取則。 【索隱述贊】孔子之胄,出于商國。 卯誅兩觀,攝相夾谷。 弗父能讓,正考銘勒。 歌鳳遽衰,泣麟何促!九流仰鏡,萬古欽躅 防叔來奔,鄉人掎足。尼丘誕聖,闕里生德。

史記卷四十八

陳涉世家第十八

[索隱] 按:膀立數月而死,無後,亦稱「系家」者,以其所遣王侯將相竟滅秦,以其首事也。

輟耕之壟上,悵恨久之,曰:「苟富貴,無相忘。」庸者笑而應曰:「若爲庸耕,何富貴也。」 陳勝者,陽城人也,行己字涉。吳廣者,陽夏人也,行己字叔。陳涉少時,嘗與人傭耕,行己

陳涉太息曰:「嗟乎,燕雀安知鴻鵠之志哉」「四」

[一][索隱]章昭云屬潁川,地理志云屬汝南。不同者,按郡縣之名隨代分割。 蓋陽城舊屬汝南,(史遷云)今爲汝陰, 後又分隸潁川,韋昭據以爲説,故其不同。 他皆放此。 正義即河南陽城縣也。

[三][索隱]夏音賈。韋昭云:「淮陽縣,後屬陳。」 [正義]括地志云:「陳州太康縣,本漢陽夏縣也。」 [三][索] 廣雅云:「傭,役也。」按:謂役力而受雇直也。

鴭

陳涉世家第十八

音户酷反。

「一」索隠 秦役戍多,富者役盡,兼取貧弱者也。 今力役凡在閭左者盡發之也。又云,凡居以富強爲右,貧弱

「三」索隠 括地志云:「漁陽故城在檀州密雲縣南十八里,在漁水之陽也。」 適音直革反,又音磔。 故漢書有七科適。 戍者,屯兵而守也。 地理志漁陽縣名,在漁陽郡也。 正義

- 〔』〕 集解 徐廣日:「在沛郡蕲縣。」
- [四] [索隱] 謂欲經營圖國,假使不成而敗,猶愈爲戍卒而死也。
- Æ 索隱 姚氏按:隱士遺章邯書云「李斯爲二世廢十七兄而立今王」,則二世是始皇第十八子也。
- [´ `] [索 | 屬] 如淳云 「 扶蘇自殺,故人不知其死」。 或以爲不知何坐而死,故天下冤二世殺之,其意亦得。 解,直是扶蘇爲二世所殺,而百姓未知,故欲詐自稱之也。 今宜依文而
- 〔セ〕[索隱] 漢書作「倡」,倡謂先也。 説文云:「倡,首也。」
- [八][索隱]行者,先也。一云行,往也。
- [f] [<u>樂</u>解] 蘇林日:「狐鳴祠中則是也。」瓚曰:「假託鬼神以威衆也,故勝、廣日『此教我威衆也』。」 蘇林、臣瓚義亦當矣。 怪」,蓋亦得本旨也。 而李奇又云「卜者戒曰『所卜事雖成,當死爲鬼」,惡指斥言之,而勝失其旨,反依鬼神起 索隱裴注引
- [10] [索隱] 念者,思也。 謂思念欲假鬼神事耳。
- 〔一〕 集解] 漢書音義日:「罾音曾。」文穎日:「罾,魚網也。」
- (三) [索隱] 服虔云「閒音『中閒』之『閒』」。鄭氏云「閒謂竊令人行也」。 孔文祥又云「竊伺閒隙、不欲令衆知之也」。
- □□ 集解 張晏曰:「戍人所止處也。 叢,鬼所憑焉。」 爲叢位」。高誘注戰國策云「叢祠,神祠也。叢,樹也」。 [索隱] 次,師所次舍處也。 墨子云「建國必擇木之修茂者以
- [18] 集解]徐廣曰:「或作『帶』也。 篝者,籠也,音溝。」 索隱 籌音溝。 漢書作「搆」。 郭璞云:「筹,籠也。」

吴廣素愛人,士卒多爲用者。 將尉口醉,廣故數言欲亡,忿恚尉,令辱之,以激怒其 豪傑皆曰:「將軍身被堅執鋭,伐無道,誅暴秦,復立楚國之社稷,功宜爲王。」陳涉乃立爲 與戰譙門中。自己弗勝,守丞死,乃人據陳。數日,號令召三老、豪傑與皆來會計事。三老、 行收兵。比至陳,[10]車六七百乘,騎千餘,卒數萬人。攻陳,[1]陳守令皆不在,[1]獨守丞 也。袒右,稱大楚。爲壇而盟,祭以尉首。陳勝自立爲將軍,吳廣爲都尉。攻大澤鄉,收而 大名耳、『『王侯將相寧有種乎』,徒屬皆曰:「敬受命。」乃詐稱公子扶蘇、項燕,從民欲 攻蘄。「馬」蘄下,「木」乃令符離「ヤ」人葛嬰將兵徇蘄「へ」以東。攻鰘、酇、苦、柘、譙皆下之。「丸」 雨,皆已失期,失期當斬。 藉弟令毋斬、「」」而成死者固十六七。且壯士不死卽已,死卽舉

[一][索隱]官也。漢舊儀「大縣二人,其尉將屯九百人」,故云將尉也。

廣因奪之,故得殺尉。

王,號爲張楚。二門

〔三〕[集解] 徐廣曰:「挺猶脱也。」 [索隱] 徐廣云「挺,奪也」。 按:奪卽脱也。 説文云「挺,拔也」。 案 謂尉拔劍而

三][集解]服虔曰:「藉,假也。弟,次弟也。」應劭曰:「藉,吏士名藉也。今失期當斬,就使藉弟幸得不斬,戍死者固 也」。各以意言,蘇説爲近之也。 八」。然弟一音「次第」之「第」。又小顔云「弟,但也」;劉氏云「藉音子夜反」;應劭讀如字,云「藉,吏士之名藉 十六七。此激怒其衆也。」蘇林曰:「弟,且也。」 [索隱]蘇林云「藉第,假借。且令失期不斬,則戍死者固十七

- 四」家隱大名謂大名稱也。
- 五三三 [索隱] 音機,又音祈,縣名,屬沛郡。
- 索隱 下,降也。謂以兵臨而卽降也。
- 索隱章昭云:屬沛郡。」
- / 八] | 索隠]||李奇云:「徇,略也。 音辭峻反。」
- 集解 徐廣曰:「苦、柘屬陳,餘皆在沛也。」
- [10][索隱]地理志陳縣屬淮陽。
- |正義| 今陳州城也。本楚襄王築、古陳國城也。
- [索隱] 張晏云「郡守及令皆不在」,非也。 按:地理志云秦三十六郡並無陳郡、則陳止是縣。 言守令, 、則守非官

也,與下守丞同也,則「皆」字是衍字。

[一] [索隱] 蓋謂陳縣之城門,一名麗譙,故曰譙門中,非上譙縣之門也。 譙縣守已下訖故也。

[索隱]按:李奇云「欲張大楚國,故稱張楚也」。

當此時,諸郡縣苦秦吏者,皆刑其長吏,殺之以應陳涉。乃以吳叔爲假王,監諸將以西

令陳人武臣、張耳、陳餘徇趙地,令汝陰人鄧宗徇九江郡。

當此時,楚兵數千人爲

聚者,不可勝數。

撃祭陽。

涉 世 家 第 十八

葛嬰。 葛嬰至東城、「一」立襄彊爲楚王。嬰後聞陳王已立,因殺襄彊,還報。至陳,陳王誅殺 陳王令魏人周市北徇魏地。 吴廣圍滎陽。 李由爲三川守、气己守滎陽,吴叔弗能下。

陳王徵國之豪傑與計,以上蔡人房君蔡賜爲上柱國。〔三〕

(一) [索隱] 地理志屬九江。 [正義] 括地志云:「東城故城在濠州定遠縣東南五十里也。」

三] [索隱] 三川,今洛陽也。 地有伊、洛、河,故曰三川。 秦曰三川,漢曰河南郡。 李由,李斯子也。

『〕[樂解] 漢書音義曰:「房君,官號也,姓蔡,名賜。」瓚曰:「房邑君也。」 創,亦未置相國之官也。 蔡賜其姓名。晉灼按張耳傳,言「相國房君」者,蓋誤耳。涉始號楚,因楚有柱國之官,故以官蔡賜。 [正義] 豫州吴房縣,本房子國,是所封也。 索隱房,邑也。 爵之於房, 號日房君, 蓋其時草

復走次澠池「རི་)十餘日。章邯擊,大破之。周文自剄、(マ)軍遂不戰。 生,[四]悉發以擊煙大軍,盡敗之。周文敗,走出關,止次曹陽[五]二三月。章邯追敗之, 周文,陳之賢人也,行己嘗爲項燕軍視日,行己事春申君,自言習兵,陳王與之將軍印,西 行收兵至關,車千乘,卒數十萬,至戲,軍焉。〔刑〕秦令少府章邯免酈山徒、人奴産子

(一) 樂解 文穎曰:「卽周章。」

集解 |如淳日:「視日時吉凶舉動之占也。司馬季主爲日者。」

正義 一即京東戲亭也。

集解 服虔曰:「家人之産奴也。」 |索隱| 按:漢書無「生」字,小顔云「猶今言家産奴也」。

至] [索隱] 晉灼云:「亭名也,在弘農東十二里。」小顏云「曹水之陽也。 其水出陝縣西南峴頭山,北流入河。 謂之好陽」也。 正義 括地志云、曹陽故亭亦名好陽亭、在陝州桃林縣東南十四里。 崔浩云『曹陽,阮名,自 魏武帝

[六][正義] 澠池,河南府縣是也。

南出,北通於河』。

按:魏武帝改日好陽也。」

蒼,以爲剄,刺也。 集解 徐廣曰:「十一月也。」 [索隱] 越系家「句踐使罪人三行,屬劍於頸,曰『不敢逃刑』,乃自剄」。 郭璞注三

重趙。 北徇燕地。 使使北徇燕地以自廣也。 關。〔三趙王將相相與謀曰:「王王趙,非楚意也。 等家室,欲誅之。 王乃遣使者賀趙, 武臣到邯鄲,自立爲趙王,陳餘爲大將軍,張耳、召騷爲左右丞相。 趙乘溱之獘,可以得志於天下。」趙王以爲然,因不西兵,而遣故上谷卒史韓廣將兵 而徙繫武臣等家屬宫中, 柱國曰:「秦未亡而誅趙王將相家屬, 趙南據大河、北有燕、代、楚雖勝秦,不敢制趙。 而封耳子張敖爲成都君、二趣趙兵〔三〕 亟人 楚已誅秦, 此生一秦也。 必加兵於趙。 不如因而立之。」陳 陳王怒, 計莫如毋西兵, 若楚不勝秦,必 捕繫武臣

一][正義]成都,蜀郡縣,涉遥封之。

三][索隱] 上音促。促謂催促也。

陳涉世家第十八

[三][索隱] 亟音棘。亟,急也。

以楚之彊,不敢害趙王將相之家,趙獨安敢害將軍之家」韓廣以爲然,乃自立爲燕王。 爲燕王。」韓廣曰:「廣母在趙,不可。」燕人曰:「趙方西憂秦,南憂楚,其力不能禁我。且 燕故貴人豪傑謂韓廣曰:「楚已立王,趙又已立王。 燕雖小,亦萬乘之國也, 顧將軍立

居數月,趙奉燕王母及家屬歸之燕。

|各爲魏王,遣之國。 |周市卒爲相。 齊王,以齊反,擊周市。市軍散,還至魏地,欲立魏後故甯陵「三君咎爲魏王。〔三〕時咎在陳王 所,不得之魏。魏地已定,欲相與立周市爲魏王,周市不肯。使者五反,陳王乃立甯陵君 當此之時,諸將之徇地者,不可勝數。周市北徇地至狄,「己狄人田儋殺狄令,自立爲

一」集解徐廣日:「今之臨濟。」

[三][索隱]晉灼云「今在梁國也」。按:今梁國有寧陵縣是也,字轉異耳。

[正義] 括地志云:「宋州寧陵縣城,古甯

陵城也。」

[三][集解]應劭曰:「魏之諸公子,名咎。 欲立六國後以樹黨。」

不如少遺兵、「」足以守(熒)〔榮〕陽,悉精兵迎秦軍。 將軍田臧等相與謀曰:「周章軍已破矣,秦兵旦暮至,我圍滎陽城弗能下,秦軍至,必大 今假王驕,不知兵權,不可與計,

爲上將。 非誅之,事恐敗。」因相與矯王令以誅吳叔,獻其首於陳王。 田臧乃使諸將李歸等守滎陽城,自以精兵西迎秦軍於敖倉。 陳王使使賜田臧楚令尹印,使 與戰,田臧死,軍破。

章邯進兵擊李歸等滎陽下,破之,李歸等死。

[一][索隱]按:遺謂留餘也。

許、「『」章邯擊破之,伍徐軍皆散走陳。 陽城人鄧説「一」將兵居鄉,「一」章邯別將擊破之, 陳王誅鄧説。 鄧説軍散走陳。 **銍人伍徐(三)將兵居**

〔一〕[索隱] 地理志陽城縣屬潁川。説音悦,凡人名皆音悦。

[三] 索隱] 音談。小顔云「東海之縣名」、非也。按:章邯軍此時未至東海、此郯别是地名。 葬之,今汝州郟城縣是。 是郟鄏之地,或見下有東海郯,故誤。 鄧悦是陽城人,陽城河南府縣,與郟城縣相近,又走陳,蓋「郟」字誤作「郯」耳。 |正義| 屬海州、疑「郯」當作「郟」,音紀洽反。||郊即春秋時郟地,楚郟敖 或恐「郯」當作「郟」,郟

[三]集解]徐廣曰:「一作『逢』。」 [索隱] 地理志銍,縣名,屬沛。 伍徐,漢書作「伍逢」也。

四][正義] 括地志云:「許州許昌縣,本漢許縣。 地理志云許縣故國,姜姓,四岳之後,大叔所封,二十四君, 滅,漢以爲縣。 魏文帝即位,改許日許昌也。」 爲楚所

特起,將兵圍東海「一」守慶於鄉。 陳王初立時,陵人秦嘉、「〕銍人董緤、符離人朱雞石、取慮「」」人鄭布、徐人丁疾等皆 陳王聞, 乃使武平君畔爲將軍、四監鄉下軍。 秦嘉不受

陳

命,嘉自立爲大司馬,惡屬武平君。 告軍吏曰:「武平君年少, 不知兵事, 勿聽」因矯以王

命殺武平君畔。

[1][樂解] 地理志泗水國有陵縣也。

[二] [索隱] 地理志縣名,屬臨淮。音秋間二音。取,又音子臾反。

三 正義 今海州。

[四][集解]張晏曰:「畔,名也。」

章邯已破伍徐,擊陳,柱國房君死。 章邯又進兵擊陳西張賀軍。 陳王出監戰,軍破,張

賀死。

臘月、乙陳王之汝陰,還至下城父、乙其御莊賈殺以降秦。 陳勝葬碣、三諡曰隱王。

一〕[集解] 張晏曰:「秦之臘月,夏之九月。」瓚曰:「建丑之月也。」 史記表『二世二年十月,誅葛嬰,十一月,周文死,十二月,陳涉死』是也。」宗懷荆楚記云:「臘節在十二月,故因 是謂之臘月也。」 [索隱] 臣瓚云:「建丑之月也。」 顔游秦云:「按

[三][索隱]按:舊以陳王從汝陰還至城父縣,因降之,故云「還至下城父」。又顧氏按郡國志,山乘縣有下城父聚,在 城父縣東,下讀如字。其説爲得之。

[三]正義] 音唐。今宋州碭山縣是。

煙。「四」

一〕(集解)應劭曰:「涓人,如謁者。將軍姓吕名臣也。」晉灼曰:「吕氏春秋 『荆柱國莊伯令謁者駕,令涓人取冠」。」 索隱] 涓音公玄反。服虔云:「給涓通也,如今謁者。」

[三] | 索隠| 韋昭云: 「軍皆著青帽。」

樂解 徐廣曰:「在汝南也。」 [正義] 括地志云:「新陽故城在豫州真陽縣西南四十二里,漢新陽縣城。 應劭云

在新水之陽也。」

[四] [索隱] 爲,如字讀。謂又以陳地爲楚國。

宋留不能人武關,乃東至新蔡,遇秦軍,宋留以軍降秦。 初,陳王至陳,令姪人宋留將兵定南陽,人武關。 留已徇南陽,聞陳王死,南陽復爲秦。 秦傳留至咸陽,車裂留以徇。

使公孫慶使齊王,欲與并力俱進。 秦嘉等聞陳王軍破出走,乃立景駒爲楚王,「」引兵之方與,「三欲擊秦軍定陶下。「三 公孫慶曰:「齊不請楚而立王,楚何故請齊而立王!且楚首事,當令於天下。」 齊王曰:「聞陳王戰敗,不知其死生,楚安得不請而立 田儋

誅殺公孫慶。

陳涉世家第十八

[一] 樂解] 徐廣曰:「正月,嘉爲上將軍。」

[二]正義]房預二音。方與,兗州縣也。

[三]正義]今曹州也。

擊秦左右校,破之青波,「三復以陳爲楚。會項梁立懷王孫心爲楚王。 秦左右校「」復攻陳,下之。吕將軍走,收兵復聚。鄱盗、「」當陽君黥布之兵相收,復

(一) [索隱] 按:即左右校尉軍也。

[三] (樂解) 鄱音婆。英布居江中爲羣盗,陳勝之起,布歸番君吴芮,故謂之「鄱盗」者也。

〔三〕 集解 漢書音義曰:「地名也。」

宫門令欲縛之。自辯數、仁己乃置,不肯爲通。陳王出,遮道而呼涉。陳王聞之,乃召見,載 正,胡武爲司過,主司羣臣。諸將徇地,至,令之不是者,繫而罪之,以苛察爲忠。其所不善 下傳之,夥涉爲王,由陳涉始。客出人愈益發舒,言陳王故情。或説陳王曰:「客愚無知,顓 與俱歸。 陳勝王凡六月。已爲王,王陳。其故人嘗與庸耕者聞之,之陳,扣宫門曰:「吾欲見涉。」 輕威。」陳王斬之。諸陳王故人皆自引去,由是無親陳王者。〔8〕陳王以朱房爲中 人宫,見殿屋帷帳,客曰:「夥頤!)涉之爲王(三)沈沈者!(三)楚人謂多爲夥,故天

者,弗下吏,輒自治之。〔三〕陳王信用之。 諸將以其故不親附。 此其所以敗也。

[一] [集解] 晉灼曰:「數音『朋友數,斯疏矣』。」 |索隱||一音疏主反。 謂自辯説,數與涉有故舊事驗也。 又音朔。數

[三] [索隱] 服虔云:「楚人謂多爲夥。」按:又言「頤」者,助聲之辭也。 謂涉爲王,宮殿帷帳庶物黟多,驚而偉之, 故

謂自辯往數與涉有故。此數猶「朋友數」之「數」也。

稱夥頤也。

[三][集解]應劭曰:「沈沈,宫室深邃之貌也。沈音長含反。」 劉伯莊以「沈沈」猶「談談」,謂故人呼爲「沈沈」者,猶俗云「談談漢」是。 [索隱] 應劭以爲沈沈,宫室深邃貌,故音長含反。 而

〔四〕[索隱] 顧氏引孔叢子云:「陳勝爲王,妻之父兄往焉。 勝以衆賓待之。 不辭而去。」是其事類也。 妻父怒云:『怙強而傲長者, 不能久焉。」

[五] [索隱] 謂朱房、胡武等以素所不善者,即自驗問,不往下吏。

陳勝雖已死, 其所置遣侯王將相竟亡秦,由涉首事也。 高祖時爲陳涉置守冢三十家

陽,至今血食。

先王以仁義爲本,而以固塞文法爲枝葉,豈不然哉!吾聞賈庄之稱曰 褚先生曰:[一]地形險阻,所以爲固也,兵革刑法,所以爲治也。 猶未足恃也。夫

集解 徐廣曰:「一作『太史公』。」翺案:班固奏事云「太史遷取賈誼過秦上下篇以爲秦始皇本紀、 陳涉世家下

陳

涉

世家第

十八

已見始皇之本紀訖。

褚先生述史記,加此贊首「地形險阻」數句,然後始稱賈生之言,因即改太史公之目,而自題已位號也。已下義並 **贄文」,然則言「褚先生」者,非也。** [索隱] 徐廣與裴駰據所見别本及班彪奏事,皆云合作「太史公」。今據此是

之備;外連衡而鬭諸侯。於是秦人拱手而取西河之外。 宇内,囊括四海之意,并吞八荒之心。當是時也,商君佐之,内立法度,務耕織,修守戰 秦孝公據殽函之固,自己擁雍州之地,君臣固守,以窺周室。有席卷天下,包舉

(一) (樂解) 韋昭曰:「殽謂二般。函、函谷關也。」

廉頗、趙奢之倫制其兵。嘗以什倍之地,百萬之師,仰關而攻秦。〔三〕秦人開關而延敵, 軫、邵滑、「三」樓緩、濯景、蘇厲、樂毅之徒通其意, 吳起、孫臏、帶他、兒良、王廖、田忌、 士。合從締交,相與爲一。當此之時,齊有孟嘗,趙有平原,楚有春申,魏有信陵:此 之地,收要害之郡。諸侯恐懼,會盟而謀弱秦。不愛珍器重寶肥饒之地,以致天下之 九國之師「四〕遁逃而不敢進。秦無亡矢遺鏃之費,而天下固已困矣。於是從散約敗, 中山之衆。於是六國之士有甯越、徐尚、蘇秦、杜赫之屬爲之謀,齊明、周冣、二〕陳 四君者,皆明知而忠信,寬厚而愛人,尊賢而重士。約從連衡,兼韓、魏、燕、趙、宋、衞、 「孝公既没,惠文王、武王、昭王蒙故業,因遺策,南取漢中,西舉巴蜀,東割膏腴

争割地而賂秦。 秦有餘力而制其獘,追亡逐北,伏尸百萬,流血漂櫓,「馬」因利乘便,宰

割天下,分裂山河,彊國請服,弱國人朝。

[二]正義]音聚。

[三]正義郡,作「昭」。

[三] [索隱] 仰字亦作「卬」,並音仰。 謂秦地形高,故並仰向關門而攻秦。 有作「叩」字,非也。

〔四〕[索隱] 九國者,謂六國之外,更有宋、衞、中山。

〔五〕[索隱] 説文云:「櫓,大楯也。」

「施及孝文王、莊襄王,享國之日淺,國家無事。

陳利兵而 爲城,因河爲池,據億丈之城,臨不測之谿以爲固。 俊,收天下之兵聚之咸陽,銷鋒鍉,〔貳〕鑄以爲金人十二,〔閏〕以弱天下之民。 士亦不敢貫弓气三而報怨。 頸,委命下吏。 執敲朴[1]以鞭笞天下,威振四海。 「及至始皇,奮六世之餘烈,振長策而御字内,吞二周而亡諸侯,履至尊而制六合, [誰何。C #J天下已定,始皇之心,自以爲關中之固,金城千里,子孫帝王萬世之 乃使蒙恬北築長城而守藩籬,卻匈奴七百餘里,胡人不敢南下而牧馬, 於是廢先王之道,燔百家之言,以愚黔首。墮名城,殺豪 南取百越之地,以爲桂林、象郡,百越之君俛首係 良將勁弩,守要害之處,信臣精卒, 然後踐華

史

業也。

[一] <u>索屬</u> 臣瓚云:短日敲,長日朴。」

[三] 索隱] 貫音鳥還反,又如字。 貫謂上弦也。

[三] 集解 徐廣曰:「一作『鏑』。」

〔四〕|索隱] 各重千石,坐高二丈,號曰「翁仲」。

五][索隱]音呵,亦「何」字,猶今巡更問何誰。

應,贏糧而景從,山東豪俊遂並起而亡秦族矣。 仟佰之中、自己率罷散之卒,將數百之衆,轉而攻凑。斬木爲兵,揭竿爲旗,天下雲會響 徒也。材能不及中人,非有仲尼、墨翟之賢,陶朱、猗頓之富也。躡足行伍之閒,俛仰 「始皇既没,餘威振於殊俗。然而陳涉甕牖繩樞之子, 甿隸之人,〔二〕 而遷徙之

(一) (集解) 徐廣曰:「田民曰甿。音亡更反。」

[三][索隱]仟佰謂千人百人之長也,音千百。漢書作「阡陌」,如淳云「時皆僻屈在阡陌之中」。陌音貊。

韓、魏、宋、衞、中山之君也,鉏耰棘矜,气 〕非銛於句戟長鍛也,適戍之衆,非儔於九 國之師也,深謀遠慮,行軍用兵之道,非及鄉時之士也。「己然而成敗異變,功業相反 「且天下非小弱也,雍州之地,殽函之固自若也。陳涉之位,非尊於齊、楚、燕、趙、

嘗試使山東之國與陳涉度長絜大,「一」比權量力,則不可同年而語矣。 然而秦以

區區之地,致萬乘之權,抑八州而朝同列,「鬥百有餘年矣。然後以六合爲家,殽函爲

宫。 一夫作難而七廟墮,身死人手,爲天下笑者,何也。仁義不施,〔禹〕而攻守之勢異

[一] [索隱] 鉏耰謂鉏木也。論語曰「耰而不輟」是也。棘、戟也。矜,戟柄也,音勤。

[二] |索隱| 鄉音香亮反。 鄉時猶往時也。蓋謂孟嘗、信陵、蘇秦、陳軫之比也。

〔三〕[索隱] 絜音下結反。謂如結束知其大小也。

[四][索隱]謂秦強而抑八州使朝己也。漢書作「招八州」,亦通也。

〔三〕索隱 式豉反。 言秦虎狼之國,其仁義不施及於天下,故亡也。

【索隱述贊】天下匈匈,海内乏主,掎鹿争捷,瞻烏爰處。陳勝首事,厥號張楚。

鬼怪是憑,鴻鵠自許。

葛嬰東下,周文西拒。始親朱房,又任胡武。夥頤見殺,腹心不與。莊賈何人,反噬城父一

史記卷四十九

外戚世家第十九

能要其終。[15]豈非命也哉。孔子罕稱命,蓋難言之也。非通幽明之變,惡能[15]識乎性命 於臣,曰己父不能得之於子,況卑下乎!既驩合矣,或不能成子姓,曰能成子姓矣,或不 之變,萬物之統也。[三]可不慎與。人能弘道,無如命何。甚哉,妃匹之愛,[三]君不能得之 譏不親迎。[10]夫婦之際,人道之大倫也。 禮之用,唯婚姻爲兢兢。 夫樂調而四時和,陰陽 姜原「も」及大任、「く」而幽王之禽也淫於廢姒。「も」故易基乾坤、詩始關雎、書美釐降、春秋 以塗山,「『」而桀之放也以末喜。「『〕殷之興也以有娀,「『」紂之殺也嬖妲己。「宀」周之興也以 自古受命帝王及繼體守文之君,行司非獨内德茂也,蓋亦有外戚之助焉。行司夏之興也

一] [索隱] 按:繼體謂非創業之主,而是嫡子繼先帝之正體而立者也。守文猶守法也,謂非受命創制之君,但守先 外 戚 世 家 第 九

帝法度爲之主耳。

[二] [索隱] 按:謂非獨君德於内茂盛,而亦有賢后妃外戚之親以助教化。

[索隱] 韋昭云:「塗山,國名,禹所娶,在今九江。」應劭云:「九江當塗有禹墟。 大戴云『禹娶塗山氏之女, 謂之

僑,僑産啓』。」

[四][索隱] 國語「姓伐有施,有施人以妹喜女焉」,韋昭云「有施氏女,姓喜」。

(五) 索隱 韋昭云:「契母簡狄,有娀國女。 音嵩。」

[《八][索隱] 國語「殷辛伐有蘇氏,有蘇氏以妲己女焉」。按:有蘇,國也。己,姓也。妲,字也。包愷云「妲音丁達反」。

[中] [索隱] 系本云:「帝嚳上妃有邰氏之女,日姜原。」鄭玄箋詩云:「姜姓,嫄名,履大人跡而生后稷。」

[八][索隱]按:大任,文王之母,故詩云「擊仲氏任」,毛(詩)[傳]云「擊國任姓之中女也」。

「九」索隱 圧也。 然此文自「夏之興」至「褒姒」皆是魏如耳之母詞,見國語及列女傳。 國語曰:「幽王伐有褒,有褒人以褒姒女焉。」按:褒是國名,姒是其姓,即龍漦之子,褒人育而以女於幽

[10] [索隱] 按:公羊「紀裂繡來逆女,何以書,譏也,譏不親迎也」。

人爲之本,故云「萬物之統」。

索隱 妃音配,又如字。

[1三] [索隱] 以言夫婦親愛之情,雖君父之尊而不奪臣子所好愛。使移其本意,是不能得也。 故曰「匹夫不可奪志」是

[1四] [索隱] 按:鄭玄注禮記云「姓者,生也。子姓,謂衆孫也」。 按即趙飛燕等是也

□三 | 索隠 按:謂有始不能要其終也。 以言雖有子姓而意不能要終,如栗姬、衞后等皆是也。

二六 |索隱| 上音鳥。 惡猶於何也。

子。 及晚節色衰愛弛,而戚夫人有寵,气三其子如意幾代太子者數矣。及高祖崩,吕后夷戚 太史公曰:秦以前尚略矣,其詳靡得而記焉。漢興,吕娥姁□爲高祖正后, 男爲太

氏,誅趙王,而高祖後宮唯獨無寵疏遠者得無恙。[]]

[一] [集解] 徐廣日:「姁音況羽反。吕后姊字長姁也。」 [索隱] 吕后字,音況羽反。按:漢書吕后名雉。

[二] | 索隱| 漢書云得定陶戚姬。

引] [索隱] 爾雅云「恙,憂也」。一説,古者野居露宿,恙,噬人蟲也,故人相恤云「得無恙乎」。

無子,詐取後官人子爲子。及孝惠帝崩,天下初定未久,繼嗣不明。 吕后長女爲宣平侯張敖妻,敖女爲孝惠皇后。「己吕太后以重親故,欲其生子萬方,終 於是貴外家,王諸吕以

[一] | 索隱| 按: 皇甫謐云名嫣。

爲輔,而以吕禄女爲少帝后,欲連固根本牢甚,然無益也。

高后崩,合葬長陵。「□禄、産等懼誅,謀作亂。 大臣征之,天誘其統,「□」卒滅吕氏。 唯

外 戚 世家第十九

之?

獨置孝惠皇后居北宫。「『〕迎立代王,是爲孝文帝,奉漢宗廟。 此豈非天邪?非天命孰能當

[一] [集解] 關中記曰:「高祖陵在西,吕后陵在東。 漢帝后同塋,則爲合葬,不合陵也。 諸陵皆如此。

[二][樂解]徐廣曰:「一作『衷』。」

三] [索隱] 按:宫在未央北,故曰北宫。 [正義] 括地志云:「北宫在雍州長安縣西北十三里,與桂宫相近,在長安

故城中。」

薄太后,父吴人,姓薄氏,秦時與故魏王宗家女魏媪通,行己生薄姬,而薄父死山陰, 因

葬焉。〔三〕

[一] [索隱] 媪音鳥老反。然媪是婦人之老者通號,故趙太后自稱媪,及王媪、劉媪之屬是也。

[二] [索隱] 顧氏按冢墓記,在會稽縣,縣西北峨山上今猶有兆域。檝音莊洽反。 [正義] 括地志云:「檝山在越州會

稽縣西北三里,一名稷山。」檝音莊洽反。

子。是時項羽方與漢王相距滎陽,天下未有所定。豹初與漢擊楚,及聞許負言,心獨喜,因 及諸侯畔凑,魏豹立爲魏王,而魏媪内其女於魏宫。 媪之許負所相,相薄姬,云當生天

背漢而畔,中立,更與楚連和。漢使曹參等擊虜魏王豹,以其國爲郡,而薄姬輸織室。豹已

死,漢王人織室,見薄姬有色,詔内後宮,歲餘不得幸。始姬少時,與管夫人、趙子兒相愛, 生男,是爲代王。其後薄姬希見高祖。 而幸之。薄姬曰:「昨暮夜妾夢蒼龍據吾腹。」高帝曰:「此貴徵也,吾爲女遂成之。」一幸 相與笑薄姬初時約。漢王聞之,問其故,兩人具以實告漢王。漢王心慘然,憐薄姬,是日召 約曰:「先貴無相忘。」已而管夫人、趙子兒先幸漢王。漢王坐河南宮成皋臺、「「此兩美人

[一] [索隱] 按:是河南宫之成皋臺,漢書作「成皋靈臺」。 西征記云「武牢城内有高祖殿,西南有武庫」。 地志云:「洛州氾水縣,古東虢州,故鄭之制邑,漢之成皋縣也。」 正義括

從子之代,爲代王太后。太后弟薄昭從如代。 高祖崩,諸御幸姬戚夫人之屬,吕太后怒,皆幽之,不得出宫。而薄姬以希見故,得出,

孝文皇帝,而太后改號日皇太后,弟薄昭封爲軹侯。〔〕〕 代王立十七年,高后崩。大臣議立後,疾外家吕氏彊,皆稱薄氏仁善,故迎代王,立爲

[一][索隱]按地理志,軹縣在河内,恐地遠非其封也。按:長安東有軹道亭,或當是所封也。

爲母家魏王後,早失父母,其奉薄太后諸魏有力者,於是召復魏氏,(及尊) 賞賜各以親疏 已下吏奉守冢,寢廟上食祠如法。 薄太后母亦前死,葬櫟陽北。 而櫟陽北亦置靈文侯夫人園,如靈文侯園儀。 於是乃追尊薄父爲靈文侯,會稽郡置園邑三百家,長丞 薄太后以

外戚世家

受之。薄氏侯者凡一人。

薄太后後文帝二年,以孝景帝前二年崩,葬南陵。〔〕以吕后會葬長陵,故特自起陵,近

孝文皇帝霸陵。「三」

[索隱] 按: 廟記云「在霸陵南十里,故謂南陵」。按: 今在長安東遊水東東原上,名曰少陰。在霸陵西南,故曰 「東望吾子,西望吾夫」是也。 [正義] 括地志云:「南陵故縣在雍州萬年縣東南二十四里。 漢南陵縣,本 薄太后

陵邑。陵在東北,去縣六里。」

[二] (集解] 徐廣日:「霸陵縣有軹道亭。」

月,公卿請立太子,而實姬長男最長,立爲太子。立實姬爲皇后,女嫖爲長公主。其明年, 者,不欲往,相彊,乃肯行。至代,代王獨幸實姬,生女嫖,「思」後生兩男。而代王王后生四 立少子武爲代王,已而又徙梁,是爲梁孝王。 男。先代王未入立爲帝而王后卒。及代王立爲帝,而王后所生四男更病死。孝文帝立數 「必置我籍趙之伍中。」宦者忘之,誤置其籍代伍中。籍奏,詔可,當行。實姬涕泣,怨其宦 人以賜諸王,各五人,竇姬與在行中。 竇姬家在清河,欲如趙近家,請其主遣宦者吏 []] **竇太后,仁山趙之清河觀津人也。仁三日太后時,竇姬以良家子入宫侍太后。太后出宫**

[一] 索閱按:皇甫謐云名猗房。

[二][正義]在冀州棗強縣東北二十五里。

[三][正義] 謂宦者爲吏,主發遣宫人也。

[四] |索隱| 音疋消反。

竇皇后親蚤卒,葬觀津。

「〕於是薄太后乃韶有司,追尊竇后父爲安成侯,母曰安成夫

人。令清河置園邑二百家,長丞奉守,比靈文園法。

[1] 索屬]按:。摯虞注決録云「實太后父少遭秦亂,屬身漁釣,墜泉而死。景帝立,太后遣使者填父所墜淵,起大墳

於觀津城南,人閒號日實氏青山也」。

卧者,少君獨得脱,不死。自卜數日當爲侯,從其家之長安。[m]聞竇皇后新立,家在觀津, 御左右皆伏地泣,助皇后悲哀。乃厚賜田宅金錢,封公昆弟,家於長安。「太」 我決於傳舍中、「四」丐沐沐我、「四」請食飯我,乃去。」於是實后持之而泣,泣涕交橫下。 姓竇氏。廣國去時雖小,識其縣名及姓,又常與其姊採桑墮,用爲符信,上書自陳。 家不知其處。傳十餘家,至宜陽,爲其主人山作炭,(寒)〔暮〕卧岸下百餘人,岸崩, 后言之於文帝,召見,問之,具言其故,果是。又復問他何以爲驗。對曰:「姊去我西時,與 竇皇后兄竇長君,

「己弟日竇廣國,字少君。

「己少君年四五歲時,家貧,爲人所略賣,其 盡壓殺

戚世家第十九

- [一] [索陽] 按:決錄云建字長君。
- [三][正義]括地志云:「竇少君墓在冀州武邑縣東南二十七里。」
- [三] [索隱] 謂從逐其宜陽之主人家,而皆往長安也
- 四][索隱]決者,别也。傳音轉。傳舍謂郵亭傳置之舍。蓋寶后初入宮時,別其弟於傳舍之中也。
- [索隱] 丐音蓋。丐者,乞也。沐,米潘也。謂后乞潘爲弟沐。
- 六〕[索隱]按:公亦祖也,謂皇后同祖之昆弟,如竇嬰卽皇后之兄子之比,亦得家於長安。 故劉氏云「公昆弟謂廣國

又復效吕氏大事也。」於是乃選長者士之有節行者與居。懷長君、少君由此爲退讓君子,不 絳侯、灌將軍等曰:「吾屬不死,命乃且縣此兩人。兩人所出微,不可不爲擇師傅賓客,

敢以尊貴驕人。

爲章武侯。「己長君前死,封其子彭祖爲南皮侯。「己吴楚反時,竇太后從昆弟子竇嬰,任俠 竇皇后病,失明。 文帝幸邯鄲慎夫人、尹姬,皆毋子。孝文帝崩,孝景帝立,乃封廣國

- [一][索隱]地理志縣名,屬勃海。

自喜,將兵,以軍功爲魏其侯。〔三〕竇氏凡三人爲侯。

[二][索隱] 地理志縣名,屬渤海

[三][索隱]地理志縣名,屬琅邪、

正義」括地志云:「滄州魯城縣。」

正義」括地志云:「故南皮城在滄州南皮縣北四里,漢南皮縣也。」

寶太后好黃帝、老子言,帝及太子諸寶不得不讀黃帝、老子,尊其術。

竇太后後|孝景帝六歲(建元六年)崩,〔一〕合葬霸陵。遺詔盡以東宫金錢財物賜長公主

嫖

[一][索隱] 是當武帝建元六年,此文是也。而漢書作「元光」,誤。

太子曰:「此貴徵也。」未生而孝文帝崩,孝景帝卽位,王夫人生男。「用」 乃内之太子宫。太子幸愛之,生三女一男。男方在身時,王美人夢日人其懷。以告太子, 生一女矣,而臧兒卜筮之,曰兩女皆當貴。因欲奇兩女,「即乃奪金氏。 生男曰信,與兩女。〔三〕而仲死,臧兒更嫁長陵田氏,生男蚡、勝。臧兒長女嫁爲金王孫婦, 王太后、江地里人、江田田殿兒。臧兒者、故燕王臧荼孫也。 臧兒嫁爲槐里王仲妻, 金氏怒,不肯予決,

[一] | 索隱] 按:皇甫謐云名娡。音志。

[三] [索隱] 按: 地理志右扶風槐里,本名廢丘。 [正義] 括地志云:「犬丘故城一名槐里,亦曰廢丘,城在雍州始平

縣東南十里也。」

[三] 索隱 即后及兒姁也。

[四][索隱] 奇者,異之也。漢書作「倚」。倚者,依也。

外戚世家第十九

[五] | 索隱] 即武帝也。漢武故事云「帝以乙酉年七月七日生於猗蘭殿」。

先是臧兒又人其少女兒姁、八一兒姁生四男。八一

[一] 索隱 況羽反。

[二] [索陽] 謂廣川王越、膠東王寄、清河王乘、常山王舜也。

景帝爲太子時,薄太后以薄氏女爲妃。及景帝立,立妃曰薄皇后。 皇后毋子,毋寵。

薄太后崩,廢薄皇后。

許。長公主欲予王夫人,王夫人許之。長公主怒,而日讒栗姬短於景帝曰:「栗姬與諸貴夫 姬妒,而景帝諸美人皆因長公主見景帝,得貴幸,皆過栗姬,[二]栗姬日怨怒,謝長公主,不 人幸姬會,常使侍者祝唾其背,挾邪媚道。」景帝以故望之。〔三〕 景帝長男傑,其母栗姬。栗姬,齊人也。立榮爲太子。長公主嫖有女,欲予爲妃。

[一] 索隱 過音戈。 謂踰之。

(三) |索隱| 望猶責望,謂恨之也。

景帝嘗體不安,心不樂,屬諸子爲王者於栗姬, 景帝恚,心嗛之而未發也。 曰:「百歲後,善視之。」栗姬怒,不肯

[一][索隱] 嗛音銜。銜謂恨也。

廢太子爲臨江王。 以子貴』、「三」今太子母無號,宜立爲皇后。」景帝怒曰:「是而所宜言邪」」遂案誅大行, 帝望、厥婉,因怒未解,陰使人趣大臣立、栗姬爲皇后。大行奏事〔〕〕畢,曰:「『子以母貴, 長公主日譽王夫人男之美,景帝亦賢之,又有曩者所夢日符,計未有所定。 |栗姬愈恚恨,不得見,以憂死。 卒立||王夫人爲皇后,其男爲太子,封皇后 王夫人知 而 母

[一] | 索屬 | 大行,禮官。行音衡。

兄信爲蓋侯。〔三〕

[三] 索隱] 此皆公羊傳文。

「三」[索隱] 地理志蓋縣屬太山。

景帝崩, 太子襲號爲皇帝。 尊皇太后母臧兒爲平原君。〔一〕封田魵爲武安侯,〔三〕勝爲

周陽侯。〔1〕

一」正義。徳州縣也。

〔二〕[索隱] 地理志縣名,屬魏郡。 [正義] 好

正義]括地志云:「武安故城在洛州武安縣西南七里,六國時趙邑,漢武安縣城

也。

〔三〕[索隱] 地理志縣名,屬上郡。

·屬上郡。 [正義] 括地志云:「周陽故城在絳州聞喜縣東二十九里也。」

景帝十三男, 一男爲帝,十二男皆爲王。 而見姁早卒,其四子皆爲王。王太后長女號

外戚世家第十九

日平陽公主、「一」次爲南宫公主、「一」次爲林慮公主。「一」

[一] [正義] 括地志云:「平陽故城即晉州城西面,今平陽故城東面也。 城記云堯築也。」

〔三〕[正義] 南宫,冀州縣也。

三] 索隱] 縣名,屬河内。本名隆慮,避殤帝諱,改名林慮。 慮音廬。 正義一林慮,相州縣也。

及平原君卒,從田氏葬長陵,置園比共侯園。而王太后後孝景帝十六歲,以元朔四年崩,合 蓋侯信好酒。 田蚡、勝貪,巧於文辭。 王仲蚤死,葬槐里,追尊爲共侯,置園邑二百家。

[一][正義] 括地志云:「陽陵在雍州咸陽縣東四十里。」

葬陽陵。口王太后家凡三人爲侯。

宫人不中用者,斥出歸之。衛子夫得見,涕泣請出。上憐之,復幸,遂有身,尊寵日隆。 車,平陽主拊其背曰:「行矣,彊飯,勉之!卽貴,無相忘。」人宫歲餘,竟不復幸。 陽主。主見所侍美人,上弗説。既飲,謳者進,上望見,獨説衞子夫。是日,武帝起更衣,子 帝初卽位,數歲無子。 平陽主求諸良家子女十餘人,飾置家。 武帝祓[三] 霸上還,因過平 衛皇后字子夫,生微矣。蓋其家號曰衞氏,〔一〕出平陽侯邑。〔三〕子夫爲平陽主謳者。武 武帝擇

其兄衞長君、弟青爲侍中。 而子夫後大幸,有寵,凡生三女[#]一男。 男名據。[k]

- 「二」正義 術青傳云:「父鄭季爲吏,給事平陽侯家,與侯妾衛媼通,生青,故冒衛氏。」
- [二][集解]徐廣曰:「平陽侯曹壽尚平陽公主。」
- 〔三〕[樂解] 徐廣曰:「三月上巳,臨水祓除謂之禊。吕后本紀亦云『三月祓還過軹道』。蓋與『游』字相似,故或定之

[索隱] 蘇林音廢,今亦音拂,謂祓禊之,游水自潔,故曰祓除。

- [四][正義]尚,主也。於主衣車中得幸也。
- 〔至〕[索隱] 按:謂諸邑、石邑及衞長公主後封當利公主是。
- [八] 索隱] 即戾太子也。

嗣,大長公主有力焉,自己以故陳皇后驕貴。 初,上爲太子時,娶長公主女爲妃。 立爲帝,妃立爲皇后,姓陳氏,二三無子。上之得爲 聞衞子夫大幸,恚,幾死者數矣。上愈怒。 陳

皇后挾婦人媚道,其事頗覺,於是廢陳皇后,「一」而立衛子夫爲皇后。

- [一][潔隱]漢武故事云「后名阿嬌」,即長公主嫖女也。 曾祖父嬰,堂邑侯,傳至父午,尚長公主,生后。 [三][樂解]徐廣日:「卽景帝姊嫖也。」
- 〔三〕[索隱] 按:漢書云「女子楚服等坐爲皇后咒詛,大逆無道,相連誅者三百人」,乃廢后居長門宮。 故司馬相如賦 幸之恐非實也。 云「陳皇后别在長門宮,怨悶悲思,奉黄金百斤爲相如取酒,乃爲作頌以奏,皇后復親幸」。作頌信有之也,復親

外戚世家第十九

一九八〇

女, 萬,然竟無子。 壹何不自喜而倍本乎」平陽公主曰:「用無子故廢耳。」陳皇后求子,與醫錢凡九千 陳皇后母大長公主,景帝姊也,數讓武帝姊平陽公主曰:「帝非我不得立, 已而弃捐吾

三子在襁褓中,皆封爲列侯。 衛子夫已立爲皇后,先是衞長君死,乃以衞青爲將軍,擊胡有功, 及衞皇后所謂姊衞少兒, 少兒生子霍去病, 封爲長平侯。〔〕青 以軍功封冠軍

[二] [索隱] 地理志縣名,屬汝南。

「三」「索魔」子夫姊少見之子去病封也。地理志冠軍屬河陽。

及衞后色衰,趙之王夫人气之幸,有子,爲齊王。

(一) 索隱 生齊王閎。

王夫人蚤卒。而中山李夫人「一」有寵,有男一人,爲昌邑王。〔三〕

[一] 索屬 生昌邑哀王髆。

[二][正義] 名賀。

時其長兄廣利爲貳師將軍,伐大宛,不及誅,還,而上既夷李氏,後憐其家,乃封爲海西 李夫人蚤卒、「一」其兄李延年以音幸、號協律。協律者、故倡也。兄弟皆坐姦,族。

[一] 索屬] 李延年之女弟。 漢書云「帝悼之,李少翁致其形,帝爲作賦」。此史記以爲王夫人最寵,武帝悼惜。 新論

亦同史記爲王夫人。

[二][正義] 漢武帝令李廣利征大宛,國近西海,故號海西侯也。

他姬子二人爲燕王、廣陵王。〔〕其母無寵,以憂死。

[1][索隱] 漢書云李姬生廣陵王胥、燕王旦也。

及李夫人卒,則有尹婕妤之屬,更有寵。然皆以倡見,非王侯有土之士女,不可以配人

主也。

之,在其家。武帝乃自往迎取之。蹕道,先驅旄騎出横城門,「鬥〕乘輿馳至長陵。當小 **嫣素得幸武帝,承閒白言太后有女在長陵也。武帝曰:「何不蚤言!」乃使使往先視** [一]女者,[三父爲金王孫。王孫已死,景帝崩後,武帝已立,王太后獨在。 而韓王孫名 市西人里,里門閉,暴開門,乘輿直入此里,通至金氏門外止, 使武騎圍其宅, 爲其亡 走,身自往取不得也。 褚先生日:[二]臣爲郎時,問習漢家故事者鍾離生。日: 王太后在民閒時所生(子) 即使左右羣臣人呼求之。家人驚恐,女亡匿内中牀下。 扶持出

成世家第十九

直入長樂宫。行韶門著引籍,「馬」通到謁太后。太后曰:「帝倦矣,何從來?」 門,令拜謁。 武帝下車泣曰:「嚄!〔四〕大姊,何藏之深也」」詔副車載之,迴車馳還,而 帝曰:「今

者至長陵得臣姊,與俱來。」 后爲下泣,女亦伏地泣。」武帝奉酒前爲壽,奉錢千萬,奴婢三百人,公田百頃,甲第,以 顧曰:「謁太后!」太后曰:「女某邪?」曰:「是也。」太

賜姊。太后謝曰:「爲帝費焉。」於是召平陽主、南宫主、林慮主三人俱來謁見姊, 日脩成君。 有子男一人,女一人。男號爲脩成子仲,「尽」女爲諸侯王王后。「智〕此二子 因號

[一] [正義] 疑此元成之閒褚少孫續之也。

非劉氏,以故太后憐之。脩成子仲驕恣,陵折吏民,皆患苦之。

[二][樂解]徐廣曰:「名俗。」 [正義]按:後封修成君者。

(三)[集解]如淳曰:「横音光。 |三輔黄圖云北面西頭門。」 [正義] 括地志云:「渭橋本名横橋,架渭水上,在雍州咸陽

縣東南二十二里。」按:此橋對門也。

「三」「圧慢」な矛質におく重らなぐりも・一、三で行う。「四」「索隠」鳥百反。蓋驚怪之辭耳。 「正義」 嘆,噴,失聲驚愕貌也。

[五][正義] 武帝道上韶令通名狀於門使,引入至太后所。

集解 索隱 |徐廣日:「嫁爲淮南王安太子妃也。」 金氏甥,修成君之子也。 而名仲者,又與大外祖王氏同字,恐非也。

侯、「三三日宜春侯、「三貴震天下。天下歌之曰:「生男無喜,生女無怒,獨不見衞子夫 子,侯世子常侍中,貴幸。其三弟皆封爲侯,各千三百户,一曰陰安侯,仁己二曰發干 衛子夫立爲皇后,后弟衞青字仲卿,以大將軍封爲長平侯。四子,長子伉爲侯世

[一] 索隱 名不疑。 地理志縣名、屬魏郡。 [正義] 括地志云:「陰安故城在魏州頓丘縣北六十里也。」

[三] 索隱 名登。 地理志縣名、屬東郡。 [正義] 括地志云:「發干故城在博州堂邑縣西南二十三里。」

[三] 索隱 名伉。 地理志宜春,縣名,屬汝南。 [正義] 括地志云:「宜春故城在豫州汝陽縣西六十七里。」

大將軍姊爲皇后,三子爲侯,富貴振動天下, 可。主笑曰:「此出吾家,常使令騎從我出入耳,柰何用爲夫乎?」左右侍御者曰:「今 是時平陽主寡居,當用列侯尚主。主與左右議長安中列侯可爲夫者,皆言大將軍 主何以易之乎。」於是主乃許之。 言之

皇后,令白之武帝,乃韶衞將軍尚平陽公主焉。

當時富貴,百惡滅除,光耀榮華,貧賤之時何足累之哉! 褚先生曰: 丈夫龍變。傳曰:「蛇化爲龍,不變其文;家化爲國,不變其姓。」丈夫

武帝時,幸夫人尹婕妤。「己那夫人號娙娥,「己衆人謂之「娙何」。 娙何秩比中二

外

千石、『心容華秩比二千石、『心婕妤秩比列侯。 常從婕妤遷爲皇后。

[一][索隱]韋昭云「婕,承;好,助也」。一云「美好也」。聲類云幸也,字亦從女。漢書儀云「皇后爲婕妤下輿,禮比

丞相也」。

[二] [索隱] 服虔云:「姬音近妍」。徐廣音五耕反。鄒誕生音莖。字林音五經反。説文云「姬,長也,好也」。

||秦晉之閒謂好爲娙」。又方言曰「美貌謂之娥」。漢舊儀云「娙娥秩比將軍、御史大夫」。

〔ヨ〕[索隱] 按:崔浩云「中猶滿也。|漢制九卿已上秩一歲滿二千斛」。又漢官儀云「中二千石俸月百八十斛」。

四][索隱]按:二千石是郡守之秩。漢定儀云「其俸月百二十斛」。又有真二千石者,如淳云「諸侯王相在郡守上, 二千石」。按此則是真二千石也。其云中二千石,亦不滿二千,蓋千八九百耳。此崔氏之説,今兼引而解之。 秩真二千石」。溪津真二千石俸月二萬。按是二萬斗也,則二萬斗亦是二千石也。崔浩云「列卿已上秩石皆正

許之。卽令他夫人飾,從御者數十人,爲邢夫人來前。尹夫人前見之,曰:「此非邢夫 尹夫人與邢夫人同時並幸,有韶不得相見。尹夫人自請武帝,願望見邢夫人,帝

人身也。」帝曰:「何以言之?」對曰:「視其身貌形狀,不足以當人主矣。」 於是 帝乃 韶使邢夫人衣故衣,獨身來前。 尹夫人望見之,曰"「此真是也。」於是乃低頭俛而泣,

自痛其不如也。諺曰:「美女人室、惡女之仇。」

道;女不必貴種,要之貞好。 傳曰:「女無美惡,入室見妒, 士無賢不肖,入朝見嫉。」 褚先生曰:浴不必江海,要之去垢,馬不必騏驥,要之善走,士不必賢世,要之知

鉤弋夫人「」姓趙氏、「三河閒人也。 得幸武帝,生子一人,昭帝是也。武帝年七

十,乃生昭帝。昭帝立時,年五歲耳。〔三〕

[一] [索隱] 按::夫人姓趙,河閒人。 漢書云 [武帝過河閒,望氣者言此有奇女,天子乃使使召之。 女兩手皆拳,上自 披之、手即時伸。由是幸、號日拳夫人。後居鉤弋宫、號曰鉤弋夫人」。,列仙傳云「發手得一玉鉤、故號焉」。漢

門名堯母門也。」

武故事云「宫在直城門南」。廟記云「宫有千門萬户,不可記名也」。

正義」括地志云:「鉤弋官在長安城中

[二] [索隱] 按漢書,昭帝卽位,追尊太后父趙父爲順成侯。

「□」[樂解]徐廣日:「武帝崩年正七十,昭帝年八歲耳。」 歲。此褚先生之記。漢書云「元始三年,昭帝生」,誤也。按:元始當爲太始。 |索隱||按:徐廣依漢書,以武帝年七十崩,崩時昭帝年八

衞太子廢後,未復立太子。而燕王旦上書,願歸國入宿衞。 武帝怒, 立斬其使者

於北闕。

數日,帝譴責鉤弋夫人。夫人脱簪珥叩頭。帝曰:「引持去,送掖庭獄」」夫人還顧, 上居甘泉宫,召畫工圖畫周公負成王也。於是左右羣臣知武帝意欲立少子也。後

成世家第十九

外

帝曰:「趣行, 女不得活」夫人死雲陽宮。〔一〕時暴風揚塵,百姓感傷。 使者夜持棺往

葬之,行司封識其處。

[一] [索隱] 按:: 三輔故事云「葬甘泉宫南。後昭帝起雲陵,邑三千户」。 漢武故事云「既殯,香聞十里,上疑非常人, 發棺視之,無尸,衣履存焉」。 [正義] 抵地志云:「雲陽宮,秦之甘泉宮,在雍州雲陽縣西北八十里。 秦始皇作甘

泉宫,去長安三百里,黄帝以來祭圜丘處也。」

[二][正義]括地志云:「雲陽陵,漢鉤弋夫人陵也,在雲陽縣西北五十八里。 孝武帝鉤弋趙婕妤,昭帝之母,齊人,姓 伸之,得玉鉤。後生昭帝。武帝末年殺夫人,殯之而尸香一日。昭帝更葬之,棺但存絲履也。宮記云『武帝思 趙。少好清静,六年卧病,右手捲,飲食少。望氣者云『東北有貴人』,推而得之。召到,姿色甚佳。」武帝持其手 之,爲起通靈臺於甘泉,常有一青鳥集臺上往來,至宣帝時乃止』。」

虚哉! 蹇,淫亂自恣,莫能禁也。女不聞吕后邪。」故諸爲武帝生子者,無男女,其母無不譴 帝曰:「然。是非兒曹愚人所知也。往古國家所以亂也,由主少母壯也。 死,豈可謂非賢聖哉!昭然遠見,爲後世計慮,固非淺聞愚儒之所及也。 謚爲「武」,豈 其後帝閑居,問左右曰:「人言云何。」左右對曰:「人言且立其子,何去其母乎。」 女主獨居驕

|嫄。 【索隱述贊】禮貴夫婦,易敍乾坤。配陽成化,比月居尊。河洲降淑,天曜垂軒。 逮我炎曆,斯道克存。吕權大寶,竇喜玄言。自兹已降,立嬖以恩。内無常主,後嗣不繁。 德著任、姒, 慶流娀、

史記卷五十

楚元王世家第二十

楚元王劉交者,<a>「二高祖之同母「二少弟也,字游。

[二]正義] 年表云都彭城。

[三] 集解]徐廣曰:「一作『父』。」 [索隱] 按:漢書作「同父」。 言同父者,以明異母也。

叔,叔與客來,嫂詳爲羹盡,櫟釜,气三賓客以故去。已而視釜中尚有羹,高祖由此怨其嫂。 長者耳。」於是乃封其子信爲羹韻侯。「一」而王次兄仲於代。「四」 及高祖爲帝,封昆弟,而伯子獨不得封。太上皇以爲言,高祖曰:「某非忘封之也,爲其母不 高祖兄弟四人,長兄伯,伯蚤卒。始高祖微時,嘗辟事,時時與賓客過巨嫂食。仁己嫂厭

[一] [集解] 徐廣曰:「漢書云丘嫂也。」 [索隱] 漢書作「丘」。應劭云「丘,姓也」。 孟康云「丘,空也。兄亡,空有嫂 也」。今此作「巨」,巨,大也,謂長嫂也。 劉氏云「巨,一作『丘』」。

楚元 王世家第二十[索隱] 櫟音歷。謂以杓歷釜旁,使爲聲。漢書作「轑」,音勞。

[]] [集解] 徐廣曰:「羹頡侯以高祖七年封,封十三年,高后元年,有罪,削爵一級,爲關内侯。」 耳,非縣邑名,以其櫟釜故也。 [正義] 括地志云:「羹頡山在媽州懷戎縣東南十五里。」按: 高祖取其山名爲 索院一獎頡,爵號

侯號者,怨故也。

. 8] [樂解] 徐廣曰:「次兄名喜,字忡,以六年立爲代王,其年罷。 卒諡頃王。 有子曰濞。」

高祖六年,已禽楚王韓信於陳,乃以弟交爲楚王,都彭城。〔〕卽位二十三年卒,子夷王

野立。行三夷王四年卒,子王戊立。

[1] [索隱] 漢書云楚王王薛郡、東海、彭城三十六縣也。

[三] 索隱] 漢書名郢客。

尚、太傅趙夷吾諫,不聽。戊則殺尚、夷吾,起兵與吴西攻梁,破棘壁。〔三〕至昌邑南、〔三〕與 王戊立二十年,冬,坐爲薄太后服私姦,行以削東海郡。春,戊與吴王合謀反,其相張

漢將周亞夫戰。漢絶吳楚糧道,士卒飢,吳王走,楚王戊自殺,軍遂降漢。

[一][索隱]漢書云「私姦服舍中」。姚察云「姦於服舍,非必宫中」。又按:集注服虔云「私姦中人」。蓋以罪重,故至

[二][正義] 括地志云:「大棘故城在宋州寧陵縣西七十里,即梁棘壁。」

[1] [正義] 括地志云「有梁丘故城在曹州成武縣東北三十二里」也。

漢已平吳楚, 孝景帝欲以德侯子續吴、门以元王子禮續楚。 竇太后曰:「吴王,老人

也,宜爲宗室順善。今乃首率七國,紛亂天下,柰何續其後!不許吳,許立楚後。 是時禮

爲漢宗正。乃拜禮爲楚王,奉元王宗廟,是爲楚文王。

「一」「樂解」徐廣日:「德侯名廣,吴王濞之弟也。 其父日仲。」

文王立三年卒,子安王道立。安王二十二年卒,子襄王注立。襄王立十四年卒,子王

|純代立。|王純立,|地節二年,中人上書告||楚王謀反,王自殺,國除,人漢爲彭城郡。[I] [一] <u>集</u>解] 徐廣曰:「純立十七年卒,謚節王。子延壽立,十九年死。」 [索隱] 按:太史公唯記王純爲國人告反,國 反,延壽自殺,立三十二年國除。 與此不同。 地節是宣帝年號,去天漢四年二十九年,仍隔昭帝世。言到地節二 除。蓋延壽後更封,至十九年又謀反誅死,故不同也。 [正義] 漢書云王純嗣十六年,子延壽嗣,與趙何齊謀

年以下者,蓋褚先生誤也。

禄於趙,一歲而高后崩。大臣誅諸吕吕禄等,乃立幽王子遂爲趙王。 趙王劉遂者、「二其父高祖中子,名友,謚曰「幽」。幽王以憂死,故爲「幽」。高后王吕

(二) [正義] 年表云都邯鄲。

孝文帝卽位二年,立遂弟辟彊、、「取趙之河閒郡爲河閒王、、「」、以、〔是〕爲文王。

三年卒,子哀王福立。 一年卒,無子,絶後,國除,人于漢。

(一)[索隱] 音壁强二音,又音闢疆。

[三][正義] 河閒,今瀛州也。

兵。 於梁,不能西。匈奴聞之,亦止,不肯入漢邊。 北使匈奴,與連和攻漢。漢使曲周侯酈寄擊之。 壞,趙王自殺,邯鄲遂降。〔三〕趙幽王絶後。 其相建德、「一〕内史王悍諫,不聽。遂燒殺建德、王悍,發兵屯其西界,欲待吳與俱西。 遂既王趙二十六年,孝景帝時坐鼂錯以適削趙王常山之郡。吴楚反,趙王遂與合謀起 樂布自破齊還, 趙王遂還,城守邯鄲,相距七月。吴楚敗 乃并兵引水灌趙城。

[一] [索隱] 建德,其相名,史先失姓也。

[三] 正義 邯鄲,洛州縣也。

乎!非質有其內,惡能用之哉。甚矣,「安危在出令,存亡在所任」,誠哉是言也! 王戊毋刑申公,〔一〕遵其言,趙任防與先生,〔三〕豈有篡殺之謀,爲天下僇哉。賢人乎,賢人 太史公曰:國之將興,必有禎祥,君子用而小人退。國之將亡,賢人隱,亂臣貴。 使楚

[一][索隱] 漢書申公名培,王戊胥靡之。

[二][樂解] 趙堯傳曰:「趙人防與公也。」 [索隱] 此及漢書雖不見趙不用防與公、蓋當時猶知事迹,或别有所見,故

太史公明引以結其贊。

【索隱述贊】漢封同姓,楚有令名。既滅韓信,王於彭城。穆生置醴,韋孟作程。王戊弃德,與吳連兵。

太后命禮,爲楚罪輕。文襄繼立,世挺才英。如何趙遂,代殞厥聲!興亡之兆,所任宜明。

記卷五十

荆 燕世家第二十

荆王劉賈者、门諸劉,不知其何屬「己初起時。 漢王元年,還定三秦,劉賈爲將軍,

定

塞地、气气從東擊項籍。 [1]正義 年表云都吴也。

[二] 集解] 漢書賈,高帝從父兄。

[索隱]按:注引漢書,云賈,高祖從父兄,則班固或别有所見也。

「二」|索隱| 賈將兵定塞地,塞即桃林之塞。

漢四年,漢王之敗成皋,北渡河,得張耳、韓信軍,軍脩武,深溝高壘,使劉賈將二萬人,

騎數百,渡白馬津入楚地,「」燒其積聚,以破其業,無以給項王軍食。 已而楚兵擊劉賈,賈

輒壁不肯與戰,而與彭越相保。

[一] [正義] 括地志云:「黎陽,一名白馬津,在滑州白馬縣北三十里。」按:賈從此津南過人楚地也。 漢五年,漢王追項籍至固陵,[1]使劉賈南渡淮圍壽春。[1]還至,使人閒招楚大司馬周

周殷反楚,佐劉賈舉九江,迎武王黥布兵,皆會垓下,共擊項籍。 漢王因使劉賈將九江

兵,與太尉盧綰西南擊臨江王共尉。〔『〕共尉已死,以臨江爲南郡。〔四〕

[一] [集解] 徐廣日:「在陽夏。」 [正義] 括地志云:「固陵,陵名。在陳州宛丘縣西北四十二里。

[二] 正義] 今壽州壽春縣是也。

〔三〕 索隱 共敖之子。

[四]正義]今荆州也。

子肥爲齊王。 皆曰:「立劉賈爲荆王,王淮東五十二城,〔二〕高祖弟交爲楚王,王淮西三十六城。」〔1〕因立 弟少,又不賢,欲王同姓以鎮天下,乃韶曰:「將軍劉賈有功,及擇子弟可以爲王者。」羣臣 漢六年春,會諸侯於陳,「二廢楚王信,囚之,分其地爲二國。當是時也,高祖子幼,昆 始王昆弟劉氏也。

[一]正義 今陳州也。

[三][索隱]按:表云劉賈都吴。又漢書以東陽郡封賈。東陽卽臨淮,故云淮東也。 正義 括地志云西北四十里

蓋此縣是也。

[三][正義] 准以西徐、泗、濠等州也。

高祖十一年秋,淮南王黥布反,東擊荆。 荆王賈與戰,不勝,走富陵、二八馬市軍所殺。

高祖自擊破布。十二年,立沛侯劉濞爲吴王,王故荆地。

燕王劉澤者,諸劉遠屬也。〔〕高帝三年,澤爲郎中。 高帝十一年,澤以將軍擊陳豨,

得王黄,爲營陵侯。〔三〕

一][集解]漢書曰:「澤,高祖從祖昆弟。」 澤,宗家也」。 按言「宗家」,似疏遠矣。 然則班固言「從祖昆弟」,當別有所見矣。 [索隱] 按:注引漢書云高祖從祖昆弟。 又楚漢春秋田子春説張卿云「劉

二〕【索隱】地理志縣名,在北海。 [正義] 括地志云:「營陵故城在青州北海縣南三十里。」

秋長、諸吕弱、太后欲立吕産爲(昌)王、王代。太后又重發之、て引恐大臣不聽。 大臣所敬,何不風大臣以聞太后,太后必喜。 諸吕已王,萬户侯亦卿之有。〔<〕太后心欲之, 高祖一切功臣。「『一今吕氏雅故本推轂高帝就天下,「よ」功至大,又親戚太后之重。 田生盛帷帳共具,譬如列侯。張卿驚。 宅,令其子求事吕后所幸大謁者張子卿。〔『〕居數月,田生子請張卿臨,親脩具。 田生已得金,卽歸齊。二年,澤使人謂田生曰:「弗與矣。」〔貳〕田生如長安,不見澤,而假大 高后時,齊人田生口遊乏資,以畫干營陵侯澤。口澤大說之,用金二百斤爲田生壽。 酒酣,乃屏人説張卿曰:「臣觀諸侯王邸弟百餘,皆 今卿最幸, 張卿許往。 太后春

産王也,諸大臣未大服。 今營陵侯澤,諸劉,爲大將軍,獨此尚觖望。[丸]今卿言太后,列十 餘縣王之,彼得王,喜去,諸吕王益固矣。」張卿入言,太后然之。乃以營陵侯劉澤爲琅邪 大臣請立吕産爲吕王。太后賜張卿千斤金,張卿以其半與田生。田生弗受,因説之曰:「吕 而卿爲内臣,不急發,恐禍及身矣。」張卿大然之,乃風大臣語太后。 琅邪王乃與田生之國。田生勸澤急行,毋留。出關,太后果使人追止之,已出,卽還。 太后朝,因問大臣。

[一] [樂解] 晉灼日:「楚漢春秋田子春。」

[三] [集解] 服虔曰:「以計畫干之也。」文穎曰:「以工畫得寵也。」 畫」,兩家義並通也。 [索隱] 畫,一音「計畫」之「畫」,又音「圖畫」之

[]] [樂解]]孟康日:「與,黨與。 言不復與我爲與也。」文顯日:「不得與汝相知。」

[四][集解]徐廣曰:「名澤。」駟案:如淳曰閹人也。

[五][索隱]按:此一切猶一例,同時也,非如他一切訓權時也,

[K] [樂解] 如淳日:「吕公知高祖相貴,以女妻之,推轂使爲長者。」瓊日:「謂諸吕共推穀高祖征伐成帝業。雅, [索隱]按:雅訓素也。謂吕氏素心奉推高祖取天下,若人推毅欲前進塗然也,此略同臣瓚之意也。 正意 推音

昌誰反。

[中][樂解]文類曰:「欲發之、恐大臣不聽。」鄧展曰:「重難發事。」

[八][正義]高后紀云封張卿爲建陵侯。

[九][索隱] 觖音決,又音企。

誅諸吕。至梁,聞漢遣灌將軍屯滎陽,澤還兵備西界,遂跳驅至長安。「二」代王亦從代至。 及太后崩,琅邪王澤乃曰:「帝少,諸昌用事,劉氏孤弱。」乃引兵與齊王合謀西,〔一〕

諸將相與琅邪王共立代王爲天子。天子乃徙澤爲燕王,乃復以琅邪予齊,復故地。〔1〕〕

[一] [樂解] 漢書音義曰:「澤至齊,爲齊王所劫,不得去。乃説王,求詣京師,齊具車送之。不爲本與齊合謀也。」

[索隱] 按:漢書齊王傳云使祝午劫琅邪王至齊,因留琅邪王不得反國。澤乃説求人關,齊乃送之。與此文不同

者,劉氏以爲燕、齊兩史各言其主立功之迹,太史公聞疑傳疑,遂各記之,則所謂實録,

[二] [集解] 漢書音義曰:「跳驅,馳至長安也。」 [索隱] 跳,他彫反,脱獨去也。 又音條,謂疾去也。

[三][集解]李奇曰:「本齊地,分以王澤,今復與齊也。」

澤王燕二年,薨,謚爲敬王。傳子嘉,爲康王。

至孫定國,與父康王姬姦,生子男一人。奪弟妻爲姬。與子女三人姦。定國有所欲誅

年,郢人昆弟復上書具言定國陰事,以此發覺。詔下公卿,皆議曰:「定國禽獸行,亂人倫, 殺臣肥如令郢人,口郢人等告定國,定國使謁者以他法劾捕格殺郢人以滅口。至元朔元

逆天,當誅。」上許之。定國自殺,國除爲郡。

[一][樂解]如淳曰:「定國自欲有所殺餘臣,肥如令郢人以告之。」 國也。小顏以爲定國欲有所誅殺餘臣,而肥如令郢人乃告定國也。然按地理志,肥如在遼西也。 |索隱||按:如淳意以肥如亦臣名,令郢人以告定

太史公曰:荆王王也,由漢初定,天下未集,故劉賈雖屬疏,然以策爲王,填江淮之閒。

劉澤之王,權激吕氏,仁己然劉澤卒南面稱孤者三世。事發相重,仁己豈不爲偉乎!〔1〕

[一] [索隱] 按:謂田子春欲王劉澤,先使張卿説封吕産,乃恐以大臣觖望,澤卒得王,故爲權激諸吕也。

[三] (集解) 晉灼曰:「澤以金與田生以事張卿、張卿言之吕后、而劉澤得王、故曰『事發相重』。或日事起於相重也。」

[三] 索隱] 偉者盛也,蓋盛其能激發也。

索隱一按:謂先發吕氏令重,我亦得其功,是事發相重也。

【索隱述贊】劉賈初從,首定三秦。既渡白馬,遂圍壽春。始迎黥布,絶閒周殷。賞功胙士,與楚爲鄰。

營陵始爵,勳由擊陳。田生遊説,受賜千斤。權激諸吕,事發榮身。徙封傳嗣,亡於郢人。

史記卷五十二

齊悼惠王世家第二十二

齊悼惠王门劉肥者, 高祖長庶男也。 其母外婦也,曰曹氏。 高祖六年,立肥爲齊王,

[一][正義] 年表云都臨淄。

食七十城,諸民能齊言者皆予齊王。「三」

[二][索隱]謂其語音及名物異於楚魏。一云此時人多流亡,故使齊言者皆還齊王。

齊王,孝惠帝兄也。孝惠帝二年,齊王入朝。惠帝與齊王燕飲,亢禮如家人。〔一〕吕太

后怒,且誅齊王。齊王懼不得脱,乃用其内史勵計, 獻城陽郡、「二以爲魯元公主湯沐邑。

吕太后喜,乃得辭就國。

[一][索隱]謂齊王是兄,不爲君臣禮,而乃亢敵如家人兄弟之禮,故太后怒。

[三][正義]括地志云:「濮州雷澤縣,本漢城陽縣。」按:後爲郡也

悼惠王卽位十三年,以惠帝六年卒。子襄立,是爲哀王。

齊悼惠王世家第二十二

哀王元年,孝惠帝崩,吕太后稱制,天下事皆決於高后。二年,高后立其兄子酈侯「一」

吕台CIJ爲出王,割齊之濟南郡CIJ爲吕王奉邑。

[一] [集解] 徐廣曰:「酈,一作『鄜』。」 [索隱] 二字並音孚。 鄜,縣名,在馮翊。 腳縣在南陽。 正義一按:酈音呈益

反。括地志云「故酈城在鄧州新城縣西北四十里」,蓋此縣是也。

[三][索隱]音胎。吕后兄子也。

[『][正義]括地志云:「濟南故城在淄州長山縣西北二十五里。」

哀王三年,其弟章人宿衞於漢,吕太后封爲朱虚侯,八〕以吕禄女妻之。後四年, 封章

弟興居爲東牟侯、「己皆宿衞長安中。

[一][索隱]地理志縣名,屬琅邪。

[二][索隱] 地理志縣名,屬東萊。

哀王八年,高后割齊琅邪郡二立營陵侯劉澤爲琅邪王。

[一] 正義 今沂州也。

其明年,趙王友人朝,幽死于邸。 三趙王皆廢。 高后立諸吕爲三王、〇〕擅權用事。

【一〕[集解]徐廣曰:「燕、趙、梁。」

朱虚侯年二十,有氣力,忿劉氏不得職。 嘗人侍高后燕飲,高后令朱虚侯劉章爲酒吏。

憚朱虚侯,雖大臣皆依朱虚侯,劉氏爲益彊。 人,臣謹行法斬之。」太后左右皆大驚。業已許其軍法,無以罪也。因罷。自是之後,諸 銀而去之。」

吕后默然。頃之,諸

語有一人醉,亡酒,

章追,拔劍斬之而還,報曰:「有亡酒一 乎?」章曰:「臣知之。」太后曰:「試爲我言田。」章曰:「深耕穊種,立苗欲疏,非其種者, 章自請曰:「臣,將種也,請得以軍法行酒。」高后曰:「可。」 酒酣,章進飲歌舞。已而曰: 「請爲太后言耕田歌。」高后兒子畜之,笑曰:「顧而父知田耳。若生二」而爲王子,安知田

[1] 索隱] 顧猶念也。而及若皆訓汝。

牟侯爲内應,以誅諸吕,因立齊王爲帝。 爲亂。朱虚侯章以呂禄女爲婦,知其謀,乃使人陰出告其兄齊王,欲令發兵西,朱虚侯、東 其明年,高后崩。趙王吕禄爲上將軍,吕王産爲相國,皆居長安中,聚兵以威大臣,欲

爲將軍,祝午爲内史,悉發國中兵。使祝午東詐琅邪王曰:「吕氏作亂,齊王發兵欲西誅之。 「嗟乎!道家之言『當斷不斷,反受其亂』,乃是也。」遂自殺。於是齊王以駟鈞爲相,魏勃 聞之,乃發卒衞王宫。魏勃紿召平曰:「王欲發兵,非有漢虎符驗也。而相君圍王,固善。 ·勃請爲君將兵衞衞王。」召平信之,乃使魏勃將兵圍王宫。 ·勃既將兵,使圍相府。召平曰: 齊王既聞此計,乃與其舅父駟鈞、「」郎中令祝午、中尉魏勃陰謀發兵。齊相召平「三」

離兵、「心使臣請大王幸之臨菑見齊王計事,并將齊兵以西平關中之亂。」琅邪王信之,以 齊王自以兒子,年少,不習兵革之事,願舉國委大王。大王自高帝將也,習戰事。齊王不敢 爲然,(西)[迺]馳見齊王。齊王與魏勃等因留琅邪王,而使祝午盡發琅邪國而并將其兵。

[一] [索隱] 按:舅謂舅父,猶姨稱姨母。

[三] [索隱] 按: 廣陵人召平與東陵侯召平及此召平皆似别人也。 功臣表平子奴以父功封黎侯也。

[月][索隱]按:服虔云「不敢離其兵而到琅邪」也。

高皇帝適長孫也,當立。今諸大臣狐疑未有所定,而澤於劉氏最爲長年,大臣固待澤決計。 今大王留臣無爲也,不如使我入關計事。」齊王以爲然,乃益具車送琅邪王。 琅邪王劉澤既見欺,不得反國,乃說齊王曰:「齊悼惠王高皇帝長子,推本言之,而大王

又擅自尊官,聚兵嚴威,劫列侯忠臣,矯制以令天下,宗廟所以危。今寡人率兵入誅不當爲 進諫,上惑亂不聽。今高后崩,皇帝春秋富,〔□〕未能治天下,固恃大臣諸(將)〔侯〕。今諸吕 高,聽諸吕擅廢高帝所立,又殺三趙王,仁〕滅梁、燕、趙仁三以王諸吕,分齊國爲四。仁心忠臣 王諸子弟,悼惠王於齊。悼惠王薨,惠帝使留侯張良立臣爲齊王。惠帝崩,高后用事,春秋 琅邪王既行,齊遂舉兵西攻吕國之濟南。於是齊哀王遺諸侯王書曰:「高帝平定天下,

〔一〕[正義] 隱王如意、幽王友,梁王恢徙王趙,並高祖子也。

[二][正義]梁王恢、燕王建、梁王恢徙趙、分滅無後也

索隱 謂濟南、琅邪、城陽并齊爲四也。 正義。琅邪郡封劉澤,濟南郡以爲吕王奉邑,城陽爲魯元公主湯沐邑

屯

[四] [索隱] 按:小顏云「言年幼也,比之於財,方未匱竭,故謂之富」也。

諸侯,與連和,以待吕氏之變而共誅之。齊王聞之,乃西取其故濟南郡,亦屯兵於齊西界以 居關中,欲危劉氏而自立。我今破齊還報,是益吕氏資也。」乃留兵屯滎陽,使使喻齊王及 漢聞齊發兵而西,相國吕産乃遣大將軍灌嬰東擊之。灌嬰至滎陽,乃謀曰:「諸吕將兵

尉勃等乃得盡誅諸吕。 吕禄、吕産欲作亂關中,朱虚侯與太尉勃、丞相平等誅之。 而琅邪王亦從齊至長安。 朱虚侯首先斬吕産,於是太

帝子,於今見在,且最爲長。 氏故幾亂天下,今又立齊王,是欲復爲吕氏也。 大臣議欲立齊王,而琅邪王及大臣曰:「齊王母家駟鈞,惡戾,虎而冠者也。〔〕〕方以吕 以子則順,以善人則大臣安。」於是大臣乃謀迎立代王,而遣朱 代王母家薄氏,君子長者,且代王又親高

虚侯以誅吕氏事告齊王,令罷兵。

[一] 集解] 張晏曰:「言鈞惡戾,如虎而箸冠。」

怪之,以爲物,「即〕而伺之,得謝。謝曰:「願見相君,無因,故爲子埽,欲以求見。」於是舍人 帝。及魏勃少時,欲求見齊相曹參,家貧無以自通,乃常獨早夜埽齊相舍人門外。相舍人 内史。始,悼惠王得自置二千石。及悼惠王卒而哀王立,勃用事,重於齊相。 見勃曹參,因以爲舍人。一爲參御,言事,參以爲賢,言之齊悼惠王。悼惠王召見,則拜爲 視笑曰:「人謂魏勃勇,妄庸人耳、〔三〕何能爲乎」乃罷魏勃。〔』〕魏勃父以善鼓琴見秦皇 家,豈暇先言大人而後救火乎!「□因退立,股戰而栗,恐不能言者,終無他語。灌將軍熟 灌嬰在榮陽,聞魏勃本教齊王反,既誅吕氏,罷齊兵,使使召責問魏勃。勃曰:「失火之

[三] 索隱] 按:妄庸謂凡妄庸劣之人也。

[一] [索隱] 此蓋舊俗之言,謂救火之急,不暇先啓家長也。

亦猶國家有難,不暇待韶命也。

三 索隱 罷謂不罪而放遣之。

索隱 姚氏云:「物,怪物。」

王既罷兵歸,而代王來立,是爲孝文帝。

孝文帝元年,盡以高后時所割齊之城陽、琅邪、濟南郡復與齊,而徙琅邪王王燕,

朱虚侯、東牟侯各二千户。

是歲,齊哀王卒,太子(側)〔則〕立,是爲文王。

齊文王元年,漢以齊之城陽郡立朱虚侯爲城陽王,以齊濟北郡「〕立東牟侯爲濟北

压。

[二][正義] 今濟州,濟北王所都。

二年,濟北王反,漢誅殺之,地人于漢。

後二年,孝文帝盡封齊悼惠王子罷軍等七人「」皆爲列侯。

[二]正義 罷音不。

齊文王立十四年卒,無子,國除,地入于漢。

齊别郡盡以王悼惠王子:子志爲濟北王,子辟光爲濟南王,子賢爲菑川王,子卬爲膠西王, 後一歲,孝文帝以所封悼惠王子分齊爲王,齊孝王將閭以悼惠王子楊虚侯爲齊王。 故

子雄渠爲膠東王,與城陽、齊凡七王。〔一〕

[一] [索隱] 謂將閻爲齊王;志爲濟北王;卬,膠西王;辟光,濟南王;賢,菑川王;章,城陽王;雄渠,膠東王。

路中大夫至,三國兵圍臨菑數重,無從人。三國將劫與路中大夫盟,曰:「若反言漢已破矣, 齊趣下三國,不且見屠。」路中大夫既許之,至城下,望見齊王,曰:「漢已發兵百萬,使太尉 齊王使路中大夫与己告於天子。天子復令路中大夫還告齊王一善堅守,吾兵今破吳楚矣。」 西、膠東、菑川、濟南皆擅發兵應吳楚。欲與齊,齊孝王狐疑,城守不聽,三國兵共圍齊。〔一〕 周亞夫擊破吳楚,方引兵救齊,齊必堅守無下」三國將誅路中大夫。 齊孝王十一年,吴王濞、楚王戊反,興兵西,告諸侯曰「將誅漢賊臣鼂錯以安宗廟」。膠

[一] [樂解] 張晏曰:「廖西、菑川、濟南也。」

[三][樂解]張晏曰:「姓路,爲中大夫。」 [索隱]按:路姓,爲中大夫官,史失其名,故言姓及官。 夫名印也。 卬,五剛反。 顧氏按路氏譜中大

地人于漢。徙濟北王王菑川。齊懿王立二十二年卒,子次景立,是爲厲王。 其罪也,乃立孝王太子壽爲齊王,是爲懿王,續齊後。而膠西、膠東、濟南、菑川王咸誅滅, 國有謀,將欲移兵伐齊。齊孝王懼,乃飲藥自殺。景帝聞之,以爲齊首善,以迫劫有謀,非 三國。居無何,漢將欒布、平陽侯〔一〕等兵至齊,擊破三國兵,解齊圍。已而復聞齊初與三 齊初圍急,陰與三國通謀,約未定,會聞路中大夫從漢來,喜,及其大臣乃復勸王毋下

[一] | 索隱] 按表是簡侯曹奇也。

重寵,仁己令其長女紀翁主仁己人王宫,正其後宫,毋令得近王,欲令愛紀氏女。 齊厲王,其母曰紀太后。太后取其弟紀氏女爲厲王后。王不愛紀氏女。 王因與其姊 太后欲其家

[一][索隱] 重,直龍反。 謂欲世寵貴於王宫也。

[三] [索隱] 按:如淳云「諸王女云翁主。稱其母姓,故謂之紀翁主」。

死,亡國,故以|燕感太后。太后曰:「無復言嫁女|齊事。」事浸潯(示得)聞於天子。|主父|偃由 大窮,還報皇太后曰:「王已願尚」娥,然有一害,恐如燕王。」燕王者,與其子昆弟姦,新坐以 乃爲宦者,入事漢,無補益,乃欲亂吾王家!且主父偃何爲者。乃欲以女充後宫,」徐甲 使甲之齊。是時齊人主父偃知甲之使齊以取后事,亦因謂甲:「卽事成,幸言偃女願得充王 之。脩成君有女名娥,太后欲嫁之於諸侯,宦者甲乃請使齊,必令王上書請娥。皇太后喜, 此亦與齊有卻。 後宫。」甲既至齊,風以此事。 紀太后大怒,曰:「王有后,後宫具備。 且甲,齊貧人,急〔॥〕 齊有宦者徐甲,入事漢皇太后。「」皇太后有愛女日脩成君,脩成君非劉氏、「」」太后憐

[一] [索隱] 謂王太后,武帝母也。

齊悼

惠王世家第二十二

[三] 集解] 張晏曰:「王太后前嫁金氏所生。」

[三]集解]徐廣日:「一作『及』。」

齊,乃急治王後宫宦者爲王通於姊翁主所者,令其辭證皆引王。 王年少,懼大罪爲吏所執 誅,乃飲藥自殺。絶無後。 孝王幾爲亂。今聞齊王與其姊亂。」於是天子乃拜主父偃爲齊相,且正其事。主父偃既至 此非天子親弟愛子不得王此。今齊王於親屬益疏。」乃從容言:「吕太后時齊欲反,吴楚時 主父偃方幸於天子,用事,因言:「齊臨菑十萬户,市租千金,〔1〕人衆殷富, 巨於長安,

[一] [索隱] 市租謂所賣之物出税,日得千金,言齊人衆而且富也。

既囚偃。公孫弘言:「齊王以憂死毋後,國人漢,非誅偃無以塞天下之望。」遂誅偃。 是時趙王懼主父偃一出廢齊,恐其漸疏骨肉,乃上書言偃受金及輕重之短。〔〕天子亦

齊厲王立五年死,毋後,國人于漢。 一〕【索隱】謂偃挾齊不娶女之恨,因言齊之短,爲輕重之辭,謂言臨菑富及吴、楚、孝王時事是也。

臨菑東環悼惠王冢園邑盡以予菑川,以奉悼惠王祭祀。 齊悼惠王後尚有二國,城陽及菑川。 菑川地比齊。 天子憐齊, 爲悼惠王冢園在郡,割

未央宫。孝文帝既立,益封章二千户,賜金千斤。孝文二年,以齊之城陽郡立章爲城陽王。 城陽景王章、〇三齊悼惠王子,以朱虚侯與大臣共誅諸吕,而章身首先斬相國吕王産於

立二年卒,子喜立,是爲共王。

[一] 正義 年表云都莒也。

共王八年,徙王淮南。[二四年,復還王城陽。凡三十三年卒,子(建)延立,是爲頃王。

[一] 索隱] 按:當孝文帝之十二年也。

頃王二十(八)[六]年卒,子義立,是爲敬王。 敬王九年卒,子武立,是爲惠王。 惠王十 正義年表云都陳也。

年卒,子順立,是爲荒王。 荒王四十六年卒,子恢立,「己是爲戴王。 戴王八年卒,子景

立,至建始三年,气己十五歲,卒。

[一] 集解]徐廣曰:「甘露二年。」

[三][正義]建始,成帝年號。從建始四年上至天漢四年,六十七矣,蓋褚先生次之。

「請與太僕嬰人清宫。」廢少帝,共與大臣尊立孝文帝。 濟北王興居、「己齊悼惠王子,以東牟侯助大臣誅諸吕,功少。及文帝從代來,興居日:

[一]正義都濟州也。

齊悼惠王世家第二十二

失職奪功。章死,而興居聞匈奴大人漢,漢多發兵,使丞相灌嬰擊之,文帝親幸太原,以爲 東牟之初欲立齊王,故絀其功。及二年,王諸子,乃割齊二郡以王章、興居。章、興居自以 吕氏時,朱虚侯功尤大,許盡以趙地王朱虚侯,盡以梁地王東牟侯。及孝文帝立,聞朱虚、 擊破虜濟北王,王自殺,地人于漢,爲郡。 天子自擊胡,遂發兵反於濟北。天子聞之,罷丞相及行兵,皆歸長安。使棘蒲侯柴將軍「一 孝文帝二年,以齊之濟北郡立興居爲濟北王,與城陽王俱立。立二年,反。始大臣誅

[二][集解]張晏曰:「柴武。」

反時, 志堅守, 不與諸侯合謀。 吳楚已平, 徙志王菑川。 後十八〇〇三二年,文帝十六年,復以齊悼惠王子安都侯〇一」志爲濟北王。十一年,吳楚

(二) 索隱 地理志安都闕。 [正義] 安都故城在瀛州高陽縣西南三十九里。

濟南王辟光,「一」齊悼惠王子,以勒侯「三孝文十六年爲濟南王。十一年,與吳楚反。

漢擊破,殺辟光,以濟南爲郡,地入于漢。

[二][正義] 辟音壁。都濟南郡。

[三][索隱]勒,漢書作「朸」,並音力。 地理志縣名,屬平原也。

<u>菑川王賢,仁己齊悼惠王子,以武城侯自己文帝十六年爲菑川王。</u> 十一年,與吳楚反,漢

擊破,殺賢。

[一] [正義] 年表云淄川王都劇。故城在青州壽光縣西三十一里。

卒,子横立,至建始二三二年,十一歲,卒。 立,是爲頃王。三十六年卒,子終古立,是爲思王。二十八年卒,子尚立,是爲孝王。五年 徙濟北王王菑川。凡立三十五年卒,謚爲懿王。子建代立,是爲靖王。二十年卒,子遺代 天子因徙濟北王志王菑川。志亦齊悼惠王子,以安都侯王濟北。 菑川王反,毋後,乃

一」正義亦褚少孫次之。

膠西王卬,(二齊悼惠王子,以昌平侯(三)文帝十六年爲膠西王。十一年, 與吴楚反。

漢擊破,殺卬,地人于漢,爲膠西郡。

正義中,五郎反。年表云都高苑。 括地志云:「高苑故城在淄州長山縣北四里。」

齊悼惠王世家第二十二

[三][正義] 括地志云:「昌平故城在幽州東南六十里也。」

膠東王雄渠、、「〕齊悼惠王子,以白石侯、「三文帝十六年爲膠東王。十一年,與吴楚反,

漢擊破,殺雄渠,地人于漢,爲膠東郡。

[一][正義]年表云都卽墨。按:卽墨故城在萊州膠東縣南六十里。

〔三〕[索隱] 地理志縣名,屬金城。 [正義] 白石古城在德州安德縣北二十里。

|太史公曰:諸侯大國無過齊悼惠王。以海内初定,子弟少,激|秦之無尺土封,故大封

同姓,以填萬民之心。及後分裂,固其理也。

【索隱述贊】漢矯奏制,樹屏自彊。表海大國,悉封齊王。吕后肆怒,乃獻城陽。哀王嗣立,其力不量。

朱虚仕漢,功大策長。東牟受賞,稱亂貽殃。膠東、濟北,雄渠、辟光。齊雖七國,忠孝者昌。

史記卷五十三

蕭相國世家第二十三

蕭相國何者,沛豐人也。〔一〕以文無害〔三爲沛主吏掾。〔11〕

[一][索隱]按:春秋緯「蕭何感昴精而生,典獄制律」。

[三] [集解] 漢書音義曰:「文無害,有文無所枉害也。 律有無害都吏,如今言公平吏。一曰,無害者如言『無比』,陳留 閒語也。」 [索隱]按:裴注已列數家,今更引二説。應劭云「雖爲文吏,而不刻害也」。 韋昭云「爲有文理,無傷

害也」。

[刊][索隱]漢書云「何爲主吏」。主吏,功曹也。又云「何爲沛掾」,是何爲功曹掾也。

高祖爲布衣時,何數以吏事護高祖。「二高祖爲亭長,常左右之。」高祖以吏繇咸陽, 吏

皆送奉錢三,何獨以五。〔三〕

[一][索隱]說文云:「護、救視也。」

[三][樂解] 李奇曰:「或三百,或五百也。」 三百,何獨五百也。 劉氏云:時錢有重者一當百,故有送錢三者。」 索隱。奉音扶用反。 謂資俸之。 如字讀,謂奉送之也。 錢三百,謂他人

|秦御史監郡者與從事,常辨之。[二]何乃給泗水卒史[三]事,第一。[貳]秦御史欲入言徵

何,何固請,得毋行。

[一] [集解] 張晏曰:「何與共事修辨明,何素有方略也。」蘇林曰:「辟何與從事也。秦時無刺史,以御史監郡。」

索隱」按:何與御史從事常辨明,言稱職也。故張晏曰「何與共事修辨明,何素有方略」是也。

[三]集解]徐廣曰:「沛縣有泗水亭。又秦以沛爲泗水郡。」>>>>、文類曰「何爲泗水郡卒史」。 律,郡卒史書佐各十人也。卒,祖忽反。 索隱 如淳按

〔三〕[索隱]按:謂課最居第一也。

何獨先人收秦丞相御史律令圖書藏之。沛公爲漢王,以何爲丞相。項王與諸侯屠燒咸陽 進言韓信,漢王以信爲大將軍。 而去。漢王所以具知天下阸塞,户口多少,彊弱之處,民所疾苦者,以何具得孱圖書也。 及高祖起爲沛公,何常爲丞督事。〔一〕沛公至咸陽,諸將皆争走〔三〕金帛財物之府分之, 語在淮陰侯事中。 何

〔一〕[索隱] 謂高祖起沛,令何爲丞,常監督庶事也。

[三][索隱]音奏。奏者,趨向之。

漢王引兵東定三秦,何以丞相留收巴蜀,填撫諭告,使給軍食。漢二年,漢王與諸侯

擊楚,何守關中,侍太子,治櫟陽。爲法令約束,立宗廟社稷宫室縣邑,輒奏上,可,許以從

蕭相國世家第二十三

事,卽不及奏上,輒以便宜施行,上來以聞。〔一〕關中事計户口轉漕〔三〕給軍, 去,何常興關中卒,輒補缺。上以此專屬任何關中事。 漢王數失軍遁

[二] [索[曆] 轉,劉氏音張戀反。漕,水運也。[一] [樂解] 應劭曰:「上來還,乃以所爲聞之。」

信君。」於是何從其計,漢王大説。 蓋,數使使勞苦君者,有疑君心也。爲君計,莫若遣君子孫昆弟能勝兵者悉詣軍所,上必益 漢三年,漢王與項羽相距京索之閒,上數使使勞苦丞相。鮑生謂丞相曰:「王暴衣露

高帝曰:「諸君知獵乎。」曰:「知之。」 「知獵狗乎。」曰:「知之。」高帝曰:「夫獵,追殺獸 地,大小各有差。今蕭何未嘗有汗馬之勞,徒持文墨議論,不戰,顧反居臣等上,何也?」 封爲酇侯、「「所食邑多。功臣皆曰:「臣等身被堅執鋭,多者百餘戰,少者數十合,攻城略 功人也。且諸君獨以身隨我,多者兩三人。今|蕭|何舉宗數十人皆隨我,功不可忘也。」羣 冤者狗也,而發蹤指示獸處者人也。今諸君徒能得走獸耳,功狗也。至如蕭何,發蹤指示, 漢五年,既殺項羽,定天下,論功行封。 羣臣争功, 歲餘功不決。 高祖以蕭何功最盛,

史記卷二

臣皆莫敢言。

[一] (集解] 文類曰:「音贊。」瓚曰:「今南鄉酇縣也。孫檢曰『有二縣,音字多亂。其屬沛郡者音嵯,屬南陽者音讚』。 縣。」顧氏云:「南鄉,郡名也。」太康地理志云『魏武帝建安中分南陽立南鄉郡,晉武帝又曰順陽郡也』。」 郡音嵯,屬南陽音贊。」又臣瓚按茂陵書:「蕭何國在南陽,則字當音贊,今多呼爲嵯也。」注:「瓚日今南鄉酇 按茂陵書,蕭何國在南陽,宜呼讚。今多呼嵯,嵯舊字作『郞』,今皆作『酇』,所由亂也。」 索隱鄒氏云「屬沛

者數矣。夫漢與楚相守滎陽數年,軍無見糧,蕭何轉漕關中,給食不乏。陛下雖數亡山東, 全。 蕭何常全關中以待陛下,此萬世之功也。 亡衆,逃身遁者數矣。 令蕭何〔第一〕,賜帶劍履上殿,入朝不趨。 曰:「羣臣議皆誤。夫曹參雖有野戰略地之功,此特一時之事。夫上與楚相距五歲,常失軍 。」上已燒口功臣,多封蕭何,至位次未有以復難之,然心欲何第一。關内侯鄂君口進 柰何欲以一旦之功而加萬世之功哉! 蕭何第一,曹參次之。」 高祖曰:「善。」 於是乃 列侯畢已受封,及奏位次,皆曰:「平陽侯曹參身被七十創,攻城略地,功最多,宜第 然蕭何常從關中遣軍補其處,非上所韶令召,而數萬衆會上之乏絶 今雖亡曹參等百數,何缺於漢?漢得之不必待以

[一][集解]應劭曰:「橈,屈也。」 [索隱]音女教反。

[二][索隱]按功旺表,鄂君即鄂千秋,封安平侯。

乃大喜。

封爲安平侯。〔〕是日,悉封何父子兄弟十餘人,皆有食邑。 上曰:「吾聞進賢受上賞。 蕭何功雖高, 得鄂君乃益明。」於是因鄂君故所食關内侯邑 乃益封何二千户,以帝嘗繇咸

陽時何送我獨贏奉錢二也。〔三〕

[一] [集解] 徐廣曰:「以謁者從定諸侯有功,秩舉蕭何功,故因侯二千户。 封九年卒。至玄孫但,坐與淮南王安通,弃 市,國除。」 [正義] 括地志云:「澤州安平縣,本漢安平縣。」

[二][索隱]謂人皆三,何獨五,所以爲贏二也。 音盈。

候,語在淮陰事中。 上已聞淮陰侯誅,使使拜丞相何爲相國,益封五千户,令卒五百人一 置衞衞君,非以寵君也。 露於外而君守於中,非被矢石之事而益君封置衞者,以今者淮陰侯新反於中,疑君心矣。夫 城東,瓜美,故世俗謂之「東陵瓜」,從召平以爲名也。召平謂相國曰:「禍自此始矣。 尉爲相國衞。 漢十一年,陳豨反,高祖自將,至邯鄲。 。諸君皆賀,召平獨弔。召平者,故秦東陵侯。秦破,爲布衣,貧,種瓜於長安 願君讓封勿受,悉以家私財佐軍,則上心說。」相國從其計, 未罷,淮陰侯謀反關中,吕后用蕭何計,誅淮陰 高帝 上暴 都

者,畏君傾動關中。 姓,悉以所有佐軍,如陳豨時。客有説相國曰:「君滅族不久矣。夫君位爲相國,功第一,可 復加哉?然君初人關中,得百姓心,十餘年矣,皆附君,常復孳孳得民和。 漢十二年秋,黥布反,上自將擊之,數使使問相國何爲。 今君胡不多買田地,賤貰貸[二]以自汗?上心乃安。」於是相國從其 相國爲上在軍,乃拊循勉力百 上所爲數問君

其過亡天下,李斯之分過,「『〕又何足法哉。 陛下何疑宰相之淺也。」「『」高帝不懌。 請吾苑,以自媚於民,故繫治之。」王衞尉曰:「夫職事苟有便於民而請之,真宰相事,陛下 上林中多空地,弃,願令民得人田,毋收稟爲禽獸食。」〔三〕上大怒曰:「相國多受賈人財物, 相國乃利民「「己民所上書皆以與相國,曰:「君自謝民。」相國因爲民請曰:「長安地狹, 守關中,摇足則關以西非陛下有也。 柰何乃疑相國受賈人錢乎!且陛下距楚數歲,陳豨、黥布反,陛下自將而往,當是時,相國 繫之暴也?」上曰:「吾聞李斯相秦皇帝,有善歸主,有惡自與。今相國多受賈豎金而爲民 乃爲請吾苑] 乃下相國廷尉,械繫之。數日, 王衞尉侍,〔〕前問曰: 「相國何大罪,陛下 計,上乃大説 [一][正義] 貰音世,又食夜反,賒也。下天得反。 上罷市軍歸,民道遮行上書,言相國賤彊買民田宅數千萬。上至,相國謁。上笑曰:「夫 相國不以此時爲利,今乃利賈人之金乎?且秦以不聞 是日,

吾不許,我不過爲煡/紂主,而相國爲賢相。 使使持節赦出相國。 相國年老,素恭謹,人,徒跣謝。 吾故繁相國,欲令百姓聞吾過也。 高帝曰:「相國休矣! 相國爲民請苑,

〔一〕 [索隠] 謂相國取人田宅以爲利,故云「乃利人」也。 所以令相國自謝之。

〔三〕[索隱] 苗子還種田人,留稟人官。

[三][樂解]如淳曰:「百官公卿表衞尉王氏,無名字。」

四] |索隱] 按:上文李斯歸惡而自予,是分過。

至] 集解] 韋昭曰:「用意淺。」

對日: 何素不與曹參相能, 「知臣莫如主。」 及何病, 孝惠曰:「曹參何如?」 孝惠自臨視相國病,因問曰:「君卽百歲後, 何頓首曰:「帝得之矣!臣死不恨 誰可代君

孝惠二年,相國何卒、二二諡爲文終侯。〔三〕 何置田宅必居窮處,爲家不治垣屋。 曰:「後世賢,師吾儉;不賢,毋爲勢家所奪。」

二集解 東觀漢記云:「蕭何墓在長陵東司馬門道北百步。」 [正義] 括地志云:「蕭何墓在雍州咸陽縣東北三十七

里。」

蕭相國世家第二十三

[三][集解]徐廣曰:「功臣表蕭何以客初起從也。」

後嗣以罪失侯者四世,絕,天子輒復求何後,封續酇侯,功臣莫得比焉。

守管籥,因民之疾(奉)[秦]法,順流與之更始。 冠羣臣,聲施後世,與閎夭、散宜生等争烈矣。 太史公曰:蕭相國何於秦時爲刀筆吏,録録未有奇節。「己及漢興,依日月之末光,何謹 淮陰、黥布等皆以誅滅,而何之勳爛焉。 位

(二) 索隱 録音禄。

約法可久,收圖可大。指獸發蹤,其功實最。政稱畫一,居乃非泰。繼絕寵勤,式旌礪帶。 【索隱述贊】蕭何爲吏,文而無害。及佐興王,舉宗從沛。關中既守,轉輸是賴。漢軍屢疲,秦兵必會。

史記卷五十四

曹相國世家第二十四

平陽侯「」曹參者,沛人也。「三」秦時爲沛獄掾,而蕭何爲主吏,居縣爲豪吏矣。

[一][正義]晉州城即平陽故城也。

[三] 集解 張華曰:「曹參字敬伯。」 [索隱] 地理志平陽縣屬河東。又按春秋緯及博物志,並云參字敬伯。

按:沛、今徐州縣也。

候一人。 擊章邯軍,陷陳,追至濮陽。 下邑以西,至虞,て立擊章邯車騎。攻爰戚「一〕及亢父,「一〕先登。遷爲五大夫。北救阿,「一 魏、「三攻之。 東下薜,擊泗水守軍薜郭西。 高祖爲沛公而初起也,參以中涓從。〔〕將擊胡陵、方與,〔三〕攻秦監公軍,〔三〕 秦將章邯破殺項梁也,沛公與項羽引而東。 賜爵七大夫。 擊秦司馬尼公軍陽東,破之,取陽、狐父公引祁善置。公司又攻 攻定陶,取臨濟。[1三]南救雍丘,擊李由軍,破之,殺李由, 復攻胡陵,取之。 徙守方與。 楚懷王以沛公爲碭郡長, 方與反爲魏,擊之。「鬥豐反爲 將碭郡兵。 大破之。

曹

相

於是乃封參爲執帛、自己號日建成君。自己遷爲戚公,自以屬陽郡。

- 〔一〕[樂解] 漢書音義曰:「中涓如中謁者。」 [索隱] 涓音古玄反。
- 〔三〕 索隱 地理志二縣皆屬山陽郡。 [正義] 胡陵,縣名,在方與之南。 方音房,與音預,兗州縣也。
- 〔三〕 (樂解) 漢書音義曰:「監,御史監郡者;公,名。 泗川監名平,則平是名,公爲相尊之稱也。 |秦一郡置守、尉、監三人。」 [索陽] 按注,公者監之名,然本紀
- [四]正義]曹參擊方與。
- 〔五〕[索隱] 時雍齒守豐,爲魏反沛公。
- [公]正義] 音夷。
- [中] 集解]徐廣曰:「伍被曰『吴濞敗於狐父』。」 云「吴濞敗於狐父」,是吴與梁相拒而敗處。 [正義] 括她志云:「狐父亭在宋州碭山縣東南三十里。」 徐氏引伍被
- 「八」集解 文類日:「善置,置名也。」晉灼日:「祁音坻。 北四十九里,漢祁城縣也。」言取陽、狐父及祁縣之善置。 國志穀熟有祁亭。劉氏音遲,又如字。善置,置名,漢謂驛爲置。 孫檢日『漢謂驛日置。善,名也』。」 正義 括地志云:「故祁城在宋州下邑縣東 索隱 按: 司馬彪郡
- 〔九〕[索隱] 地理志下邑、虞皆屬梁國。 北五十里,古虞國,商均所封。 [正義] 宋州下邑縣在州東百一十里。 漢下邑城,今碭山縣是。虞城縣在州
- [10][集解]徐廣曰:「宣帝時有爰戚侯。」 劉音七歷反。今在兗州南,近亢父縣。 [索隱] 蘇林云「縣名,屬山陽」。 按功臣表,爰戚侯趙成。 正義音寂。

二二索隱 地理志縣名、屬東平。 [正義] 括地志:「亢父故城在兗州任城縣南五十一里。」

索隱 按一阿即東阿也。時章邯圍田榮於東阿也。 正義一今濟州東阿也。

[一] 正義 淄州高苑縣西北二里有狄故城,安帝改曰臨濟。

[一四] (樂解) 張晏曰:「孤卿也。或曰楚官名。」

[三] [索隱] 地理志建成縣屬沛郡。

[一六] [索隱] 謂遷參爲戚令。 [正義] 即爰戚縣也,是時屬沛郡。

郡。 北,西至開封,擊趙賁〔『〕軍,破之,圍趙賁開封城中。西擊秦將楊熊軍於曲遇,〔『〕破之,虜 實軍尸北,破之。[系]從南攻犨,與南陽守崎戰陽城郭東,[10]陷陳,[11]取宛,虜齮,盡定南陽 秦司馬及御史各一人。遷爲執珪。〔禹〕從攻陽武〕〔《〕下轘轅、緱氏,〔十〕絶河津,〔〈〕還擊趙 從西攻武關、嶢關、自己取之。前攻秦軍藍田南,自己又夜擊其北,秦軍大破,遂至咸陽, 其後從攻東郡尉軍,破之成武南。[一]擊王離軍成陽南,[一]復攻之杠里,大破之。追

[一] 索隱 地理志成武縣屬山陽。

滅秦。

[二] 索團 地理志縣名,在濟陰。成,地名。周武王封弟季載於成,其後代遷於成之陽,故曰成陽。 城,濮州雷澤縣是。史記云武王封弟季載於成。其後遷於成之陽,故曰成陽也。 正義成陽故

曹相國世家第二十四

集解 徐廣曰:「在中牟。」 |索隱| 曲,丘禹反。遇,牛凶反。 正義一曲,丘羽反。遇,牛恭反。司馬彪郡國志

[三] 集解] 張晏曰:「侯伯執珪以朝,位比之。」如淳曰:「吕氏春秋『得伍員者位執珪』。

云「中牟有曲遇聚」。按:中牟,鄭州縣也。

[六][正義] 括地志云:陽武故城在鄭州陽武縣東北十八里,漢場武縣城也。」

[中] | 索隱] 地理志陽武、緱氏二縣屬河南。 轘轅,道名,在缑氏南 在洛州缑氏縣東南四十里。十三州志云轘轅道凡十二曲,是險道。」 [正義] 緱氏,洛州縣也。括地志云:「轘轅故關

[八]正義津,濟渡處。 括地志云:「平陰故津在洛州洛陽縣東北五十里。」

[元] 樂解 徐廣曰:「尸在偃師。」孟康曰:「尸鄉北。」 [正義] 破趙貫軍於尸鄉之北也。括地志云:「尸鄉亭在洛州

[10] 集解 應劭曰:「今赭陽。」 索隱 徐廣云「陽城在南陽」,應劭云「今赭陽」。 赭陽是南陽之縣。

二二正義陷南陽守於陽城郭東也。

偃師縣,在洛州東南也。」

[三][正義]括地志云:「故武閼在商州商洛縣東九十里。藍田閼在雍州藍田縣東南九十里,即秦嶢閼也。」

|三||正義||雍州藍田縣在州東南八十里,因藍田山爲名。

壤東及高櫟、「心破之。 初攻下辯、故道、〔三〕癃、斄。〔三〕擊章平軍於好時南,〔四〕破之,圍好時,取壤鄉。〔三〕擊三秦軍 項羽至,以沛公爲漢王。 復圍章平,章平出好時走。因擊趙賁、内史保軍,破之。東取咸陽,更 漢王封參爲建成侯。 從至漢中、自己遷爲將軍。從還定三秦,

以中尉圍取雍丘。王武反於「外」黄,「三」程處反於燕,「云」往擊,盡破之。柱天侯反於衙 渡圍津、口三東擊龍且、項他定陶、破之。東取碣、蕭、彭城。口巴擊項籍軍,漢軍大敗走。 中尉,從口亞擊諸侯及項羽,敗,還至滎陽,凡二歲。 氏,行了又進破取衍氏。 秦。5.5.7 參以將軍引兵圍章邯於廢丘。5.10.7 以中尉從漢王出臨晉關。5.15至河内, 名曰新城。「中」參將兵守景陵「八」二十日,三秦使章平等攻參,參出擊,大破之。 擊羽嬰於昆陽,追至葉。還攻武彊,口心因至滎陽。參自漢中爲將軍 賜食邑於寧 下脩武、三

[二]正義 梁州本漢中郡。

(三)[索隱]地理志二縣名,皆屬武都。辯音皮莧反。 [正義] 括地志云:「成州同谷縣,本漢下辯道。」又云:「鳳州

[三] [索隱] 地理志二縣名,屬右扶風。 斄音胎。兩當縣,本漢故道縣,在州西五十里。」

正義] 斄作「邰」,音貽。

括地志云、一故雍縣南七里。故麓城

一名

武功,縣西南二十二里,古邰國也。」

[四][正義] 括地志云:「好畤城在雍州好畤縣東南十三里。」

五]集解]文類曰:「地名。」

壤鄉,今在雍州武功縣東南一十餘里高壤坊,是高櫟近壤鄉也, 然盡在右扶風,今其地闕也。 正義音歷。皆村邑名。

[中][索陽]按:漢書高帝元年咸陽名新城,武帝改名日渭城

二〇二五

國世

「八」集解」漢書音義日:「縣名也。」

[九] 集解 蘇林日:「今華陰。」

(10) 正義 周日犬丘,秦更名廢丘,漢更名槐里,今故城在雍州始平縣東南十 里。

[二][正義] 卽蒲津關也,在臨晉縣。故言臨晉關,今在同州也。

[三][正義] 今懷州獲嘉縣,古脩武也。

(三) 集解 徐廣曰:「東郡白馬有圍津。」 [索隱] 顧氏按:·水經注白馬津有韋鄉、韋津城。 「圍」與「韋」同,古今字變

[正義] 括地志云:「黎陽津一名白馬津,在滑州白馬縣北三十里。 帝王世紀云『白馬縣南有韋城,故**豕**韋

[1四][正義]徐州二縣。

國也。

續漢書郡國志云『白馬縣有韋城』。」

[一吾] (集解) 徐廣曰:「内黄縣有黄澤。」

[17] [索隱] 天柱侯不知其誰封。衍氏,魏邑。地理志云天柱在廬江潛縣。

[一八] 集解] 瓚曰:「武彊城在陽武。」 [正義] 括地志云:「武彊故城在鄭州管城縣東北三十一里。」

二 室隱 才用反。

東攻魏將軍孫邀与軍東張,至三大破之。因攻安邑,得魏將王襄。擊魏王於曲陽,至司追至 高祖(三)〔二〕年,拜爲假左丞相,人屯兵關中。 月餘,魏王豹反,以假左丞相别與韓信

因從韓信擊趙相國夏説軍於鄔東,「八大破之,斬夏説。 武垣,公里得魏王豹。 取平陽、「三得魏王母妻子、盡定魏地、凡五十二城。賜食邑平陽。 韓信與故常山王張耳引兵下井陘,

擊成安君,而令慘還圍趙别將戚將軍於鄔城中。 戚將軍出走,追斬之。乃引兵詣敖倉漢王

之所。韓信已破趙,爲相國,東擊齊。 濟北郡,攻著、漯陰、平原、鬲、盧。〔+〕已而從韓信擊龍且軍於上假密,〔<〕大破之,斬龍且, 參以右丞相屬韓信,攻破齊歷下軍,遂取臨菑。

軍田既。 虜其將軍周蘭。 定齊,凡得七十餘縣。 得故齊王田廣相田光,其守相許章, 及故齊膠東將 韓信爲齊王,引兵詣陳,與漢王共破項羽,而參留平齊未服者。

[二] 索隱] 音速。

[二] (集解) 徐廣曰:「張者, 地名。功臣表有張侯毛澤之。」翺按: 蘇林日屬河東。 正義。括地志云:「張陽故城一

名東張城,在蒲州虞鄉縣西北四十里。」

[『][正義]括地志云:「上曲陽,定州恆陽縣是。下曲陽在定州鼓城縣西五里。」

四] 集解] 徐廣曰:「河東有垣縣。」 [正義] 括地志云:「武垣縣,今瀛州城是。地理志云武垣縣屬涿郡也。」

[三][正義] 晉州城是。

徐廣曰:「鄥縣在太原。音鳥古反。」 索隱」地理志鄔,太原縣名。 音鳥古反。

七] [索隱] 地理志著縣屬濟南,盧縣屬泰山,漯陰、平原、鬲三縣屬平原。 漯音吐答反。 城在德州平原縣東南十里。 故鬲城在德州安德縣西北十五里。」盧縣,今濟州理縣是也。 正義 括地志云 下平原故

[八] 集解] 文顯日:「或以爲高密。」 [索隱] 漢書亦作「假密」。按:下定齊七十縣,則上假密非高密,亦是齊地,今

爲齊王,而以慘爲齊相國。以高祖六年賜爵列侯,與諸侯剖符,世世勿絶。 項籍已死,天下定,漢王爲皇帝,韓信徙爲楚王,齊爲郡。緣歸漢相印。 食邑平陽萬六 高帝以長子肥

百三十户,號日平陽侯,除前所食邑。

以齊相國擊陳豨將張春軍,破之。黥布反,參以齊相國從悼惠王將兵車騎十二萬人,

與高祖會擊黥布軍,大破之。南至蘄,還定竹邑、相、蕭、留。「一」

又還睢陽』。蕭,徐州縣,古蕭叔國城也。故留城在徐州沛縣東南五十里,張良所封。」 離縣城,漢竹邑城也。李奇云『今竹邑也』。故相城在符離縣西北九十里。輿地志云『宋共公自睢陽徙相子城 [索隱] 地理志蘄、竹邑、相、蕭四縣屬沛。 韋昭云「留今屬彭城」,則漢初亦屬沛也。 正義括地志云、「徐州符

<u>參功:凡下二國,縣一百二十二;得王二人,相三人,將軍六人,大莫敖、<二郡守、司</u>

馬、候、御史各一人。

[1] 樂解] 漢書音義日:「楚之卿號。」

孝惠帝元年,除諸侯相國法,更以參爲齊丞相。 廖之相齊,齊七十城。 天下初定,悼惠

自定,推此類具言之。廖於是避正堂,舍蓋公焉。其治要用黃老術,故相齊九年,齊國安 所定。聞膠西有蓋公,善治黃老言,使人厚幣請之。既見蓋公,蓋公爲言治道貴清静而民 王富於春秋,參盡召長老諸生,問所以安集百姓,如齊故(俗)諸儒以百數,言人人殊,慘未知

集,大稱賢相。

去,屬其後相曰:「以齊獄市爲寄,慎勿擾也。」後相曰:「治無大於此者乎。」|參曰:「不然。 夫獄市者,所以并容也,今君擾之,姦人安所容也。吾是以先之。」「」 惠帝二年,蕭何卒。參聞之,告舍人趣治行,「吾將人相」。居無何,使者果召慘。慘

[一][樂解]漢書音義曰:·「夫獄市兼受善惡,若窮極,姦人無所容竄;姦人無所容竄,久且爲亂。 秦人極刑而天下畔, 孝武峻法而獄繁,此其效也。。老子曰『我無爲而民自化,我好静而民自正』。一參欲以道化其本,不欲擾其末。」

參始微時,與蕭何善,及爲將相,有卻。至何且死,所推賢唯/參。 |參代何爲漢相國,舉

事無所變更,一遵蕭何約束。

以醇酒,閒之,欲有所言,復飲之,醉而後去,終莫得開説,て三以爲常。 去之。日夜飲醇酒。卿大夫已下吏及賓客見廖不事事、仁己來者皆欲有言。至者,廖輒飲 擇郡國吏木詘於文辭,重厚長者,卽召除爲丞相史。吏之言文刻深,欲務聲名者,輒斥

曹相

[一] [集解] 如淳曰:「不事丞相之事。」

[二] 集解] 如淳曰:「開謂有所啓白。」

從吏幸相國召按之。乃反取酒張坐飲,亦歌呼與相應和。 相舍後園近吏舍,吏舍日飲歌呼。從吏惡之,無如之何,乃請廖游園中,聞吏醉歌呼,

參見人之有細過,專掩匿覆蓋之,府中無事。

侍,天下事非若所當言也。」至朝時,惠帝讓參曰:「與密胡治乎。〔2〕乃者我使諫君也。」 既明,今陛下垂拱,廖等守職,遵而勿失,不亦可乎。」」惠帝曰:「善。 君休矣」 孰與蕭何賢?」上曰:「君似不及也。」參曰:「陛下言之是也。 且高帝與蕭何定天下,法令 參免冠謝曰:「陛下自察聖武孰與高帝。」上曰:「朕乃安敢望先帝乎」」曰:「陛下 觀臣 能 然無言吾告若也。」「『」館既洗沐歸,閒侍,自從其所諫慘。慘怒,而答館二百,曰:「趣人 私從容問而父曰:『高帝新弃羣臣,帝富於春秋,君爲相,日飲,無所請事,何以憂天下乎?』 參子館[二]爲中大夫。惠帝怪相國不治事,以爲「豈少朕與」。[三]乃謂密曰:「若歸,試

[一] 索隱] 音張律反。

[三][索隱]按:少者不足之詞,故胡亥亦云「丞相豈少我哉」。蓋帝以丞相豈不是嫌少於我哉。小顔以爲「我年少」,

[三] [索隱] 謂惠帝語窋,無得言我告汝令諫汝父,當自云是己意也。

[四] (集解) 如淳曰:「猶言用窋爲治。」 [索隱] 按:胡,何也,言語參「何爲治窋」也。

參爲漢相國,出入三年。卒,謚懿侯。子密代侯。百姓歌之曰:「蕭何爲法, 顜若畫

一、「二」曹參代之,守而勿失。載其清淨,民以寧一。」

[一] [集解] 徐廣曰:「顜音古項反,一音較。」 言法明直若畫一也。觀音講,亦作「顜」。小顏云「講,和也。 畫一,言其法整齊也」。 [索隱] 觀,漢書作「講」,故文穎云「講,一作『較』」。 按"訓直,又訓明,

征和二年中,宗坐太子死,國除。 年卒,謚夷侯。子襄代侯。襄尚衞長公主,生子宗。立十六年卒,謚爲共侯。子宗代侯。 代侯,立七年卒,謚爲簡侯。子時代侯。時尚平陽公主,生子襄。時病癘,歸國。立二十三 平陽侯窋,高后時爲御史大夫。孝文帝立,免爲侯。立二十九年卒,諡爲静侯。子奇

侯成功,唯獨參擅其名。 太史公曰:曹相國參攻城野戰之功所以能多若此者,以與淮陰侯俱。及信已滅,而列 |參爲漢相國,清静極言合道。 然百姓離|秦之酷後,|參與休息無爲,

故天下俱稱其美矣。

北禽夏説,東討田溉。剖符定封,功無與二。市獄勿擾,清淨不事。尚主平陽,代享其利。 【索隱述贊】曹參初起,爲沛豪吏。始從中涓,先圍善置。執珪執帛,攻城略地。衍氏既誅,昆陽失位。

史記卷五十五

留侯世家第二十五

留侯「」張良者、「三」其先韓人也。「三」大父開地,「四」相韓昭侯、宣惠王、襄哀王。父平,

破,良家僮三百人,弟死不葬,悉以家財求客刺秦王,爲韓報仇,以大父、父五世相韓故。〔《〕 相釐王、悼惠王。〔禹〕悼惠王二十三年,平卒。卒二十歲,秦滅韓。良年少,未宦事韓。韓

[一] [索隱] 韋昭云「留,今屬彭城」。按:良求封留,以始見高祖於留故也。 東南五十五里。今城内有張良廟也。」 [正義] 括地志云:「故留城在徐州沛縣

[二][索隱]漢書云字子房。按"王符、皇甫謐並以良爲韓之公族,姬姓也。秦索賊急,乃改姓名。而韓先有張去疾

及張譴,恐非良之先代。

[三][索隱]良既歷代相韓,故知其先韓人。顧氏按:後漢書云「張良出於城父」,城父縣屬潁川也。 云:「城父在汝州郟城縣東三十里,韓(里)〔地〕也。」

正義括地志

【□】【集解】應劭曰:「大父,祖父。 開地,名。」

(五) 索隱 韓系家及系本並作桓惠王。

留侯世家第二十五

【 *] [索隱] 謂大父及父相韓五王,故云五代。

也。 狙气影擊秦皇帝博浪沙中,「鬥誤中副車。「鬥」秦皇帝大怒,大索天下,求賊甚急,爲張良故 良乃更名姓,亡匿下邳。 良嘗學禮淮陽。江一東見倉海君。江一得力士,爲鐵椎重百二十斤。 秦皇帝東游,良與客

[一] 正義 今陳州也。

(三)[集解]如淳曰:「秦郡縣無倉海。或曰東夷君長。」 [索隱]姚察以武帝時東夷穢君降,爲倉海郡,或因以名,蓋 時已降爲郡,自書之。括地志云:「穢貊在高麗南,新羅北,東至大海西。」 得其近也。 [正義] 漢書武帝紀云「「元朔」元年,東夷穢君南閬等降,爲倉海郡,今貊穢國」,得之。太史公修史

[] [集解] 服虔曰:「狙,何候也。」應劭曰:「狙,七預反,何也。」徐廣曰:「伺候也,音千恕反。」 「狙,伺也」。一曰狙,伏伺也,音七像反。謂狙之伺物,必伏而候之,故今云「狙候」是也。 案隱 按:應劭云

23 ~ 按:今當官道也。 [索隱] 服虔云「地在陽武南」。按:今浚儀西北四十里有博浪城。 [正義] 晉地理記云「鄭陽武縣有博浪沙」。

[至][索隱]按:漢官儀天子屬車三十六乘。屬車卽副車,而奉車郎御而從後。

謂良曰:「孺子,下取履」良鄂然,欲毆之。[五]爲其老,彊忍,下取履。父曰:「履我」良 良嘗閒從容「」步游下邳「三」圯上、「『」有一老父,衣褐,至良所,直墮其履圯下,「『〕顧

之,常習誦讀之。 穀城山下黄石卽我矣。」「♬」遂去,無他言,不復見。 旦日視其書,乃太公兵法也。[10]良因異 業爲取履,因長跪履之。[к]父以足受,笑而去。 曰:「當如是。」出一編書,「<>〕曰:「讀此則爲王者師矣。後十年興。十三年孺子見我濟北, 在,復怒曰:「後, 已先在, 日:「孺子可教矣。 怒曰:「與老人期,後, 後五日平明, 何也。」去,曰:「後五日復早來。」五日,良夜未半往。 何也。」去,曰:「後五日早會。」五日雞鳴, 與我會此。」良因怪之,跪曰:「諾。」五日平明, 良殊大驚,隨目之。父去里所, 有頃,父亦來,喜 良往。父又先 良往。 復還、ても」

[一] [索隱] 嘗訓經也。閒,閑字也。從容,閒暇也。從容謂從任其容止,不矜莊也。

(二) 索騰 邳,被眉反。 按:地理志下邳縣屬東海。又云邳在薛,後徙此。有上邳,故此日下邳也。

三〕【集解】徐廣曰:「圯,橋也,東楚謂之圯。音怡。」 也」。應劭云「沂水之上也」。姚察見史記本有作土旁者,乃引今會稽東湖大橋名爲靈圯。圯亦音夷,理或然也。 |索隱||李奇云「下邳人謂橋爲圯,音怡」。 文類日「沂水上橋

[四] [索隱] 崔浩云「直猶故也」,亦恐不然。 直言正也,謂至良所正墮其履也

[云][索隱]業猶本先也。謂良心先已爲取履,故遂跪而履之。[五][集解]徐廣曰:「一云『良怒,欲罵之』。」 [索隱] 毆音鳥后反。

徐廣曰:「一曰『爲其老,強忍,下取履,因進之。父以足受,笑而去。 良殊大驚。父去里所,復還』。」

[八] <u>樂</u>解]徐廣曰:「編,一作『篇』。」

留侯世家第二十五

[正義] 括地志云:「穀城山一名黄山,在濟州東阿縣東。濟州,故濟北郡。孔文祥云『黄石公〔狀〕,鬚眉皆白, (狀) 杖丹黎,履赤舄』。」

[10] [正義] 七錄云:「太公兵法一袠三卷。 太公,姜子牙,周文王師,封齊侯也。」

居下邳,爲任俠。項伯常殺人,從良匿。

遇沛公。沛公將數千人,略地下邳西,遂屬焉。 見景駒。 公,沛公善之,常用其策。 良爲他人言,皆不省。 良曰:「沛公殆天授。」〔三〕故遂從之,不去 後十年,陳涉等起兵,良亦聚少年百餘人。 景駒自立爲楚假王,在留。良欲往從之,道 沛公拜良爲廄將。「一良數以太公兵法説沛

一][集解]漢書音義曰:「官名。」

(三) 索隱 殆訓近也。

君成賢,可立爲王,益樹黨。」項梁使良求韓成,立以爲韓王。以良爲韓申徒,八〇與韓王將 千餘人西略韓地,得數城,秦輒復取之,往來爲游兵潁川。 及沛公之薛,見項梁。 項梁立楚懷王。 良乃説項梁曰:「君已立楚後,而韓諸公子横陽

[一] (樂解) 徐廣曰:「卽司徒耳,但語音訛轉,故字亦隨改。」

之。」沛公乃引兵擊秦軍,大破之。(遂)[逐]北至藍田,再戰,秦兵竟敗。 兵尚 留守陽翟, 襲咸陽,沛公欲聽之。良曰:「此獨其將欲叛耳,恐士卒不從。不從必危,不如因其解「鬥」擊 食、〔三〕益爲張旗幟〔三〕諸山上,爲疑兵,令酈食其持重寶啗奏將。」 秦將果畔,欲連和 彊,未可輕。 沛公之從雒陽南出轘轅,良引兵從沛公,下韓十餘城,擊破楊熊軍。沛公乃令韓王成 與良俱南,攻下宛,西人武關。 臣聞其將屠者子,賈豎易動以利。 沛公欲以兵二萬人擊凑嶢下軍,公己良說曰:「秦 願沛公且留壁,使人先行,爲五萬人具 遂至咸陽,秦王子 俱西

一〕操解除實田:「曉音堯。」

嬰降沛公。

三」(樂解)徐廣曰:「五,一作『百』。」

三] 索隱] 音其試二音。

四] | 索隱| 謂卒將離心而懈怠。

言。」沛公乃還軍霸 聽。[一]良曰:「夫秦爲無道,故沛公得至此。 夫爲天下除殘賊, 即安其樂,此所謂『助桀爲虐』。 沛公人秦宫,宫室帷帳狗馬重寶婦女以千數,意欲留居之。 且『忠言逆耳利於行,毒藥苦口利於病』,「『」願沛公聽樊噲 宜縞素爲資。「三今始人秦, 樊噲諫沛公出舍,沛公不

[一] [樂解] 徐廣曰:「一本『噲諫曰:「沛公欲有天下邪?將欲爲富家翁邪?」沛公曰:「吾欲有天下。」噲曰:「今臣從 人|秦宫,所觀宫室帷帳珠玉重寶鍾鼓之飾,奇物不可勝極,人其後宫,美人婦女以千數, 此皆|秦所以亡天下也。

願沛公急還霸上,無留宫中。」沛公不聽」。」

[二][集解]晉灼曰:「資,藉也。欲沛公反奏奢泰,服儉素以爲藉也。」

[1] 索隱]按:此語見孔子家語。

公誠欲倍項羽邪。」沛公曰:「鯫生[二]教我距關無内諸侯, 凑地可盡王,故聽之。」 良曰: |王送沛公,今事有急,亡去不義。] 乃具以語||市公。||沛公大驚,曰:「爲將柰何。]|良曰:「沛 項伯見沛公。沛公與飲爲壽,結賓婚。 「沛公自度能卻項羽乎。」沛公默然良久,曰:「固不能也。今爲 柰何。」良乃固要項伯。 項羽至鴻門下,欲擊沛公,項伯乃夜馳入沛公軍,私見張良,欲與俱去。 令項伯具言沛公不敢倍項羽,所以距關者,備他盗 良曰:「臣爲韓

也。及見項羽後解,語在項羽事中。

|索隱||吕静云「鲰,魚也,謂小魚也,音此垢反」。 臣瓚按:楚漢

春秋鲰生本姓(解) [鯫]。

亦因令良厚遺項伯,使請漢中地。了一項王乃許之,遂得漢中地。漢王之國,良送至慶中,了一 漢元年正月,沛公爲漢王, 王巴蜀。 漢王賜良金百溢,珠二斗,良具以獻項伯。

遣良歸韓。 良因説漢王曰:「王何不燒絶所過棧道, 示天下無還心, 以固項王意。」乃使良

還。行,燒絶棧道。

[一][集解]如淳曰:「本但與巴蜀,故請漢中地。」

三][正義]括地志云:「褒谷在梁州褒城縣北五十里南中山。昔秦欲伐蜀,路無由人,乃刻石爲牛五頭,置金於後,僞 **獨賦以石門在漢中之西,褒中之北是。」又云:「斜水源出褒城縣西北衙嶺山,與褒水同源而流派。漢書溝洫志** 言此牛能屎金,以遺蜀。 云裹水通河,斜水通渭,皆以行船。」 蜀侯貪,信之,乃令五丁共引牛,塹山堙谷,致之成都。 秦遂尋道伐之,因號曰石牛道。

棧道,無還心矣。」乃以齊王田樂反書告項王。項王以此無西憂漢心,而發兵北擊齊。 良至韓, 韓王成以良從漢王故,項王不遣成之國,從與俱東。 良説項王曰:「漢王燒絶

將兵擊之,因舉燕、代、齊、趙。 之此三人,則楚可破也。」漢王乃遣隨何説九江王布,而使人連彭越。 與齊王田榮反梁地:此兩人可急使。而漢王之將獨韓信可屬大事,當一面。 欲捐關以東等弃之, 復以良爲成信侯,從東擊楚。至彭城,漢敗而還。至下邑,漢王下馬踞鞍而問曰:「吾 <u>頃王竟不肯遣韓王,乃以爲侯,又殺之彭城。良亡,閒行歸漢王,漢王亦已還定三秦</u> 誰可與共功者。」良進曰:「九江王黥布, 然卒破楚者,此三人力也。 楚梟將, 及魏王豹反,使韓信 與項王有郄; 即欲捐之,捐 彭越

留

張良多病,未嘗特將也,常爲畫策臣,時時從漢王。

爲臣妾。德義已行,陛下南鄉稱霸,楚必斂衽而朝。」漢王曰:「善。趣刻印,先生因行佩之 地。陛下誠能復立六國後世,畢已受印,此其君臣百姓必皆戴陛下之德,莫不鄉風慕義,願 後於
杞。」武王伐
討,封其後於
宋。今秦失德弃義,侵伐諸侯社稷,滅六國之後,使無立錐之 漢三年,項羽急圍漢王滎陽,漢王恐憂,與酈食其謀橈楚權。食其曰:「昔湯伐桀,封其

今陛下能散府庫以賜貧窮乎?」曰:「未能也。」「其不可四矣。殷事已畢,偃 革爲 軒、[四] 後於宋者,度能得對之頭也。今陛下能得項籍之頭乎。」曰:「未能也。」「其不可二也。」武 槃之死命也。今陛下能制項籍之死命乎。]曰:「未能也。」「其不可一也。」武王伐紂封其 哉。]張良對曰:「臣請藉前箸爲大王籌之。」「一」曰:「昔者湯伐桀而封其後於梠者,度能制 間,式智者之門乎。¸」曰:「未能也。」「其不可三也。發<u>與橋之栗,散應臺之錢,以賜貧窮</u>。 王人殷,表商容之間,气 是釋箕子之拘,气 是封比干之墓。今陛下能封聖人之墓,表賢者之 性語告,曰:「於子房何如?」良曰:「誰爲陛下畫此計者?陛下 事去矣。」漢王曰:「何 食其未行,張良從外來謁。漢王方食,曰:「子房前!客有爲我計燒楚權者。」具以酈

其故舊墳墓,陛下與誰取天下乎?其不可八矣。且夫楚唯無彊,六國立者復橈而從之,「太」 也。」「其不可五矣。休馬華山之陽,示以無所爲。今陛下能休馬無所用乎。」曰:「未能 陛下焉得而臣之。誠用客之謀,陛下事去矣。」漢王輟食吐哺,罵曰:「豎儒,幾敗而公 望咫尺之地。今復六國,立韓、魏、燕、趙、齊、楚之後,天下游士各歸事其主,從其親戚,反 也。」「其不可六矣。放牛桃林之陰,「馬」以示不復輸積。今陛下能放牛不復輸積乎。」曰: 倒置干戈,覆以虎皮,以示天下不復用兵。今陛下能偃武行文,不復用兵乎。」曰:「未能, 「未能也。」「其不可七矣。且天下游士離其親戚,弃墳墓,去故舊,從陛下游者,徒欲日夜

[二] (集解) 張晏曰:「求借所食之箸用指畫也。或曰前世湯武箸明之事,以籌度今時之不若也。」 [二] [索隱] 按:崔浩云「表者,標榜其里門也」。 商容,紂時賢人也。 韓詩外傳日「商容執羽籥馮於馬徒,欲以化紂而 不能,遂去,伏於太行山。武王欲以爲三公,固辭不受」。餘解在商紀。

事」「マ」令趣銷印。

[m] [集解] 徐廣曰:「釋,一作『式』。 拘,一作『囚』。」

四] (集解) 如淳曰:「革者,革車也;軒者,赤黻乘軒也。偃武備而治禮樂也。」 者,朱軒皮軒也。謂廢兵車而用乘車也。」説文云:「軒,曲周屏車。」 |索隱||蘇林云:「革者,兵車也;軒

[五][索隱]按:晉灼云「在弘農関鄉南谷中」。應劭:十三州記「弘農有桃丘聚,古桃林也」。山海經云「夸父之山,

留侯世家第二十五北有桃林,廣三百里」也。

[六][集解]漢書音義曰:「唯當使楚無彊,彊則六國弱從之。」 則六國屈橈而從之」。又韋昭云「今無彊楚者,言六國立必復屈橈從楚」。 [索隱] 按:荀悦漢紀説此事云「獨可使楚無彊,若彊, 是二説意同也。

[中] 索隱 高祖罵勵生爲豎儒,謂此儒生豎子耳。 幾音祈。幾者,殆近也。 而公,高祖自謂也。漢書作「乃公」,乃亦

汝也。

漢四年,韓信破齊而欲自立爲齊王,漢王怒。 張良説漢王,漢王使良授齊王信印,語在

淮陰事中。

其秋,漢王追楚至陽夏南,戰不利而壁固陵,諸侯期不至。 良說漢王,漢王用其計, 諸

侯皆至。語在項籍事中。

時中,臣願封留足矣,不敢當三萬户。」乃封張良爲留侯,與蕭何等俱封。 也。 自擇齊三萬户。」良曰:「始臣起下邳,與上會留,此天以臣授陛下。 漢六年正月,封功臣。 良未嘗有戰鬪功,高帝曰:「運籌策帷帳中,決勝千里外,子房功 陛下用臣計,幸而

道「一望見諸將往往相與坐沙中語。上曰:「此何語?」 (六年)上已封大功臣二十餘人,其餘日夜争功不決, 未得行封。 留侯曰:「陛下不知乎?此謀反 上在維陽南 宫, 從復

我。 此屬畏陛下不能盡封,恐又見疑平生「三」過失及誅,故卽相聚謀反耳。」上乃憂曰:「爲之柰 酒,皆喜曰:「雍齒尚爲侯,我屬無患矣。」 子,而所封皆瀟、曹故人所親愛,而所誅者皆生平所仇怨。 耳。」上曰:「天下屬安定,何故反乎。」 人人自堅矣。」於是上乃置酒,封癰齒爲什方侯,〇四 何? 我欲殺之,爲其功多,故不忍。」留侯曰:「今急先封雍齒以示羣臣, 留侯曰:「上平生所憎,羣臣所共知,誰最甚者。」 留侯曰:「陛下起布衣,以此屬取天下,今陛下爲天 而急趣丞相、御史定功行封。 上曰:「雍齒與我故、「」」數嘗窘辱 今軍吏計功, 羣臣見雍齒封, 以天下不足徧封, 奉臣罷 則

〔一〕[樂解] 如淳曰:「復音複。上下有道,故謂之復道。」韋昭曰:「閣道。」.

三〕[集解]徐廣曰:「多作『生平』。」

[] [樂解] 漢書音義曰: T未起時有故怨。」

索隱 地理志縣名,屬廣漢。 什音十。 正義 括地志云:「雍齒城在益州什邡縣南四十步。 漢什邡縣,漢初封

雍齒爲侯國。」

皋, 劉敬説高帝曰:「都關中。」 有殽 **黽**,倍河 向伊維 其固亦足恃。」留侯曰:「雒陽雖有此固, 上疑之。 左右大臣皆山東人,多勸上都雒陽:「雒陽東有成 其中小,不過數百

留

世

家第

十五

西給京師,諸侯有變,順流而下,足以委輸。 此所謂金城千里,天府之國也,〔8〕 劉敬説是 巴蜀之饒,北有胡苑之利,至且三面而守,獨以一面東制諸侯。諸侯安定,河渭漕輓天下, 里,田地薄,四面受敵,此非用武之國也。夫關中左殺函,〔1〕右隴蜀,〔1〕沃野千里,南有

也。」於是高帝卽日駕,西都關中。〔五〕

ハニノ「三型 恒 丁旬重日 こそ コッケニュ 重日 むっ

[一][正義] 殽,二殽山也,在洛州永寧縣西北二十八里。

函谷關在陝州桃林縣西南十二里。

(三)[正義] 隴山南連蜀之岷山,故云右隴蜀也。

[]] [索隱] 崔浩云:「苑馬牧外接胡地,馬生於胡,故云胡苑之利。」 北地之北與胡接,可以收養禽獸,又多致胡馬,故謂胡苑之利也。 [正義] 博物志云「北有胡苑之塞」。按:上郡、

[四][索隱]按:此言「謂」者,皆是依憑古語。言素有四塞之國,如金城也。故淮南子云「雖有金城,非栗不守」。又 蘇秦説秦惠王云「秦地勢形便,所謂天府」。是所憑也。

[五] [索隱] 按:周禮「二日詢國遷」,乃爲大事。 高祖即日西遷者,蓋謂其日即定計耳,非即日遂行也。 留侯從人關。 留侯性多病,即道引不食穀八二杜門不出歲餘。

[一] (樂解) 漢書音義曰:「服辟穀之藥,而静居行氣。」

爲。 人或謂吕后曰:「留侯善畫計筴,上信用之。」吕后乃使建成侯吕澤劫留侯,曰:「君常 上欲廢太子,立戚夫人子趙王如意。大臣多諫争,未能得堅決者也。吕后恐,不知所

辭安車,因使辯士固請,宜來。來,以爲客,時時從入朝,令上見之,則必異而問之。問之, 上知此四人賢,則一助也。」於是吕后令吕澤使人奉太子書,卑辭厚禮,迎此四人。四人 侮人,故逃匿山中,義不爲漢臣。然上高此四人。今公誠能無愛金玉璧帛,令太子爲書,卑 留侯曰:「此難以口舌争也。 至,客建成侯所。 今天下安定,以愛欲易太子,骨肉之閒,雖臣等百餘人何益。」 吕澤彊要曰:「爲我畫計。」 爲上謀臣,今上欲易太子,君安得高枕而卧乎?」留侯曰:「始上數在困急之中,幸用臣筴。 顧上有不能致者,天下有四人。「二四人者年老矣,皆以爲上慢

一〕【索隱】四人,四晧也,謂東園公、綺里季、夏黄公、角里先生。按:陳留志云「園公姓庾,字宜明,居園中,因以爲 字元道,京師號日霸上先生,一日角里先生」。又孔安國祕記作「禄里」。此皆王劭據崔氏、周氏系譜及陶元亮四 八月而爲此説 號。夏黄公姓崔名廣,字少通,齊人,隱居夏里修道,故號曰夏黄公。 角里先生,河内軹人,太伯之後,姓周名術,

太子將兵,事危矣。」乃説建成侯曰:「太子將兵,有功則位不益太子,無功還,則從此受禍 且太子所與俱諸將,皆嘗與上定天下梟將也,今使太子將之,此無異使羊將狼也,皆不 盡力,其無功必矣。 漢十一年,黥布反,上病,欲使太子將,往擊之。四人相謂曰:「凡來者,將以存太子。 臣聞『母愛者子抱』、「一」今戚夫人日夜侍御、趙王如意常抱居前、

留

病,自彊起,至曲郵、「四」見上曰:「臣宜從,病甚。」楚人剽疾,願上無與楚人争鋒。」 因說上 肯爲用,且使/h聞之,則鼓行而西耳。[l] 上雖病,彊載輜車,卧而護之,諸將不敢不盡力。 留侯行少傅事。 曰:「令太子爲將軍,監關中兵。」上曰:「子房雖病,彊卧而傅太子。」是時叔孫通爲太傅, 「吾惟竪子固不足遣,而公自行耳。」於是上自將兵而東,羣臣居守,皆送至灞上。 上雖苦,爲妻子自彊。』」於是吕澤立夜見吕后,吕后承閒爲上泣涕而言,如四人意。 『黥布,天下猛將也,善用兵,今諸將皆陛下故等夷,〔三乃令太子將此屬,無異使羊將狼,莫 上曰『終不使不肖子居愛子之上』,明乎其代太子位必矣。 君何不急請吕后承閒爲上泣言: 上曰:

一索隱此語出韓子。

[三][集解]徐廣曰:「夷猶儕也。」 [索隱]如淳云:「等夷,言等輩。」

三] 集解] 晉灼曰:「鼓行而西,言無所畏也。」

四] 集解] 司馬彪曰:「長安縣東有曲郵聚。」 西,俗謂之|郵頭。 漢書舊儀云「五里一郵,郵人居閒,相去二里半」。 按:郵乃今之候也。 索隱 郵音尤。 按 司馬彪漢書郡國志長安有曲郵聚。 今在新豐

太傅稱説引古今,以死争太子。 漢十二年,上從擊破布軍歸,疾益甚,愈欲易太子。 留侯諫,不聽,因疾不視事。 上詳許之,猶欲易之。及燕,置酒,太子侍。四人從太子,

孝,恭敬愛士,天下莫不延頸欲爲太子死者,故臣等來耳。」上曰:「煩公幸卒調護太子。」「」」 從吾兒游乎。」四人皆曰:「陛下輕士善罵,臣等義不受辱,故恐而亡匿。竊聞太子爲人仁 年皆八十有餘,鬚眉晧白,衣冠甚偉。上怪之,問曰:「彼何爲者。」四人前對,各言名姓, 日東園公,角里先生,綺里季,夏黄公。上乃大驚,日:「吾求公數歲, 公辟逃我, 今公何自

[一] 樂解] 如淳曰:「調護猶營護也。」

鵠高飛,一舉千里。羽翮已就,横絶四海。横絶四海,當可柰何!雖有矰繳,[一] 尚安所 翼已成,難動矣。 吕后真而主矣。」戚夫人泣,上曰:「爲我楚舞,吾爲若楚歌。」 歌曰:「鴻 四人爲壽已畢,趨去。上目送之,召戚夫人指示四人者曰:一我欲易之,彼四人輔之,羽 歌數闋、「三」戚夫人噓唏流涕,上起去,罷酒。竟不易太子者,留侯本招此四人之力

[一] 集解] 韋昭曰:「繳,弋射也。 可以仰高射,故云矰也 其矢曰矰。」 [索隱] 馬融注周禮云:「矰者,繳繁短矢謂之增。」一説云矰,一弦, 也。

[三] [索隱] 音曲穴反,謂曲終也。 説文曰:「 闋,事[已閉門]也。」

留侯從上擊代,出奇計馬邑下,自己及立蕭何相國,自己所與上從容言天下事甚衆,非天

下所以存亡,故不著。 留侯乃稱曰:「家世相韓,及韓滅,不愛萬金之資,爲韓報讎彊秦,天

欲從赤松子[四]游耳。」乃學辟[五]穀,道引輕身。[太]會高帝崩,吕后德留侯,乃彊食之,曰: 下振動。今以三寸舌〔『〕爲帝者師,封萬户,位列侯,此布衣之極,於良足矣。願弃人閒事,

「人生一世閒,如白駒過隙,何至自苦如此乎」」留侯不得已,彊聽而食。

[一] 集解 徐廣曰:「一云『出奇計下馬邑』。」

[三][樂解]漢書音義曰:「何時未爲相國,良勸高祖立之。」

[三][索陽]春秋雄云:「舌在口,長三寸,象斗玉衡。」

[四] [索隱] 列仙傳:「神農時雨師也,能入火自燒,崑崙山上隨風雨上下也。」

[五][案隱]賓亦反。

[长][樂解]徐廣曰:「一云『乃學道引,欲輕舉』也。」

後八年卒,諡爲文成侯。子不疑代侯。〔1〕

[一] [集解] 徐廣日:「文成侯立十六年卒,子不疑代立。 十年,坐與門大夫吉謀殺故楚内史,當死,贖爲城旦,國除。」

取而葆祠之。〔〕国侯死,并葬黄石(家)。〔三〕每上冢伏臘,祠黄石。 子房始所見下邳圯上老父與太公書者,後十三年從高帝過濟北,果見穀城山下黄石,

[一][樂解]徐廣曰:「史記珍寶字皆作『葆』。」

[三][正義] 括地志云:「漢張良墓在徐州沛縣東六十五里,與留城相近也。」

太史公曰:學者多言無鬼神,然言有物。「二至如留侯所見老父予書,亦可怪矣。「三」高

外,吾不如子房。」余以爲其人計魁梧奇偉,[『]至見其圖,狀貌如婦人好女。蓋孔子曰: 祖離困者數矣,而留侯常有功力焉,豈可謂非天乎。上曰:「夫運籌筴帷帳之中,決勝千里

「以貌取人,失之子羽。」「四」留侯亦云。

[一] 索隱] 按:物謂精怪及藥物也。

[二] [索隱] 按:詩緯云「風后,黄帝師,又化爲老子,以書授張良」。 亦異説。

[三][集解]應劭曰:「魁梧,丘虚壯大之意。」 [索隱] 蘇林云「梧音忤」。 蕭該云「今讀爲吾、非也」。 小顔云「言其可

驚悟」。

[四][索隱]子羽,澹臺滅明字也。仲尼弟子傳云「狀貌甚惡」。又韓子云「子羽有君子之容,而行不稱其貌」,與史記

文相反。

滿上扶危,固陵静亂。人稱三傑,辯推八難。
赤松願游,白駒難絆。嗟彼雄略,曾非魁岸。 【索隱述贊】留侯倜儻,志懷憤惋。五代相韓,一朝歸漢。進履宜假,運籌神算。橫陽既立,申徒作扞。

留侯世家第二十五

史記卷五十六

陳丞相世家第二十六

之不視家生産,曰:「亦食糠覈耳。〔三〕有叔如此,不如無有。」。伯聞之,逐其婦而弃之。 耕田,縱平使游學。平爲人長〔大〕美色。人或謂陳平曰:「貧何食而肥若是。」其嫂嫉平 陳丞相平者,陽武户牖鄉人也。〔二少時家貧,好讀書,有田三十畝,獨與兄伯居。

[一] 集解] 徐廣日:「陽武屬魏地。户牖,今爲東昏縣,屬陳留。」 [索隱] 徐廣云「陽武屬魏」,而地理志屬河南郡,蓋 户牖爲東昏縣,隸陳留郡也。 後陽武分屬梁國耳。徐又云「户牖,今爲東昏縣,屬陳留」,與漢書地理志同。按:是秦時户牖鄉屬陽武,至漢以 城在汴州陳留縣東北九十里。」 [正義] 陳留風俗傳云:「東昏縣,衞地,故陽武之户牖鄉也。」括地志云:「東昏故

[二] [集解] 徐廣曰:「覈音核。」駰案:「孟康曰「麥穅中不破者也」。 晉灼曰「覈音紇,京師謂麄屑爲紇頭」。

五嫁而夫輒死,人莫敢娶。平欲得之。邑中有喪,平貧,侍喪,以先往後罷爲助。 及平長,可娶妻,富人莫肯與者,貧者平亦恥之。人之,户牖富人有張負,て己張負女孫 張負既見

陳

縣中盡笑其所爲,獨柰何予女乎。」負日:「人固有好美如陳平而長貧賤者乎。」卒與女。 之喪所,獨視偉平,平亦以故後去。」負隨平至其家,家乃負郭与司窮巷,以獘席爲門,然門外 爲平貧,乃假貸幣以聘,予酒肉之資以内婦。負誡其孫曰:「毋以貧故,事人不謹。事兄怕 多有長者車轍。〔三〕張負歸,謂其子仲曰:「吾欲以女孫予陳平。」張仲曰:「平貧不事事,一 如事父,事嫂如母。」「鬥一既娶張氏女,齎用益饒,游道日廣。

[一] [索隱] 按:負是婦人老宿之稱,猶「武負」之類也。然此張負既稱富人,或恐是丈夫爾。

[三][索隱] 高誘注戰國策云「負背郭居也」。

[三] [索隱] 一作「軌」。按:言長者所乘安車,與載運之車軌轍或別:

[四][樂解]兄伯已逐其婦,此嫂疑後娶也。

里中社,平爲宰,〔一〕分肉食甚均。父老曰:「善,陳孺子之爲宰!」平曰:「嗟乎,

得宰天下,亦如是肉矣!」

[一] [索隱] 其里名庫上里。知者,據蔡邕陳留東昏庫上里社碑云「惟斯庫里,古陽武之牖鄉」。陳平由此社宰,遂相高

陳涉起而王陳,使周市略定魏地, 立魏咎爲魏王,與秦軍相攻於臨濟。 陳平固已前謝

其兄伯、己從少年往事魏王咎於臨濟。 魏王以爲太僕。 説魏王不聽, 人或讒之, 陳平亡

[一] 集解] 漢書音義曰:「謝語其兄往事魏。」

將吏。 還。 獨行,疑其亡將,要中當有金玉寶器,目之,欲殺平。 王還定三秦而東,殷王反楚。 無有,乃止。 項王使項悍拜平爲都尉,賜金二十溢。 久之,項羽略地至河上,陳平往歸之,從人破秦,賜平爵卿。「」 陳平懼誅,乃封其金與印,使使歸項王,而平身閒行杖劍亡。 項羽乃以平爲信武君,將魏王咎客在楚者以往,擊降殷王而 居無何,漢王攻下殷(王)。 平恐,乃解衣躶而佐刺船。 渡河,船人見其美丈夫 項羽之東王彭城也,漢 項王怒,將誅定殷者 船人知其

〔一〕[集解] 張晏曰:「禮秩如卿,不治事。」

涓、二 乃拜平爲都尉,使爲參乘,典護軍。 言不可以過今日。」於是漢王與語而說之, 而卽與同載,反使監護軍長者!」漢王聞之,愈益幸平。 |平遂至修武降漢、「1] 因魏無知求見漢王、〔三〕 受平謁,人見平。 平等七人俱進,賜食。 王曰:「罷,就舍矣。」 諸將盡讙、[四]曰:「大王一日得楚之亡卒,未知其高下, 問日:「子之居楚何官。」 日:「爲都尉。」 漢王召人。 遂與東伐項王。 是時萬石君奮爲漢王中 平曰:「臣爲事來,所 至彭城,爲楚所敗。 是日

引而還,收散兵至滎陽,以平爲亞將,屬於韓王信,軍廣武。

集解 徐廣日:「漢二年。」

[二] ||索隱]漢書張敞與朱邑書云「陳平須魏倩而後進」,孟康云卽無知也。

[三][集解]徐廣曰:「亦曰涓人。」

四][索隱] 讙,華也。音懽,又音喧。漢書作「皆怨」。

知。 諸將金,金多者得善處,金少者得惡處。平,反覆亂臣也,願王察之。」漢王疑之,召讓魏無 盗其嫂,事燘不容,亡歸楚,歸楚不中,又亡歸漢。今日大王尊官之,令護軍。臣聞平受 請骸骨。」漢王乃謝,厚賜,拜爲護軍中尉,盡護諸將。諸將乃不敢復言。 金無以爲資。誠臣計畫有可采者,(顧)[願]大王用之,使無可用者,金具在,請封輸官,得 負之數,陛下何暇用之乎。楚漢相距,臣進奇謀之士,顧其計誠足以利國家不耳。且盗嫂 項即妻之昆弟,雖有奇士不能用,平乃去楚。 聞漢王之能用人,故歸大王。 臣躶身來,不受 受金又何足疑乎。]漢王召讓平曰:「先生事魏不中,遂事楚而去,今又從吾游,信者固多 心乎。」平曰:「臣事魏王,魏王不能用臣説,故去事項王。項王不能信人,其所任愛,非諸 無知曰:「臣所言者、能也,陛下所問者、行也。今有尾生、孝己之行「三而無益處於勝 絳侯、灌嬰等咸讒陳平日:「平雖美丈夫,如冠玉耳,其中未必有也。〔一〕臣聞平居家時,

[一] [樂解] 漢書音義曰:「飾冠以玉,光好外見,中非所有。」

「二」「樂解」如淳曰:「孝己,高宗之子,有孝行。」

心,項王爲人意忌信讒,必内相誅。漢因舉兵而攻之,破楚必矣。」漢王以爲然,乃出黄金 離眛、龍且、周殷之屬,不過數人耳。大王誠能出捐數萬斤金,行反閒,閒其君臣,以疑其 指麾則定矣。然大王恣侮人,不能得廉節之士。顧楚有可亂者,彼項王骨鯁之臣亞父、鍾 然大王能饒人以爵邑,士之頑鈍气」嗜利無恥者亦多歸漢。誠各去其兩短,襲其兩長,天下 四萬斤,與陳平,恣所爲,不問其出人。 好禮者多歸之。 至於行功爵邑, 重之, 士亦以此不附。今大王慢而少禮, 士廉節者不來, 王不聽。 漢王謂陳平曰:「天下紛紛,何時定乎。」陳平曰:「項王爲人,恭敬愛人,士之廉節 其後,楚急攻,絶漢甬道,圍漢王於滎陽城。久之,漢王患之,請割滎陽以西以和。項

[一] (樂解) 如淳曰:「猶無廉隅。」

漢。漢王爲太牢具,舉進。見楚使,卽詳驚曰:「吾以爲亞父使,乃項王使」」復持去, 更以 而王,欲與漢爲一,以滅項氏而分王其地。項羽果意不信鍾離眛等。 陳平既多以金縱反閒於楚軍,宣言諸將鍾離眛等爲項王將,功多矣,然而終不得裂地 項王既疑之,使使至

陳丞

相世家第二十六

不信,不肯聽。 從城西門夜出去。遂入關,收散兵復東。 歸未至彭城,疽發背而死。陳平乃夜出女子二千人滎陽城東門,楚因擊之,陳平乃與漢王 惡草具「」進楚使。楚使歸,具以報項王。項王果大疑亞父。亞父欲急攻下滎陽城,項王 亞父聞項王疑之,乃怒曰:「天下事大定矣,君王自爲之!願請骸骨歸!

[一][樂解]漢書音義曰:「草,粗也。」 [索隱] 戰國策云「食馮煖以草具」。 如淳云「藁草麄惡之具也」。

以護軍中尉從定燕王臧荼。 王 |亦悟,乃厚遇齊使,使張子房卒立信爲齊王。 封平以户牖鄉。用其奇計策,卒滅楚。常 其明年,淮陰侯破齊,自立爲齊王,使使言之漢王。漢王大怒而駡,陳平躡漢王。〔一〕漢

[一] [集解] 漢書音義曰:「躡謂躡漢王足。」

|楚精,而將不能及,而舉兵攻之,是趣之戰也,竊爲陛下危之。」上曰:「爲之柰何。」| |平曰: 者乎?」曰:「未有。」曰:「信知之乎?」曰:「不知。」陳平曰:「陛下精兵孰與楚?」上 曰:「不能過。」||平曰:「陛下將用兵有能過韓信者 乎。」||上曰:「莫及也。」||平曰:「今兵不如 問陳平,平固辭謝,曰:「諸將云何。」上具告之。 陳平曰:「人之上書言信反,有知之 漢六年,人有上書告楚王韓信反。高帝問諸將,諸將曰:「亟發兵阬竪子耳。」高帝默

|高帝顧謂信曰:「若毋聲!而反,明矣!」武士反接之。[1] 遂會諸侯于陳,盡定楚地。 耳。」高帝以爲然,乃發使告諸侯會陳,「吾將南游雲夢」。上因隨以行。 行未至陳,楚王信果 界,自己信聞天子以好出游,其勢必無事而郊迎謁。謁,而陛下因禽之,此特一力士之事 維陽,赦信以爲淮陰侯,而與功臣剖符定封。 郊迎道中。|高帝豫具武士,見信至,卽執縛之,載後車。|信呼曰:「天下已定,我固當烹!| 「古者天子巡狩,會諸侯。 南方有雲夢,陛下弟出僞游雲夢、「」會諸侯於陳。陳,楚之西

[一][索隱]蘇林云「弟,且也」。 小顔云「但也」。

[三][正義]陳,今陳州也。韓信都彭城、號楚王、故陳州爲楚西界也。

[三][集解]漢書音義曰:「反縛兩手。」

計, 不得食。 乃復賞魏無知。 戰勝剋敵,非功而何。」平曰:「非魏無知臣安得進。」上曰:「若子可謂不背本矣。」 於是與平剖符,世世勿絶,爲户牖侯。 平辭曰:「此非臣之功也。」 上曰:「吾用先生謀 |高帝用陳平奇計,使單于閼氏,(二) 圍以得開。|高帝既出,其計祕,世莫得聞。[二] 其明年,以護軍中尉從攻反者韓王信於代。卒至平城,爲匈奴所圍,七日

一] [集解] 蘇林日:「閼氏音焉支,如漢皇后。」

|桓譚新論:「或云:『陳平爲高帝解平城之圍,則言其事祕,世莫得而聞也。此以工妙踔善,故藏隱不傳焉。

陳

子能權知斯事否?」吾應之曰:『此策乃反薄陋拙惡,故隱而不泄。高帝見圍七日,而陳平往説閼氏,閼氏言於單 欲進與單于,單于見此人必大好愛之,愛之則閼氏日以遠疏,不如及其未到,令漢得脱去,去,亦不持女來矣。閼 于而出之,以是知其所用説之事矣。彼陳平必言漢有好麗美女,爲道其容貌天下無有,今困急,已馳使歸迎取, 乃立稱善焉。」按:漢書音義應劭説此事大旨與桓論略同,不知是應全取桓論,或别有所聞乎。今觀桓論似本 氏婦女,有妒婳之性,必憎惡而事去之。此說簡而要,及得其用,則欲使神怪,故隱匿不泄也。』劉子駿聞吾言,

耳。」 見五千户。」於是乃韶御史,更以陳平爲曲逆侯,盡食之,除前所食户牖 顧問御史曰:「曲逆户口幾何。」對曰:「始秦時三萬餘户, 高帝南過曲逆,(二)上其城,望見其屋室甚大,曰:「壯哉縣!吾行天下,獨見洛陽與是 閒者兵數起, 多亡匿,今

[1] 集解] 地理志縣屬中山也。 [索隱] 章帝醜其名,改云蒲陰也。

其後常以護軍中尉從攻陳豨及黥布。凡六出奇計,輒益邑,凡六益封。奇計或頗祕,

世莫能聞也。

曰:「陳平亟馳傳載|勃代噲將、|平至軍中卽斬噲頭!」二人既受詔, 馳傳未至軍, 行計之曰: 人有短惡噲者。 高帝從破布軍還,病創,徐行至長安。燕王盧綰反,上使樊噲以相國將兵攻之。 高帝怒曰:「噲見吾病,乃冀我死也。」用陳平謀而召絳侯周勃受韶牀下, 既行,

「樊噲,帝之故人也,功多,且又乃吕后弟吕嬃之夫,有親且貴,帝以忿怒故,欲斬之,則恐後 寧囚而致上,上自誅之。」未至軍,爲壇,以節召樊噲。噲受韶,卽反接載檻車,傳詣長

安,而令降侯勃代將,將兵定燕反縣。

就,因固請得宿衞中。 平受韶,立復馳至宫,哭甚哀,因奏事喪前。吕太后哀之,曰:「君勞,出休矣。」平畏讒之 平行聞高帝崩,平恐吕太后及吕嬃讒怒,乃馳傳先去。逢使者詔平與灌嬰屯於滎陽。 太后乃以爲郎中令,曰:「傅教孝惠。」〔1〕是後吕嬃讒乃不得行。

[] [集解] 如淳曰:「傅相之傅也。」

噲至,則赦復爵邑。

孝惠帝六年,相國曹參卒,以安國侯王陵爲右丞相,二〕陳平爲左丞相。

1] [集解] 徐廣日:「王陵以客從起豐,以廄將别守豐,上東,因從戰,不利,奉孝惠、魯元出睢水中,封爲雍侯。 (八) [六]年,定食安國。 二十一年卒,謚武侯。 至玄孫,坐酎金,國除。」

項羽取陵母置軍中,陵使至,則東鄉坐陵母,欲以招陵。 陵母既私送使者,泣曰:「爲老妾語 人至咸陽,陵亦自聚黨數千人,居南陽,不肯從沛公。及漢王之還攻項籍, 陵乃以兵屬漢。 |王陵者,故||沛人,始爲縣豪,|高祖微時,兄事陵。 | 陵少文,任氣,好直言。 及高祖起沛,

陳丞相世

家第二十六

怒,烹陵母。陵卒從漢王定天下。以善雍齒,雍齒,高帝之仇,而陵本無意從高帝,以故晚 謹事漢王。漢王,長者也,無以老妾故,持二心。 妾以死送使者。」 遂伏劍而死。

封,爲安國侯。

朝請,七年而卒。 問陳平,陳平曰:「可。」 吕太后怒,乃詳遷陵爲帝太傅,實不用陵。 陵怒,謝疾免,杜門竟不 安國侯既爲右丞相,二歲,孝惠帝崩。。高后欲立諸吕爲王,問王陵,王陵曰:「不可。」

陵之免丞相,吕太后乃徙平爲右丞相,以辟陽侯審食其爲左丞相。 左丞相不治, 常給

事於中。[1]

[一] 集解] 孟康曰:「不立治處,使止宫中也。」

食其亦沛人。漢王之敗彭城,西,楚取太上皇、吕后爲質,食其以舍人侍吕后。 其後從

破項籍爲侯、幸於吕太后。及爲相、居中、百官皆因決事。

平聞,日益甚。吕太后聞之,私獨喜。 吕嬃常以前陳平爲高帝謀執樊噲,數讒曰:「陳平爲相非治事,日飲醇酒,戲婦女。」 面質呂褒於陳平曰:「鄙語曰『兒婦人口不可用』, 顧 陳

君與我何如耳。

無畏吕嬃之讒也。」

吕太后立諸吕爲王,陳平僞聽之。 及吕太后崩,平與太尉勃合謀,卒誅諸吕,立孝文皇

帝,陳平本謀也。審食其免相。「」

【一〕[集解]徐廣曰:「審食其初以舍人起,侍吕后、孝惠帝於沛,又從在楚。 封二十五年,文帝三年死,子平代。 代二 近菑川,平降之,國除」。」 十二年,景帝三年,坐謀反,國除。一本云『食其免後三歲,爲淮南王所殺。」文帝令其子平嗣侯。菑川王反,辟陽

勃。」於是孝文帝乃以絳侯勃爲右丞相,位次第一,平徙爲左丞相,位次第二。賜平金千 怪平病,問之。平曰:「高祖時,勃功不如臣平。及誅諸吕,臣功亦不如勃。 孝文帝立,以爲太尉勃親以兵誅吕氏,功多,陳平欲讓勃尊位,乃謝病。孝文帝初立, 願以右丞相讓

下不知其駑下,使待罪宰相。宰相者,上佐天子理陰陽,順四時,下育萬物之宜,外鎮撫四 問錢穀,責治粟内史。」上曰:「苟各有主者,而君所主者何事也。」 平謝曰:「主臣!〔1〕 陛 曰:「不知。」問:「天下一歲錢穀出人幾何。」樹又謝不知,汗出沾背,愧不能對。 上亦問左丞相平。平曰:「有主者。」上曰:「主者謂誰。」平曰:「陛下卽問決獄,責廷尉, 斤,益封三千户。 居頃之,孝文皇帝既益明習國家事,朝而問右丞相勃曰:「天下一歲決獄幾何。」 於是 勃謝

陳

數、「三」君欲彊對邪。」於是絳侯自知其能不如平遠矣。居頃之,絳侯謝病請免相,陳平專 夷諸侯,内親附百姓,使卿大夫各得任其職焉。」孝文帝乃稱善。右丞相大慙,出而讓陳平 曰:「君獨不素教我對」」陳平笑曰:「君居其位,不知其任邪? 且陛下卽問長安中盗賊

[集解]張晏曰:「若今人謝曰『惶恐』也。 馬融龍虎賦曰『勇怯見之,莫不主臣』。」 孟康曰:「主臣,主羣臣也,若今 言人主也。」 韋昭曰:「言主臣道,不敢欺也。」 [索隱] 蘇林與孟康同,既古人所未了,故並存兩解。

[二][集解] 漢書音義曰:「頭數也。」

爲一丞相。

孝文帝二年,丞相陳平卒,謚爲獻侯。子共侯買代侯。二年卒,子簡侯恢代侯。二十

三年卒,子何代侯。二十三年,何坐略人妻,弃市,國除。

也。」然其後曾孫陳掌以衞氏親貴戚,願得續封陳氏,然終不得。〔一〕 始陳平曰:「我多陰謀,是道家之所禁。吾世卽廢,亦已矣,終不能復起,以吾多陰禍

[一] 集解 徐廣日:「陳掌者,衞青之子壻。」

傾側擾攘楚魏之閒,卒歸高帝。常出奇計,救紛糾之難,振國家之患。及吕后時,事多故 太史公曰:陳丞相平少時,本好黄帝、老子之術。方其割肉俎上之時,其意固已遠矣。

矣,然平竟自脱,定宗廟,以榮名終,稱賢相,豈不善始善終哉!非知謀孰能當此者乎?

【索隱述贊】曲逆窮巷,門多長者。宰肉先均,佐喪後罷。魏楚更用,腹心難假。弃印封金,刺船露躶。 閒行歸漢,委質麾下。|滎陽計全,平城圍解。推陵讓勃,哀多益寡。應變合權,克定宗社。

記卷五十七

絳侯周 勃世家第二十七

絳侯周勃者,沛人也。其先卷人、〔一〕徙沛。 勃以織薄曲爲生、〔三〕常爲人吹簫給喪

事、『一材官引疆。』

字林音丘權反。

[一] (集解) 徐廣曰:「卷縣在滎陽。」 [索隱] 韋昭云屬河南,地理志亦然。 然則後置滎陽郡,而卷隸焉。

音丘玄反,

[正義] 括地志云:「故卷城在鄭州原武縣西北七里。」釋例地名云:「卷縣所理垣雍城也。」

[三] [集] 蘇林曰:「薄,一名曲。 月令曰『具曲植』。」 [索隱] 謂勃本以織蠶薄爲生業也。韋昭云「北方謂薄爲曲」。

[引] (樂解] 如淳曰:「以樂喪家,若俳優。」]瓊曰:「吹簫以樂喪賓,若樂人也。」 許慎注淮南云「曲、葦薄也」。郭璞注方言云「植、懸曲柱也」。音直吏反。 [索隱] 左傳「歌虞殯」,猶今挽歌類

[四][樂解]漢書音義曰:「能引彊弓官,如今挽彊司馬也。」 [索隱] 晉灼云「申屠嘉爲材官蹶張」。

也。歌者或有簫管。

陽東。 高祖之爲沛公初起,勃以中涓從攻胡陵,下方與。方與反,與戰,卻適。攻豐。擊秦軍 還軍留及蕭。復攻碭,破之。下下邑,先登。賜爵五大夫。攻蒙、虞、江〕取之。擊

絳侯周勃世家第二十七

守齮,破武關、嶢關。破秦軍於藍田,至咸陽,滅秦。 王離軍,破之。攻長社,先登。攻潁陽、緱氏,江巴絶河津。江西擊趙賁軍尸北。江心南攻南陽 武侯,爲碭郡長。沛公拜勃爲虎賁令,曰可以令從沛公定魏地。攻東郡尉於城武,破之。 |邯破殺項梁,沛公與項羽引兵東如陽。 自初起沛還至陽,一歲二月。[三]楚懷王封沛公號|安 襲取臨濟,攻脹,[10]以前至卷,破之。擊李由軍雍丘下。攻開封,先至城下爲多。[1]]後章 軍阿下,「よ」破之。追至濮陽,下甄城。攻都關、「も」定陶,襲取宛朐,「八」得單父「よ」令。夜 章邯車騎,殿。「三」定魏地。 攻爰戚、東緡、「三」以往至栗、「三」取之。 攻齧桑,「三」先登。 擊秦

[一] [索隱] 二縣名。地理志屬梁國。

[三] 集解 服虔曰:「略得殿兵也。」 殿」,又云『先至城下爲多』,又云『攻槐里、好時,最』是也。」 殿,戰功日多。 周勃事中有此三品,與諸將俱計功則曰殿最,獨捷則曰多。多義見周禮。故此云『擊章邯車騎, 如淳曰:「殿,不進也。」瓚曰:「在軍後曰殿。」孫檢曰:「一説上功曰最,下功曰 索隱孫檢説是。

[] [集解] 徐廣日:「屬山陽。」 [索隱] 小顔音昏,非也。地理志山陽有東緡縣,音旻。然則户牖之爲東緡,音昏是。 屬陳留者音昏,屬山陽者音旻也。 [正義] 緡,眉貧反。 括地志云:「東緡故城,漢縣也,在兗州金鄉縣界。」

[四][正義] 括地志云屬沛郡也。

「豆」|索隱||徐氏云在梁、彭城閒。

[六][索隱] 謂東阿之下也。

[4][索隱]地理志縣名,屬山陽。

[八][正義] 冤劬二音,今曹州縣,在州西四十七里。

[九][正義]善甫二音,宋州縣也。

[10] [樂解] 漢書音義曰:「攻壽張。」 索屬」地理志東郡壽良縣,光武改日壽張。

[二] [集解] 文顯日:「勃士卒至者多。」如淳日:「周禮『戰功日多』。」

[二] [索隱] 謂初起沛及還至碭,得一歲又更二月也。

|【樂解]徐廣日:「一云『句盾令』。」 [索隱] 漢書云「襄賁令」。 賁音肥,縣名,屬東海。 徐廣又云「句盾令」,所見

本各别也。

[四] 正義] 緱音勾。洛州縣。

□三 [正義] 卽古平陰津,在洛州洛陽縣東北五十里。

定楚地泗(川)[水]、東海郡,凡得二十二縣。還守雒陽、櫟陽,賜與潁(陽) [陰]侯共食鍾 之。行了攻上邽。行司東守嶢關。轉擊項籍。攻曲逆,最。還守敖倉,追項籍。籍已死,因東 章平、姚卬軍。[朱]西定济。[4]還下郿、頻陽。[4]圍章邯廢丘。[4]破西丞。[10]擊盗巴軍,破 至秦,賜食邑懷德。〔三〕攻槐里、好時,〔三〕最。〔四〕擊趙賁、内史保於咸陽,最。北攻漆。〔五〕擊 項羽至,以沛公爲漢王。漢王賜勃爵爲威武侯。[1〕從人漢中,拜爲將軍。還定三秦,

離。口以將軍從高帝擊反者燕王臧荼,破之易下。口即所將卒當馳道口五爲多。 賜爵列侯,

剖符世世勿絶。食緣「尽」八千一百八十户,號降侯。

- [一][索隱]或是封號,未必縣名也。
- [二][正義] 括地志云:「懷德故城在同州朝邑縣西南四十三里。」
- 索魔地理志二縣屬右扶風。
- [集解] 如淳曰:「於將率之中功爲最。」
- 五五二 索隱地理志漆縣在右扶風。 [正義] 今豳州新平縣,古漆縣也。
- [六][索隱] 卬音五郎反,平下將。
- [4][正義]口肩反。今隴州汧源縣,本漢汧縣地也。
- [八][索隱] 地理志郿屬右扶風,頻陽屬左馮翊也。 頻陽故城在宜州土門縣南三里。」今土門縣併入同官縣,屬雍州,宜州廢也。 [正義] 郿音眉。括地志云:「郿縣故城在岐州郿縣東北十五里,
- 九][索隱] 地理志「槐里,周日犬丘,懿王都之,秦更名廢丘,高祖三年更名槐里」。 云廢丘者,以章邯本都廢丘而亡,亦據舊書之。 而此云槐里者,據後而書之。又
- [10] [集解] 徐廣曰:「天水有西縣。」 [正義] 括地志云:「西縣故城在秦州上邽縣西南九十里,本漢西縣地。」破西縣

丞。

- 集解 如淳日:「章邯將。」
- [三]正義]音圭。秦州縣也。

[一三] [索隱] 地理志縣名,屬九江,古鍾離子國。

[正義] 括地志云:「潁陰故城在陳州南頓縣西北。 鍾離故城在濠州

鍾離縣東北五里。」

[四] 索隱] 茶,如字讀。 易,水名,因以爲縣,在涿郡。謂破茶軍於易水之下,言近水也。

正義抵地志云「易縣

故城在幽州歸義縣東南十五里,燕桓侯所徙都臨易是也。」

[三] [索隱] 小顏以當高祖所行之道。或以馳道爲秦之馳道,故賈山傳云「秦爲馳道,東窮燕、齊」也,

韓信軍於硰石、「馬」破之,追北八十里。還攻樓煩「よ」三城,因擊胡騎平城下,「も」所將卒當 轉攻韓信軍銅鞮、「三破之。還,降太原六城。「四」擊韓信胡騎晉陽下,破之,下晉陽。 以將軍從高帝擊反韓王信於代,降下霍人。「」以前至武泉,「三擊胡騎,破之武泉北。 後擊

馳道爲多。 勃遷爲太尉。

[一] [索隱] 蕭該云:「左傳『以偪陽子歸納諸霍人』,杜預云晉邑也。字或作『靍』。」 括地志云:「後人故城在代州繁時縣 正義。霍音瑣,又音蘇寡反。顏

界,漢葰人縣也。」按:樊噲列傳作「靍人」,其音亦同。

師古云:「音山寡反。」按:「霍」字當作「葰」,地理志云褒人,縣,屬太原郡。

〔三〕[集解]徐廣日:「屬雲中。」 [正義] 括地志云:「武泉故城在朔州北二百二十里。」

并州縣。 從銅鞮還并,降六城也。

[三] [正義] 括地志云:「銅鞮故城在潞州銅鞮縣東十五里,州西六十五里,在并州東南也。」

正義 綘 周勃 世家第二十七

應劭曰:「硰音沙。或曰地名。」 索隱晉灼音赤座反。 正義按:在樓煩縣西北。

[六][正義] 地理志云在鴈門郡,括地志云在并州崞縣界。

[4][正義] 地理志云在鴈門郡。括地志云:「朔州定襄,本漢平城縣。」

中郡十二縣。因復擊豨靈丘、「哥」破之,斬豨,得豨丞相程縱、將軍陳武、都尉高肆。定代郡 **豨將宋最、鴈門守圂。[1]因轉攻得雲中守邀、[1]丞相箕肆、將勳。[1]定鴈門郡十七縣,雲** 擊陳豨,屠馬邑。所將卒斬豨將軍乘馬絺。〔〕擊韓信、陳豨、趙利軍於樓煩,破之。

[一] (樂解) 徐廣日:「姓乘馬。」 [案隱] 絲,名也。乘音始證反。

〔三〕[索]闥] 圂,守之名,音胡困反。

[三] 索隱 音速。 正義」括地志云:「雲中故城在勝州榆林縣東北四十里,秦雲中郡。」

[四][樂解]徐廣曰:「箕,一作『鄭』。勵,一作『專』,一作『轉』。」 [索隱] 劉氏肆音如字,包愷音以四反。漢書「勳」亦 作「博」字,並誤耳。

[五] | 索隱| 地理志縣名,屬代郡。 [正義] 括地志云:「鹽丘故城在蔚州鹽丘縣東十里,漢縣也。」

北平十六縣,遼西、遼東二十九縣,漁陽二十二縣。最從高帝「永〕得相國一人,丞相二人,將 大夫施,屠渾都。「三」破館軍上蘭、「三」復擊破館軍沮陽。「四」追至長城,「五〕定上谷十二縣,古 燕王盧綰反,勃以相國代樊噲將,擊下薊,得綰大將抵、丞相偃、守陘、二二太尉弱、御史

軍、二千石各三人、别破軍二、下城三、定郡五、縣七十九、得丞相、大將各一人。

[二] 集解] 張晏曰:[盧綰郡守,陘其名。]

[三] 樂解] 徐廣曰:「在上谷。」 [索隱] 施,名也。屠,滅之也。 地理志渾都縣屬上谷。一云,御史大夫姓施屠,名渾

都。 [正義] 括地志云:「幽州昌平縣,本漢渾都縣。」

[三][正義] 括地志云「媯州懷戎縣東北有馬蘭谿水」,恐是也。

四] 集解] 徐廣曰:「在上谷。」 翢案:服虔日沮音阻。 索隱 按:地理志沮陽縣屬上谷。

正義 括地志云:「上

谷郡故城在媯州懷戎縣東北百二十里。燕上谷,秦因不改,漢爲沮陽縣。」

[五]正義]即馬邑長城,亦名燕長城,在媯州北,今是。

[六][索隱] 最,都凡也。謂總舉其從高祖攻戰克獲之數也。

勃爲人木彊敦厚,高帝以爲可屬大事。勃不好文學,每召諸生說士,東鄉坐而責之:「」

「趣爲我語。」其椎少文如此。〔三〕

[一] 集解] 如淳曰:「勃自東鄉坐,責諸生説士,不以賓主之禮。」

[三][集解]瓚曰:「令直言,勿稱經書也。」章昭曰:「惟不撓曲,直至如椎。」 反。」今按:推如字讀之。 謂勃召説士東向而坐,實之云「趣爲我語」,其質樸之性,以斯推之,其少文皆如此, [索隱] 大顔云:「俗謂愚爲鈍椎,音直追

勃既定燕而歸,高祖已崩矣,以列侯事孝惠帝。孝惠帝六年,置太尉官、仁以勃爲太

絳侯周勃世家第二十七

爲太尉,不得入軍門。陳平爲丞相,不得任事。於是勃與平謀,卒誅諸吕而立孝文皇帝。 尉。十歲,高后崩。吕禄以趙王爲漢上將軍,吕産以吕王爲漢相國,秉漢權,欲危劉氏。勃

其語在吕后、孝文事中。

[一][樂解]徐廣曰:「功臣表及將相表皆高后四年始置太尉。」 [正義]下云「以勃爲太尉。十歲高后崩」。 六年〔至〕高后八年崩,是十年耳。而功臣表及將相表云高后四年置太尉官,未詳。

請歸相印。上許之。歲餘,丞相平卒,上復以勃爲丞相。十餘月,上曰:「前日吾韶列侯就 吕,立代王,威震天下,而君受厚賞,處尊位,以寵,久之卽禍及身矣。」勃懼,亦自危,乃謝 國,或未能行,丞相吾所重,其率先之。」乃免相就國。 文帝既立,以勃爲右丞相,賜金五千斤,食邑萬户。居月餘,人或説勃曰:「君既誅諸

之。勃以千金與獄吏,獄吏乃書牘背示之,气三曰「以公主爲證」。公主者,孝文帝女也,勃 軍,不以此時反,今居一小縣,顧欲反邪!」文帝既見絳侯獄辭,乃謝曰:「吏(事)方驗而出 后,太后亦以爲無反事。文帝朝,太后以冒絮提文帝,〔『〕曰:「絳侯綰皇帝璽,〔『〕將兵於北 太子勝之尚之,至己故獄吏教引爲證。勃之益封受賜,盡以予薄昭。及繁急,薄昭爲言薄太 上書告勃欲反,行了下廷尉。廷尉下其事長安,逮捕勃治之。勃恐,不知置辭。吏稍侵辱 歲餘,每河東守尉行縣至絳,絳侯勃自畏恐誅,常被甲,令家人持兵以見之。其後人有

之。」於是使使持節赦絳侯,復爵邑。 絳侯既出,曰:「吾嘗將百萬軍,然安知獄吏之貴乎」」

[一][樂解]徐廣曰:「文帝四年時。」

[二] 集解] 李奇日:「吏所執簿。」韋昭日:「牘版。」 [索隱] 簿即牘也。故魏志「秦宓以簿擊頗」,則亦簡牘之類也。

[三] 集解] 韋昭曰:「尚,奉也。不敢言娶。」

四〕(集解)徐廣曰:「提音弟。」 駟案:應劭曰「陌額絮也」。如淳曰「太后恚怒,遭得左右物提之也」。 晉灼日 「巴蜀

異物志謂頭上巾爲冒絮」。 患者,嗔也。遭者,逢也。謂太后嗔,乃逢冒絮,因以提帝。陌音「蠻貊」之「貊」。方言云「幪巾,南楚之閒云 [索隱] 服虔云「綸絮也。提音弟,又音啼」,非也。蕭該音底。提者,擲也,蕭音爲

阿名山山

〔三〕[樂解] 應劭曰:「言勃誅諸吕,廢少帝,手貫璽時尚不反,況今更有異乎。」

絳侯復就國。 孝文帝十一年卒,謚爲武侯。子勝之代侯。六歲,尚公主,不相中、二

坐殺人,國除。 絕一歲,文帝乃擇絳侯勃子賢者河内守亞夫,封爲條侯、己續絳侯後。

[一][樂解] 如淳曰:「猶言不相合當。」

三」集解除廣日:「表皆作『脩』字。」 駰案:服虔曰「脩音條」。 索隱地理志條縣屬渤海郡。

云:「故蓧城俗名南條城,在德州篠縣南十二里,漢縣。」

正義括地志

條侯亞夫自未侯爲河内守時,許負相之,「己曰:「君後三歲而侯。 侯八歲爲將相,持國

亞夫,乃封亞夫爲條侯,續絳侯後。 卒,子當代,亞夫何説侯乎?然既已貴如負言,又何説餓死?指示我。」許負指其口曰: 秉,[三]貴重矣,於人臣無兩。 「有從理人口,「『〕此餓死法也。」居三歲,其兄絳侯勝之有罪,孝文帝擇絳侯子賢者,皆推 其後九歲而君餓死。」亞夫笑曰:「臣之兄已代父侯矣,有如

[一] [索隱] 應劭云:「負,河内温人,老嫗也。」姚氏按:楚漢春秋高祖封負爲鳴雌亭侯,是知婦人亦有封邑。

(二) 索隱 音柄。

(三)|索隠|從音子容反。從理,横理。

韶』。」「鬥」居無何,上至,又不得人。於是上乃使使持節韶將軍:「吾欲人勞軍。」亞夫乃傳 稱謝:「皇帝敬勞將軍。」成禮而去。既出軍門,羣臣皆驚。文帝曰:「嗟乎,此真將軍矣! 至營,將軍亞夫持兵揖曰:「介胄之士不拜,請以軍禮見。」「尽〕天子爲動,改容式車。ても〕使人 言開壁門。壁門士吏謂從屬車騎曰:「將軍約,軍中不得驅馳。」於是天子乃按轡徐行。 至,不得人。先驅曰:「天子且至」」軍門都尉曰:「將軍令曰『軍中聞將軍令,不聞天子之 馳人,將以下騎送迎。已而之細柳軍,軍士吏被甲,鋭兵刃,彀弓弩,持滿。〔四〕天子先驅 軍棘門、「一以河内守亞夫爲將軍,軍細柳、「一」以備湖。上自勞軍。至霸上及棘門軍,直 文帝之後六年,匈奴大人邊。乃以宗正劉禮爲將軍,軍霸上、八司祝兹侯徐厲爲將軍,

曩者霸上、 棘門軍,若兒戲耳,其將固可襲而虜也。 至於亞夫,可得而犯邪」稱善者久

之。月餘,三軍皆罷。乃拜亞夫爲中尉。「八」

[一][正義] 廟記云:「霸陵卽霸上。」按:霸陵城在雍州萬年縣東北二十五里。

[三][正義]孟康云:「秦時宫也。」括地志云:「棘門在潤北十餘里,秦王門名也。」

[三][正義] 括地志云:「細柳倉在雍州咸陽縣西南二十里也。」

[四][索隱] 穀者、張也。

「五〕[索隱] 六韜云:「軍中之事,不聞君命。」

[*] [樂解] 應劭曰:「禮『介者不拜』。」 [索隱] 應劭云:「左傳『晉郤克三肅使者而退』,杜預注『肅,若今撎』。鄭衆注

周禮『肅拜』云『但俯下手,今時擅是』。」

[中][索隱] 軾者,車前横木。若上有敬,則俯身而憑之。

[八][正義] 漢書百官表云:「中尉,秦官,掌徼巡京師。武帝太初元年,更名執金吾。」應劭云:「吾者,禦也。掌執金

吾以禦非常。」顔師古云:「金吾,鳥名,主辟不祥。 天子出行,職主先導, 以備非常, 故執此鳥之象, 因以名官

也。

孝文且崩時,誡太子曰:「卽有緩急,周亞夫真可任將兵。」文帝崩,拜亞夫爲車騎將

軍。

綘

孝景三年,吴楚反。亞夫以中尉爲太尉,八二東擊吳楚。因自請上曰:「楚兵剽輕,八三難

與争鋒。願以梁委之,「『〕絶其糧道,乃可制。」上許之。

[一][正義]漢書百官表云:「太尉、秦官、掌武「事」。 元狩四年置大將軍大司馬。」即今十二衛大將軍及兵部尚書也。

[二] [索隱] 漢書亞夫至淮陽,問鄧都尉,爲畫此計,亞夫從之。今此云「自請」者,蓋此亦聞疑而傳疑,漢史得其實也。

剽音疋妙反。輕讀從去聲。

(三) [索隱] 謂以梁委之於吴,使吴兵不得過也。亦有作餧音,亦通。

乃以太尉計謀爲是。由此梁孝王與太尉有卻。 其兵,購吴王千金。 月餘,越人斬吴王頭以告。[四]凡相攻守三月,而吴楚破平。 於是諸將 破之。吴王濞弃其軍,而與壯士數千人亡走,保於江南丹徒。「心漢兵因乘勝,遂盡虜之,降 尉使備西北。已而其精兵果奔西北,不得人。吴兵既餓,乃引而去。太尉出精兵追擊,大 驚,内相攻擊擾亂,至於太尉帳下。 太尉終卧不起。 頃之,復定。 後吴奔壁東南陬,云三太 而使輕騎兵弓高侯等口絕吳楚兵後食道。吳兵乏糧,飢,數欲挑戰,終不出。夜,軍中 請太尉,太尉守便宜,不肯往。梁上書言景帝,景帝使使韶救梁。太尉不奉韶,堅壁不出, 太尉既會兵滎陽,吳方攻樑,梁急,請救。太尉引兵東北走昌邑,深壁而守。梁日使使

[二] | 索隱 | 韓穨當也。 | 正義 | 弓高, 滄州縣也。

[二][集解]如淳曰:「陬,隅也。」 [索隱]音子侯反。

索隱地理志縣屬會稽。 里。丹徒峴東南連互,盤紆屈曲,有象龍形,故秦鑿絕頂,闊百餘步,又夾阬龍首,以毁其形。阬之所在,卽今龍、 云『吴王濞反,走丹徒,越人殺之於此城南』。徐州記云『秦使赭衣鑿其地,因謂之丹徒。鑿處今在故縣西北六 正義] 括地志云:「丹徒故城在潤州丹徒縣東南十八里,漢丹徒縣也。 晉太康地志

月二湖,悉成田也』。」

四][正義]越人即丹徒人。越滅吴,丹徒地屬楚。秦滅楚後,置三十六郡,丹徒縣屬會稽郡,故以丹徒爲越人也。

歸,復置太尉官。五歲,遷爲丞相,景帝甚重之。景帝廢栗太子,丞相固争之,不得。

景帝由此疏之。而梁孝王每朝,常與太后言條侯之短。

議之,亞夫曰:「高皇帝約『非劉氏不得王,非有功不得侯。不如約,天下共擊之』。今**信**雖 乃(封) 其子彭祖顧得侯。[1]吾甚恨之。帝趣侯信也!」景帝曰:「請得與丞相議之。」丞相 乃侯之。信未得封也。」竇太后曰:「人主各以時行耳。〔三〕自竇長君在時,竟不得侯,死後 皇后兄,無功,侯之,非約也。」景帝默然而止。 竇太后曰:「皇后兄王信可侯也。」景帝讓曰:「始南皮、章武侯(二)先帝不侯,及臣卽位

海侯周勃世家第二十七 (果解)瓚曰:「南皮,實彭祖,太后兄子。 章武侯,太后弟廣國。」

[二] [索隱] 謂人主各當其時而行事,不必一一相法也。 正義 人主作「人生」。

[三][索隱]許慎注淮南子云:「顧,反也。」

陛下侯之,則何以責人臣不守節者乎。」景帝曰:「丞相議不可用。」乃悉封〔唯〕徐盧等爲 其後匈奴王「唯」徐盧等五人降,景帝欲侯之以勸後。丞相亞夫曰:「彼背其主降陛下,

[一][索隱]功臣表唯徐盧封容城侯。

列侯。自己亞夫因謝病。景帝中三年,以病免相。

謂尚席取櫡。〔三〕景帝視而笑曰:「此不足君所乎。」〔三〕條侯免冠謝。上起,條侯因趨出。 頃之,景帝居禁中,召條侯,賜食。獨置大胾,仁己無切肉,又不置櫡。條侯心不平,顧

景帝以目送之,曰:「此怏怏者非少主臣也」」

[一][集解]韋昭曰:「胾,大臠也。 音側吏反。」 [索隱] 臠音李轉反。謂肉臠也。

[三][樂解] 應劭曰:「尚席,主席者。」 [索隱] 顧氏按與服雜事云「六尚,尚席,掌武帳帷幔也」。 椿音筯。漢書作 箸者,食所用也。 留侯云「借前箸以籌之」。 禮曰「羹之有菜者用梜」。 **梜亦箸之類,故鄭玄云「今人謂箸**

爲梜」是也。

[]] [集解] 孟康曰:「設胾無筯者,此非不足滿於君所乎?嫌恨之。」 視而笑也。若本不爲足,當別有辭,未必爲之笑也。孟康、晉灼雖探古人之情,亦未必能得其實。顧氏亦同孟氏 索隱」言不設箸者,此蓋非我意,於君有不足乎。故如淳云「非故不足君之食具,偶失之耳」。蓋當然也,所以帝 如淳曰:「非故不足君之食具也,偶失之。」

之說,又引魏武賜荀彧虚器,各記異説也。

死。國除。 益急。初,吏捕條侯,條侯欲自殺,夫人止之,以故不得死,遂入廷尉。因不食五日,嘔血而 曰:「臣所買器,乃葬器也,何謂反邪。」吏曰:「君侯縱不反地上,即欲反地下耳。」 吏侵之 條侯不對。景帝罵之曰:「吾不用也。」「私」召詣廷尉。「私」廷尉責曰:「君侯欲反邪。」亞夫 知其盗買縣官器,「『〕怒而上變告子,事連汙條侯。「『〕書既聞上,上下吏。 吏簿責條侯,「『〕 居無何,條侯子爲父買工官尚方〔〕甲楯五百被〔三〕可以葬者。取庸苦之,不予錢。庸

【一〕[集解]徐廣曰:「一作『西』。」 [索隱] 工官卽尚方之工,所作物屬尚方,故云工官尚方。

[三] [樂解] 徐廣曰:「音披。」翺案:如淳曰「工官,官名也」。 張晏曰「被,具也。 五百具甲楯」。

[1] [索隱] 縣官謂天子也。所以謂國家爲縣官者,夏(家)[官]王畿内縣卽國都也。王者官天下,故曰縣官也。

〔四〕|索隱| 汙音鳥故反。

[五] 樂解] 如淳曰:「簿問責其情。」

[宋][集解] 孟康曰:「不用汝對、欲殺之也。」如淳曰:「恐獄吏畏其復用事、不敢折辱。」 [索隱] 孟康、 解,大顔以孟説爲得。而姚察又别一解,云「帝責此吏不得亞夫直辭,以爲不足任用,故召亞夫别詣廷尉,

[中][正義]景帝見條侯不對簿,因責罵之曰:「吾不任用汝也。」故召詣廷尉,使重推劾耳。 餘說皆非也。

侯周勃世家第二十七

絕一歲,景帝乃更封絳侯勃他子堅爲平曲侯,續絳侯後。十九年卒,謚爲共侯。子建

|徳代侯,十三年,爲太子太傅。 坐酎金不善,元鼎五年,有罪,國除。[1]

[一] [集解] 徐廣曰:「諸列侯坐酎金失侯者,皆在元鼎五年,但此辭句如有顛倒。」 [索隱] 既云「坐酎金不善」,復云 「元鼎五年有罪國除」,似重有罪,故云顛倒。 而漢書云「爲太子太傳,坐酎金免官。後有罪,國除」,其文又錯也。 按:表坐免官,至元鼎五年坐酎金又失侯,所以二史記之各有不同也。

條侯果餓死。死後,景帝乃封王信爲蓋侯。

重,執堅刃,穰苴曷有加焉!足已而不學,仁己守節不遜,仁己終以窮困。悲夫! 相位,諸吕欲作亂,勃匡國家難,復之乎正。雖伊尹、周公,何以加哉!亞夫之用兵, 太史公曰:絳侯周勃始爲布衣時,鄙樸人也,才能不過凡庸。及從高祖定天下, 在將

[一] [索隱] 亞夫自以已之智謀足,而[不]虚已(不)學古人,所以不體權變,而動有違忤。

[二] [索隱] 守節謂争栗太子,不封王信、[唯]徐盧等;不遜謂顧尚席取箸,不對制獄是也。

【索隱述贊】絳侯佐漢,質厚敦篤。始擊陽東,亦圍尸北。所攻必取,所討咸克。 陳豨伏誅,臧荼破國。

事居送往,推功伏德。列侯還第,太尉下獄。繼相條侯,紹封平曲。 惜哉賢將,父子代辱!

史記卷五十八

梁孝王世家第二十八

立二十九年,元光二年卒。子議立,是爲代王。十九年,漢廣關,以常山爲限,而徙代王王 盡與太原王,號曰代王。慘立十七年,孝文後二年卒,謚爲孝王。子登嗣立,是爲代共王。 二年,以武爲代王,气己以參爲太原王,气己以勝爲梁王。〔8〕二歲,徙代王爲淮陽王。〔8〕以代 孝文帝凡四男:長子曰太子,是爲孝景帝,次子武,次子廖,次子勝。[二孝文帝即位 梁孝王武者,孝文皇帝子也,而與孝景帝同母。母,竇太后也。

[一][正義]漢書「勝」作「揖」。又云「諸姬生代孝王參、梁懷王揖」。言諸姬者,衆妾卑賤,史不書姓,故云諸姬也。

情河。C &]清河王徙以元鼎三年也。

[二] 集解 徐廣日:「都中都。」 [正義] 括地志云:「中都故城在汾州平遥縣西十二里。」

[三] 集解]徐廣日:「都晉陽。」 正義]括地志云:「并州太原地名大明城,即古晉陽城。 智伯與韓魏攻趙襄子於晉

陽,即此城是也。」

梁孝王世家第二十八

四〕集解 徐廣日:「都睢陽。」 抵地志云:「宋州宋城縣在州南二里外城中,本漢之雕陽縣也。漢文帝封子武於大梁,以其卑溼,徙雕陽,故改曰 [索隱] 漢書梁王名揖,蓋是矣。按:景帝子中山靖王名勝,是史記誤耳。 正義

[五]集解]徐廣曰:「都陳。」 [正義] 卽古陳國城也。

梁也。」

[正義] 括地志云:「清陽故城在貝州清陽縣西北八里也。」

年,徙淮陽王武爲梁王。梁王之初王梁,孝文帝之十二年也。梁王自初王通歷已十一年 初,武爲淮陽王十年,而梁王勝卒,謚爲梁懷王。懷王最少子,愛幸異於他子。其明

[一] [索隱] 謂自文帝二年初封代,後徙淮陽,又徙梁,通數文帝二年至十二年徙梁爲十一年也。 |梁王十四年,人朝。十七年,十八年,比年人朝,留,其明年,乃之國。 二十一年,人朝。

|王燕飲,嘗從容言曰:「千秋萬歲後傳於王。」王辭謝。 雖知非至言,然心内喜。 太后亦然。 二十二年,孝文帝崩。二十四年,人朝。二十五年,復入朝。是時上未置太子也。上與梁

其春,吴楚齊趙七國反。吴楚先擊梁棘壁,自己殺數萬人。梁孝王城守睢陽,而使韓安

|楚破,而||梁所破殺虜略與||漢中分。[三]明年,||漢立太子。 其後||梁最親,有功,又爲大國,居天 國、張羽等爲大將軍,以距吳楚。吳楚以梁爲限,不敢過而西,與太尉亞夫等相距三月。吴

下膏腴地。 地北界泰山,西至高陽,气型四十餘城,皆多大縣。

集解 文穎曰:「地名。」 [索隱] 按"左傳宣公二年,宋華元戰于大棘。 杜預云在襄邑東南、蓋即棘壁是也。

[正義] 括地志云:「大棘故城在宋州寧陵縣西南七十里。」

[二][樂解]漢書音義曰:「梁所虜吴楚之捷,略與漢等。」

『] [集解] 徐廣曰:「在陳留圉縣。」駟案:司馬彪曰「圍有高陽亭」也。 **索隱** 圉縣屬陳留。 高陽,鄉名也。

司馬彪者,出續漢書郡國志也。

睢陽城七十里。「『〕大治宫室,爲複道,自宫連屬於平臺三十餘里。「『〕得賜天子旌旗, 中尉,梁號之曰公孫將軍。 士莫不畢至。齊人羊勝、公孫詭、鄒陽之屬。公孫詭多奇邪計、ても〕初見王,賜千金,官至 千乘萬騎。[馬]東西馳獵,擬於天子。出言趮,人言警。[к]招延四方豪桀,自山以東游說之 孝王,竇太后少子也,愛之,賞賜不可勝道。於是孝王築東苑,行己方三百餘里。行己廣 梁多作兵器弩弓矛數十萬,而府庫金錢且百巨萬,「八」珠玉寶器

[索隱] 築謂建也。臼虎通云:「苑所以東者何?蓋以東方生物故也。」

多於京師。

[二][索隱] 蓋言其奢,非實辭。 雜記云『梁孝王苑中有落猨巖、栖龍岫、鴈池、鶴洲、鳧島。 諸宮觀相連,奇果佳樹,瑰禽異獸,靡不畢備』。 俗人 或者梁國封域之方。 [正義] 括地志云:「兔園在宋州宋城縣東南十里。 葛洪西京

言梁孝王竹園 也。

王 世 家第二十八

[]] [索隱] 蘇林云:「廣其徑也。」太康地理記云:「城方十三里,梁孝王築之。 鼓倡節杵而後下和之者, 稱睢陽曲。

今踵以爲故,所以樂家有雖陽曲,蓋采其遺音也。」

[四] (樂解) 徐廣曰:「睢陽有平臺里。」 駰案:如淳曰「在梁東北,離宫所在也」。 晉灼曰「或說在城中東北角」。 索隱」如淳云「在梁東北,離宫所在」者,按今城東二十里臨新河,有故臺址,不甚高,俗云平臺,又一名脩竹苑。

西京雜記云「有落猿巖、鳧洲、鴈渚,連互七十餘里」是也。

[五][索隱]漢定儀曰:「天子法駕三十六乘,大駕八十一乘,皆備千乘萬騎而出也。」

[水][索隱]漢舊儀云:「皇帝輦動稱警,出殿則傳蹕,止人清道。」言出人者,互文耳,人亦有蹕。

[4][索隱] 周禮「有奇衰之人」,鄭玄云「奇衰,譎怪非常也。奇音紀宜反,邪音斜」也。

[八][索隱]如淳云:「巨亦大,與大百萬同也。」韋昭云:「大百萬,今萬萬。」

因留。以太后親故,王入則侍景帝同輦,出則同車游獵,射禽獸上林中。 二十九年十月,梁孝王入朝。景帝使使持節乘輿駟馬,迎梁王於關下。「」既朝, 梁之侍中、郎、謁

者著籍引出人气,天子殿門,與漢宦官無異。

[一] [樂解] 鄧展曰:「但將駟馬往。」瓚曰:「稱乘輿駟馬,則車馬皆往,言不駕六馬耳。 天子副車駕駟馬。」

[二][正義]著,竹略反。籍謂名簿也,若今通引出人門也。

竇太后義格、「己亦遂不復言以梁王爲嗣事由此。以事祕,世莫知。乃辭歸國。 十一月,上廢栗太子,實太后心欲以孝王爲後嗣。大臣及袁盎等有所關説於景帝、「一」

[一][索隱] 袁盎云「漢家法周道立子」,是有所關涉之説於帝也。一云關者,隔也。引事而關隔,其説不得行也。

[二][集解]如淳曰:「竣閣不得下。」 [索隱] 張晏云「格,止也」。服虔云「格謂格閣不行」。 蘇林音閣。 周成雜字「跂

閣也」。通俗文云「高置立攱棚云攱閣」。字林音紀,又音詭也。

恐,乃使韓安國因長公主謝罪太后,然后得釋。 殺袁盎及他議臣十餘人。逐其賊,未得也。於是天子意梁王,「己逐賊,果梁使之。乃遣使 軒丘豹气,及内史韓安國進諫王,王乃令勝、詭皆自殺,出之。上由此怨望於梁王。 冠蓋相望於道,覆按梁,捕公孫詭、羊勝。公孫詭、羊勝匿王後宫。使者責二千石急, 其夏四月,上立膠東王爲太子。梁王怨袁盎及議臣,乃與羊勝、公孫詭之屬陰使人刺 梁相

一 索隱 謂意疑梁刺之。

〔三〕[正義] 姓軒丘,名別也。

於是梁王伏斧質於闕下,謝罪,然後太后、景帝大喜,相泣,復如故。悉召王從官入關。然 園。 景帝益疏王,不同車輦矣。 漢使使迎王,王已入關,車騎盡居外,不知王處。 太后泣曰:「帝殺吾子」景帝憂恐。 上怒稍解,因上書請朝。既至關,茅蘭「一說王,使乘布車,「一」從兩騎人,匿於長公主

[一] (樂解) 漢書音義曰:「茅蘭,孝王臣。」

[二][集解]張晏曰:「布車,降服,自比喪人。」

出背上,公司孝王惡之。六月中,病熱,六日卒,諡曰孝王。公司 三十五年冬,復朝。上疏欲留,上弗許。歸國,意忽忽不樂。 北獵良山、二有獻牛,足

一][索隱]漢書作「梁山」。,述征記云「良山際清水」。今壽張縣南有良山,服虔云是此山也。 正義 括地志云「梁

山在鄆州壽張縣南三十五里」,即獵處也。

[三][索隱]張晏云:「足當處下、所以輔身也、今出背上、象孝王背朝以干上也。北者、陰也。又在梁山、明爲梁也。 牛者,丑之畜,衝在六月。 北方數六,故六月六日薨也。」

[三][索隱] 述征記:「碣有梁孝王之冢。」

梁王薨,竇太后哭極哀,不食,曰:「帝果殺吾子」」景帝哀懼,不知所爲。與長公主計之, 乃分梁爲五國,<二盡立孝王男五人爲王,女五人皆食湯沐邑。於是奏之太后,太后乃説, 孝王慈孝,每聞太后病,口不能食,居不安寢,常欲留長安侍太后。太后亦愛之。及聞

[一] [索隱] 長子買,梁共王。子明,濟川王。子彭離,濟東王。子定,山陽王。子不識,濟陰王。

爲帝加壹湌。

梁孝王長子買爲梁王,是爲共王,子明爲濟川王,子彭離爲濟東王,子定爲山陽王,

子不識爲濟陰王。

孝王未死時,財以巨萬計,不可勝數。 梁共王三年,景帝崩。共王立七年卒,子襄立,是爲平王。 及死,藏府餘黄金尚四十餘萬斤,他財物稱是。

争門,措指,[『]遂不得見漢使者。 李太后亦私與食官長及郎中尹霸等士通亂,[四]而王與 命,無得以罍樽與人。他物雖百巨萬,猶自恣也。」任王后絶欲得之。平王襄直使人開府 平王之后姓任,日任王后。任王后甚有寵於平王襄。初,孝王在時,有罍樽,〔三〕直千金。 任王后以此使人風止李太后,李太后內有淫行,亦已。後病薨。病時,任后未嘗請病,薨, 取罍樽,賜任王后。李太后大怒,漢使者來,欲自言,平王襄及任王后遮止,閉門,李太后與 孝王誡後世,善保罍樽,無得以與人。任王后聞而欲得罍樽。平王大母李太后曰:「先王有 又不持喪。 梁平王襄门子四年,母日陳太后。共王母日李太后。李太后,親平王之大母也。而

〔一〕[索隱] 漢書作「讓」。

〔三〕[集解] 鄭德曰:「上蓋刻爲婁雷象。」 [索隱] 應劭曰:「詩云『酌彼金罍』。 罍者,畫雲雷之象以金飾之。」

[1]] [樂解] 晉灼曰:「許慎云『措,置』。 字借以爲笮。」 [索隱] 措音迮,側格反。 漢書王陵傳「迫迮前隊」,皆作此字。

説文云「笮,迫也」。 謂爲門扇所笮。

四][正義] 張先生舊本有「士」字,先生疑是衍字,又不敢除,故以朱大點其字中心。今按:食官長及郎中尹霸等是 士人,太后與通亂,其義亦通矣。

卒, 諡爲平王。子無傷立爲梁王也。 其書聞天子。天子下吏驗問,有之。公卿請廢襄爲庶人。天子曰:「李太后有淫行,而梁王 襄無良師傅,故陷不義。」乃削梁八城,梟任王后首于市。梁餘尚有十城。襄立三十九年 戚。反知國陰事,乃上變事,具告知王與大母争樽狀。時丞相以下見知之,欲以傷梁長吏, 類犴反殺其仇於車上而去。)准陽太守怒,以讓梁二千石。二千石以下求反甚急,執反親 |元朔中,|睢陽人類犴反者,[二]人有辱其父,|而與淮陽太守客出同車。太守客出下車,

[一] | 索隱 | 韋昭云「犴音岸」。按:類犴反,人姓名也。反字或作「友」。

有司請誅,天子弗忍誅,廢明爲庶人,遷房陵,地入于漢爲郡。 濟川王明者,梁孝王子,以桓邑侯与之孝景中六年爲濟川王。七歲,坐射殺其中尉,漢

〔一〕 索屬 地理志桓邑闕。

濟東王彭離者,梁孝王子,以孝景中六年爲濟東王。二十九年,彭離驕悍,無人君禮,

之,莫敢夜行。 昏暮私與其奴、亡命少年數十人行剽殺人,取財物以爲好。〔〕所殺發覺者百餘人,國皆知 所殺者子上書言。 漢有司請誅,上不忍,廢以爲庶人,遷上庸,地入于漢,爲

プル君

[一] 集解 如淳曰:「以是爲好喜之事。」

山陽哀王定者,梁孝王子,以孝景中六年爲山陽王。九年卒,無子,國除,地入于漢,爲

山陽郡。

濟陰哀王不識者,梁孝王子,以孝景中六年爲濟陰王。 一歲卒,無子,國除,地人于漢

爲濟陰郡。

貨,廣宫室,車服擬於天子。 太史公曰:梁孝王雖以親愛之故,王膏腴之地,然會漢家隆盛,百姓殷富,故能植其財 然亦僭矣。

望,欲爲不善者,事從中生。今太后,女主也,以愛少子故,欲令梁汪爲太子。大臣不 時正言其不可狀, 褚先生曰:臣爲郎時、聞之於宫殿中老郎吏好事者稱道之也。 竊以爲令梁孝王怨 阿意治小,私説意以受賞賜,非忠臣也。 齊如魏其侯竇嬰之正言

乎」於是景帝默然無聲。太后意不說。 喜説。竇嬰在前,據地言曰:「漢法之約,傳子適孫,今帝何以得傳弟,擅亂高帝約 也、「一」何以有後禍?景帝與王燕見,侍太后飲,景帝曰:「千秋萬歲之後傳王。」太后

[一] [索隱] 寶嬰、袁盎皆言如周家立子,不合立弟。

后之重,驕蹇日久,數聞景帝好言,千秋萬世之後傳王,而實不行。 必行之。」於是乃封小弟以應縣。[一]是後成王没齒不敢有戲言,言必行之。孝經曰: 「天王封弟,甚善。」成王曰:「吾直與戲耳。」周公曰:「人主無過舉,不當有戲言,言之 「非法不言,非道不行。」此聖人之法言也。今主上不宜出好言於梁王。梁王上有太 故成王與小弱弟立樹下,取一桐葉以與之,曰:「吾用封汝。」周公聞之,進見曰:

[一] [索隱] 此説與晉系家不同,事與封叔虞同,彼云封唐,此云封應,應亦成王之弟,或别有所見,故不同。 也。又汲冢古文云殷時已有應國,非成王所造也。 括地志云:「故應城,故應鄉也,在汝州魯山縣東四十里。」吕氏春秋云「成王戲削桐葉爲圭,以封叔虞」,非應侯

不過二十日。小見者,燕見於禁門内,飲於省中,非士人所得人也。今梁王西朝,因 賀正月,法見;後三日,爲王置酒,賜金錢財物;後二日,復入小見,辭去。凡留長安 又諸侯王朝見天子,漢法凡當四見耳。始到,入小見,到正月朔旦,奉皮薦璧玉 朱孝王世家第二十八

留,且半歲。人與人主同輦,出與同車。示風以大言而實不與,令出怨言,謀畔逆,乃 侯俱朝見,十餘歲一至。今梁王常比年入朝見,久留。鄙語曰「驕子不孝」,非惡言也。 隨而憂之,不亦遠乎!非大賢人,不知退讓。今漢之儀法,朝見賀正月者,常一王與四 故諸侯王當爲置良師傅,相忠言之士,如汲黯、韓長孺等,敢直言極諫,安得有患害!

其本始,故立長子。周道,太子死,立適孫。殷道,太子死,立其弟。」帝曰:「於公何 舉身曰:「諾。」罷酒出,帝召袁盎諸大臣通經術者曰:「太后言如是,何謂也。」皆對 刺殺兄子。以故國亂,禍不絶。故春秋曰『君子大居正,宋之禍宣公爲之』。臣請見 |公死,不立子而與弟。 弟受國死,復反之與兄之子。 弟之子争之,以爲我當代父後,卽 如。」皆對曰:「方今漢家法周,周道不得立弟,當立子。故春秋所以非宋宣公。宋宣 尊者,立子。一殷道質,質者法天,親其所親,故立弟。一周道文,文者法地,尊者敬也,敬 曰:「太后意欲立梁王爲帝太子。」帝問其狀,袁盎等曰:「殷道親親者,立弟。周道尊 復立帝子。」袁盎等以宋宣公不立正,生禍,禍亂後五世不絶,小不忍害大義狀報太 太后白之。」|袁盘等人見太后:「太后言欲立梁王,梁王卽終,欲誰立。」太后曰:「吾 曰:「吾聞殷道親親,周道尊尊、「己其義一也。安車大駕,用梁孝王爲寄。」景帝跪席 蓋聞梁王西入朝,謁竇太后,燕見,與景帝俱侍坐於太后前,語言私説。太后謂帝

爲之者,獨其幸臣羊勝、公孫詭之屬爲之耳。謹以伏誅死,梁王無恙也。」景帝喜說, 取火 悉 燒梁之反辭,但空手來對景帝。景帝曰:「何如。」對曰:「言梁王不知也。造 見。太后不食,日夜泣不止。景帝甚憂之,問公卿大臣,大臣以爲遣經術吏往治之,乃 以此知而發覺之,發使者捕逐之。獨梁王所欲殺大臣十餘人,文吏窮本之,謀反端頗 置其劍,劍著身。視其劍,新治。問長安中削厲工,工曰:「梁郎某子「三」來治此劍。」 可以爲三公及左右近臣。少見之人,如從管中闚天也。 曰:「急趨謁太后。」太后聞之,立起坐湌,氣平復。故日,不通經術知古今之大禮,不 可解。於是遣田叔、吕季主往治之。此二人皆通經術,知大禮。來還,至霸昌廢,至以 殺袁盎。袁盎顧之曰:「我所謂袁將軍者也,公得毋誤乎。」刺者曰:「是矣!」刺之, 后。太后乃解説,卽使梁王歸就國。而梁王聞其義出於袁盎諸大臣所,怨望,使人來

[索隱] 殷人尚質,親親,謂親其弟而授之。周人尚文,尊尊,謂尊祖之正體。故立其子,尊其祖也。

〔三〕 索隱 謂梁國之郎,是孝王官屬。 某子,史失其姓名也。

〔三〕[正義] 括地志云:「漢霸昌廄在雍州萬年縣東北三十八里。」

寶嬰正議,袁盎劫傷。 漢窮梁獄,冠蓋相望。禍成驕子,致此猖狂。 雖分五國,卒亦不昌。 【索隱述贊】文帝少子,徙封於梁。太后鍾愛,廣築睢陽。旌旂警蹕,勢擬天王。功扞吴楚,計醜孫羊。

史記卷五十九

五宗世家第二十九

同母者爲宗也。

[索隱] 景帝子十四人,一武帝,餘十三人爲王,漢書謂之「景十三王」。此名「五宗」者,十三人爲王,其母五人,

姬子曰餘、非、端。 孝景皇帝子凡十三人爲王,而母五人,同母者爲宗親。栗姬子曰榮、德、閼于。〔〕程 賈夫人子曰彭祖、勝。 唐姬子曰發。汪夫人兒姁⊆一子曰越、寄、乘、舜。

[一][索隱] 閼音遏。漢書無「于」字。

[二] |索隱] 況羽反。兒姁,夫人名也。王皇后之妹也。

河閒獻王德,仁己以孝景帝前二年用皇子爲河閒王。好儒學,被服造次必於儒者。 Щ

東諸儒多從之游。

五宗世家第二十九 [索隱] 漢書云「大行令奏:諡法日聰明睿智曰獻」。

二十六年卒、「二子洪王不害立。四年卒,子剛王基代立。十二年卒,子頃王授代

了。二二

[一] [集解] 漢名臣奏:「杜業奏日『河閒獻王經術通明,積德累行,天下雄俊衆儒皆歸之。 孝武帝時,獻王朝,被服造 顏云「被服,言常居處其中也;造次,謂所向所行皆法於儒者」。 知其意,歸即縱酒聽樂,因以終』。」 [索隱]注「問以五策」。 按:漢書韶策問三十餘事。 「被服造次」。 按:小 次必於仁義。問以五策,獻王輒對無窮。 孝武帝艴然難之,謂獻王曰:「湯以七十里,文王百里,王其勉之。」王

[三][索隱]漢書云授謚頃,音傾也。

臨江哀王閼于,以孝景帝前二年用皇子爲臨江王。三年卒,無後,國除爲郡。

臨江閔王榮,以孝景前四年爲皇太子,四歲廢,用故太子爲臨江王。

江陵父老流涕竊言曰:「吾王不反矣」」 樂至,詣中尉府簿。 四年,坐侵廟壖垣气〕爲宫,上徵樂。樂行,祖於江陵北門。气〕既已上車, 中尉邳都責訊王,王恐,自殺。 軸折車廢。

葬藍田。燕數萬銜土置冢上,百姓憐之。

|[索隱] 服虔云「宮外之餘地」。 顧野王云「牆外行馬内田」。 音人椽反,又音軟,又音奴亂反。 壖垣,牆外之短垣

[三] [索隱] 按:祖者行神,行而祭之,故曰祖也。風俗通云「共工氏之子曰修,好遠遊,故祀爲祖神」。 徵,出城北門而車軸折。 道,則用黄羝或用狗,以其血釁左輪也。 本紀皆言累祖黃帝妃,無爲行神之由也。又聘禮云「出祖釋軷,祭酒脯」而已。按:今祭禮,以軷壤土爲壇於 「黄帝之子累祖,好遠遊而死於道,因以爲行神」,亦不知其何據。蓋見其謂之祖,因以爲累祖,非也。 爲榮不以道終也。」 父老共流涕曰:『吾王不反矣!』既而爲郅都所訊,懼而縊死。自此後北門存而不啓,蓋 [正義] 荆州圆副云:「漢臨江閔王榮始都江陵城,坐侵廟壖地爲宫,被 又崔浩云 據帝系及

樂最長、自己死無後,國除,地人于漢,爲南郡。

[一][正義] 顔師古云:「樂實最長,而傳居二王後者,以其從太子廢後乃爲王也。」

右三國本王皆栗姫之子也。

好治宫室苑囿狗馬。季年好音,不喜辭辯。爲人吃。 魯共王餘,以孝景前二年用皇子爲淮陽王。二年,吳楚反破後,以孝景前三年徙爲魯

【一][正義]晚節猶言末年時。 嗇,貪恡也。 二十六年卒,子光代爲王。初好音輿馬,晚節嗇,〔□惟恐不足於財。

五 世家第二十九

宗

旗。 桀,驕奢甚。 願擊吳。景帝賜非將軍印,擊吳。吳已破,二歲,徙爲江都王,治吳故國,以軍功賜天子旌 元光五年,匈奴大人漢爲賊,非上書願擊匈奴,上不許。非好氣力,治宮觀,招四方豪 江都易王非、气心以孝景前二年用皇子爲汝南王。吴楚反時,非年十五,有材力,上書

[一][索隱]按:"諡法「好更故舊曰易」也。

王建。 姦。[三]事既聞,漢公卿請捕治建。 天子不忍,使大臣卽訊王。 未葬,建有所説易王寵美人淖姬,

「」夜使人迎與姦服舍中。及淮南事發,治黨與頗及江都 近淮南,恐一日發,爲所并,卽陰作兵器,而時佩其父所賜將軍印,載天子旗以出。易王死 立二十六年卒,子建立爲王。七年自殺。 建恐,因使人多持金錢,事絶其獄。而又信巫祝,使人禱祠妄言。 淮南、衡山謀反時, 王服所犯,遂自殺。 建頗聞其謀。 建又盡與其姊弟 自以爲國 國除,地

人于漢,爲廣陵郡。

一] 集解 蘇林日 「淖音泥淖」。 云「建召易王所愛淖姬等十人,與姦服舍中」。 [索隱]鄭氏音卓,蘇林音「泥淖」之「淖」,女教反。淖,姓也,齊有淖齒是。 正義淖,女孝反。 又漢書

[二] [索隱] 漢書云建女弟徵臣爲蓋侯子婦,以易王喪來歸,建復與姦也。

削其國,去太半。 殺其子母。數犯上法,漢公卿數請誅端,天子爲兄弟之故不忍,而端所爲滋甚。 陰痿,行三一近婦人,病之數月。而有愛幸少年爲郎。爲郎者頃之與後官亂,端禽滅之,及 端心愠,遂爲無訾省。[m]府庫壞漏盡,腐財物以巨萬計,終不得收徙。 端爲人賊戾,又 有司再請 令

[一] [索隱] 按:廣周書謚法云「能優其德日于」。

吏毋得收租賦。

端皆去衞?[四]封其宫門,從一門出游。

數變名姓,爲布衣,之他郡國。

[三][正義] 委危反。不能御婦人。

[三][集解] 蘇林日:「爲無所營録,無所省録。」 正義]顔師古云:「訾,財也。省,視也。

言不能視録資財。」

[四][索隱]謂不置宿衞人。

相、二千石往者,奉漢法以治,端輒求其罪告之,無罪者詐藥殺之。所以設詐究變,「一」

彊足以距諫,智足以飾非。相、二千石從王治,則漢繩以法。故膠西小國,而所殺傷二千石

[一][索隱] 究者,窮也。 故郭璞云「究謂窮盡也」。

立四十七年,卒,竟無男代後,國除,地入于漢,爲膠西郡。

五 世 家第二十九

右三國本王皆程姬之子也。

衣阜布衣,自行迎,除二千石舍,〔三〕多設疑事以作動之,得二千石失言,中忌諱,輒書之。 彭祖多内寵姬及子孫。相、二千石欲奉漢法以治,則害於王家。 取故江都易王寵姬王建所盗與姦淖姬者爲姬,甚愛之。 賈人権會,「四〕人多於國經租税。「五」以是趙王家多金錢, 石無能滿二歲,輒以罪去,大者死,小者刑,以故二千石莫敢治。 二千石欲治者,則以此迫劫,不聽,乃上書告,及汙以姦利事。 十五年,孝景帝崩。 趙王彭祖,以孝景前二年用皇子爲廣川王。趙王遂反破後,彭祖王廣川。 彭祖爲人巧佞卑諂,足恭而心刻深。〔〕好法律,持詭辯以中人。〔三〕 然所賜姬諸子, 是以每相、二千石至,彭祖 彭祖立五十餘年,相、二千 而趙王擅權,使使卽縣爲 亦盡之矣。 四年,徙爲趙 彭祖

- [一] | 索隱] 謂刻害深,無仁恩也。
- [二][索隱] 謂詭誑之辯,以中傷於人。
- [三] 索隱] 謂彭祖自爲二千石埽除其舍,以迎之也。
- 229 |_____ 集解 韋昭曰:「平會兩家買賣之賈也。権者,禁他家,獨王家得爲之。」 索隱權音角。 獨言權,謂酤権也。

會音僧,古外反。 謂爲賈人專権買賣之賈,儈以取利,若今之和市矣。 韋昭則訓権爲平,其注解爲得。

[五] 索隱] 經者,常也。謂王家人多於國家常納之租税也。

彭祖不好治宫室、禨祥、气己好爲吏事。 上書願督國中盗賊。 常夜從走卒行徼气心邯鄲

中。諸使過客以彭祖險陂,莫敢留邯鄲。

〔一〕[集解] 服虔曰:「求福也。」 [索隱] 按:埤蒼云「禨,袄祥也」。 列子云「荆人鬼,越人機」。 謂楚信鬼神而越信機

祥也。

[二] [索隱] 上下孟反,下工弔反。 徼是郊外之路,謂巡徼而伺察境界。

其太子丹與其女及同産姊姦,與其客江充有卻。完告丹,丹以故廢。 趙更立太子。

聲色。」趙王亦非之,曰:「中山王徒日淫,不佐天子拊循百姓,何以稱爲藩臣」」 内,有子枝屬百二十餘人。 常與兄趙王相非,曰:「兄爲王,專代吏治事。 王者當日聽音樂 中山靖王勝,以孝景前三年用皇子爲中山王。 十四年,孝景帝崩。 勝爲人樂酒二一好

[一] [正義] 樂,五教反。

立四十二年卒、八二子哀王昌立。一年卒,子昆侈代爲中山王。〔三〕

[一] [索隱]按:漢書建元三年,濟川、中山王等來朝,聞樂而泣。天子問其故,王對以大臣内讒,肺腑日疏,其言甚雄 肚,詞切而理文。天子加親親之好。可謂漢之英藩矣。

五宗世家第二十九

[二][索隱] 漢書昆侈謚康王,子頃王輔嗣,至孫國除也。

右二國本王皆賈夫人之子也。

長沙定王發,發之母唐姬,故程姬侍者。景帝召程姬,程姬有所辟,不願進,行己而飾侍

者唐兒使夜進。上醉不知,以爲程姬而幸之,遂有身。已乃覺非程姬也。及生子,因命曰

發。以孝景前二年用皇子爲長沙王。以其母微,無寵,故王卑溼貧國。[三]

[一] [索隱] 姚氏按:釋名云「天子諸侯羣妾以次進御,有月事者止不御,更不口説,故以丹注面目的旳爲識,令女史 見之」。王粲神女賦以爲「脱袿裳,免簪笄,施玄旳,結羽釵」。旳卽釋名所云也。説文云「姅,女污也」。 漢律云

「見姅變,不得侍祠」。 姅音半。

[三] [集解] 應做曰:「景帝後二年,諸王來朝,有韶更前稱壽歌舞。 曰:"臣國小地狹,不足迴旋。」帝以武陵、零陵、桂陽屬焉。」 定王但張袖小舉手。左右笑其拙,上怪問之,對

立二十七年卒,子康王庸立。二十八年,卒,子鮒鮈立口爲長沙王。

[一] 集解 服虔曰:「鮈音拘。」

右一國本王唐姬之子也。

廣川惠王越,以孝景中二年用皇子爲廣川王。

距怨王,乃上書告王齊與同産姦。自是之後,王齊數上書告言漢公卿及幸臣所忠等。[三] 十二年卒,子齊立爲王。〔□齊有幸臣桑距。已而有罪,欲誅距,距亡,王因禽其宗族。

[一] [索隱] 漢書齊謚繆王。諡法「傷人蔽賢曰繆」。

(ニン[家隱]按:漢書「又告中尉蔡彭祖」。子去嗣,坐暴虐勃亂,國除也。 正義所忠,姓名。

幸,寄常欲立之,爲不次,因有過,遂無言。上憐之,乃以賢爲膠東王奉康王嗣,而封慶於 故衡山地,爲六安王。 意傷之,發病而死,不敢置後,於是上(問)[聞]。寄有長子者名賢,母無寵;少子名慶,母愛 事,私作樓車鏃矢□□戰守備,候淮南之起。及吏治淮南之事,辭出之。□□寄於上最親,□□ 膠東康王寄,以孝景中二年用皇子爲膠東王。二十八年卒。淮南王謀反時,寄微聞其

[一] [樂解] 應劭曰:「樓車,所以窺看敵國營壘之虚實也。」 也。 李巡注爾雅「金鏃,以金爲箭鏑」。鏃,字林音子木反。 [索隱] 左傳云「登樓車以窺宋人」,謂看敵國營壘之虚實

[三][集解]如淳曰:「窮治其辭,出此事。」

五 宗 世 第二十九

[]]集解除 [徐廣曰:「其母武帝母妹。」 [正義] 寄母王夫人即王皇后之妹,於上爲從母,故寄於諸兄弟最爲親愛也。

膠東王賢立十四年卒,謚爲哀王。子慶爲王。二

六安王慶,以<u>元</u>狩二年用膠東康王子爲六安王。

清河哀王乘,以孝景中三年用皇子爲清河王。十二年卒,無後,國除,地入于漢,爲清

河郡。

常山憲王舜,以孝景中五年用皇子爲常山王。 舜最親,景帝少子,驕怠多淫,數犯禁,

上常寬釋之。立三十二年卒,太子樹代立爲王。

勃。 脱共分財物,太子、王后不聽。太子代立,又不收恤脱。脱怨王后、太子。漢使者視憲王 乃至。憲王雅不以長子棁爲人數,及薨,又不分與財物。郎或説太子、王后,令諸子與長子 妒娼(三)不常侍病,輒歸舍。醫進藥,太子勃不自嘗藥,又不宿留侍病。及王薨,王后、太子 王内多,所幸姬生子平、子商,王后希得幸。及憲王病甚,諸幸姬常侍病,故王后亦以 初,憲王舜有所不愛姬生長男悦。自己悦以母無寵故,亦不得幸於王。王后脩生太子

勃。上以脩素無行,使棁陷之罪,勃無良師傅,不忍誅。有司請廢王后脩,徙王勃以家屬 左,王又匿之。吏求捕,勃大急,使人致擊笞掠,擅出漢所疑囚者。有司請誅憲王后脩及王 與女子載馳,環城過市,人牢視囚。 天子遣大行騫[四]驗王后及問王勃,請逮勃所與姦諸證 喪,棁自言憲王病時,王后、太子不侍,及薨,六日出舍,〔三〕太子勃私姦,飲酒,博戲,擊筑,

[二][集解]蘇林曰:「音奪。」 [索隱] 鄒氏一音之悦反。蘇林音奪。許慎説解字林云「他活反,字從木也」。 處房陵,上許之。

[三][索隱] 媢音亡報反。鄒氏本作「媚」。郭璞注三蒼云「媢,丈夫妒也」。又云妒女爲媢。

〔三〕集解]如淳曰:「服舍也。」

[四] 索隱一按:謂是張騫。

和,適孼誣争,陷于不義以滅國,朕甚閔焉。其封憲王子平三萬户,爲真定王,封子商三萬 勃王數月,遷于房陵,國絶。月餘,天子爲最親,乃詔有司曰:「常山憲王蚤夭,后妾不

[一] 正義 泗水,海州。

户,爲泗水王。」「一」

真定王平,元鼎四年用常山憲王子爲真定王。

泗水思王商,以元鼎四年用常山憲王子爲泗水王。十一年卒,子哀王安世立。十一年

卒,無子。於是上憐泗水王絶,乃立安世弟賀爲泗水王。

右四國本王皆王夫人兒姁子也。其後漢益封其支子爲六安王、泗水王二國。凡兒姁

子孫,於今爲六王。

銀印。 御史、廷尉正、博士,擬於天子。自吳楚反後,五宗王世,漢爲置二千石,去「丞相」曰「相」, 太史公曰:高祖時諸侯皆賦、二得自除内史以下,漢獨爲置丞相、黄金印。 諸侯獨得食租税,奪之權。其後諸侯貧者或乘牛車也。 諸侯自除

[一][集解]徐廣曰:「國所出有皆人于王也。

【索隱述贊】景十三子,五宗親睦。栗姬既廢,臨江折軸。閼于早薨,河閒儒服。 餘好宫苑,端事馳逐。

江都有才,中山褆福。長沙地小,膠東造鏃。仁賢者代,浡亂者族。 見姁四王,分封爲六。

史記卷六十

三王世家第三十

之思慮,暴骸中野無以報,乃敢惟他議以干用事者,誠見陛下憂勞天下,哀憐百姓以自忘, 察。臣去病昧死再拜以聞皇帝陛下。」三月乙亥,御史臣光守尚書令奏未央宫。制曰:「下 不敢越職而言。臣竊不勝犬馬心,昧死願陛下韶有司,因盛夏吉時定皇子位。〔三〕唯陛下幸 虧膳貶樂,損郎員。皇子賴天,能勝衣趨拜,至今無號位師傅官。陛下恭讓不恤,羣臣私望, 「大司馬臣去病(二)昧死再拜上疏皇帝陛下"陛下過聽,使臣去病待罪行閒。 宜專邊塞

[一] 索隱 霍去病也。

御史。」

[二][索隱]按:明堂月令云「季夏月,可以封諸侯,立大官」是也。

翟、「『御史大夫臣湯、「『』太常臣虎、「『』大行令臣息、「『』太子少傅臣安「《』行宗正事昧死 六年三月戊申朔,乙亥,御史臣光,守尚書令丞非,[一]下御史書到,言:「丞相臣青

世

家第三十

有號位。 廟重社稷也。今臣去病上疏,不忘其職,因以宣恩,乃道天子卑讓自貶以勞天下,慮皇子未 以報,乃敢惟他議以干用事者,誠見陛下憂勞天下,哀憐百姓以自忘,虧膳貶樂,損郎員。 請立皇子臣閎(〇旦旦、臣胥爲諸侯王。 竊不勝犬馬心,昧死願陛下詔有司,因盛夏吉時定皇子位。 唯願陛下幸察。』 皇子賴天,能勝衣趨拜,至今無號位師傅官。 上言:大司馬去病上疏曰:『陛下過聽,使臣去病待罪行閒。 臣謹與中二千石、二千石臣賀等「サ〕議:古者裂地立國,並建諸侯以承天子,所以尊宗 臣青翟、臣湯等宜奉義遵職,愚憧而不逮事。 昧死請所立國名。」 陛下恭讓不恤,羣臣私望,不敢越職而言。 方今盛夏吉時,臣青翟、臣湯等昧死 宜專邊塞之思慮,暴骸中野無 制日 『下御 臣

[索隱] 按:奏狀有尚書令官位,而史先闕其名耳。丞非者,或尚書左右丞,非其名也。

三 索隱 莊青翟也。

(三) 索隱 張湯。

索隱蓋趙充也。

(五) 索隱 李息。

[八] 索隱 任安也。

で」正義公孫賀。

⟨□[集解]徐廣田:「一作『開』。」

社稷,朕無聞焉。 制曰:「蓋聞周封八百,姬姓並列,或子、男、附庸。禮『支子不祭』。云並建諸侯所以重 且天非爲君生民也。〔〕朕之不德,海内未洽,乃以未教成者彊君連城,卽

][索隱] 左傳曰「天生蒸民,立君以司收之」,是言生人爲立君長司收之耳,非天爲君而生人也。

股肱何勸。「己其更議以列侯家之。」

|[樂解]徐廣曰:「一作『敦』,一作『勖』,一作『觀』也。」 |索隱| 謂皇子等並未習教義也。 皇子未習教義,而彊使

爲諸侯王,以君連城之人,則大臣何有所勸?

以 恩分子弟户邑,錫號尊建百有餘國。[『〕而家皇子爲列侯,則尊卑相踰,[』〕列位失序, 文終之後于酇、乙、聚厲羣臣平津侯等。乙三昭六親之序,明天施之屬,使諸侯王封君得推私 建使守藩國,帝王所以扶德施化。陛下奉承天統,明開聖緒,尊賢顯功,興滅繼絶。 竊以爲並建諸侯所以重社稷者,四海諸侯各以其職奉貢祭。支子不得奉祭宗祖,禮也。封 考顯,而伯禽以周公立,咸爲建國諸侯,以相傅爲輔。百官奉憲,各遵其職,而國統備矣。 石二千石臣賀、諫大夫博士臣安等議曰:伏聞周封八百,姬姓並列,奉承天子。 康叔以祖 垂統於萬世。 三月丙子,奏未央宫。「丞相臣青翟、御史大夫臣湯昧死言:臣謹與列侯臣嬰齊、中二千 臣請立臣閣、「馬」臣旦、「馬」臣屑「よ」爲諸侯王。」三月丙子,奏未央官。 續蕭

索隱 蕭何 謚文終也。 按:蕭何初封沛之酇,音贊。後其子續封南陽之酇,音嗟。

一六十

[索隱] 公孫弘封平津侯。平津,高成之鄉名。 正義公孫弘所封平津鄉,在滄州鹽山南四十二里也。

[三] [索隱] 謂武帝廣推恩之韶,分王諸侯王子弟,故有百餘國。

[四] [索隱] 謂諸侯王子已爲列侯,而今又家皇子爲列侯,是尊卑相踰越矣。

齊王也,王夫人子。

〔六〕[索隱] 燕王也。 漢書云李姬子。

[十] 索隱] 廣陵王也。

羣公不毛,气 己賢不肖差也。『高山仰之,景行嚮之』,朕甚慕焉。 所以抑未成,家以列侯可。」 制曰:「康叔親屬有十而獨尊者,褒有德也。周公祭天命郊,故魯有白牡、騂剛之牲。〔一〕

[一][集解]公羊傳曰:「魯祭周公,牲用白牡,魯公用騂剛。」何休曰:「白牡,殷牲也。 騂剛,赤脊,周牲也。」

[二] 集解 何休日:「不毛,不純色也。」

之位,而伯禽據國於魯,蓋爵命之時,未至成人。康叔後扞禄父之難,伯禽殄淮夷之亂。 嚮之」,朕甚慕焉。所以抑未成,家以列侯可。』臣青翟、臣湯、博士臣將行等伏聞康叔親屬 有德也。周公祭天命郊,故魯有白牡、騂剛之牲。羣公不毛,賢不肖差也。「高山仰之,景行 有十,武王繼體,周公輔成王,其八人皆以祖考之尊建爲大國。康叔之年幼,周公在三公 石、諫大夫、博士臣慶等議:昧死奏請立皇子爲諸侯王。制曰:『康叔親屬有十而獨尊者,褒 四月戊寅,奏未央宫。「丞相臣青翟、御史大夫臣湯昧死言:臣青翟等與列侯、吏二千

可易。 家皇子爲列侯,「八」臣青翟、臣湯等竊伏孰計之,皆以爲尊卑失序,使天下失望,不可。 暴。 殊俗,重譯而朝,澤及方外。故珍獸至,嘉穀興,天應甚彰。今諸侯支子封至諸侯王,「七」而 府之藏以賞元戎、「八」開禁倉以振貧窮,減戍卒之半。百蠻之君,靡不鄉風,承流稱意。遠方 定海内,封建諸侯,爵位二等。〔貳〕皇子或在綴緥而立爲諸侯王,奉承天子,爲萬世法則,不 立臣閎、臣旦、臣胥爲諸侯王。」四月癸未,奏未央宫,留中不下。 五帝異制,周爵五等,春秋三等,二〕皆因時而序尊卑。 極臨北海,「四」西(湊)〔溱〕月氏,「禹」匈奴、西域,舉國奉師。輿械之費,不賦於民。 陛下躬親仁義,體行聖德,表裏文武。顯慈孝之行,廣賢能之路。内褒有德,外討彊 高皇帝撥亂世反諸正,行司 昭至德, 臣請 虚御

鄭玄曰:「春秋變周之文,從殷之質,合伯、子、男以爲一,則殷爵三等者,公、侯、伯也。」

[三] [索隱] 春秋公羊傳文。

[三] 索隱] 謂王與列侯。

四][正義] 匈奴傳云霍去病伐匈奴,北臨翰海。

[五][正義] 溱音臻。氏音支。至月氏。 月氏,西戎國名,在蔥嶺之西也。

[长][樂解]詩云:「元戎十乘,以先啓行。」韓嬰章句曰:「元戎,大戎,謂兵車也。 衡摅之上盡有劍戟,名曰陷軍之車,所以冒突先啓敵家之行伍也。」 毛傳曰:「夏后氏 曰鉤車, 車有大戎十乘,謂車縵輪,馬被甲, 先正也。 殷日寅

車,先疾也。周曰元戎,先良也。」

三正

世家

第

三十

[4][索隱]謂立廖東王子慶爲六安王,常山王子平爲真定王,子商爲泗水王是也。

[八][索隱]時諸王稱「國」,列侯稱「家」也,故云「家皇子」爲尊卑失序。

皆如前故事。」制曰:「可。」 輔。 青翟等前奏大司馬臣去病上疏言,皇子未有號位,臣謹與御史大夫臣湯、中二千石、二千 侯臣壽成口等二十七人議,皆曰以爲尊卑失序。高皇帝建天下,爲漢太祖,王子孫,廣支 石、諫大夫、博士臣慶等昧死請立皇子臣閎等爲諸侯王。 陛下讓文武,躬自切,及皇子未 羣臣之議,儒者稱其術,或誖其心。陛下固辭弗許,家皇子爲列侯。臣青濯等竊與列 先帝法則弗改,所以宣至尊也。臣請令史官擇吉日,具禮儀上,御史奏輿地圖,行己他 丞相臣青翟、太僕臣賀、行御史大夫事太常臣亢、太子少傅臣安行宗正事昧死言:臣

一集解 徐廣曰:「蕭何之玄孫酇侯壽成,後爲太常也。」

|[索隱] 謂地爲「與」者,天地有覆載之德,故謂天爲「蓋」,謂地爲「輿」,故地圖稱「輿地圖」。 疑自古有此名,非始

漢也。

乙巳,可立諸侯王。 四月丙申,奏未央宫。「太僕臣賀行御史大夫事昧死言:太常臣元言卜人四月二十八日 臣昧死奏輿地圖,請所立國名。 禮儀别奏。臣昧死請。」

制日:「立皇子閎爲齊王,旦爲燕王,胥爲廣陵王。」

四月丁酉,奏未央宫。六年〔〕四月戊寅朔,癸卯,御史大夫湯下丞相,丞相下中二千

石,二千石下郡太守、諸侯相,丞書從事下當用者。 如律令。

[一][集解]徐廣曰:「一云元狩。」

社!〔三〕朕承祖考,維稽古建爾國家,封于東土,世爲漢藩輔。於戲念哉!恭朕之詔,惟 厥有倦不臧,乃凶于而國,害于爾躬。於戲,保國艾民,可不敬與!王其戒之。」「图〕 命不于常。人之好德,克明顯光。義之不圖,俾君子怠。[』]悉爾心,允執其中,天禄永終。 「維六年四月乙巳,皇帝使御史大夫湯廟立子閎爲齊王。曰:於戲,小子閎,〔一〕受兹青

[一] [索隱] 此封齊王策文也。又按武帝集,此三王策皆武帝手製。於戲音嗚呼。戲或音羲。

[三][樂解]張晏曰:「王者以五色土爲太社,封四方諸侯,各以其方色土與之,苴以白茅,歸以立社。」 [索隱] 蔡邕獨 玂云:「皇子封爲王,受天子太社之土,若封東方諸侯,則割青土,藉以白茅,授之以立社,謂之『茅土』。」 齊在東 方,故云青社

[]] [索隱] 謂若不圖於義,則君子懈怠,無歸附心。

[四][集解]徐廣曰:「立八年,無後,絶。」

右齊王策。

三王世家第三十

備。[f]非教士不得從徵。[lo]於戲,保國艾民,可不敬與!王其戒之。」[lo] 來,[8]降期奔師。[#]葷粥徙域,[k]北州以綏。[*] 悉爾心,毋作怨,毋俷德,[<] 毋乃廢 犯寇盗,加以姦巧邊萌。〔三〕於戲!朕命將率徂征厥罪,萬夫長,千夫長,三十有二君皆 朕承祖考,維稽古、「「」建爾國家,封于北土,世爲漢藩輔。於戲!葷粥氏虐老獸心、「三」侵 「維六年四月乙巳,皇帝使御史大夫陽廟立子旦爲燕王。曰:於戲,小子旦,受兹玄社!

[一] [索隱] 褚先生解云:「維者,度也。稽者,當也。言當順古道也。」魏高貴鄉公云:「稽,同也。古,天也。謂堯能

[二] [索屬] 按:匈奴傳曰「其國貴壯賤老,壯者食肥美,老者食其餘」,是虐老也。 韋昭云:「此,民也。」三倉云:「邊人云甿。」

同天。」

四] 集解] 張晏曰:「時所獲三十二帥也。」

[五][樂解]如淳曰:「偃其旗鼓而來降。」 去之也。如淳云卽昆邪王偃旗鼓降時也。若如此意,則三十二君非軍將,蓋戎狄酋帥時有三十二君來降也。 [索隱] 漢書「君」作「帥」,「期」作「旗」。 而服虔云以三十二軍中之將,下旗

[六][集解]張晏曰:「匈奴徙東也。」

[中][集解] 臣瓚曰:「綏,安也。」

[八] 樂解] 徐廣曰:「俷,一作『菲』。」 [索隱] 無菲德。蘇林云:「菲,廢也。本亦作『俷』,俷,敗也。」 孔文祥云:「菲,

薄也。」漢書作「棐」。 [正義] 俷音符味反。

[九][索隱]褚先生解云:「言無乏武備,常備匈奴也。」

[10] [樂解] 張晏曰:「士不素習,不應召。」 [索隱] 韋昭云:「士非素教習,不得從軍徵發。故孔子曰『不教人戰,是謂

弃之』是也。」褚先生解云:「非習禮義,不得在其側也。」

[二] [樂解] 徐廣曰:「立三十年,自殺,國除。」

右燕王策。

社!朕承祖考,維稽古建爾國家,封于南土,世爲漢藩輔。古人有言曰:『大江之南,〇〇五 湖之閒,行己其人輕心。 楊州保疆,行司三代要服,不及以政。』於戲!悉爾心,戰戰兢兢,乃 惠乃順,毋侗好軼,毋邇宵人,〔□〕維法維則。,書云『臣不作威,不作福』,靡有後羞。於戲, 保國艾民,可不敬與!王其戒之。」「點」 「維六年四月乙巳,皇帝使御史大夫湯廟立子胥爲廣陵王。曰:於戲,小子胥,受兹赤

[一] 正義 謂京口南至荆州以南也。

[]][樂解]徐廣曰:「一作『攝』。」駰案:李奇曰「保,恃也」。 [二] [索隱] 按:五湖者,具區、洮滆、彭蠡、青草、洞庭是也。 或曰太湖五百里,故曰五湖也。

[四][樂解]應劭曰:「無好逸游之事,邇近小人。」張晏曰:「侗音同。」 索隱 侗音同。 褚先生解云:「無好軼樂馳騁

Ξ

戈獵。邇,近也。宵人,小人也。」鄒氏宵音謖,謖亦小人也。或作「佞人」。

[五][集解]徐廣曰:「立六十四年,自殺。」

右廣陵王策。

以褎親親,序骨肉,尊先祖,貴支體,廣同姓於天下也。是以形勢彊而王室安。自古至今, 臣守義,文辭爛然,甚可觀也,是以附之世家。 所由來久矣。非有異也,故弗論箸也。」燕齊之事,無足采者。然封立三王,天子恭讓,羣 太史公曰:古人有言曰「愛之欲其富,親之欲其貴」。 故王者壃土建國,封立子弟,所

觀,求其世家終不能得。竊從長老好故事者取其封策書,編列其事而傳之,令後世得 褚先生曰:臣幸得以文學爲侍郎,好覽觀太史公之列傳。 傳中稱三王世家文辭可

觀賢主之指意。

國治民,可不敬與!王其戒之。」夫賢主所作,固非淺聞者所能知,非博聞彊記君子 因子才力智能,及土地之剛柔,人民之輕重,爲作策以申戒之。謂王:「世爲漢藩輔,保 蓋聞孝武帝之時,同日而俱拜三子爲王:封一子於齊,一子於廣陵,一子於燕。

者所不能究竟其意。至其次序分絶,文字之上下,簡之參差長短,皆有意,人莫之能知。

謹論次其真草詔書,編于左方,令覽者自通其意而解説之。

之,使使者拜之曰:「皇帝謹使使太中大夫明奉璧一,賜夫人爲齊王太后。」子閎王齊, 萬户,天下膏腴地莫盛於齊者矣。」王夫人以手擊頭,謝曰:「幸甚。」王夫人死而帝痛 武庫敖倉,天下衝阸,漢國之大都也。先帝以來,無子王於雒陽者。去雒陽,餘盡可。」 帝曰:「雖然,意所欲,欲於何所王之。」」王夫人曰:「願置之雒陽。」武帝曰:「雒陽有 王夫人不應。武帝曰:「關東之國無大於齊者。齊東負海而城郭大,古時獨臨菑中十 年少,無有子,立,不幸早死,國絶,爲郡。天下稱齊不宜王云。 自臨問之。曰:「子當爲王,欲安所置之。」 王夫人曰: 「陛下在,妾又何等可言者。」 王夫人者,趙人也,與衞夫人並幸武帝,而生子閎。閔且立爲王時,其母病,武帝

之。春秋大傳曰:「天子之國有泰社。東方青,南方赤,西方白,北方黑,上方黄。」故將 封於東方者取青土,封於南方者取赤土,封於西方者取白土,封於北方者取黑土,封於 土。主土者,立社而奉之也。「朕承祖考」,祖者先也,考者父也。「維稽古」,維者度 上方者取黄土。各取其色物,裹以白茅,封以爲社。此始受封於天子者也。 所謂「受此土」者,諸侯王始封者必受土於天子之社,歸立之以爲國社,以歲時祠 此之爲主

也,念也,稽者當也,當順古之道也。

顯光。 國,而害于岩身」。 齊地多變詐,不習於禮義,故戒之曰「恭朕之詔,唯命不可爲常。 人之好德,能明 不圖於義,使君子怠慢。 齊王之國,左右維持以禮義,不幸中年早夭。 悉若心,信執其中,天禄長終。 然全身無過, 有過不善,乃凶于而 如其策

内;誠燕王以無作怨,無俷德;(二)誠廣陵王以慎外,無作威與福 [索隱]本亦作「肥」。案:上策云「作菲德」,下云「勿使王背德也」,則肥當音扶味反,亦音匪。 傳曰「青采出於藍,而質青於藍」者,教使然也。 遠哉賢主,昭然獨見:誠齊王以慎

意

湖有魚鹽之利,銅山之富,天下所仰。 維法是則。 以立聲譽,爲四方所歸也。又曰「臣不作威」者,勿使因輕以倍義也。 三代之時,迫要使從中國俗服,不大及以政教,以意御之而已。 夫廣陵在吳越之地,其民精而輕,故誡之曰「江湖之閒,其人輕心。 無長好佚樂馳騁弋獵淫康,而近小人。常念法度,則無羞辱矣」。 故誠之曰「臣不作福」者,勿使行財幣,厚賞賜, 無侗好佚, 楊州葆疆, 無邇宵人, 三江、五

會孝武帝崩,孝昭帝初立,先朝廣陵王胥,厚賞賜金錢財幣,直三千餘萬,益地百

里,邑萬户。

會昭帝崩,宣帝初立,緣恩行義,以本始元年中,裂漢地,盡以封廣陵王胥四子:一

子爲朝陽侯、[1]一子爲平曲侯、[1]一子爲南利侯、[1]最愛少子弘,立以爲高密

王。四二

[一][正義]括地志云:「朝陽故城在鄧州穰縣南八十里。應劭云在朝水之陽也。」

[三][正義]地理志云平曲縣屬東海郡。又云在瀛州文安縣北七十里。

[三][正義]括地志云:「南利故城在豫州上蔡縣東八十五里。」

四][正義] 括地志云:「高密故城在密州高密縣西南四十里。」 其後胥果作威福,通楚王使者。 楚王宣言曰:「我先元王,高帝少弟也,封三十二

城。 元王時。」事發覺,公卿有司請行罰誅。天子以骨肉之故,不忍致法於胥,下詔書無治 土地教化使之然也。其後胥復祝詛謀反,自殺,國除。 廣陵王,獨誅首惡楚王。 傳曰「蓬生麻中,不扶自直、「〕白沙在泥中,與之皆黑」者, 今地邑益少,我欲與廣陵王共發兵云。〔立〕廣陵王爲上,我復王楚三十二城,如

[一][索隱]已下並見荀卿子。

竊盗侵犯邊民。 燕土墝埆,北迫匈奴,其人民勇而少慮,故誡之曰「葷粥氏無有孝行而禽獸心, 朕詔將軍往征其罪,萬夫長,千夫長,三十有二君皆來,降旗奔師。

粥徙域遠處,北州以安矣」。「悉若心,無作怨」者,勿使從俗以怨望也。「無俷德」者,勿 使(上)[王]背德也。「無廢備」者,無乏武備,常備匈奴也。「非教士不得從徵」者,言非

習禮義不得在於側也。

|武見其書,擊地,怒曰:「生子當置之齊||魯禮義之鄉,乃置之||燕趙, 果有争心, 不讓之端 會武帝年老長,而太子不幸薨,未有所立,而旦使來上書,請身入宿衞於長安。孝

益下,心恐。公户滿意習於經術,最後見王,稱引古今通義,國家大禮,文章爾雅。「則 之。漢家有正法,王犯纖介小罪過,卽行法直斷耳,安能寬王。」驚動以文法。 往使燕,風喻之。〔三〕到燕,各異日,更見責王。宗正者,主宗室諸瀏屬籍,先見王,爲列 昭帝緣恩寬忍,抑案不揚。公卿使大臣請,遣宗正與太中大夫公户滿意、御史二人,偕 叛逆,出言曰:「我安得弟在者!〔一〕今立者乃大將軍子也。」欲發兵。事發覺,當誅。 見矣。」於是使使即斬其使者於闕下。 也。「『」周公輔成王,誅其兩弟,故治。 謂王曰:「古者天子必内有異姓大夫,所以正骨肉也,外有同姓大夫,所以 正 異 族 陳道昭帝實武帝子狀。侍御史乃復見王,責之以正法,問:「王欲發兵罪名明白, 會武帝崩,昭帝初立,旦果作怨而望大臣。自以長子當立,與齊王子劉澤等謀爲 武帝在時,尚能寬王。今昭帝始立,年幼,富於 當坐

春秋,未臨政,委任大臣。古者誅罰不阿親戚,故天下治。方今大臣輔政,奉法直行, 無敢所阿,恐不能寬王。王可自謹,無自令身死國滅,爲天下笑。」於是燕王旦乃恐懼

服罪,叩頭謝過。大臣欲和合骨肉,難傷之以法。

一〕[索隱]案:昭帝,鉤弋夫人所生,武帝崩時,年纔七八歲耳。 胥、旦早封在外,實合有疑。然武帝春秋高,惑於内 子道不順。 寵,誅太子而立童孺,能不使胥、旦疑怨。亦由權臣輔政,貪立幼主之利,遂得鉤弋子當陽。斯實父德不弘,遂令 然犬各吠非其主,太中、宗正,人臣之職,又亦當如此。

[三] [索隱] 宗正,官名,必以宗室有德者爲之,不知時何人。 公户姓,滿意名,爲太中大夫。是使二人,又有侍御史二

人,皆往使治燕王也。

[11] [索隱] 爾,近也;雅,正也。其書於「正」字義訓爲近,故云爾雅。相承云周公作以教成王,又云子夏作之以解詩

書也。

[四][索隱]按:内云有異姓大夫以正骨肉,蓋錯也。「内」合言「同姓」,宗正是也。「外」合言「異姓」,太中大夫是也。

抑我」云云。大將軍光輔政,與公卿大臣議曰:「燕王旦不改過悔正,行惡不變。」於是 其後旦復與左將軍上官桀等謀反,宣言曰「我次太子,太子不在,我當立,大臣共

忍致法,寬赦旦妻子,免爲庶人。傳曰「蘭根與白芷,漸之滫中,「二君子不近,庶人不 脩法直斷,行罰誅。 旦自殺,國除,如其策指。 有司請誅旦妻子。 孝昭以骨肉之親,不

服」者,所以漸然也。

三王世家第三十

[一] [樂解] 徐廣曰:「滫者,淅米汁也。 音先糾反。」 也。滫讀如禮「滫溲」之「滫」,謂洗也,音思酒反。 [索隱] 白芷,香草也,音止,又音昌改反。 漸音子潛反。漸,濱 [正義] 言雖香草,以米汁漬之,無復香氣。 君子不欲附近,

庶人不服者,爲漸漬然也。以旦謀叛,君子庶人皆不附近。

宣帝初立,推恩宣德,以本始元年中盡復封燕王旦兩子: 一子爲安定候,「二立燕

故太子建爲廣陽王,口己以奉燕王祭祀。

][正義]漢表在鉅鹿郡。

[三][正義] 括地志云:「廣陽故城今在幽州良鄉縣東北三十七里。」

【索隱述贊】三王封系,舊史爛然。褚氏後補,册書存焉。去病建議,青翟上言。天子沖挹,志在急賢。

太常具禮,請立齊燕,園國負海,旦社惟玄。宵人不邇,葷粥遠邊。 明哉監戒,式防厥愆。

